
Тоғлик қиз қисмати
Набижон Хошимов

Одамийлик, тақдирлар үйини, ҳамюртлар ўртасидаги инсоний муносабатлар, замонамиз ёшлари ўртасидаги соф ва самимий муҳаббат, миллий қадрият ва урфа-анъаналаримизга чексиз ҳурмат, ота-онага эҳтиром тобора тараққий этаётган озод ва обод ватанин эъзозлаш каби туйгулар мазкур асарнинг диққат марказида туради.

Уни мутолаа қилар экансиз ўзингизни она-юртимизнинг мафтункор тоғларида, бутакрор миллий удумларимиз сафида, кўрасиз, қолаверса, Красноярск ўлкасининг гўзал гўшаларида ҳам лирик ва миллий қўшиқларимиз қанотида сокин парвоз қиласиз.

Асар “Тоғлик қиз қисмати” деб аталсада, аслида у уч замондошлиларимиз спортчи, чегарачи ва тадбиркор ёшларининг тақдирни ҳақида бўлиб, реал воқеаларга асосланган.

Лойиҳа муаллифлари: Неъматжон Хошимов ва Марҳабо Сафоевалар

Тақризчилар: Ориф Фармон (адиб) ҳамда Ўқтамой Холдорова (шоира), Ўзбекистон Ёзувчилар уюшмасининг аъзолари.

Асарда Ўзбек халқ ижодиёти Фарғона халқ терма қўшиқлари, шунингдек, шоира Марҳабо Сафоеванинг шеърларидан фойдаланилди.

ОҚШУВОҚЛАР НОЛАСИ

(муқаддима ўрнида)

Бу йил Чотқол тоғларига куз барвақт келди. Ариқбўйи қишлоғидан то Қумлой тепаликларигача ястаниб ётган, баҳорда лолақизғалдоқлардан алвони гилам қопланадиган тоғ олди даштликларида етилган оқшувоқлар изғирин шабодасида майин увиллади. Уларнинг ноласи сирли, ситамли бўлиб, гўё маъсума аёлнинг қайгули йиғисига ўхшаб кетади. Қирра тошли, қора ўркачли тоғлар сари чиқиб борар экансиз, негадир бутун Терагистон дарасининг мағрур қоялари ҳам боши куйи эгилгандек, масрур кўринади. Али Қурбон булоги атрофида қадди буқчайиб, сийрак бутоқлари билан гўё чўйкалаб қолган кекса ўриклар янада баландроқ фарёд чекмоқчидай туюлишади, Усмон ота тош қўрғонидаги азим ёнгоқзорларга тўшангандар эса, маҳзун шилдирайди.

Оқшувоқлар бугун бежиз нола қилмаётган, мағрур қояларнинг бошлари бекорга эгик, кекса ўрикларнинг фарёди ҳам еру-кўкни бесабаб тутмаётганди. Иллоҳ, ўша нолалар тоғ ёнбағридаги бепоён кенгликлар бўйлаб Ариқбўйи қишлоғининг осмони узра сокин парвоз қилишар ва марҳум Шокарим ота ҳовлисидан чиқаётган мунгли қайғу овозларига ҳамоҳанг қўшилиб, бутун еру кўкни ларзага соларди.

Бугун бундан ўн йил муқаддам оғир инфаркт хасталигини бошидан ўтказган ва тажрибали шифокорларнинг «Агар мўжиза юз бермаса, узоқ яшай олмайди» деган хулосаларидан сўнг ниҳоят Руқия хола ҳам бу боқий дунёни тарқ этди. Руқия хола Хасан-Хусан ўғиллар, Гулчирой ва Гулҳайри исмли қизларнинг оқила онаси эди. Бу нохуш хабар тезлиқда узоқ-яқин қариндошларга етказилди. Келини Муштарий бўлса дарҳол Россияда ишлаб юрган қайноғаси Хасанга зудлик билан қўнғироқ қилиш ниятида туман марказига шошилди.

Телефон алоқа станциясида одам гавжум эди. Шундай бўлсада, аёлнинг илтимосига кўра, Красноярскни тезлиқда улаб беришди.

– ... Бўпти Муштарий, ҳаммасини тушундим. Айтинг, онамни чиқаришмай туришсин. Мен шу бугуноқ етиб бораман. Ҳусанни ҳам бирга қўшиб дафн қиламиз, – деди Хасан шоша-пиша.

Муштарийнинг овози титраб кетди:

– Алло, унда Ҳусан акамга ҳам аза очаверайликми?

– Ҳа, очаверинглар... Мабодо кеч қолсам амакимга бўлган ишни ўзингиз бафуржга тушунтиринг. Қабр ҳам қўшалоқ бўлсин. Мени кечгача кутинглар, хўпми, алло?...

– Хўп... – дея олди Муштарий аранг.

У ичидан гўё бир кучли босим билан чиқиб келаётган аламини аранг тийиб туаркан, бундан ўн йил аввал ҳалок бўлган турмуш ўртоғи Ҳусан ҳақида қайфурмокда эди. Инчунун Ҳасан акаси билан бўлган ўзаро келишувга кўра, эрининг ўлимини bemor қайнонаси Руқия холадан яшириб ўтказган уқубатли умри, фарзандларига айтиб келаётган ёлғонларию, хазон бўлган ёшлиги ҳақида ўйлаб, гўшакни қўйиб-қўймай кабина ичидаги беихтиёр ўтириб қолди-да, келин қилиб тушириб келинган тош йўл бўйидаги ўша оқшувоқлар каби мунгли, аммо унсиз нола қилиб, ўзидан кетди.

Одамлар унга ёрдамга шошилишди уни ўзига келтириб машинага ўтқазиб қишлоғига жўнатиб юборишиди.

* * *

Йифилган аёллар «Вой онам!» деб фарёд қилишар, йиғи-сиги товуши еру кўкни тутарди. Муштарий аввалига бироз улар билан қўшилишиб йиғлаган бўлди. Сўнгра кутилмагандан ичкарига чопиб кириб кетди. Кўп ўтмай эри Ҳусаннинг кулиб турган фотосурати билан доим кийиб юрадиган спортча кийимини кўтариб чиқди ва уларни тўғри Руқия хола жасадининг боши томонга жойлаштириди. Йиғи-сигилар овози бир сония таққа тўхтагандай туюлди. Ҳамма ҳайрон эди. Чунки Муштарий дабдурустдан «Вой тўрам!» дея дод сола бошлаганди.

Келинпошшанинг бундай ноўрин, нохуш харакати барча аёлларни танг қолдирди. Тазияга дарвоза олдига тўпланаётган эркаклар ҳам бир-бирларига маъноли қараб олишиб, ҳайрон елка қисиб қўйишиди. Қулоғи оғироқ бир мўйсафид ёнида турган ҳаммаҳалласидан, ҳатто, «Ким ўлибди, ўзи? Шокаримнинг хотиними ё ўғлими?» деб ҳам сўради. «Хар иккиси ҳам» деб юборишдан ўзини аранг тийиб қолган қўшни киши «Астағбурууллоҳ...» дедиую хушёр тортди. Муштарий бўлса тинимсиз сўзлаб нола қилас: бир гал «Вой онам!» деса, бир гали «Вой тўрам!» дея дод соларди. Унинг сўзларини тобора фаҳмлай бошлаган азадор аёллар энди сергакланишиб, Муштарийнинг атрофига жамлана бошлашиди. Муштарий тинимсиз фарёд чекарди:

– Фарзандларининг бахти-камолини қўрмаган-а, вой тўрам!

Ўн йил онангизни кўролмадингиз-а, вой тўрам!

Ўн йил болангизни кўролмадингиз-а, вой онам!

Вой, мен гуноҳкор қизингизни кечиринг-га, вой онам!

Уйларида ўйнаб кулган, вой тўрам,

Ёрим десам оғзим тўлган, вой тўрам,

Гўдакларин менга ташлаба, вой тўрам,

Умрини тамом қилган, вой тўрам!

– Ҳой-ҳой, вой-вой, нималар деяпти у?! «Ҳой келинойи, сизга нима бўлди? Нега унақа деяпсиз?! Нима бало акажонимният ўлдига чиқариб қўяпсизку!» – деди ниҳоят Гулчирой жаҳли чиқиб, – Оғзингизга унақа кўп эрк бераверманг!

– Вой ўлмасам, нима гап? – дея гапга аралашди Муштариининг онаси Саломат хола ҳам хайратланиб.

У қудачисининг вафотидан хабар топгач, тогдан биринчилар қаторида тушиб келганди. Саломат хола тинимсиз куйиб йиғлаётган қизини аввалига тезлик билан иссиқ бағрига олди ва «Бўлди, бас қил. Юрчи, ичкарига кирайликчи. Мундок ўзинг тушунтириб берчи...» деди-да, уни хоналардан бири томон етаклади. Чин юракдан куйиб-пишаётган қизини бу ахволда кўриш муштипар онанинг дилини вайрон қилганди.

Гулчирой, Гулҳайри ва бир неча аёллар уларнинг кетидан шоша-пиша эргашишди. Аёллар бир неча сония танаффус қилгандек азани бас қилишди. Орага оғир, аммо сирли сокинлик ҳукм сурди. Бир пайт ичкаридан Гулҳайри отилиб чиқди-да, эркаклар турган дарвоза томон «Амакиҷон!!!» дея изтиробли ҳитоб қилди ва юз-қўзини юлиб дод сола бошлади.

– Ҳа-ҳа, тинчликми жиян, нима бўлди?! – дея шошиб келди Нодирбек ака.

– Акам!... – дедиую гапи томоғига тиқилиб бошқа гапиролмади ва «тез боринг!» дегандай Муштариилар кириб кетган хона томон ишора қилди.

Ичкарида аёллар пиқиллаб йиғлаб ўтиришарди. Нодирбек воқеа тафсилотини ўзини анча тутиб олган Саломат холадан эшитди. Эшитди-ю, лол қолди.

– Нима, Ҳусан-а?... Ўн йил аввал?! Ё алҳазар!... Бу қандай кўргулик бўлди?!. – деди у ҳайратдан лол қолиб ва бошини чанглаб тиззалаб ўтириб қолди. – Нега? Нега бу хақида ўз вақтида айтмадингиз? Нега буни биздан яширдингиз, синглим?!...

– Хасан акам илтимос қилувдилар, – деди Муштариий пиққиллаб, – “Ҳусаннинг ўлганини онамлар асло эшитмасинлар, эшитсалар юраги дош беролмай нобуд бўладилар”, дегандилар...

– Нима?! – дея қичқирди Гулчирой таажубда, – Ахир Ҳусан акам ҳар йили келиб-кетиб туардиларку!...

– Ҳа, бир Ҳасан бўлиб, бир Ҳусан бўлиб... У киши Ҳасанакамнинг ўзлари эди.

Ичкарида нима гап эканига қизиқиб эшик олдида қулоқ тутиб турган бир тўда аёллар «Воҳ!» деб юборишиди.

– Вой-вой, унда болаларингизчи?... – ажабланиб қичқирди Гулҳайри.

– Ҳасан акам болаларимнинг бир оталари бўларди, бир амакилари... деди Муштарий ерга қараб.

Гулчирой ёмон фикрга бордими, Муштарийнинг ортидан унга янчиб ташламоқчи бўлган қоплондай олайиб назар ташлади. Нодирбек буни сезди шекилли, қизнинг елкасига «ўзингни бос» дегандай қўлини кўйди.

– Муштарий бизга мундоқ тушунтириб беринг. Бу ёлғондан муддао нима эди? Бизлар ахир ҳозир марҳумнинг шундоқ тепасида турибмиз-а... Эҳтимол марҳум Шокарим акамнинг, агар рост бўлса, марҳум Ҳусанбойнинг руҳлари ҳам бизга термулиб туришган бўлишса ажабмас, – деди Нодирбек. – Энди бу ёғига ёлғон аралашмаслиги керак. Йўқса марҳумларнинг руҳлари бизни тинч қўйишмайди, қолаверса, икки дунёда ҳам бизни кечиришмайди.

Саломат хола бошини соат капкиридай тебратиб, қизини жавоб беришга ундини. Муштарий бошини кўтарди ва Нодирбекнинг кўзларига намли кўзлари билан тик боқди.

– Бу ишлардан муддао факат қайнонамнинг умрларини узайтириш бўлганди, холос. Натижаси мана аён бўлиб турибди: улар яна ўн йил кўп яшадилар. Она учун фарзанд ҳаётининг гулидир. Ана шу гулни яна ўн йил туйиш у кишига насиб этди. Мен, Ҳасан акам иккимиз Ҳусан акамнинг ўлимини қаттиқ сир тутдик. Қанчалар азоб тортганим факат Яратгангагина аён холос. Лекин бугун марҳум Ҳусан акамга ҳам аза очмасак бўлмайди, ака... Ҳадемай Ҳасан акам етиб келадилар. Кейин нима бўлганини сизларга ўзлари бафуржга тушунтириб берадилар.

Тўпланганлар Муштарийнинг маъюс гапларини эшитиб ўзларини энди тутиб туришолмади, “Дод” деб юборишиди. Уй ичкарисидан чиқаётган фарёд овозига ташқаридагилар овози ҳамоҳанг бўлиб қўшилиб, шундай жўровоз ҳайқириқ, фарёд бошландик, марсия садолари Ариқбўйи осмонини титратиб тоғлар сари оғир парвоз қила бошлади ва изғирин шамоллардан аламли тебранаётган оқшувоқларнинг мунгли нолаларига қўшилиб то Терагистон дарасининг боши эгик қоялари қадар етиб борди.

Букчайиб қолган кекса ўрикларнинг қуриган шохлари бўлса янада илтижоли, изтиробли “кўл чўзарди”...

I—ҚИСМ МАҒЛУБЛАР. ТОҒ ҚИЗИ

Муштарий тоғ бағрида, катта бобосидан авлоддан авлодга мерос бўлиб ўтиб келаётган Усмон ота қўрғонида ўсиб улғайди. Отаси Сарбардин ака асли қипчоқ қавмидан, моҳир чўпонлардан эди. Онаси Саломатхон қўтондаги уй юмушлари билан тинимсиз банд бўлиб, тонг ёриша бошлиши биланоқ сигир ва эчкиларини соғар, нон ёпар, таппи қилар, кувда қаймоқ ийлар, сут қайнатиб қатик уотар, сузма, пишлок, куртлар тайёрлар ва тинимсиз бошқа уй-рўзгор ишларини бажарап, жун рўмол тўқир ва ҳар оқшом тоғдан ҳориб-чарчаб келган эрини ювиб-тарар, болаларига қаради. Тоғда электр чироғи бўлмагани учун улар барвақт ётиб, эрта туришар, тоғу тошда дунёнинг ишларидан деярли бехабар жуда оддий умргузаронлик қилишарди.

Муштарий мактаб ёшига етганида уни Ариқбўйилик холасиникига ташлаб келишди. У синглиси Сурайё билан фақат дам олиш ва таътил кунларигина тошқўтонга келишар, баъзан оталари отлиқ бориб улардан хабар олиб, қайтишда бозордан зарурӣ нарсалар билан қайтарди.

Муштарий болалигидан тоғма-тоғ қўй-эчкиларни боқиб, мусаффо ҳаводан тўйиб, фақат суту қатик ичиб улғайганиданми, ўзининг чаққонлиги, шаддодлиги, қолаверса, иқтидорли экани билан бошқа тенгдошларидан кескин ажралиб турарди. Айниқса, спорт мусобақаларида, миллий ўйинлар ўйналганида, рақс кечалари, шеърий мушоиралар бўлганида унга тенг келадигани йўқ эди. Баъзан Ариқбўйи, Фова, Балиқчи, Маданият қаби қўшни қишлоқларнинг ёшлари билан ҳам беллашувлар бўлиб турарди. Наврўз кунлари бўлса, тўрттала қишлоқнинг ёшу қариси тоғ ёнбағрида лолақизгалдоқлар билан қопланадиган алвон даштлару ям-яшил тоғларга ҳалқ сайлига чиқишар, бу жойларда асосан, тўрттала қишлоқ вакиллари иштирокида миллий ўйинлар ва спорт мусобақалари ўtkазиш доимий анъанага айланиб қолганди. Баъзан улоқ, кураш, от ва эшак пойгаларида, айниқса, футбол мусобақаларида иштирок этиш учун Олмос, Чуст, Тўракўргон ва Попдан меҳмонлар, таниқли ҳофизу хонандалар ташриф буюришарди. Ҳар бир қишлоқ жамоаси ўз худудига яқин хушманзара жойларда сайлга келганлар учун хўқиз сўйиб,

дошқозонларда сумалак ва бошқа миллий таомлар тайёрлашарди. Ҳар бир қишлоқнинг ўз ўйин гурухлари бўлиб, аввалига уларнинг сардорлари, қишлоқ оқсоқоллари, ҳакамлар кенгашиб бўлгуси мусобақалар тартиби, қўйиладиган совринлар хақида кенгашиб олишарди.

Йиллар ўтиб Муштарий улғайиб, 9-10 синфга ўқиб юрган кезларида элга танилди ва Маданият қишлоғининг гуруҳ сардорига айланди. У нафақат чаққон спортчи балки, моҳир ташкилотчи, гўзал ва латофатли қиз эди. Баъзилар ҳазиллашиб, кинодагидек уни «Спортчи, комсомол, соҳибжамол!» деб ҳам чиқаришарди. Аммо бошқа қишлоқларнинг сардори турли ёшдаги йигитлар бўлиб, Ариқбўйиники Хасан, Ғованики Тўлқинбек, Балиқчиники Бекмирза исмли деган йигитлар эди.

Муштарий бошқа қизлардан фарқли ўлароқ, деярли барча мусобақаларда, ҳаттоқи футбол, от пойгасида ҳам ўзи иштирок этар, унинг «Ҳа бўл!», «Ташла!», «Ҳайда!», «Кўтар!», «Ур!» дея ҳаяжон билан қичқиришлари алоҳида овозда жаранглаб турарди. У факат Фарғонача курашдагина иштирок этмас, чунки унга муносиб қиз бола рақиб топилмасди. Шундай бўлсада, «Кўтар!», «Бос!» дея қичқириб ўз жамоасидаги курашчини рағбатлантириб, томошабинларни олқишилаб туришга даъват этарди.

Қизнинг бундай кескин ажralиб туриши, унинг тез орада эл оғзига тушиши, баъзи мусобақаларда ғолиб бўлиши ёки жамоасини ғалабага олиб кела олиши баъзи абжир йигитларнинг ҳам эътиборидан қолмаслиги кундай равshan эди, албатта. Ана шундай чабдаст йигитлардан бири Ғова сардори Тўлқинбек бўлиб, у ҳар сафар от пойгасида Муштарий билан беллашишни хуш кўрарди. Унинг арабий оти қизницидан кўра чаққонроқ бўлсада, отлар деярли тенгма-тeng чопишар, финишга етиб келганида ё ютар, ё “атайин” ютқазарди. Қизнинг қамчи уриб қичқиришлари, қора соchlарининг байроқ мисоли сокин ҳилпираши, нозик жуссасининг эгар устида енгил қўтарилиб тушиши Тўлқинбекни маҳлиё қилганди. Бу нозик ҳолатларни англааб қолган Ариқбўйи сардори Хасаннинг эса Тўлқинбекга нисбатан негадир ғайри келарди.

Хасан ҳам Муштарийни ёқтирас, қизни беихтиёр зимдан кузатиб юарди. Тўлқинбекнинг мақсади мусобақада ё ўзи ғолиб бўлиш ёки Муштарийни ғолиблик поғонасига олиб чиқиш бўлиб, у қиз учун ҳам рақиб, ҳам хайрҳоҳлик қиласарди.

Тўлқинбекнинг тобора Муштарий томон яқинлашишга бўлган саъии ҳаракатлари, қолаверса, унинг ҳуда-бехуда гап отиши ва қочиримлар қилиши Хасаннинг жигибийронини чиқара бошлади. Кураш мусобақасида унинг ўзи билан беллашиб, эзив

ташлашни, футболда бўлса, боплаб жуссасига калла қўйишни, улоқ пайтида эса пайт топиб қамчи билан тоза савалашни ва шунга ўхшаш жазоларни ўзича режалаштириб юради. Аммо ғовалик Тўлқинбек ҳам анойи йигитлардан эмасди. У ҳам тоғда ўсган, кўркам ва бақувват эди. Эҳтимол, шунинг учун ҳам у бошқа йигитлардан кескин ажралиб турар, Муштарийга ҳам унинг шу жиҳатлари маъқул бўлиб, унинг тимсолида худди эртаклардагидек, ўқтам ва паҳлавон йигитни кўраётган бўларди. Хасан ҳам, албатта, жисмонан Тўлқинбекдан қолиши масада, ҳамон Муштарий билан ҳамон яқин мулоқотда бўлмаганди.

Аммо икки йигит ўртасидаги рақобат тобора кескин тус олиб, келгусида тақдир уларни турли томонларга аёвсиз улоқтириб ташлаши, айниқса, Муштарийнинг изтиробли ва аччиқ қисмат кутаётгани унинг етти ухлаб тушларига ҳам кирмаганди.

Ўқувчилик даврида Муштарий Хасаннинг укаси Хусан ҳақида умуман эшитмаган ва уни танишмас ҳам эди. Бир күш уясида икки хил полапон бўлгани каби эгизак ака-укалар бир-бирларига жуда ўхшасалар-да, Хусан акасининг ғирт тескариси, дангаса, камгам ва ёввойи бўлиб улғайди. У спорт мусобақаларида, ҳалқ сайилларида қатнашишни хушламас, томошаларга ҳам эл қатори оддий томошабин сифатида Хасаннинг сояси каби борар, ўйинларга деярли бефарқ қарап, ким ғолибу ким мағлуб, уни асло қизиқтирмас ва ғалаба шукуҳидан завқланмасди. У абжир қиз Муштарийни ilk бор ўша мусобақаларда кўрган ва одамлардан қиз ҳақида ижобий таърифлар эшитганди.

* * *

Хасан бу сафар ҳам Тўлқинбек Муштарийга от пойгасида атайин ютқазганини сезиб қолди. У ғалаба нашидасида завқланиб қийқираётган Муштарийга эътибор ҳам бермай, пишқириб, баданидан ҳовур чиқиб турган отлар оралаб Тўлқинбекнинг рўпарасига келиб тўхтади.

- Менга қара, Тўлқин. Сен нега пойгада атайин ютқаздинг? – деб сўради Хасан бетоқат отининг юганини ўзига тортаркан.
- Ишинг бўлмасин! Бор, тошингни тер, – деди Тўлқинбек гезариб.
- Сен ғирромлик қилдинг!
- Ютқаздим-ку, ахир!
- Ҳа, атайин.
- Бу менинг ишим, билдинг?

– Бу ерни спорт майдони дейдилар ҳалол ўйнашинг керак. Шахсий ишингни бошка жойда қиласан.

– Сен бола жигимга тегма! Муштлашсанг, юр муштлашаман.

– Сен билан муштлашиб аҳмоқ бўлибманми. Истасанг кураш тушамиз. Мағлуб бўлсанг, пойгода атайин ютқазганингни кўпчилик олдида тан оласан. Ғолиб бўлсанг мен сендан узр сўрайман, келишдикми? – деди Хасан типирчилётган отининг юганини ўзига тортаркан.

– Келишдик, – деди Тўлқинбек совуққина ва отига қамчин босиб чоптириб кетди.

Улар кураш майдонига чиқиши. Муштари ҳам эл қатори икки сардорнинг режадан ташқари беллашувига катта қизиқиш билдириди. Аммо уларнинг нима сабабдан баҳслашиб қолишгани ва кураш майдонига қай йўсинда кириб келганларидан бехабар бўлиб, от пойгасидаги ғолиблик нашъасидан сархуш эди.

Сардорлар ўртасида совринсиз кураш бошланди. Кураш ишқибозларидан бўлган бир мўйсафид уларга ҳакамлик қиладиган бўлди. Бу қизиқарли мусобақа ҳақидаги гап теварак атрофга тез ёйилди ва ишқибозлар майдон айланаси бўйлаб тўплана бошлашди. Рақиблар белбоғни қўлларига маҳкам ўрагач, ҳакам уларни бир қатор текшириб кўрди.

– Эҳтимол, менга ҳам атайин йиқилиб берарсан-а? – шивирлади Хасан Тўлқинбекнинг ғашига тегиб.

– Аҳмоғинг йўқ, – деди Тўлқинбек ва Хасанни бир силташдаёқ кўтариб ташламоқчи бўлди. Лекин Хасан усталик билан бир оёғини тираб ўзини ҳимоя қилиб қолди.

– Ҳа, Тўлқинбек ака, бўш келманг! Ҳа, Хасан ака сиз ҳам! – дея Муштариининг жарангдор қийқириғи кела бошлади.

Бошқалар ҳам «Ҳая-ҳая!» қичқиришар, аммо Муштариининг овози ҳар икки йигит қулоғига ниш каби санчилмоқда эди. Тўлқинбекда, албатта, ғолиб бўлиб Муштариига ўзини кўрсатиб қўйиш иштиёқи баланд бўлса, Хасан орият, ҳалоллик учун курашга бел боғлаганди.

Кураш жуда узок давом этди. Икки паҳлавон қум устида пайт пойлаб айланавериши, айланавериши. Ишқибозлар қичқиравериб чарчашибди. Шу маҳал ўйин ташкилотчиларидан бири Муштариига келиб бир нималар деди. Қиз курашаётган йигитларга қаратса қичқирди:

– Ҳой йигитлар эплай олмаётган бўлсанглар, бас қилинглар!

Томошабинлар буни асқияга олиб қичқиришди, йигитлар қаттиқ хуштак чалишиб, қийқиришди.

– Хой Хасан ака, мен жиддий айтяпман! Бу ишларингиз режамизда йўқ экан. Телевидениедан келишибди. Сизнинг жамоангиз билан бизниклар арқонда беллашишлари керак экан.

Рақибини пайт пойлаётган Хасан бир лаҳза эътиборини қизга қаратди. Муштарий уни ҳеч қачон исмини айтиб чақирмаганди. Йигит учун бу ўзгача шукуҳ бағишлади. Аммо бу алдамчи лаҳза эди. Уддабирон Тўлқинбек рақибининг ана шу нозик ҳисларидан фойдаланиб улгурди ва Хасанни даст кўтариб ерга қапиштириди.

– Ҳалол!! – дея хурсанд қичқириб юборди мўйсафид. – Ғовалик сардор Тўлқинбек ютди!!

Кий-чув олқишлиар тоғларда шундай акс-садо бердики, баъзи илиниб турган ҳарсанглар думалаб тушаётгандек туюлди.

– Тўхтанглар. Бу ҳалол эмас. Хасан акамни мен чалғитиб қўйдим, – дея қичқирди кутилмагандага Муштарий.

– Хой қиз, сен аралашма! – дея жеркиб берди кимдир.

– Ҳалол қизим, ҳаммаси тўғри, – деди мўйсафид хижолат бўлиб.

– Кўяверинг, Муштарий, – дея Хасан ва Тўлқинбекга юзланди. – Узр ошна, сен от пойгасида атайн ютказмаган экансан, билмабман.

– Нима, от пойгасига курашни нима даҳли бор? – ҳайрон бўлиб сўради Муштарий.

– Сиз аралашманг, – деди Тўлқинбек ва Хасанга «Бу нима қилганинг. Ҳали мендан кўрасан, ярамас» дегандек олайиб қараб қўйди.

Қиз шундагина йигитлар ўртасида қандайдир гап ўтганини фаҳмлади ва қалбида Хасанга нисбатан илк бор хурмат пайдо бўлганини ҳис қилди. Чунки бир жиҳатдан Хасаннинг мағлубиятига сабабчи бўлиб қолганидан ўзи хижолатда эди.

* * *

Ариқбўйи ва маданиятликлар қирқ кишидан бўлишиб бақувват арқонни тортишларига буйруқ берилди. Ҳар икки жамоага уларнинг сардорлари бошчи бўлиб, ўртадаги чегара чизиқни қатъий назоратга олишди. Мусобақада, яна «Торт-торт» бошланишининг дастлабки дақиқалариданоқ сардор йигит ва қизнинг қўзлари бир-бирларига тўқнаш келди. Хасаннинг оловли нигоҳи қизнинг шижааткор қўзларини бир

бахя таъқиб қилиб, Муштарийнинг юрагига чўғ ташлагандек бўлди. Қиз алланечук бўлиб кетди.

Томошагоҳда гоҳ у жамоа, гоҳ бу жамоа кучли келар, сардорлар қаттиқ тираб олган оёқларини ғалаба чизигига сари яқинлаштирмасликка чунонам чиранишар, бу хол томошабинларнинг қий-чувига сабаб бўларди. Мусобақа иштирокчилари бўлса, бор билак кучлари ва эътиборларини арқонни тортиб олишга, ўзаро «Ҳа, бўл!» «Яна-яна!» дея хайқиришга қаратгандилар.

– Бўш келманг, Муштарий! – дея қичқирди шу маҳал томошабинлар орасидан Тўлқинбек.

У сал нарида балиқчиликлар билан бўлган худди шундай беллашувда ғолиб бўлган ва бу ерга навбатдаги рақиби ким бўлишини аниқлаш учун келганди. Албатта Муштарий ғолиб бўлишини ва қиз билан арқон тортишишни истар, гўё ҳаёлида унинг жамоаси қўлидаги арқонни ҳеч қандай қийинчиликларсиз тортиб оладио, қиз бўлса унинг қучогига лоп этиб ёпишиб қоладигандек тасаввур қиларди.

Хозир Муштарий енгилган тақдирда ҳам барибир Хасан билан тўқнашади. Унда яна яхши, ўч олади. Бир марта узр сўради, иккинчи марта доғда қолади. Умуман кейин мен билан ўчакишишни ўзига эп кўрмайди. «Лекин енгилсамчи... Йўқ-йўқ, бунга асло йўл қўймаслигим керак. Ахир Муштарийнинг олдида нима деган одам бўламан», – деди у ҳаёлан ва ҳали бичилмаган чопонга тугма қадаётганини ўйлаб ўзича кулиб қўйди.

Шу маҳал Муштарий устунлик қила бошлади. Хасаннинг оёқлари чизик томон бир оз сурилгандай бўлди.

– Ҳа Хасан, сен ҳам атайин енгиляпсанми, дейман-а?! – дея беихтиёр қичқирди Тўлқинбек.

Хасаннинг жаҳли жумбушга келди, ҳаёлида гўё арқонни Муштаридан тортиб олгану, уни Тўлқиннинг бўйнига чирмаштириб ағдариб соладигандай ўзида ғайриоддий гайратни ҳис қилди ва энди арқонни янада жон-жаҳди билан торта бошлади.

Тўлқинбекнинг «Атайин» сўзини яна бир бор ишлатгани Муштарийнинг ҳам ҳамиятига тегди. «Наҳотки у чиндан ҳам от пойгасида менга атайин ютқазиб берди? Мақсади нима? Наҳотки шу йўл билан менинг ишончимни қозонмоқчими? Чучварани хом санабсан...» – деди қиз хаёлан ва бетўхтов чиранаётган Хасанга нигоҳини қаратди. Кўзлар кўзларга яна тўқнашди. Йигитнинг нигоҳи шундай ўткир эдики, у қизнинг вужудини алланечук қилиб бўшаштириб ўзини Хасаннинг бағрида қандай қилиб пайдо бўлганини

билимай қолди. Қиз бир сесканди-да арқонни апил-тапил ташлаб нари кетди. Хасан унинг ортидан бошини қашлаб унсиз қараб қолди.

– Ҳа, яна беллашамизми? – дея кескин сўради Тўлқинбек унинг ҳаёлини бўлиб.

– Намунча сўйиладиган хўроздай қичқиравермасанг, – дея эътиroz билдириди Хасан.

– Ахир финалда, ошна. Сен ҳам ютдинг, мен ҳам.

Муштарий бу маҳал сал нарироқда юзини юваётганди. Хасан қиз томон беихтиёр нигоҳ ташлади ва деди:

– Йўқ, бу финал эмас. Иккимиз беллашамиз, ютган жамоа Муштариининг жамоаси билан тортишади.

– Ўҳ-ҳӯ. Бу ёғи «Бой без правил» бўларканда-а? Лекин қўлни бер, таклифинг менга мақул.

Икки йигит қўл беришди.

– Ҳой, Муштарий эшитдингизми?

Қиз йигитларни қўл ушлашиб туриганини кўриб қўнгли ёришди. «Ҳар ҳолда енгилганим ёмон бўлмабди, шекилли» деб ўйлади у.

– Сизнинг комandanгиз финалга чиқди! Ҳозир қайси жамоа ғолиб бўлса, ўша билан яна беллашасизлар, тушунарлимиси?

– Вой ростданми?! – деди қиз ширин табассум қилиб.

Бу табассум ҳар икки сардорга куч бағишилагандек бўлди ва ўз жамоаларини йига бошлашди. Радиодан бош ҳакамнинг «Дикқат қилинглар! Ҳозир арқон тортиш бўйича Ариқбўйи билан Ғова жамоалари беллашишади. Қайси томон ғолиб бўлса, Маданият жамоаси билан финалга чиқади» деган овози янгради.

Шу маҳал Балиқчининг сардори Бекмирзанинг жаҳли чиқиб кетди ва бош ҳакамнинг олдига чопиб борди.

– Қанақасига? Ахир бу ғирромликку! Биз ҳам ярим финалда иштирок этмадик, ҳали! – деди бақириб.

– Бўпти-бўпти, Маданият билан беллаша қолинглар. Ҳой, Муштарий, қанисиз! – дея қичқирди бош ҳакам.

Хуллас, ҳар икки жойда ярим финал мусобақаси яна бир пайтда бошланди. Бекмирза ҳам бўш келмасликка харакат қилди. Улар кўп мусобақаларда мағлубиятга учраганликлари учун оқсоқолларидан яхшигина дакки-дашном эшитганди. Шу туфайли балиқчилик йигитлар ғурури учун курашишга бел боғлашди.

– Йигитлар бўшашманглар! – дея қичқирди сардор ўз жамоасига қарат. – Наҳотки шу қизлар жамоасидан ҳам енгилсак. Ахир бу уят-ку!

Муштарий жамоасининг деярли қирқ фоизи, ҳақиқатдан ҳам, ўзи тенгкур қизлардан иборат эди.

– Қизлар, сизлар ҳам бўш келманглар! Нимага қодир эканлигимизни балиқчиликларга кўрсатиб қўйинглар! – қичқирди Муштарий.

– Эҳтиёт бўлинглар, қармоқлариға илинтириб олишмасин, тағин! – дея кимдир қочирим қилди.

Кулгу кўтарилиди.

– Бизларни илинтиргунча ўз араваларини итаришсин! – деди ўйин иштирокчиси бўлган шаддод қизлардан бири.

Яна гурр кулгу кўтарилиди. Ҳам «торт-торт», ҳам фарғонача асқия томошабинларга ўзгача завқ–шавқ бағишламоқда эди.

– Шодмон бобо, бизларга ёрдамлашворсангизчи! – деди ҳалиги қиз тўқсонни қоралаб қолган хассасига таяниб аранг чўккалаб ўтирган бир чолга қараб.

– Йўқ, сенга ёрдам беролмайман-да, қизим.

– Вой, нега?

– Яххиси, балиқчиликларга ёрдамлаша қолай.

Яна кулгу кўтарилиди.

– Ҳой Бекмирза, намунча чиранмасанг! – қичқирди томошабин мўйсафидлардан бири.

– «Жон куйдирмасанг, жонона қайда», деганлар-да тоға.

– Эҳтиёт бўл! Бу жон дегани орқангдан чиқиб кетмасин, тағин!

Шундай қаттиқ қулги бўлдики, ҳар икки томоннинг иштирокчилари кўм-кўк майсалар узра думалаб қолишиди. Ўртага бош ҳакам аралашди.

– Тўхтанглар! Ҳой, нима қиляпсизлар? Қоидада бунақа ётиб олиб олишиш йўқку! – деди у кулиб.

Жамоалар яна бошқатдан саф тортишди.

– Жим бўлинглар! Гап отмай ўтиргинглар, бунақада ғолибни аниқлаб бўлмайди, ахир.

Яна беллашувга ишора берилди. Одамлар яна завқ билан қийқира бошлишди. Нариги жамоаларда бўлса, кучлар тенглик қилаётгани учунми худди кураш каби ўйин узоқ давом

этмоқда эди. Нихоят иштирокчилар чарчаб кучдан қола бошлашди өфи, баъзилар тиззалақ қолишиди.

Хуллас, финалга Хасан билан Боймирзанинг жамоалари чиқишиди. Муштарий билан Тўлқинбеклар уларни кузатиб ўтиришиди. Муштарий негадир Хасан акаси ғолиб бўлишини жуда ҳам хоҳларди. У ғолиб бўлди.

Шундан сўнг бошқа кунлари анъанавий улоқ, эшак пойга, от устида қураш, футбол мусобақалари ўтказилиб, тўрттала жамоа ўз қишлоқларининг шаъни учун беллашишиди ва наврўз сайли, миллий ҳалқ ўйинларининг қаҳрамонларига айланишиди.

* * *

Наврўз таътилларидан сўнг яна мактабда ўқиш давом этди. Мактабда Муштарий унинг обрўйи янада кўтарилиди. У фанларни ҳам тиришқоқлик билан ўзлаштира бошлади. Мақсади пединститутнинг тил ва адабиёт бўлимига ўқишига кириш эди. Аммо унинг асли ариқбўйилик экани ва бу ерда холасиникида яшаб, спорт мусобақаларида маданиятликларга сардор бўлиб олгани негадир баъзи синфдош ўғил болаларга маъқул эмасди. Кунлардан бир куни шундай бир нохуш воқеа юз бердики, болалар уни чиндан ҳам ёмон кўриб қолишиди.

Воқеа шундай содир бўлди:

Мактаб ёнида кичик бир дўкон бўлиб, у ерда аҳоли учун энг зарурий нарсалар сотиларди. Муштарий дарсдан кейин қолиб, институтга тайёргарлик кўриш учун устозидан қўшимча дарс ола бошлаганди. Бир пайт ручкасининг ранги тугаб қолди ва устозига дўконга бориб келишини айтди. «Хўп, мен ҳам сигарет чекиб келаман» – деди муаллим. У синф раҳбари, математика ўқитувчиси Латиф ака бўлиб, анчагина жаҳлдор киши эди.

Латиф ака ташқарига чиқиб сигаретаси қолмаганига кўзи тушди ва у ҳам дўконга бориб келмоқчи бўлди. Қиз дўконнинг ён томонида беш-олти нафар синфдош болаларнинг сигарета чекиб, лакиллаб ўтиришгани устидан чиқиб қолди ва ёnlаридан уларни кўрмаганга олиб ўтиб кетди. Бироқ йигитлар унга кўзи тушиб «Устозга айтиб қўйса-я» деган ҳаёлга боришиди.

Муштарий оладиганини олиб тез изига қайтди. Латиф ака эса дўконнинг олд томонидан келиб, кишилар билан бир-бир сўрашиб, сўнгра дўконга кириб сотувчи аёлдан «Бир қути «Пальма» бериб юборинг» деди.

– Вой, бошқа қолмади-ку, домла.

– Ие, ахир мен фақат шунақасидан чекаман-ку.

– Охирини ҳозиргина ўқувчиларингиз сотиб олишди. Улар менимча ҳозир дўконнинг бу ёнида чекиб ўтиришибди, бориб сўрай қолинг, устозларига йўқ дейишмас, – деди сотувчи аёл пичинг қилиб.

– Нима?!... Вой шумтакаларей, – деди муаллим ва дўкон ёнига ўтиб ўқувчиларига кўзи тушди.

Устозини пайқаб қолган йигитлар тум-тарақай қочишиди. Латиф ака уларни таниб олди. Энг ёмони, болалар «Бизни Муштарий сотибди, ярамас дарров кириб айтибди-да» деган ўйга боришиди. Латиф ака эртаси уларни доска олдига чиқариб бирма-бир тарсаки уриб чиқмаганида, эҳтимол, улар Муштарий ҳақида ёмон ўйга бориshmagan бўлармиди? Калтак зарбидан ўзига кела олмаган йигитчалар «арикбўйилик келгинди, тоглик чўпон қизи» – Муштарийни жазолаш пайига тушдилар.

Ўша куни улар тил бириктиришиб, дарсдан сўнг мактаб кийимларини уйларига ташлаб қайтиб келиб, Муштарийнинг қўшимча дарсдан чиқиб холасиникига борадиган ўйлнинг четида пойлаб ўтиришиди. «Бу ерда унинг холасидан бошқа ҳеч кими йўқ, бизни таниб ўтирибдими, бир чақимчини таъзирини бериб қўяйлик» – деди уларни ўюштираётган Сардор исмли йигитча.

Нихоят қиз кела бошлади. Болалар теварак атрофга яширинишиди.

– Нима қиласиз? – сўради улардан бири.

– Уни ўраб оламиз. Кейин сумкасини олиб копток қиласиз, – деди Сардор.

– Урамизми?

– Йўқ, қўрқитамиз. Кийимларини тупроқقا бежаймиз. Токи синфдошлар олдида биздан кечирим сўрасин.

Қиз етиб келди. Сардор тўсатдан унинг олдидан чиқиб келди. Бир зумда атрофида бошқа аламзада болалар ҳам пайдо бўлишди.

– Ўҳ-ҳӯ, бу ахир ўзимизнинг «Спортчи, комсомол, сохибжамолимиз!» ку!

– У яна чақимчиям, – деди Суннат исмли йигитча кемшик тишларини кўз-кўз қилиб.

– Вой, қочларинг йўлимдан! – деди қиз хайрон бўлиб.

– Сен нега бизни устозга сотдинг?

– Нима?! Ҳеч нима тушунмаяпман.

Суннат орқадан келиб унинг елкасидаги сумкасини тортиб олди. Болалар сумкани бир-бирларига ўзаро итқита бошладилар.

– Ҳой, нима қиляпсизлар. Беринглар, сумкамни!

– Бизни сотганинг учун кечирим сўрайсан.

– Қанақа кечирим? – янада ҳайрон бўлди қиз ва сумкасини илиб олишга ҳаракат қила бошлади – Мен ҳеч кимни сотганим йўқ. Ярамаслар! Мен сенларга йўл тўсишни хали кўрсатиб қўяман.

Қиз сумкасини ушлаб турган Суннат томон ташланди, Муштарий йигит ушлаб турган сумкани камари билан тортиб олганида, йигитча йиқилиб тупроққа беланди.

– Мен сенга тупроққа белашни кўрсатиб қўяман ҳали! – дея қичқирди Сардор ва шаҳд билан ўрнидан туриб, қиз томон яқинлашди.

Муштарий бу ҳаракатни ёмон ният деб тушунди чоғи жон жойига қаратса тепиб юборди ва ўрнидан туриб уни ўраб олган безори болалардан ўзини ҳимоя қилишга чоғланди. Лекин тепки еганлари оғриқ азобидан жаҳли чиқиб, энди қизга жисман озор етказа бошладилар. Бирори алам ичида сумкасини тепиб юборган унинг оғзи очилиб ичидаги ўкув қуроллари турли томонга сочилиб тупроққа беланди. Қиз ўзини ҳимоялаб чўккалаб ўтириб қолди.

Яхшики, шу пайт орқада кимдир пайдо бўлди ва йигитларни дўппослай кетди.

– Ярамаслар! Уялмайсанми, шунча йигит бир қиз билан олишиб?! Мана сенларга!...

Сардорнинг қўзларида олов чақнади, Суннат орқасидан тепки еб ариқ ичига йиқилди. Колганлар хам насиб қилганича ўз улушларини олиб қоча бошладилар. Муштарий эса юзини беркитиб юм-юм йигларди.

– Қочинглар болалар, бу спортчи акани танийман, Ариқбўйилик у! – дея қичқирди Сардор.

– Ҳе сенларни, ўша!... – дея бўралаб-бўралаб сўкинди ўша ҳаласкор йигит.

Унинг овози Муштарий учун танишдай туюлди. Кўз ёшларини артиб, китобларини тераётган йигитга қаради. Йигит сумканинг чангини қоқиб, қизнинг тепасига келди. Кўзлар тўқнашди.

– Вой, сизмисиз?! – сўради Муштарий ҳушёр тортиб.

– Ха.

Бу Хасан эди.

– Ие, ахир бу ўзимизнинг сардор қизку. Наҳотки спортчи бўла туриб уларга енгилдингиз-а?

– Мен уларни аядим. Улар менга тухмат қилишди-да, – деди Муштарий пичирлаб.

Хасан рўмолчасини олиб унинг кўз ёшлари ва бурнини артгандай бўлди.

– Хафа бўлманг. Улар ҳали бу қилмишлари учун жавоб беришади.

– Ундан қилманг. Улар менинг синфдошларим. Англашилмовчилик бўлди, шекилли.

Хасан қизни уст бошларини ҳам қоқиб қўя бошлади. Кийим бошлари тупроқ, чангга беланган Муштарий ариқда юз қўлларини ювиб ўзини эпақага келтириб олди.

– Сиз қаёқдан келиб қолдингиз?

– Шундай бир иш билан келгандим. Юринг, уйингизгача қузатиб қўяй. Яна анавилар сизга тажовуз қилишмасин. Ҳа айтмоқчи, бирор ерингизга қаттиқ лат емадими?

– Йўқ, оёғим сал шилинди холос. Лекин анави Сардорни қаттиқ урдингизда. Энди эртага мактабга юзи кўкариб боради.

– Сардор дедингизми? Яна кимлар бор эди?

– Сизга даҳли йўқ. Ўзимиз келишиб оламиз.

– Э йўқ. Бу ишни бундай ташлаб бўлмайди. Ахир бунинг учун жавоб беришлари керак.

– Мен бу ерлик эмасман, шунинг учун аяб ўтиришмади, шекилли. Қўяверинг ўзлари ҳали уялиб қолишади.

– Ие, шунақа денг. Қаерликсиз, ўзи?

– Катта бобомиз асли ариқбўйилик. Биз тогда яшаймиз, у ерда мактаб йўқ. Шунинг учун бу ерда холамникида тураман.

– Буни қаранг, ҳамқишлоқ эканмизку.

Хасан севиниб кетди. Бу унинг учун кутилмаган ҳол эди.

Улар шу тариқа ширин суҳбат қуриб кетишли. Хасан аслида уни қидириб келган ва мактабдагилардан «Мусобақаларда сардорлик қиласиган қиз»ни суриштирганида улар, қизни ҳозиргина уйига кетганини ва кетган йўлини тушунтириб беришганди. Яхши бўлди. Айни пайтида етиб келди. Шундай қилиб Хасан қизни то холасининг дарвозасига қадар қузатиб келди.

– Демак, мен ўзимга сингил топиб олибманда-а... Агар қарши бўлмасангиз бундан буён мен сиздан тез-тез келиб хабар олиб тураман, хўпми?

– Вой, қанақа қилиб, ахир уйингиз бу ердан узок-ку!

– Ўн беш километр холос. Велосипед ё от учун бу ҳеч гапмас.

– Нима сиз ўқимайсизми?

– Мактабни ўтган йили битириб Фарғона Политехника институтига топширувдим, ўтолмадим. Бу йил яна уриниб кўрмоқчиман. Яна киролмасам, Россияга ишлагани кетмоқчиман. Сизчи?

– Мен ҳам ўқишига уриниб кўрмоқчиман, Наманган пединститутга.

– Яхши. Хўп, хафа бўлманг. Энди мендек ҳаласкорингиз бор. Худо хоҳласа мағлуб бўлмайсиз.

– Сиздан бир нимани сўрасам майлими?

– Ҳа, bemalol.

– Ҳалиги, от пойгасида, анави ғовалик Тўлқинбекни менга атайин ютқазгани ростми?

– Билмасам.

– Нега унда ўчакишидинглар?

– Ахир бизлар ёмон рақиб эдик-да.

– Менчи?

– Сиз яхши рақиб. Айтмоқчи, мабодо Тўлқинбек ҳам олдингизга келмадими?

– Йўқ. У менимча ҳарбий хизматга кетди.

– Э шунақами? – деб қўйди Хасан ва хотиржам кулиб қўйди.

– Намунча хурсандсиз?

– Йўқ ўзим. Демак у янаги йил Наврўз мусобақаларида қатнашмас эканда.

– Эҳтимол.

– Мен ҳам, қатнашмасам керак – деди Хасан маюс.

– Нега?

– Ахир Ариқбўйининг заҳирадаги сардори бор эканку. Ҳа, агар Россияга кетсан ўрнимга сардорлик қиласиз, келишдикми?

– Келишдик.

Қиз қўлинин силтаб «Хайр» ишорасини қилди. Улар самимий хайрлашдилар.

* * *

Муштарий эртаси мактабга борганида негадир кечаги безорилар кўринмасди. «Нима бало, Хасан акам уларни бир нима қилиб қўйган бўлсалар-а?» деган нохуш ўйга борди. Биринчи соат ўтди, «прогуль» қўйилди. Уларнинг келмаганлиги сабабини ҳеч ким билмади. Муштарий ҳам бўлган ишлар хақида ҳеч кимга чурқ этмади. Фақат танаффус пайтида дугонаси Ҳанифа уни аста қўшни синфга чорлади.

– Ҳа, қаёққа?

- Бу сир. Борсанг биласан.
- Э йўқ, бормайман.
- Юр, гап бор.
- Қанақа гап?
- Яхши гап. Сардор илтимос қилди. “Хеч ким билмасин”, – деди.
- Нима гапи бор экан? – сўради Муштарий хавотир олиб.
- Э, кўрқма. Ахир у тогамнинг ўғли бўлади. Сендан кечирим сўрамоқчи, шекилли.

Муштарий Ҳанифа билан қўшни синф хонага кириб боришиди. Сардорнинг қўлида бир даста гул, Суннатда улкан торт қутиси. Яна бирори ёрлигини олинмаган янги сумка ҳам олиб келиб столга қўйди.

- Кечаги иш учун бизни кечир, Муштарий, – деди Сардор.
- Энди бошқа бундай қилмаймиз, – деди Суннат бурнини тортиб.
- Фақат устозга айтмагин, хўпми.
- Бизни кечир, илтимос – дейишди бирдан ҳаммалари.
- Манавилар сенга, тортни қизлар билан енглар, – деди кўзи кўкарган Суннат.

Кутичани оҳиста суриб қўяркан.

- Майли болалар, бўп туради, – деди Муштарий кулиб, – Лекин мен сизларни аядим.
- Каратэдан ҳам хабарим бор. Энди аяб ўтирумайман–а.
- Вуй, ростданми? – деди Обид деган ҳовлиқмароқ бола.
- Ҳа, ана Ҳанифадан ҳам сўранглар.
- Тўғри, – деди Ҳанифа жилмайиб, – Юринглар бўлмаса.

Улар синфдан чиқишаркан, Суннат Муштарийдан секин сўради.

- Ҳасан ака, ростдан аканг бўлар эканда-а?
- Ҳа, нимайди?
- Йўқ, ўзим шундай. Лекин отини зўр чоптиради-да...

Шундан сўнг Муштарий болалар билан яна дўстлашиб кетди. Ҳасан эса унинг акаси сифатида тез-тез келиб тураг ва қизни кузатиб қўярди. Улар то холасиникига қадар қизғин сухбатлашишарди. Бундай илиқ муносабатлар даври то охирги имтиҳонларга қадар давом этди. Ўшанда Ҳасан Муштарийни охирги бор мактабдан кузатиб қўяркан, беихтиёр юзидан ўпид қўйганди.

Ниҳоят битирув оқшоми ўтказиладиган кун ҳам етиб келди. Маълум бўлишича, Ҳасан Суннат билан ошна бўлиб олишибди. Муштарийнинг битирув оқшоми Чуст

истироҳат боғида ўтказилди. Боғ ҳар дойимгидай сўлим ва гавжум эди. Қунига етти тонна гуруч дамланадиган мазкур машҳур боғнинг чойхоналаридан бирига дастурхон безашди, дискотекага бориб замонавий ўзбекча рақсларга ўйнашди, музқаймоқлар ейишиди, келгуси режалари ҳақида қизғин баҳс юритишиди.

Хасан ҳам туни билан ўша ерда бўлди. Фақат ўзини уларга кўрсатмади. Қарши тарафдаги бир кафеда куну-тун худди телевизор томоша қилаётгандай уларни кузатиб ўтиреди. У факат бир кишидан, ғовалик Тўлқинбекнинг пайдо бўлиб қолишидан чўчир ва Муштариини эсон-омон уйига элтиб қўйиш ҳақида қайгуарди.

Фақат оқшом чўккан пайтдагина у Суннатни топиб, Муштариини чақиртириди.

– Вой, сиз шу ердамидингиз? – сўради қиз севиниб.

– Э йўқ. Биз ҳам ўртоқлар билан ош егани келувдик. Қарасам, таниш башаралар…

– Юринг, биз билан ўтиринг.

– Йўқ раҳмат. Нима демоқчийдим! Кеч бўлиб қолди. Машина бор, юринг, уйингизга элтиб қўяман.

– Менинг уйим тоғда-ку?

– Нима бўпти, баҳонада кўриб оламан-да.

– Қандай бўларкин, ахир…

– Бўпти, сизга яна бир соат етадими? Мен анави кафеда телевизор кўриб турман.

Болаларга акам келди, тоққа уйимизга кетаман, денг, хўпми!

– Бугун холамникида қолавераман, дегандим-ку.

– Нима қиласиз холангизни безовта қилиб, уйингизга боринг. Давай, марш!...

– Хўп бўлади, акажон, – деди қиз ва севиниб дугоналарининг ҳузурига чопди.

– Муштарий, ростдан у акангми, ё?...

Қиз «Ҳа» деб қўйди ва ўзини шундай баҳтиёр ҳис қилди, беихтиёр рақсга тушиб кетганини ўзи ҳам билмай қолди. Қизларнинг ўзаро баҳси шу кунларда фақат йигитлар бўлиб қолган: «кимнинг қанақа йигити бор?», «севган йигитинг ким?» ва ҳоказо. Муштариининг бу масалада негадир қўнгли жуда хотиржам эди.

ЭГИЗ ҚОЯ

Ўша тунда Хасан Муштариини то тоғдаги уйигача элтиб қўйди. Такси билан ўз қишлоқларига келиб, уйидан мотоциклини олиб чиқди. Улар тун қўйнига ботаётган шафақларида мағрур акс этиб турган Чотқол тоғ тизмалари томон йўл олдилар ва баҳорда

спорт мусобақалари ўтказилиб турадиган ўша таниш даштиклар бўйлаб, қорайиб, турли шаклларда кўринаётган Қумлой тепаликларнинг ўткир қиррали қоялари сари чиқиб боришиди. Ҳар икки ёш ҳам шу паллада жуда баҳтиёр эдилар. Чунки улар гўё улкан мустақил ҳаёт бўсағасига қадам қўяётган, эртанги отадиган тонгда қуёш фақат улар учунгина бош кўтарадигандек туюлмоқда эди.

Йигирма километрлар чамаси юришгач, қорайиб тошқотган қоялар бағрига кириб келишиди. Теварак-атроф гира-ширада жуда сирли кўринарди.

– Етай деб қолдикми?! – сўради Хасан.

Мотоциклнинг вариллашидан Муштарий унинг саволини базўр тушунди.

– Ҳа. Ҳув анави тепаликда қорайиб кўринаётган ҳарсанг тош олдида тўхтанг, – деди қиз тепаликлардан бирини кўрсатиб.

– Кўргонингиз қаерда?!

– Ўша ердан бир қадам. У ёғига ўзим кетавераман!

– Э қўйсангизчи, уйингизгача қузатиб қўяман!

– Йўқ! Отам сизни кўрмасин, дейман-да!

– Уйда яна ким бор?!

– Онам, укам, сингилларим!

– Отангизни исми нима?!

– Сарбардин ака!

– Оилада нечта фарзандсизлар, ўзи?!

– Башта!

– Ўҳ-ҳӯ, чироқ йўқ деб-а?!

– Э, қўйсангизчи?

– Чироқ йўқ қандай яшайсизлар-а?!

– Кўнишиб кетганмиз! Қуёш билан ётиб, қуёш билан уйғонамиз!

– Эҳ-хе, хўroz бўлиб кетинглар-е, – деди Хасан мотоциклини маторини ўчирапкан.

– Юринг, сизга курсимни кўрсатаман.

– Қанақа курси?

– Ҳув анави тепаликда бир ҳарсанг тош бор. Уни кундуз куни кўрсангиз худди шоҳнинг курсисига ўхшайди. Кетдик, устида бир ўтириб кўрамиз, ният қиласиз.

Улар тепаликда ҳақиқатдан ҳам курсига ўхшаб кетадиган улкан ҳарсанг ёнига чиқиб боришиди. Қиз чаққонлик билан тошнинг устига чиқди-да чордана қуриб шоҳона ўтириб олди.

– Ўх-хў, мана шу кўринишингизга яна бир ойу юлдуз бўлсами?

– Ўзимнинг ойдан қаерим кам? – деди Муштарий қийқириб кулиб.

Қиз шу топбда еру кўкка сифмаётган, бениҳоя хурсанд эди.

– Ҳа, тўғри, – деб қўйди Хасан ва юраги гупурлаб кетди.

– Чиқинг, сиз ҳам ўтириб кўринг. Кейин бир яхши ният қилинг. Эҳтиёт бўлинг.

Хасан ҳам курсига чиқиб ўтириб, димоғига келаётган салқин тоф шабодасини туйиб чуқур тин олди.

– Ажойиб! Эҳ-хе-ҳей, мен шоҳман! – дея қичкирди у тўсатдан.

Узоқда итлар хурий бошлиашди.

– Ҳой бақирманг, хозир бу ерга итларим етиб келишади-я.

– Ие, ростданми? Ҷўпон итларини ёмон дейишади.

– Ҳа. Яххиси энди кетинг. Бўлинг тез!

– Бу ёғига қўрқмайсизми?

– Йўқ. Қўргонимиз яқин. Ҳув, ана!

– Бу ерда ҳар хил булоқлар кўп деб эшигтанман. Менга уларни кўрсатасизми?

– Хўп. Якшанбада келинг, акам бозорга, отам тоқقا кетадилар.

– Қаерга келай?

– Шу ергада. Мана шу курсида шоҳона бўлиб ўтириб турасиз. Бу ер бизнинг деразамиздан, узоқдан кўриниб туради.

– Соат нечаларда?

– Соат тўққизларда. Иложи бўлса отингизда келинг, хўпми? Яхши боринг, раҳмат.

– Хўп яхши қолинг, бироз орқангиздан қараб турайинми?

– Йўқ, хув ана итларим келишяпти. Менга ҳамроҳ бўлишади.

Хасан тезда мотоциклини ўт олдирди-да, итларнинг ҳужумига қолмаслиқдан чўчиб, тез жўнаб қолди.

* * *

Курсини антиқа эканини Хасан ўша белгиланган куни келиб кўрди. Унда ўтириб ўзини шундай улуғвор ҳис қилдики, гўё бу ердан кўм-кўк водий оёқ остида ястаниб ётарди. Шундай қилиб, ушбу ҳарсанг курси кейинчалик уларнинг муҳаббат ришталаридан

огох, севишганларнинг баъзан учрашиб турадиган муқаддас тошга айланди. Бу ерларда на электр чироғи, на телефон бор эди. Тоғга келиб кетувчилар жуда ҳам кам учрарди. Чўпон қўтонлари ҳам бир-биридан анча узоқда, улар қаерда булоқ бўлса, ўша ерда тошдан қўрғон қуриб олгандилар.

Муштарий ҳам айтилган пайтда отда етиб келди. У эгнида ўзбекларнинг қипчоқ қавмига хос қадимий миллий кийимлардан кийиб олган, асосан қўлда тўқилган гулдор кўйлагу камзул, бошида тегарак гулли дўппи. Бўйни ва қулогидаги турли-туман тақинчоқлар, тумору осилчоқлари ўзига жуда ярашган эди.

– Хўш маликам бугун менга булоқларингизни кўрсатасизми?

– Ҳа, юринг.

– Мени энг ширин сувлисига олиб боринг, хўпми?

– Вой, уларнинг ҳаммаси ҳам ширин.

– Йўқ. Биз сиз билан уларнинг ичидаги энг ширинини ахтарайлик, хўпми?

– Нега?

– Мен ўша ерга ошён қуриб, яъни тошдан қўрғон қуриб, севганим билан бир умр яшасам дердим-да.

– Ўх-хў, шахзодам, иштаҳангиз карнайку, – деди қиз майин жилмайиб.

– Иштаҳам курсида ўтирганимда очилиб кетди. Хўш, қайси булоқдан бошлаймиз, бўлмаса?

Отлар бир-бирига қараб гўё «Ишимиз кўп экан» дегандек бир-бир кишинаб олишди.

– Ёмон булоқдан – деди қиз тўсатдан. Лекин ноўрин гапириб юборганидан бир оз хижолат чекиб қўшиб қўйди: – Бу ерда энг яқини ўша-да. Шундоқ йўлимизда, у.

– Ие, нега энди Ёмон булоқ? Сафаримизни ёмон жойдан бошламасак бўлармиди…

– Вой, сиз ҳам иримларга ишонасизми?

– Ҳа энди, номи хунук экан-да. Нега унақа-а?

– Сувини кўп ичолмайсиз, нордон. Сигирлар ҳам аранг ичишади. Эчкиларимиз бўлса умуман у булоққа яқинлашмайдиям.

– Эчкини сутини жуда шифобаҳш дейишади. Шу тўғрими?

– Ҳа. Чунки улар инсон қадам боса олмайдиган қоялар тепасига чиқиб фақат фойдали гиёҳларни териб ейишади. Айтишларича, тоғ эчкиларининг янги соғилган сути саратон касалига ҳам давомиши.

– Сиз буни қаердан биласиз?

– Отамнинг олтиариқлик икки ошнаси бор экан. Улар ҳар йили бедана овига келиб қўрғонимизда бир ойлаб туриб кетишаркан. Бирининг исмини Абдулла қассоб, иккинчисини Абдуманноп беданавоз дейишаркан. Абдулла қассоб ҳозирда ўтиб кетган, Абдуманноп тоға бўлса ҳозирда ҳаёт, ёши тўқсонларга бориб қолган бўлсаям бақувват, тетик дейишади. Бунинг сабаби бизнинг эчкимиз бўлган экан.

– Ие, қизиқку. Нега энди айнан сизнинг эчкингиз?

– Чунки у киши ҳар йили келиб эчкимизнинг сутини эмиб кетарканда.

Хасан хохолаб кулиб юборди. Шундай кулдики, овози ўткир қоя тошларга урилиб акс-садо берди.

– Ҳалиги Абдулла қассобчи, у эммас эканми?

– Йўқ. Ўзи ўлиб кетган бўлса ҳам дўстининг узок яшашига ўша киши сабабчи бўлганмиш.

– Қандай қилиб?

– Абдуманноп тоға бундан ўттиз йил аввал саратон касалига чалиниб қолибди. Кейин касалхонада узок даволанибди. Лекин шифокорлар уни “яшамайди” деб уйига жўнатиб юборишибди. Абдулла қассоб Россияга мева-чева олиб кетган бўлади. Сафардан қайтганида дўсти Абдуманнопнинг ўлим тўшагида ётганини эшитади ва уникига тез етиб боради. Дўсти бедаво дардга чалинганини кўриб афсусланади. Лекин, тўсатдан, момомнинг айтган бир гапи ёдига келиб қолади. Айтаверайнми? – сўради қиз йигитнинг эътиборини билиш мақсадида.

– Ҳа-ҳа, жуда қизиқ экан. Булоққа яқин қолдими?

– Ҳа, ҳув анави тепалик орқасида, – деди қиз қизғиш рангли қояни кўрсатиб.

– Момонгиз нима деган?

– “Эчкининг янги соғилган сути саратонга даво бўлади”, – деган эканлар.

– Хўш, кейинчи? – сўради Хасан отини енгил ниқтаб кўяркан.

– Абдулла қассобнинг ҳаёлига бирдан шу гап келиб қолибди-ю, сўрида ўсал ётган дўстини шарт қўтариб олиб машинасига ётқизибди. Ҳамма “Ҳай-ҳай, қаёққа олиб кетяпсиз?” деб қичқирибди. У “Тоққа, бедана овлайдиган жойимизга” – деганича машинасини ўт олдириб кетиб қолибди. Ортидан “Тўхтанг, ахир отам ўлиб қоладику!” деган ўғлига “Абдулланинг ё ўлиги келади, ё тириги, бу худодан!” деб, тўғри Олтиариқдан мана шу қўрғонимизга, момомнинг олдига олиб келиб “Моможон, ҳалиги эчкингиз қани, уни тез соғиб беринг, илтимос, бўлмаса, ўртоғим ўлиб қолади”, – дебди.

Улар тевараги кўм-кўк майса билан қопланган, тиник сувлари жилдираб чиқиб беш олти метрдан кейин яна тошлар орасига сингиб кетаётган булоқ ёнига келиб отдан тушишди.

– Хўш, кейинчи? – дея бетоқат сўради Хасан.

Муштарий булоқ сувига қараб ҳикоясини давом эттирди.

– Кейин момом Абдулла тоғанинг илтимосига кўра, bemорга шундоқ қўра ичига, эчкиларнинг ёнига жой қилиб берибди. Мақсад эчкини янги сутини тез-тез соғиб ичириш экан. Абдулла тоғанинг ўзи ҳам дўсти билан қўй-эчкилар ичидагуаркан. Уч-тўрт кундан кейин Абдуманнот тоғанинг юзига бироз қизиллик югуриб, ўзига кела бошлабди.

– Астағфируллоҳ, ўладиган одам-а? – ажабланди Хасан.

– Ҳа. Икковлари ҳам бедананинг ашаддий ишқибозлари экан. Дўстининг тузалаётганини қўриб, Абдулла тоға роса қувонибди. Бир куни сахар пайти бедананинг чиройли овози эшитилибди. Абдулла ака қийқириб юборибди. Унинг овозидан жуда кам учрайдиган, баъзан Афғонистон тоғларидан тасодифан келиб қоладиган ноёб бедана эканлигини билишибди. Бунақасини тутиш уларнинг бир умр орзу-армонлари бўлган экан. Абдулла тоға бедана ҳар сайрагандаги “Воҳ!” деб қийқириб юборар, bemорнинг ҳам кўзлари ётган жойида қувончдан пирпираб кетаркан.

– Абдулла, шу беданани бир кўрсам эди. Ўлсам армоним қолмасди, – дебди у аранг.

Дўсти момомни кутмай эчкини ўзи тез-тез соғиб bemорга ичирибди-да, – Бўпти ўрток, сен тек ётиб тур, мен унинг қаердалигини билиб келаман, – деб ўрнидан туриб кетибди.

Бедана бўлса “ва-вақ!” деб уни ўзига чорлайверибди. Шундан кейин у анча маҳалгача қайтиб келмабди. Бир пайт бедананинг овози ўчиб қолибди. Бемор “Узоққа қувиб кетди, шекилли. Бечора дўстим, мени деб ўзини ўққа-чўққа ураяпти, ишқилиб омон бўлсин” деб дуо қилибди. Бир вақт ўша бедананинг овози шундоқ яқин, беш қадамча жойдан эшитилибди. Абдуманнот тоғанинг кўзлари катта-катта очилиб, беихтиёр ўтириб қолганини ўзи ҳам сезмай қолибди. Бедана тез-тез сайрайверибди. Бемор тоғанинг “дод!” дегиси келибди. “Эҳ, бу Абдулла бемаҳалда қаёқларга дайдиб кетди-я. Ахир қуш шундоқ ёнимизда эканку”, – дебди у ва теварак-атрофга галдираб момомни қидирибди. Аксига олиб у киши ҳам кўринишмабди.

– Нима учун? – шошиб сўради Хасан. Унинг кўзларидан ҳикояга жуда қизиқиб қолгани шундоққина сезилиб турарди.

– Ўрнидан туришига ёрдамлашиши учундир-да.

– Ҳа, бедананинг завқи унинг оёғига қувват бера бошлабдими? Қойил! Кейинчи?...

– Кейин бедана янаям яқинроқдан сайрабди. Абдуманноп тоға нима қиларини билолмай додлаб бақирибди, нажот излабди. Унинг дардини тушунадиган ҳеч ким күринганды. Шу маҳал она эчки мерай бошлабди. Унинг чала соғилган елинидан сут томчилаб турғанмиш. Бедана яқин орада яна бир чиройли хониш қилибди. Бемор “Эх! Шу сут менга шифо бўладиган бўлса бориб эмганим бўлсин” деб эмаклаб бориб эчкини тўйгунича эмибди...

Шу ерга келганида Муштарий ўзини тутиб туролмади. Юзлари шолғомдай қизариб ғунча лабларини тўсиб шундай кула бошладики, буни кўриб Хасан ҳам хохолаб кулиб юборди. Эҳтимол, Ёмон булоқ бундай шодликка илк бор гувоҳ бўлиши эди.

– Кейинчи, кейин, нима бўпти? – сўради Хасан ўзини базўр босиб олиб.

– Бир таёқни топиб олибди ва оҳиста ўрнидан туриб бир-икки қадам босиб кўрибди. Бедана яна “Ва-вақ” дебди.

Қиз энди ўзини тўхтатолмай тинимсиз кула бошлади. Ноилож Хасан булоқ сувидан ҳовучлаб олди-да, унинг юзига сепиб юборди.

– Вой, жинни нега унақа қилдингиз? – сўради қиз атайин қовоғини уйиб.

– Кейин нима бўлганини тезроқ айтинг-да. Бўлмаса ҳозироқ ёрилиб ўламан.

– Ажаб бўпти!

– Бўпти Муштарий, хафа бўлманг, бошқа бунақа қилмайман. Кейин нима бўпти?

– Айтмайман!

– Ҳозир мен ҳам “дод” деб юбораман.

– Аввал боринг, эчкингизни эминг.

Икки ёш энди шундай завқланиб кула бошлашди, гўё қоялар силтаниб, булоқ суви чайқалиб кетгандай туюлди. Лекин булоқни чайқатган Муштарий эди. У ҳам чаққонлик билан ҳовучига сув олди-да Хасаннинг юзига сепди. Сўнгра икковлари булоқ атрофида бир-бирларини қува кетдилар. Отлар ҳам безовта бўлиб бир-бирига юзларини ишқаб-ишқаб қўйишиди. Атрофдаги қушлар париллаб уча бошлашди. Чигирткалар ура қочишиди. Сал нарироқда ўтлаб юрган дайди бир оқ эшак эса ханграб юборди. Нихоят Хасан Муштарийни тутиб олди.

– Мана мен беданамни тутиб олдим.

– Э, қўйворинг.

– Ё сайраб беринг ё кейин нима бўлганини айтиб беринг.

– Хўп-хўп, айтиб бераман, ўтиринг!

Хасан уни қўйиб юборди ва рўмолнасини олиб юзини артди, Муштарий ҳам ўзини босиб олди. Отлардан бири “Хах, хайрият” дегандай бошини сарак-сарак қилиб қўйди, иккинчиси бўлса, туёғини депсиниб енгил пишқирди.

– Лекин зўр бедана экан. Қаранг, бемор қолиб бизниям ўрнимиздан турғазиб юбордия, – деди Хасан кулиб.

– Хуллас, бемор тоға таёқ ёрдамида оҳиста туриб қуш сайраётган томон бора бошлабди. Қушнинг овози бир кичик тепалик орқасидан келаётган экан. Тепаликка эмаклаб аранг чиқиб олибди. Шу ерга келганида қуш жуда ҳам яқиндан сайрабди. У киши шунақаям завқланиб кетибдики, таёқни ҳам унутиб қушга томон интилибди. Унинг кўз олдида бедана сакраб-сакраб учгани сайин у завқланиб бир дўпписини, бир бўйнидаги рўмолини отиб ортидан чопибди. Беморлигини унутиб, узок қувибди. Сўнгра чўпонини ечиб “бор таваккал” деб қушнинг устига итқитиб устига ўзини отибди. Сўнгра қўлинин чўпон остига аста тиқиб қушни авайлаб ушлаб олибди. Кейин қуш билан овора бўлиб, унга бир нималарни сўзлай-сўзлай қўрамизга бемалол юриб кириб келса, Абдулла қассоб уни пойлаб кулиб ўтирганмиш.

– Воҳ! – деб юборди Хасан. Аммо у жуда таажубда эди. – Қандай қилиб, бемор одама? Э йўқ... Ахир бундай қушни соғ одам ушлаши қийин-ку.

– Тўғри, лекин ўша беданани аллақачон Абдулла қассоб ушлаб оёғига узун ип боғлаб ўша тепалик ортига қўйиб юбориб, ўзи дўстининг ҳаракатларини кузатиб турган экан. Бу ерда гап беданада эмас, балки ҳамма гап беморнинг яшашга бўлган ишончни пайдо қилишда, уни даволашда бўлган. Ҳаётдан завқлангани учун касалликни енга олганда.

– Қойил! Демак Абдулла aka шу йўл билан дўстини умрини узайтиришга эришибдида-а?

– Ҳа!

– Нима учун ўзи кўп яшамаган?

– У қассоб бўлган. Ҳар куни хайвон ёғли таомлар еявериб семириб кетган. Кейин 63 ёшида қон босими кескин кўтарилиб вафот этган. Абдуманноп тоға бўлса ҳозир ҳаёт, у кишини жуда бақувват дейишади. Айтишларича у ҳозир ҳам велосипед минармиш. Унинг 200 дан ортиқ беданаси бор эмиш. Ҳар бирининг ўз исми билан чақирапкан. Беданаларини сайрашидан, овозидан таниркан.

– Ҳа, хикоянгиз жуда қизиқ экан. Эх, қани энди бир мўъжиза юз берсаю, менинг ойимнинг ҳам умрларини узайтириб бўлсайди, – деди Хасан чуқур хўрсиниб.

– Ойингизга нима бўлган?

– Юраклари хаста. Бир марта қаттиқ хуруж қилди. Доктор “Ойингизни эҳтиёт қилинглар. У кишига оғир гап, қаттиқ ҳаяжонланиш, асабийлашиш мумкин эмас”, деди. Кейинги инфаркт хуружини қўтара олмаслиги мумкинмиш. Шунга биз жудаям хавотирдамиз...

Ёшлар бироз сукутда қолишли. Жимликни фақат чигирткаларнинг безовта чириллашларию, тоғ қушларининг чуғурлаб сайрашлари бузиб турар, салқин тоғ шабодасидан йигитнинг ҳам, қизнинг ҳам соchlари беҳол ўйноқларди.

– Хафа бўлманг. Яхши бўп кетишади. Эҳтимол у кишини бизникига бирор ойга олиб келарсиз. Тоза ҳаво дардларига дармон бўлармиди? Онам билан мен у кишига қараб турдамиз.

– Раҳмат, Муштарий. Яхши бўларди, – деди Хасан ва булоққа қараб нималарнидир ният қилиб юзига фотиха тортди.

– Вой, нима қиляпсиз?

– Ният қилдим.

– Ахир бу Ёмон булоқку!

– Нима, сиз иримларга ишонасизми?

– Йўқ-ку, ҳар ҳолда... Яхшиси юринг, Али Қурбон булоғига борамиз. Унинг сувини ичмабсиз, бу дунёга келмабсиз, – деди қиз ва чаққонлик билан отига миниб олди.

Улар тоғ даралари бўйлаб энди жим кета бошлашди. Хасан энди жиддийлашиб қолган, эҳтимол хаста онаси ёдига келгани ва Ёмон булоққа қараб ният қилиб қўйгани учунми, кўнгли хижил бўлиб қолганди. Қиз ҳам бу гапни ўйламай гапириб қўйгани учун ўзини-ўзи койиб борарди. Аммо ойисини тоққа олиб келиш таклифи Хасанга жуда маъқул тушди. Баҳонада уларнинг оиласи билан яқиндан танишиб олиш имконияти пайдо бўлганди.

Улар тобора баландлик сари чиқиб боришаркан, ўсимлик ва наботот дунёсининг ўзгара бориши манзарасига гувоҳ бўлишди. Тоғ тепаликлари ям-яшил ўт-ўланлар билан қалин қопланган, улкан тош қоялар бетакрор шаклда эди. Хасан бир қадам жой бўла туриб шундай хушҳаво, сўлим жойларга илгари ҳеч келмаганидан афсус чекди ва дилидагини ошкор қилди:

– Қаранг, туғилиб ўсган ватанимизнинг шундай сўлим жойлари бор экану, билмас эканмиз-а?

– Ҳа “Олдингдан оқсан ариқнинг қадри йўқ” дейишади-ку. Бу ерлар, айниқса, баҳорда ниҳоятда гўзал бўлади, оқ ва сариқ лолалар очилиб ётади.

– Ўх-хў, унда лола сайлига ҳам келарканмизда-а?

– Албатта. Ҳув ана, бораётган манзилимиз кўринди, – деди қиз анча наридаги тол ва ўриклар бўй чўзиб турган оралиқни кўрсатиб.

– Айтган ширин булоғингиз ўша ердами?

– Ҳа.

– Кетдиқ, унда тезроқ борайлик, – деди йигит ва отига қамчин босди.

Қиз ҳам шу буйруқни кутиб тургандек, “Ҳайт!” дея кийқириб олдинга интилди. Икки ёшнинг рухияти яна чўққилар қадар кўтарилиди. Бу кўтаринкилик отларга ҳам ўз таъсирини ўтказгандай туюлар, улар ҳам бир-биридан ўзмоқлиқни истаб, туёқларини эркин ташлар, икки ёшнинг ёшлик шукуҳи, қийқириқларидан улкан қоя тошлар гўё завқланиб мусобака майдони четида чўнқайиб ўтирган томошабинлардай ортларидан олқишлиб, кузатиб қолишишмоқда эди.

Ниҳоят Али Қурбон булоғига ҳам етиб келишди ва чарчаган отларни озод қўйиб юборишида, ўзлари булоқ сари тошлардан-тошларга сакраб-сакраб чиқиб боришиди.

– Нима бало, бу сакрашингиздан сиз ҳам эчки эмиб катта бўлганмисиз дейман-а?, – дея ҳазил қочирим қилди Хасан.

– Ҳар ҳолда сизга ўхшаб бузоқнинг ҳақини ичмаганман-да, акажон, – дея жавоб қайтарди қиз шаддодлик билан.

Улар шу зайл зилол булоқнинг сувидан тўйиб-тўйиб ичишди ва сирти текис, офтобда қизиб олган ҳарсанглар тепасига чиқиб чукур нафас олишди, табиат латофатидан завқланишди. Бу ерда илгари кимдир яшаб ўтган экани тош қўрғон изларидан кўриниб турар, кекса ўриклар ҳам бир вақтлар инсон қўли билан экилгани ва кейинчалик қаровсиз қолиб ёввойилашиб кетгани, баъзи шохлари қуриб гўё “Менга яна умр бер!” дея илтижо қилаётган инсонни эслатарди.

– Ҳақиқатдан ҳам булоқнинг сувига гап йўқ экан. Жудаям ширин.

– Ҳа. Қанча ниятингиз бўлса, ана энди шу булоққа айтаверинг. Бу ерда катта бобомларнинг ҳам руҳлари кезиб юрибди. Улар ҳам кўмак беришади.

– Ростданми? Нима улар...

– Ҳа. Бундан қарийб 150-200 йиллар мұқаддам катта бобом севган қизини шу ерларға олиб қочиб келип биргә ҳаёт кечиришган экан. Анави ўрикларни ҳам ўшалар экишган. Бу ерда уйлар, чорва учун құрғонлар қуришган.

– Мабодо ўша келинчак сизнинг катта момонгиз эмасми?

– Ҳа, худди ўзи. Кейинчалик бола-чақалик бўлишгач, пастроққа тушиб, ҳозирги яшаб турган қўрғонимизга асос солишган. У ерда ҳам шунақа булоқ бор, лекин суви бунчалик ширин эмас.

– Нима учун улар қочиб келишган?

– Эшишишмча, бобом момом билан аҳду паймон қилишган экан. Лекин момомнинг оталари қизларини ҳали уйланмаган акасининг ўғлига унаштирибди. Тўй куни ҳам белгиланибди. Бобом бўлса бу ишлардан бехабар бўлган. У кишлоқдагиларнинг қўй-сигирларини мана шу тоғларда боқиб юраркакан. Ўзларининг қўй-эчкилари ҳам жуда кўп экан.

– Хўш кейин, қаердан билибди?

– Қиз, яъни момом бобомнинг бошқа бир чўпон дўстидан хабар юборибди. Хуллас, бобом бор таваккал қилиб, келинни тўйи куни олиб қочибди. Бир умр азобда яшагандан кўра, бобом шу йўлни афзал деб билибди. Кейин хамқишлоқларининг қўй-сигирларини бошқа чўпон дўстига топшириб, ўзининг жониворларини ажратиб олибди-да, шу ерни макон қилиб яшай бошлашибди.

– Ҳа... Бу ерлар худди мен орзу қилгандек жойлар экан. Бобонгизга қойил! Мард йигит бўлган экан. Унинг ўрнида бўлганимда мен ҳам шундай қилган бўлардим.

– Қўйинг. Бунақа ишлар сизнинг бошингизга тушмасин. У замонлар бошқа эди.

– Келинг, шу ерда ўтганларнинг рухларига Қуръон тиловат қилиб, яхши ниятлар қиласайлик.

– Хўп майли.

Хасан тиловат қилди. Сўнгра ҳар иккаласи булоқ сувидан ховучлаб олиб унга қараб ҳам яхши ниятлар қилишди.

Булоқнинг ён томонида жуда ҳам баланд тепалик бўлиб, унинг чўққисида бир жуфт ҳарсанг тош виқор билан бўй чўзгани кўриниб турарди. Энг қизиғи, тошлар орасида бир дараҳт ўсган, у гўё кўкка томон бўй чўзиб илтижо қилаётган аёлни эслатарди. Хасаннинг кўзи ўша эгиз ҳарсанга тушди-ю, ҳаваси келди.

– Қаранг, хув анави чўққидаги қояларни кўряпсизми? Қандай ажойиб-а?

- Вой, худди эгизакларга ўхшар эканми?
- Ҳа. Ҳасан-Хусан, яъни мен билан укамга.
- Вой, сизни эгизак укангиз ҳам борми?
- Ҳа бор.
- Сизлар бир-бирингизга ўхшайсизларми?
- Ҳа, жудаям ўхшаймиз.
- Нега унда укангизни ҳечам кўрмаганман?
- У сал одамовироқ, кўпчиликни хуш кўрмайди.
- Мусобақаларда қатнашганмиди?
- Ҳа, томошабин сифатида. Юринг, ўша чўққига чиқиб келамиз.
- Майли. Қаранг, ўртасида бир дараҳт ўсган экан. У худди қуёшга илтижо қилаётганга ўхшайди-я, тавба.
- Ҳа. Билсангиз, табиатнинг ўзи бир дунё фалсафа-да. Кетдик, бўлмаса...

Ёшлар ўша эгиз қоялар кўриниб турган тиклик сари аста қўтарила бошлиши.

Тепалик ўткир қиррали тошлар билан тўлиб тошган бўлиб, чиқиш жуда ҳам мушкул эди. Эгиз қоялар яқин кўрингани билан унга чиқиб боргунича Ҳасаннинг тили осилиб қолаёзди. Муштарий бўлса бунақа жойларда эчки боқавериб ўрганиб кетганиданми, ликиллаб барвақт чиқиб олдида, уни узоқ кутиб ўтириди. Ниҳоят терлаб пишган Ҳасан деярли эмаклаб етиб келиб ўзини улкан ҳарсанглар пойига ташлади.

- Қаранг қандай гўзал манзара, – деди қиз ястаниб ётган водийни кўрсатиб.

Ҳасан ўрнашиб ўтириб, кўз олдида намоён бўлган ажойиб манзарани кўриб ҳаяжондан қичқириб юборди.

- Э-ҳе-ҳе-ҳей!!!

Тоғлар “ҳе-ҳей!” деган ака-садо берди. Йигит ниҳоятда баҳтиёр эди. Сўнгра эгиз ҳарсанг тошларни кўздан кечиришди. Улар ҳақиқатдан ҳам бир-бирига жуда ўхшаркан. Илгари ягона тош бўлган бўлса керагу, кейинчалик яшин урганми, ҳар ҳолда ўртасидан қирқиб қўйилган, баландлиги 8-10 метрлар чамасида эди. Аммо ўртасидаги бежирим Қатаранғи дараҳти кўкка бўй чўзиб турарди. Шу маҳал йигитнинг кўзи дараҳт тагида аллақандай гулсимон ўсимликка тушди. Бунақасини у илгари учратмаганди. Уни узиб олмоқчи бўлди.

- Анави, қанақа гиёҳ бўлди? – сўради у ажабланиб.

– Ие вой, бу ёмон гиёх. Номи ёдимда йўқку, лекин момом бунақа гиёҳдан қадим замонда заҳар таёrlашганини айтгандилар. Яххиси унга тегманг.

Улар яна бироз ўтиришди. Аммо энди Муштариининг кайфияти негадир ўзгарди. Ўзини беҳол ҳис қила бошлади.

– Хасан ака, кетайлик.

– Йўғе, яна бир оз ўтирайлик.

– Ҳали тушишингизният ўйланг. Чиқишдан тушиш қийин. Камида икки соат кетади, кеч бўлиб қолди. Уйдагилар мени қидириб қолишади.

– Бўпти, кетдик. Бошқа бирор кун келармиз.

– Ҳа, насиб қилса, – деди қиз. Аммо унинг кайфияти негадир суст эди. “Ёмон булок, унга қилинган ният, эгиз тошлар ва улар орасидаги улгайган дaraohт, дaraohт тагидаги заҳарли гиёх. Қизиқ, булар нимадан дарак бераркин? Охири баҳайр бўлсинда, ишқилиб”, – деди қиз хаёлан.

Улар пастга жуда қийинчилик билан тушдилар. Хасаннинг яп-янги туфлиси деярли дабдала бўлди. Қиз ўзи билан калиш кийиб олган экан, деярли қийналмади. Булоқ ёнига аранг етиб олишди-да, сувдан яна тўйиб-тўйиб ичишди. Муштарий отига минаркан негадир кўнгли бир ғашликни туяр, камгап бўлиб қолганди. Унинг чехрасига фақат қўргонларига яқин қолганидагина майин табассум инди.

– Анави бизнинг қўргонимиз, – деди қиз бир тоғ оралиғидаги булоқ атрофидаги қалин дaraohтзор ва тошdevор билан ўралган қўргонни кўрсатди.

– Эҳ-ҳе, жуда ажойибку! – дея хайратини яшира олмади Хасан. – Шу ер ҳали менинг ватаним бўлади денг.

– Ҳа!

– Бахтли қиз экансиз. Нима учун айттайми?

– Айтинг.

– 200 йил аввал катта бобонгиз ўз севган ёри бўлмиш катта момонгизни шу ёқларга олиб келиб, у билан ширин ҳаёт қуриб, мана шундай ажойиб масканлар барпо қилишибди. Уларни авлодларига қолдишибди. Сиздай гўзал зуриёдлар пайдо бўлишига сабабчи бўлишибди. Қойил! Мен катта бобонгизга тан бераман ва у кишига ҳозир чиндан ҳам ҳавасим келаяпти.

– Сиз ҳам яхши ният қиласеринг, “Орзуга айб йўқ” деганлар., – деди Муштарий ширин табассум қилиб.

— Албатта. Бўлмаса яна қачон учрашамиз? Менга бор-йўғи иккита булоқ кўрсатдингиз холос-ку. Унинг бири яхши, бири ёмон экан.

— Сизга яна қанақаси керак, ўзи?

— Зўри керак, “Импортный” бўлсин, – деди Хасан хазил қилиб.

— Ундан ҳам зўри бор. Лекин бир шарт билан.

— Қанақа шарт?

— Ҳозир сиз ҳам, мен ҳам имтиҳонларга таёrlаняпмиз. Энди “тест жавоблари” чиққан кунининг эртаси келасиз. Ўшандада сизни Терагистон дарасига олиб бораман.

— Хўп, келишдик!

Улар бир-бирларига омад тилаб хайрлашдилар. Хасан пастлик томон отини чоптириб кетди. У нихоятда хурсанд эди.

РЎМОЛЧА

Кунлар шу қадар тез ўтдики, Муштарий Наманган педагогика институтига, Хасан бўлса Фаргона Политехника институтига тест имтиҳонларини топшириб келишди. Жавоблар чиқишига бироз муддат бор эди. Аммо йигит билан қиз бир-бирларини шундай кўргилари келмоқда эди. Улар ҳали дил изҳори қилиб улгуришмаган бўлсалар-да, ҳар иккисини ҳам тош курсининг оҳанграбоси ўзига тинимсиз чорлайверди. Хасаннинг сабри чидамади. Ҳеч бўлмаса курсида бир бор ўтириб, узокдан бўлсада, Муштариylарнинг қўрғонини кўриб келмоқчи бўлиб, йўлга отланди. От бир маромда борар, унинг туёқ товушларига монанд Хасан ҳам халқ термаларидан бирини куйлаб борарди. У бўш пайтларида ва умуман қўшиқ куйлашни ёқтиради:

Олма отгим келади,

Беҳи тотгим келади,

Суйиб қолган ёримни-ей,

Олиб ётгим келади.

Ёрим келади яшинаб,

Зар кокилини ташлаб,

Хипча белини ушлаб-ей,

Шакар лабини тишлаб...

Муштарий ҳам энди негадир уй ичига сифмай қолди. Юрса ҳам, турса ҳам фикри хаёли Хасанда эди. Эчкини соғаётганида ҳам, булоқларидан сув олаётганида ҳам, отига

миниб тепаликларни сайр қилаётганида ҳам, узок-узоқларда хиёл кўриниб турган ўша чўққидаги эгиз қояга кўзи тушганида ҳам негадир бўлган гапларни ёдига олар, йигитни қўмсарди. Энди бўш пайтлари тош курсига бориб рўмолча тўқиб ўтиришни ва кутган йигитининг тўсатдан келиб қолишини пойлашни одат қилди. Онасиға ҳам ҳар доим “Мен тош курсида бўламан” деб айтиб қўярди-да, кетарди. Саломат хола ҳам узоқдан қизининг иш қилиб ўтирганини кўриб хотиржам эди.

Кунлардан бир куни рўмолчасидаги гул шохидаги ўтириб сайраётган булбул суратини ип билан безаб, қўшиқ хиргойи қилиб ўтирганида Кумуш хузурида Отабек мисоли Хасан пайдо бўлди. Хасан аста сездирмай бориб, курсининг орқасига ўтириб олди-да, севиб қолган қизининг нолаларини мароқ билан тинглай бошлади. Муштарий ҳам халқ қўшиқларидан мароқ билан куйларди:

*Сув келар гулдур-гулдур,
Суйганим қизил гулдир.
Суйганим топилмаса-ё,
Ўлганим ўшал кундир.*

Хасан энди чидай олмади ва “Воҳ!” деб юборгани ўзи ҳам сезмай қолди. Қиз бир чўчиб тушди. Унинг завқига яна завқ бағишлиш учун йигит халқ лапарини қолган жойидан давом эттирди:

*Сув айланиб оқмайди,
Ёр қайрилиб боқмайди,
Ёр қайрилиб боққанде-ё,
Бир қулоги ёқмайди.*

Қиз ҳам энди ташабуссни ўз кўлига олди:

*Олма берсан олмайсан,
Беҳи берсан олмайсан.
Айтчи қайси боғдансан-о,
Куйдирмоқни ўйласан?*

Йигит ҳам бўш келмади:

*Мен боғингга бормайман,
Олма берсанг емайман,
Энди ақлим кирибди-ё,
Бошқа билан юрмайман.*

Киз “Хо!” деб қўйди-да, давом этди:

*Ака отинг кўқмиди?
Кўк бедаси йўқмиди?
Мунча менга қарайсан-о,
Қора кўзинг йўқмиди?*

Аммо Хасан кутилмагандага шундай якун ясади:

*От минсам ҳам ўйлайман,
Минмасам ҳам ўйлайман,
Севиб қолган ёримга-ё,
Минг боқсам ҳам тўймайман*

- Э яшанг, қойил сизга! Истеъододингизга гап йўқ! – деди Муштарий йигитни алқаб.
- Сиз ҳам чакки эмассиз.
- Бу соҳада ҳам беллашсак бўларкан, тўғрими?
- Ҳа албатта, яхши фикр. Мен халқимиз термаларини яхши кўраман. Уларни тўплаб, ёзиб юраман, кейин хиргойи қилиб дегандек.
- Шеър ҳам ёзасизми?
- Йўқ. Нима эди?
- Мен оз-моз машқ қилиб тураман-да.
- Ўх-ҳў, ростданми? Бир эшитайликчи, қани.
- Унчалик яхшимасда. Ўзим учун ёзиб юраман холос.
- Энди бундан буёғига мен учун ҳам ёзинг, бўптими?
- Бўпти... Мана эшитинг бўлмаса:

*Куздан сўнг баҳор келмас,
Бу ёшлик тақрор келмас,
Ҳеч қачон ашъор келмас,
Севмаган кўнгилларга.

Гулми, тикан бари-бир,
Унга бил, фарқи надир?
Вафосизликдан гапир,
Севмаган кўнгилларга.*

Хасан қарсак чалиб юборди.

– Э, яшанг! Қойил !Сиз тайёр шоира экансиз-ку. Шеърларингизни туманимиз газетасига ҳам бериб турасизми?

– Э, йўқ. Бир борувдим, ҳафсаламни совутишди.

– Нимага?

– Бир сўхтаси совук бўлим мудири бор экан. Шеърларимни қўлига узатсан “Яхши қиз, маълумотингиз қанақа?” деб сўради. Мен “Маълумотимни шеър ёзишга нима дахли бор?” – дедим. У бўлса “Ие, билиб-билмай хар нарсани ёзаверадими? Аввал ўқинг, диплом олинг, кейин ёзинг”, – деди. Мен “Ака, шеър ёзиш учун диплом керакмас, ахир у юракдан ёзилади-ку” десам шеъримни ўқимай туриб “Менга ақл ўргатманг”, – деб қўлимга қайтариб берди.

– Оббо, ифлосей. Демак у шеър, ижод, истеъод нималигини тушунмайдиган бир молфаҳм амалдор эканда. Хафа бўлманг, энди шеърларингиз халқ сайлларида, йиғинларида ўқиб беринг ёки қўшиқ қилиб айтинг. Айтмоқчи, жуда яхши овозингиз ҳам бор экан-а?

– Сизники ҳам чаккимас.

– Хўш, шоирахон айтган зўр булоғингизни энди кўрсатасизми?

– Э йўқ. Бугун эмас. Ахир мен сизга нима дегандим?

– Имтиҳонлар натижаси чиқсин, дегандингиз.

– Ҳа ўлманг. У ер анча узоқ, ул-бул егулик олволиш керак бўлади-да.

– Э бўлди, сизни тушундим. Битта эшакдай қўйни пишириб олсан бўладими?

– Йўге, қуёндек товуқ ҳам бўлаверади, – деди қиз жилмайиб.

– Яхши. Унда сочма ўқли милтиғим ҳам бор, кушларни ов қиласиз.

– Э, йўқ. Ундей қилмайлик. Шундоқ ҳам қуш бечоралар камайиб кетяпти.

– Бўлмаса бундай қиласиз. Уйда битта қари хўроғим бор. Уни олиб келиб қўйиб юборамиз, кейин орқасидан росса қувлаймизда, кейин тутиб олиб кабоб қиласиз, қалай?

– Чархпалай!

Ёшлар мириқиб кулишди. Шу маҳал узоқдан бир аёлнинг чақирган овози эшитилди.

– Ие,вой яширининг! – деди Муштарий. – Бу киши онам бўладилар, бизни узоқдан кўриб қолибдилар, шекилли.

Хасан тош ортига яширинди. Қиз қўрғонлари томон рўмолини силкитиб “Мана хозир бораман!” – дея қичқирди.

– Бўпти, Хасан ака. Бошқа куни гаплашармиз-а?

- Мени күриб қолишган бўлса, нима дейсиз?
- Анави қўшни яйловдаги Асқар деган чўпон бола дейман, яхши боринг.
- Қўлингиздаги нима?
- Рўмолча тўқиётувдим.
- Нега?
- Нега бўларди. Ахир урф-одатларимизни яхши биласизку.
- Ким учун тўқияпсиз?
- Бўлғуси ҳаёт йўлдошим учун-да.
- Ростданми?
- Ҳа.
- Чиройли экан менга берақолинг – деди Ҳасан ўсмокчилаб.
- Бўпти. Беш дақиқа ўтириб туринг бўлмасам, битиб қолди.
- Мақул. Беш дақиқа эканку, керак бўлса бир умр кутганим бўлсин.
- Оҳ-ҳо, яхши ният қилинг.
- Худо хоҳласа ўқишига кириб кетсан, учрашиб турамиз, хўпми?
- Йўқ. Ҳаёлни чалғитмай ўқиши керак бўлади.
- Оббо, худди онамга ўхшаб насиҳат қиласиз-а.
- Айтмоқчи, у киши тузукмилар?
- Ҳа раҳмат. Яхши эслатдингиз, у кишини қачон опкелсам бўлади?
- Истаган пайтингизда. Мехмонхонага жой қилиб қўяман.
- Муштарий, рўмолчангиз битгунича шеъларингиздан айтиб беринг, илтимос.
- Хўп, фақат битта шарт билан. Сиз ҳам битта қўшиқ айтиб берасиз.
- Бор овозим биланми?
- Ҳа.
- Унда онангиз эшитиб қолсаларчи?
- “Қўл магнитафоним эди” дейман.
- Бўпти, аввал сиз айтинг.

Муштарий қора қалам қошларини нозланиб бир чимириб олди-да, шеърларидан бирини ифодали қилиб айтиб берди:

*Баҳорлар йўқламас боғман, мен,
Оҳулар тарқ этган тоғман, мен,
Осмонга сизмаган моҳман, мен,*

Бағрингизга яшириңг, мени.

Ой парилар олиб кетмасдан,

Умр поёнига етмасдан,

Фурсатингиз күлдан кетмасдан,

Бағрингизга яшириңг, мени.

– Вой-дод!...

– Қалай?

– Чархпалай!

– Сиз ҳам қўшиғингизни айтинг.

– Эшитинг. Сизга Зебижонни айтиб бераман. Халқ қўшиғи, халқ куйи, ижро этади халқнинг битта вакили, яъни каминаи камтарин! – деди йигит хурсанд томогини бир қириб оларкан дўпписини доира қилиб олиб, гўё “даранглатиб” чалди ва завқ билан куйлай бошлади:

Зебижон, ҳайда, қўйингни боқаман,

Лабларингда писта-бодом чақаман.

Лабларингда писта-бодом чақмасам,

Эшигингда чаима бўлиб оқаман.

Зебужон, жон Зебу, Зебужон

Зебужон, Зебужон –

Зебижонни боги бор, богбони йўқ,

Юрак оғриқ дарди бор, дармони йўқ.

Зебижон боғингга боғбонинг бўлай,

Юрагингни дардига дармон бўлай...

– Э, яшанг! Зўр айтарқансиз, Ҳусан aka!

– Ҳусан эмас, Ҳасанман. Нима бало укамни кўрмай туриб ҳозирдан бизни адаштириб қўйяпсизми?

– Вой, узр. Укангиз ҳам қўшиқ айтадими?

– Ҳа. У ландовур ҳам баъзан қовоқарига ўхшаб ғингиллаб туради.

– Бирга айтсанглар, жўровоз бўлиб зўр чиқса керак-а?

– Эҳтимол. Лекин болалигимизда биргаллашиб йиғлаганимизда биздан бутун маҳалла безор бўларди.

Муштарий кулиб юборди. Шундай кулдикি, тўсатдан онаси эсига келиб тўқиётган рўмолчаси билан оғзини ёпди.

– Ҳой, бўлдими? – сўради Хасан бетоқат.

– Ҳа, мана, – деди қиз ва қайчисини олиб ортиқча ипларини қирқиб текислади. Мана, марҳамат, насиб қилсан.

– Ишқилиб Дездемонаники эмасми? – сўради йигит ҳазил қилиб.

– Йўғе, бизлар у даражага бормасмиз.

Хасан рўмолчани олиб ўзида йўқ шодланди... Уни узоқ хидлаб турди-да “Э-ҳе-ҳе-хей!!” дея ҳайқирди.

– Ҳой жинни, бақирманг, жўнанг тез!

– Муштарий, раҳмат сизга...

Қиз ерга қаради.

– Арзимайди.

– Арзийди. Бу мен учун энг азиз совға бўлади, – деди йигит ва пастлик томон қуш каби парвоз қилди. У жуда бахтиёр эди. Чунки берилган рўмолча Муштариининг унга бефарқ эмаслигини эслатувчи нишона ҳисобланади.

Қиз ҳам ширин орзуласида қўрғонлари томон “парвоз” қилди.

* * *

Орадан кунлар ўтди. Нихоят тест жавоблари чиқди. Афсуски ҳар икки қалби қайноқ ёшларга олий ўқув юртига кириш насиб этмади ва бу ҳол кутилмаганданда ҳаёт тақдирларининг кескин ўзгариб кетишига сабаб бўлди.

Ҳафа бўлган Муштарий эртаси ўша келишилган жойда Хасанни қутиб тош курси тепасида тиззаларини қучоқлаганича хомуш ўтиради. Унинг фикри-ўйи Хасан акасида бўлиб, “Ишқилиб у киши кириб олган бўлсинларда, йўқса Россияга кетиб қолишлари мумкин. Менку янаги йили ҳаракат қилиб кўраман. Аммо ўшанда ҳам кира олмасам отам мени турмушга узатиши аниқ. Чунки синглим Сурайё ҳам кейинги йили мактабни томомлади. Қолаверса, бизникини совчилар ҳам топиб келишлари мушкул. Шундан чўчишади...”

– Салом ! – деди шу пайт тўсатдан Хасан ва қизга бир даста атиргулни узатди, –
Манави сизга!

Қизнинг баҳри дили очилиб кетди ва нохуш ўйлари шу ондаёқ барҳам топди.

– Вой, раҳмат! Нима бўлди?! – сўради у шоша-пиша.

– Бўлмади, – деди йигит.

Бироқ у жуда хотиржам эди.

– Контрактга илинишим мумкин экан, лекин керакмас. Яхшиси ишлагани кетаман, тўй учун пул ишлаб келаман.

– Хм-м, тўй учун денг..., – деди қиз хаёлан ва кўнглидан “Ишқилиб келин сизни кутармикан” деган ўй ўтди.

– Ўзингизчи? Нима бўлди?

– Бўлмади, – деди қиз лўнда қилиб. Лекин негадир йиғлагиси келиб кўзлари намланди.

– Хафа бўлманг, ҳали ҳаёт олдинда. Яхши тайёргарлик кўринг, янаги йили, албатта, кирасиз.

– Хўп, – деди қиз гулдастани юзига босиб тўйиб хидларкан.

Гулларнинг муаттар хиди уни ҳам хотиржам қилди.

– Кетдикми?

– Кетдик!

– Хўрозингиз қани?

Хасан хуржунга ишора қилиб:

– Кувиб хўрозни қийнамайлик дедим-да, уни қозонда беш соат қайнатдим.

Шўрвасини шифо бўлсин деб онамга бердим.

– Яхши қилибсиз.

– Борадиган жойимизда сув борми, ишқилиб?

– Бўлганда қандоқ, билакдай сув отилиб чиқади, чиқади-ю икки метрдан кейин яна тошлар орасига сингиб кетади.

– Қизиқ. Ўша ерни боғ қилса бўларканда-а?

– Бўлади. Лекин у булоқ асосан чорваларни суғориш учун хизмат қилади.

– Жўнадик, бўлмаса.

– Лекин Хасан ака, бугун тезроқ қайтамиз-а? Ўтган сафар уйдагилардан хийла гап эшитувдим, – деди қиз ўз тулпорига чаққонлик билан миниб оларкан.

– Майли. Мен ҳам кечки пайт Красноярск билан телефон орқали гаплашмоқчиман.

– Ким билан?

– У ерда амакиваччам бор. Мен ундан шароитларни сўраб, “Кел”деса тезроқ кетмоқчиман.

Муштарий индамади. Кутилаёттан айрилиқни ўйлаб алланечук бўлиб кетди. “Куриб кетсин, тоғда на почта бор, на телефон” деб фикран ранжиган бўлди. “Хат ёзиб турасизми?” деб сўрамоқчи ҳам бўлди. Лекин хатни қаерга, кимга ҳам ёзарди. Бу тоғга ким ҳам уни олиб келиб берарди. Шуларни ўйлаб оғиз очмай қўяқолди.

Ўртадаги жимликни фақат беозор отларнинг туёқлари бузар, улар баъзан ўзаро маъноли пишқириб қўйишарди. Йигитнинг ҳам хаёлида турли ўйлар ғужгон ўйнарди. “Муштарий мени қутасизми?” деб сўрагиси келар, аммо юраги дов бермаётганди. Ниҳоят лоп этиб бошқа бир таклифни ўртага ташлади:

– Муштарий...

– Ҳа, лаббай.

– Мен билан Россияга кетмайсизми?

– Вой! Мен у ерда нима қиласман?

– Бирга юрамиз. Аёлларга ҳам иш топилади. Эҳтимол ўша ерда ўқирмидингиз?

– Йўқ. – дея кескин жавоб берди қиз. – Биринчидан, отам-онам рухсат беришмайди, иккинчидан, рус тилини мутлақо билмайман. Сиздан илтимос, бу хақида бошқа гаплашмайлик.

– Хўп. Лекин сизни соғинаман...

– Соғинсангиз тезроқ қайтасиз-да.

– Қутасизми?

– Билмасам. Бу менга боғлиқ эмас. Чунки мендан кейин синглим бор. Агар ўқишига кириб олганимда эди, турмушга Сурайёни узатаверишарди.

– Ҳм-м, шунақами?

– Ўзингизчи? Бормасангиз бўлмайдими?

– Нима десам экан. Гапнинг тўғриси тўй қилишга имкониятимиз йўқ, Ҳусан иккимиз бир вақтда уйланишимиз керак бўлади. Кейин икки синглимиз ҳам бор. Бунинг устига онамизнинг юраги хаста... Отамиз бўлса уста эди, томдан йиқилиб тушиб ногирон бўлиб қолганлар.

– Тушундим. Демак, сиз оила бошисидза-а?

– Ҳа, шунақароқ...

– Қачон кетмоқчисиз?

– Бугун амакиваччам билан гаплашайинчи. Шунга караб Наманганга чипта олгани бораман.

Йигит ва қизнинг кайфиятлари тушиб кетди. Анча вақтгача миқ этмай кетишиди. Улар теварак табиатнинг гўзаллигига ҳам бефарқ бўлиб қолдилар. Шу пайт йўлларидан бир ёввойи қуён чопиб ўтмаганида, ким билади оғизларига яна қанча талқон солишарди?

– Куён! – дея қичқириб юборди тўсатдан Муштарий.

Жониворга кўзи тушган Хасан отдан сакраб тушди-да унинг кетидан қува кетди. Лекин қанча уринмасин, уни тута олмади. Муштарий завқланиб кулди. Унинг кўнглидаги нохушлик унут бўлаёзди. Тутқич бермас қуён йигитни масхара қилгандай бир дўнглик тепасига чиқди-да, чўнқайиб ўтириб олди.

– Ана қаранг, сизга қараб “Тутолмайсан, кал-кал” деяпти.

– Ҳе сени қараб тур, қўлимга тушсанг бўридай ғажийман!

– Вой, у сизга нима ёмонлик қилди?

– Ёмонлик қилгани йўқ, у мени енгди.

– Демак чаққон спортчи экан-да.

– Қиссадан ҳисса шуки, ёв билан олишадиган одам қочишни ҳам билиши керак.

– Ҳа, лекин қуён юрак бўлиб эмас.

– Албатта шерюрак бўлиб.

– Хасан ака келинг, бир лапар айтишув айтамиз.

– Қайси бирини?

– Ҳм-м... Масалан “Ёр, унда на қилғайсан?” дегани менга ёқади. Уни биласизми?

– Ҳа-ҳа, эсладим “Сен тоғ капитари бўлсанг...”, шуми ?

– Сайлда Ғоваликлар айтишувди-ку.

– Э, бўлди. Бошланг қани?

Қиз :Сен тоғ капитари бўлсанг,

Орқамдан қувиб юрсанг.

Мен тезгир лочин бўлиб,

Чангала олиб қолсам,

Ёр, унда на қилғайсан?

Йигит :Тез учар лочин бўлсанг,

Чангала ушлаб қолсанг,

Мен мерган овчи бўлиб,

Милтиқда отиб олсам,

Ёр, унда на қилғайсан?

Қиз : Сен мерган овчи бўлиб,
Милтиқда отиб олсанг.
Мен боғда анор бўлиб,
Қизарип пишиб турсам,
Ёр, унда на қилғайсан?

Йигит : Сен боғда анор бўлсанг,
Қизарип пишиб турсанг,
Богинга боғбон бўлиб,
Битталааб узиб олсам,
Ёр, унда на қилғайсан?

Қиз : Богимга боғбон бўлиб,
Битталааб узиб олсанг.
Мен боғда узум бўлиб,
Саргайиб пишиб турсам,
Ёр, унда на қилғайсан?

Йигит : Сен боғда узум бўлиб,
Саргайиб пишиб турсанг.
Мен юрган ари бўлиб,
Шакар лабингдан сўрсам,
Ёр, унда на қилғайсан.

- Хе ўлинг, уятсиз! – деб жеркиб берди қиз.
- Ахир буни мен тўқиганим йўқ, аждодларимизнинг миллий қўшиғи-ку, бу. Давом этинг. Қани уялманг – деди йигит, эътиroz билдирган бўлиб.
- Сен юрган ари бўлсанг. Шакар... Э, йўқ бошқасини айтайлик.
- Эх, эссиз шундай ажойиб қўшиқни тўхтатиб кўйдингиз-а. Бунинг жаримасига энди ўзингиз битган шеърлардан айтиб берасиз.
- Хўп, – деди қиз ўзининг муҳаббат ҳақидаги дилбар шеърини бошлиди

Розим сўзлай сабога,
Дардим айтай навога,
Қолдирмасдан жафога,
Кетсангиз, олиб кетинг.

Кўнгилга кўнгил бойлаб,
Ишқ аро мени сайлаб,
Ўзингиз bemор айлаб,
Кетсангиз, олиб кетинг.

Ишқ гулимни сўлдирманг,
Юрагимни куйдирманг,
Жонимдан хўб тўйдирманг,
Кетсангиз, олиб кетинг.

Хаётимда сиз борсиз,
Ўйларимга сиз ёрсиз,
Кўнглим рубоб, сиз торсиз,
Кетсангиз, олиб кетинг.

Сизсиз келмайди баҳор,
Юрак йиглайди бедор,
Айрилиққа қилмай хор,
Кетсангиз, олиб кетинг.

Хасан шеърнинг маъносидан лол қолди. Гўё оти ҳам унинг ҳолатини сезгандай таққа тўхтади.

- Муштарий, қойил! Лекин мен сизни албатта олиб кетаман. Фақат бориб жойлашиб олай, бирор ишнинг этагини тутай.
- Э йўғе, нималар деяпсиз. Бу дилим изҳори холос. Майли руҳимни ола кетинг.
- Худо хохласа, сизни бир кун олиб кетаман. У ёқнинг ўрмонлари шундай гўзалки, таърифи йўқ. Енисей дарёси сокин оқади. Қани энди ўша дарё соҳилида бирга ўтирасак, фарзандлар ортирасак.

- Ўх-хү...
 - Нима бўпти, яхши ният ярим мол деганлар.
 - Ха албатта, орзуга айб йўқ. Лекин тақдиримизга нималар ёзилганини хали билмаймизку.
 - Муштарий, мени кутасизми?
 - Билмасам...
 - Мана кўрасиз, биз барибир бирга бўламиз кўнглим сезиб турибди. Шунинг учун мен хотиржамман. Бирор йил ишлай сўнгра уйингизга отамни юбораман. Кўлингизни сўратаман.
- Муштарий индамади. Қизариб кетди. Отини кафти билан оҳиста туртиб қўйди. У бехад шод эди.

* * *

Шундай қилиб даралар оралаб баландлик сари узоқ юришгач, нихоят улкан қоя тошларга бурканган ва қоялар орасида кўкка масрур бўй чўзган ёлғиз терак ва тол дарахти кўриниб турган Терагистон дараси кўзга ташланди. Мухаббат изҳоридан сармаст Хасан бундай улуғвор гўзал масканни кўриб “Воҳ!” деб юборди.

- Қандай ажойиб-а?!... Юринг, тезроқ бора қолайлик, – деди йигит ва тулпорини илдам никтади.

Муштарий ҳам завқланиб унинг ортидан эргашди. Терагистонга етмасдан анча берида ўша билакдек сув фаввораси очилиб чиқиб турган булоққа дуч келишди. Сувда ҳузур қилиб юз-қўлларини ювиб, тўйиб-тўйиб ичишди. Аммо сув ўта совуқ экан, тишларини қамаштириб юборди.

- Маззаси қалай экан? – сўради қиз.
- Ҳм-м... Али Қурбон булоғичалик эмас. Маззаси ўхшайди-ю, лекин ундан совуқроқ экан.
- Тўгри. У булоқнинг сувини bemalol ичса бўлади, кейин таъми ҳам бошқача эди.
- Лекин бу жой ҳам чаккимас, бўлаверади. Бу булоқнинг номи нима?
- “Бургутли”дейишади. Нима дам олгани келмоқчимисиз?
- Йўқ. Шу ерга бир ошиён қуриб бола-чақа билан яшамоқчиман. Хўш, розимисиз?
- Э, йўғе, нималар деяпсиз?
- Ха энди, бир айтдим қўйдимда.

– Суғорилган бўлсангиз, акажон, унда тезроқ юринг. Йўқса мен айнаб қолсам Терагистонга ўзингиз борасиз.

– Бўлди. Қани етакланг бўлмаса, кетдик. Э тўхтанг, шу ерда тушлик қилиб олмаймизми-а?

– Йўқ. Тушликни Терагистонда қиласиз. Ажойиб жой.

Улар яна олға юришди ва икки чақиримгача улкан ҳарсанглар оралаб аланг-буланг юришиб, ниҳоят ғаройиб қоялар ва қулоч етмас улкан дараҳтлар уйғунлашган масканга етиб келишди.

– Бу ёғига отлар боролмайди, яёв кетамиз, – деди қиз. Какликлар сайрашига қулоқ тутаркан.

– Бўпти, унда егуликларни олволамиз – деди йигит.

Улар қоялардан қояларга тирмашиб, узоқ-узоқлардан тоғ тепасида маҳобатли бўлиб кўриниб турган Терагистон дарасига чиқиб боришли. Тошлар улкан, ўтқир қиррали ва сип-силлиқ бўлиб, баъзан Хасаннинг оёқлари сирғаниб кетмоқда эди.

– Эҳтиёт бўлинг, хой шаҳарлик, ким айтади сизни чаққон сардор деб.

– Ҳа, шуғулланмаганим алпинизм қолувди.

– Шу соҳада ҳам мусобақалашсак бўларкан-а?

– Бунинг учун тоғингизни қишлоғимизга кўчириб боришимиз керак бўлади, холос.

Улар улкан қояларни баъзан ёқалаб, баъзан тирмашиб ғаройиб дараҳтзор ҳузурига ошиқишарди. Муштарий чаққонлик билан тошлардан-тошларга сакрап ва ҳамроҳига йўл кўрсатмоқда эди.

Ниҳоят қулоч етмас улкан терак поёнига етиб келишди. Унинг ёнида ҳам кичик булоқ бўлиб, суви тошлар орасидан жилдираб оқиб турарди.

– Эҳ-ҳе, таърифлаганингизча бор экан.

– Зўр эканми?

– Ҳа! Энди шу ерда овқатланамиз. Кейин теварак-атрофни тамоша қиласиз. Нима дедингиз?

– Бўпти.

Улар теракнинг бўртиб чиққан улкан томирларига ўтириб, ўртага дастурхон ёзишди. Хўроз гўштини пақкос тушириб, булоқ сувидан тўйиб ичишди.

– Юртимизнинг шундай гўзалари бор экану, билмас эканмиз-а, қаранг?

– Бу ерлар одамлардан йироқлиги учун сақланиб қолган, яқин бўлганида манави теракни аллақачон кесиб кетишарди.

– Ҳа, бундай ерларни, умуман, табиатимизни асраш керак.

– Менимча, бу ерларга янги тераклар, арча, толлар экиш керак. Шунда дам олиш масканлари кўпаяди. Ўзбекистонимизда одамлар, асосан, иссиқ даштликларда, дала чўлларда истиқомат қилишади. Бунаقا жойларга келиб ҳаво алмаштириб туришса ёмон бўлмасди.

– Тўғри. Катта бўлсангиз сиздан яхшигина жонкуяр депутат чиқади. Қаранг, “Спортчи, комсомол, соҳибжамол, шоира, қўшиқчи, алпинист, депутат ва ниҳоят севимли ёр”.

– Ўх-хўй, ўрисчани қийворар экансиз-ку, уни қаердан ўргангансиз?

– Кўшнимиз Россиядан уйланган. Унинг ўғли билан дўстлашиб кетганмиз. Исми Эмир.

– Хўп, Эмирнинг ўртоғи, Хусаннинг акаси, бўлмаса ортимизга қайтайлик. Энди кеч бўлиб қолди.

– Дарров-а?

– Ҳали сизга нима дедим. Энди тушишниям ўйланг.

– Хўп, дедим-ку. Қани омин, қадам етди бало етмасин, нима яхши ният қилган бўлсак ҳаммаси ижобат бўлаверсин!

– Айтганингиз келсин, илоҳим! Хўроz боққанга раҳмат.

– Уни егангаям.

Ёшлар завқланиб кулиб олишди ва ўринларидан туришиб, бу азиз жойни тарқ этишга ҳозирланишдилар.

– Муштарий тўхтанг, мана шу азим теракка исмимизни ўйиб ёзиб қўяйлик.

– Э йўғе, дарахтга озор бериб бўларканми? Ана истасангиз тошга ёзинг, тарихда қоласиз.

– Эҳ, эссиз бўёқ олиб келмабманда.

– Кетдикми?

Хасаннинг хаёлига бир фикр келди, тўхтаб қолди ва ийманиб оғиз жуфтлади.

– Муштарий тўхтанг, ҳалиги...

– Нима?

– Бир муҳим гап сўрасам майлими?

- Сўрайверинг.
- Мана, шу азим тераклар хаққи ва унинг гувоҳлигига шуни айтмоқчиманки...
- Нимани атмоқчисиз?
- Сизни яхши кўраман.

Муштарий уялиб “Вой!” деб ерга қараб олди.

- Сизчи Муштарий? Мени ёқтирасизми?
- Ҳа... – деди қиз ерга қараб билинар билинмас.
- Мана шу азим терак хаққи кутасизми?

Қиз бошини “Ҳа”дегандек оҳиста қимирлатди. Йигит эса хурсанчилигидан қийқириб юборди.

– Эҳ-хе-хе-ҳей! Эшитяпсизми тоглар?! Муштарий мени кутаркан!

Қоялар “кан-кан!” деган акс-садо берди.

Улар энди қўл ушлашиб бир-бирларига ёрдамлашиб пастлик сари туша бошлишди. Қалбларида ҳаяжон, ёшлиқ шукуҳи жўш урап, оташин муҳаббат ғунчалари эндинга куртак ёза бошлаганди...

* * *

Шундай қилиб Хасан Россияга ишлагани кетди. Бошқа булоқларга боришга ҳам улгурмадилар. Чунки амакиваччаси “Тезда етиб кел”, – дебди. Кетиш қуни аниқ бўлгач, Хасан Муштарийни ўзи қидириб келди. Тош курсига ўтириб уларнинг тошқўрғонлари томон ойна синигининг нури билан гўё хабар бера бошлади. Вақти зик эди. Ҳа деганда қиз бу “хабар”ни англайвермади. У орзулар оғушида халқ термаларидан хиргойи қилиб, сепи учун палак тикиб ўтиради. Яхшики, “хабар”ни тезакни тош деворга таппи қилиб ёпаётган онаси Саломат хола сезиб қолди.

- Ҳой, Муштарий!
- Ҳувв!
- Карагин, анави томонда бир нарса ҳадеб ялтираяпти-я?
- Нима экан?
- Билмасам. Анави чўпон Асқар шекилли. Сен борадиган тошга чиқиб ўтириб олибди, қара.

Қизнинг хаёлига ялт этиб тош курси келди. “Бу Хасан акам, Хасан акам, бу!” дея сапчип ўрнидан туриб кетди ва чопиб чиқиб боғлиқ турган тулпорини етаклади.

– Ҳой, сен қаёқقا?!

- Ҳозир келаман. Асқар менга бир китоб бермоқчи эди.
- Тез қайтиб кел, хамир кўпид қолди.
- Ҳўп бўлади, ҳозир келаман.

Қиз отига чаққонлик билан минди-да, уни чоптириб кетди. Саломат хола ортидан ҳайрон қараб қолди.

– Ҳаҳ, хайрият, – деди Хасан у бориши биланоқ. – Бир соатдан бери сигнал бераман-а. Энди таваккал ўзим қўргонингизга “Зебижон”ни айтиб бостириб бормоқчи бўлиб турувдим.

- Яхши келдингизми? Нима гаплар?
- Ўша гап?
- Кетятпизми?
- Ҳа.
- Қачон?
- Бугун тунда.
- ... К-кейин, қачон келасиз?
- Агар тинчлик бўлса, келаси йили шу вақтда-да.
- Нима, ўқишга бошқа топширмайсизми?
- Йўқ. Ишлаб пул топганим маъқул. Ўқиш қочмас. Сизга шароитни тушунтирдим-ку.
- Ҳа, тушунаман.
- Укамга айтаман, баъзан сиздан хабар олиб туради.
- Онангиз келадиларми?
- Ҳа отамга айтдим. У отангизни яхши биларкан. Онамни ўzlари олиб келадиган бўлишди.
- Яхши. У кишига ўзим қарайман. Соғайиб кетса ажабмас «Тоғ ҳавоси – дард давоси» деганлар.
- Ҳа, бу ерлар тинч, хушҳаво жойлар экан. Худо хоҳласи оила ташвишларидан ҳоли бўладилар, мен иложи борича пул жўнатиб тураман. Кейин мана сиз борсиз...
- Ҳа, албатта. Сиз хотиржам бўлаверинг. Биз сизни кутамиз, – деди қиз ерга қараб.

Хасан қизнинг қўлини меҳр билан ушлади. Бу «Мени қутинг, мен албатта келаман, кейин тўй қиласиз» дегани эди.

Йигит қиздан бўса олмоқчи бўлди. Аммо қиз ўзини олиб қочди.

– Яхши боринг, Хасан ака. Ҳалиги ойим узоқдан қараб турибидилар. Ҳамирим кўпид кетгандир.

– Хайр бўлмаса, Муштарий, – деди Хасан унинг қўлини маҳкам қисиб. Шу гапни айтди-ю, юрагининг бир чети узилиб ерга тап этиб тушгандай туюлди.

– Хайр, – деди Муштарий ҳам. У ҳам ўзини хотиржам тутса-да, беихтиёр кўзидағи ёш томчилари думалаб тушди.

Хасан тулпорига чаққон минди-да, унинг бошини қайириб, «Чух!» – дея, пастлик томон чоптириб кетди. Қиз тош курсига суюнган ҳолда то йигит узоқлашиб кетгунига қадар ортидан қараб қолди. Агар онаси чақириб қолмаганида, ким билади яна қанча вақт турарди.

МАГЛУБЛАР

Куз ўтиб қирчиллама қиши келди. Тоғда совуқ қаттиқ бўлади. Ҳаммалари уй ичида қалин кийиниб сандал, ўчоқ атрофида уймалашишади. Саломат хола эчки юнгидан аркоғида ип йигириб ўтириб фарзандларига турли ҳалқ лапарлари, ҳикматлар ва эртаку афсоналар айтиб берарди. Уларни жон деб эшишишарди. Баъзан қўшиқларни ёд олишиб, чирманда билан хўр бўлиб, ўйин ҳам қилишарди. Муштарий ҳам рўмол тўқиши шу соҳага ихтисослашган Маданият қишлоғидаги холасиникида яхши ўзлаштирганди. Маданиятлик баъзи ишбилармонлар рўмолларни ахолидан тўплаб олиб шимолий ўлкаларга олиб кетишарди. Умуман тоғликлар эчки юнгидан тайёрланган ипдан аёлларнинг иссиқ юнгли рўмоли, қишки уст боши, пайпоқлар тўқишига одатланишган бўлиб уларни мадниятлик воситачиларга улгуржи арzon нархда ўтказишар ва тушум пулинни қизлари учун сеп тайёрлашга сарфлашарди. Муштарий рўмол тўкиб ўтиаркан баъзан дафтарига муҳаббат, соғинч, хижрон ҳақидаги ишқий шеърлар битарди.

Ҳафа бўлманг, баҳорлар мендан,
Сизни қўйиб кузни куйласам,
Яхшиликка бурканса олам,
Мен нотавон кузни изласам.

Ҳафа бўлманг, баҳорлар мендан,
Ахир хуш дамларим унда бўлакча
Хазон тўла ўша йўлакча,

Барглар сузиб юрган кўлмакча...

Ҳафа бўлманг, баҳорлар мендан,
Қачон нолам ёрга етади?
Дилдан хижрон қачон кетади?
Телба кўнглим кузни нетади?

... Кўзлар ёниб тушганда кўзга,
Илк бор бизлар учрашдик кузда.
Ҳафа бўлманг баҳорлар мендан,
Куз фаслида изласам сизни.

Қиз жўнатмаса ҳам Хасан акасига ўзича мактублар битар, уларни қайта-қайта ўқир, баъзан эса ўзига жавоб мактуби ёзиб ҳам кўрар, бундан завқланар, шу зайл гўё ижодий маҳоратини кун сайин ошириб борарди.

ТОҒЛАРГА БАҲОР КЕЛДИ

Ҳадемай қорлар эриб, тоғларда баҳор таровати уфура бошлади. Мудраётган тоғлар уйғониб, бойчечаклар бош кўтарди. Чуст қишлоқларининг осмонини дошқозонларда тайёрланаётган сумалакларнинг хушбўй хиди ва наврўз қўшиқларининг ёқимли оҳанглари эгаллади. Яна наврўз одамлар қалбига қувонч олиб келди. Ҳар йилгидек бепоён тоғ олди даштларини яна бойчечак термоқ учун тўдалашиб бораётган болалар, лола сайлига чиқкан ёшлиар, тулпорларини чоптираётган чавандозлар, эшагу ёки араваларда сайд қилаётган кексалар билан тўлиб тошди.

Наврўз мусобақаларини бошлаб берадиган спорт ўйини – бу футбол бўлиб, унинг дастлабки босқичи ҳам бошлаб юборилди. Бу йилги футбол ўйинлари ҳар йилгидан ҳам завқли ўтадиган бўлди. Чунки мусобақада Олмос, Парда Турсун, Чуст ва Тўракўрғон жамоалари ҳам иштирок этишни ихтиёр этишди.

Беллашув бошланишидан аввал жамоа сардорларини аниқлаб олиш керак эди. Шу туфайли Ариқбўйи қишлоқ оқсоқоли Иброҳим оға тоғлик Сарбардин тоға хонадонига ташриф буюриб, Хасаннинг ўрнига мусобақа жамоасига Муштарий бошчилик қилиб туришини илтимос қилди. Маълум бўлишича бу ҳақида Хасан сафар олдидан тайинлаб кетганмиш.

Шундай қилиб Муштарий Ариқбўйига, Сардорнинг акаси Беҳзод Маданиятга, Бекмирза Балиқчига, қолаверса, аскар йигит Тўлқинбек Ғова жамоалариға сардорлик қиласидиган бўлишди. Айтишларича, Тўлқинбек чегара қўшинларида яхши хизмат қилгани учун Наврўз пайтида унга таътил беришганмиш. Шу туфайли у ўзининг ташаббускор, шижааткорлиги ва ҳарбийча интизоми билан бошқалардан кескин ажралиб турарди.

Ҳар йилгидек мусобақалар тартиби, ҳакамлар ҳайъати, бериладиган совринлар ва бошқа ташкилий шарт-шароитлар келишиб олинди. Тўлқинбек бу йил Ариқбўйи жамоаси билан қаттиқ беллашишга ва Хасандан “ўч олишга” қатъий аҳд қилганди. Аммо кутилмаганда унинг ўрнини Муштарий эгаллаганини кўриб танг қолди, режалари чалкашиб кетди. Шундай бўлсада, қизнинг олдидан бир ўтиб мусобақаларда қандай қилиб ўзаро ҳамкорлик қилиш, жилла қолса, унга кўмак бериш, шу тарика унинг кўнглига қўл солиш, агар рўйхушлик берса ҳарбий хизмати даврида совчиларини юбориб, қайтишига тўйни тахт, келинчакни нақд қилиш ҳақида ўйларди. Бундай эзгу мақсадларни амалга оширмоқ учун, аввало, у ўз жамоасининг устунлигини қўрсатмоғи, якка курашларда эса, албатта ғолиб чиқмоқлик зарур деб биларди. “От пойгасидачи? – Савол берди у ўзига-ўзи.
– Уни енга олармиканман, ёки яна ютқазаманми? Ҳар ҳолда вазиятга қараб ҳалол ўйнаганим дуруст”.

Йигит ўз жамоасига турли йўл-йўриқлар бериб тиниб-тинчимаётган Муштарийни зимдан кузатди ва кўнглидан “Ажойиб қиз”, – деган ўй ўтди. “Нима бўлса ҳам унинг муҳаббатини қозонмоғим керак. Қизик, қаерда тураркин, Маданиятдами ёки Ариқбўйидами? Бугун унинг изидан бораман, манзилини аниқлайман. Эҳтимол, эртага отлиқ маҳалласига ўтиб бирга ҳамсуҳбат бўлиб келарман. Ўтган йили муносабатимиз жуда яхши эди. Эссиз, унга яқинроқ бўлиб уй манзилини билиб олишим, кейин хат ёзиб турсам бўларди. Лекин ҳалиям кеч эмас шекилли, қолаверса, бу сафар пачакилашадиган Хасан йўқ.”.

Муштарий футбол жамоаси Маданиятликлар билан, Тўлқинбекники эса Олмосликлар билан тўп суришди. Ариқбўйиликлар маданиятликлар устидан ғалаба қозонишли. Ғоваликлар бўлса, Олмосликлардан енгилишиди.

- Хафа бўлманг, Тўлқин ака, тўп думалоқда, – деди Муштарий қочирим қилиб.
- Мен учун чиндан қайфураётган бўлсангиз сиз аввало Олмосликларни, албатта, енгишингиз керак, – деди Тўлқинбек унинг далдасидан тўлқинланиб.

– Олмосликлар жамоаси жуда кучли. Лекин сизлар руҳан бизга мададкор бўлсангизлар, уруниб кўрармилик.

– Биз улар билан илгари ҳечам ўйнамагандик. Қайси ўйинчи қанақа ўйнаши бизга номаълум-да.

– Эндичи, билиб олдингларми?

– Ҳа, ҳар ҳолда...

– Унда финалгача ўйин кўп, яна учрашишларинглиз мумкин.

– Ҳа тўғри, “Яхши от кейин чопади” деганларку.

– “Тўн кийганники, от минганикни” деган гап ҳам бор. Сизга омад ёр бўлсин, – деди қиз ва ширин табассум ҳадя қилиб жўнаб қолди.

“Нима от минганикни” – дедими? Бу билан “Отингизни қамчиланг” демокчи бўляпти, шекилли. Мен унга томон йўл қидирайпман, унинг ўзи бўлса менга қочиримлар қиляпти. Демак, у ҳам менга бефарқ эмас. Отингни қамчила, Тўлқин, дадил бўл!” – деди у ўзига ўзи.

Кейинги ўйинларда ғоваликлар анча устунликка эриша бошлишди, биринчи ўринда Олмос, иккинчидаги Ариқбўйи ва учинчи ўринда Ғова футбол жамоалари борарди. Ярим финалда ариқбўйиликлар олмосликлар билан, ғоваликлар Парда Турсунликлар билан белашадиган бўлишди ва Муштарий башорат қилганидек ғоваликлар олмосликлар билан финал босқичига чиқиб яна юзма-юз бўлишди.

Ариқбўйи ва Олмос ўйини ғоваликлар учун жуда муҳим эди. Шу туфайли Тўлқинбек жамоасининг ўйинни зимдан кузатишди ва сардорнинг буйруғига кўра, ариқбўйиликларни ишқибоз сифатида қўллаб туришди. Ўйин жуда қизиқарли ва кескин қурашлар тусида ўтди. Иккинчи бўлимда Ариқбўйининг асосий хужумчиси ҳисобланган Обид сариқ оёғидан қаттиқ жароҳат олди ва майдонни тарқ этишга мажбур бўлди. Аммо унинг ўрнини эгаллаш учун захирада ўйинчи йўқ эди. Шу туфайли ҳеч иккиланмай майдонга Муштарийнинг ўзи чиқди. Қиз боланинг футбол майдонига чиқиши қишлоқда кутилмаган воқеа бўлди. Лекин Муштарийнинг ўғил болалар билан бирга бемалол тўп суришини ва тинмай қичкириб жамоага йўл-йўриқ кўрсатиб, жон куйдираётганини кўриб, ишқибозлар қўйиб беришди. Сардор қизнинг сайи-ҳаракати билан 2:1 хисобида ютказаётган ариқбўйиликлар кўп ўтмай ҳисобни тенглаштиришга муваффақ бўлишди ва фақат сўнгги дақиқалардагина ҳимоячининг айби билан дарвозаларидан тўп ўтказиб юборишиди.

Ариқбўйиликлар енгилган бўлишса-да, яхши ўйин кўрсата олишгани учун ўйин кўргани келган барча ҳамқишлоқлари улардан мамнун бўлишди. Улар орасида Хасаннинг отаси Шокарим ака ва укаси Хусан ҳам бор эди. Шокарим ака чаққон ва латофатли Муштарийнинг бошқа мусобақалардаги иштирокини ҳам жон дили билан кузатиб, беихтиёр “Балли, қизим! ” – деб ишқибозлик қилиб турди.

Ота хотини Руқия холани Хасаннинг топшириғига қўра, кеч кузда тоққа – Усмон ота кўрғонига олиб борган ва ундан бир-икки бор хабар олганди. Шунда Муштарийнинг bemor аёлига нисбатан қилаётган хушмуомаласи, айланиб ўргилишини кўриб, “Қани энди шу қиз менинг келиним бўлсайди” деб ҳавас қилганди. Қизнинг мусобақалардаги иштирокини, унга халқнинг ҳурмат этибори тушаётганини кўриб қизиқиши янада ортди. “Яхши қиз экан, одамлар ҳавас қиласидиган чаққон келин бўлади, соғлом, бақувват фарзандлар туғиб беради. Уни қўлдан чиқармай, албатта, ўғилларимдан бирига келин қилишим керак” деб ўшанда ният қилганди. Сўнгра бир-икки бор майда-чуйда қилиб Сарбардин чўпон билан чақ-чақлашиб ҳам келди. Охирги боришида ош дамлаётган Муштарийга ишора қилиб “Худо насиб қилса, агар йўқ демасангиз, мана шу қизингизни Хасан-Хусан ўғилларимдан бирига келин қилиш ниятим бор” дея ошкора айтди.

– Қаний, тақдир насиба, ошна. Ҳали қизим ўқишига кираман, деяпти, – деди Сарбардин тоға самимий.

– Ҳа албатта. Ёшларни ўз ихтиёrlарига қўйиб берамиизда. Барибир қиз болани узоқ ушлаб туриб бўлмайди. Ўғлим Хасан Россияда ишләяпти. Ҳали келсин, ёшлар бир-бирини кўришсин, ўшанга қараб иш кўрамизда. Бўлмаса мана укаси Хусан шу ердаку. Қизингизга бир ҳавасим кетди-да. У аёлим Руқиягаям жуда ёқиб қолди, – деди Шокарим ака чин дилдан кулиб.

– Э, шунақами? Ҳа, албатта ўша кунлар келаверсинчи. Нима бўлса ҳам бизлар бир қавмданмиз, ота-боболаримизни рухлари шод бўлади. Сиз билан қуда бўлмасак, ким билан бўлардик, – дея кулиб жавоб берди чўпон.

Бу сұхбатдан Шокарим аканинг кўнгли тоғдай кўтарилди.

Хусан бўлса Муштарийга нисбатан бутунлай бефарқ, ҳатто мусобақаларда кўриб, қиз ҳақида “Ўғил бола чалиш қиз эканми, намунча чиранмаса?” деган ўйга ҳам борарди. Уй-рўзғор ишлари билан қаттиқ банд, ювошгина, айтганини қиласидиган қизга уйланишни орзу қиласарди.

Нихоят футбол мусобақалари якунланай деб қолди. Асосий рақибларини енга олишгани ва биринчиликни қўлга киритгани учун Муштарий Тўлқинбекдан беҳад қувонди ва уни биринчилар қаторида қутлади.

- Қойил, Тўлқин ака! Ғалаба муборак!
 - Раҳмат Муштарий. Сизнинг гапингиз бизга далда бўлди-да.
 - Қолган ўйинларда ҳам сизларга омад ёр бўлсин!
 - Раҳмат, лекин мен энди бу ёғига қатнаша олмайман.
 - Нега?
 - Тез гапиртириб қолишиди. Эртага хизматга қайтаман.
 - Вой, эсси... Нима, натижаларни кутмайсизми?
 - Йўқ. Энг муҳими мен учун футбол эди. Кейин...
 - Нима?
 - Сизни далдангиз.
 - Хўп. Унда яхши боринг.
 - Муштарий, узр, сизда бир оғиз гапим бор эди.
 - Қанақа гап?
 - Агар йўқ демасангиз хат ёзишиб турсак, дегандим.
 - Менинг манзилим йўқда.
- Йигит бу сўзни ҳазилга йўйиб кулибди.
- Мен халиги, бехазил...
 - Мен ҳам жиддий айтяпман. Биз тоғда яшаймиз. У ерда на почта бор, на телефон, хатто электр чироги ҳам бормаган.
 - Э, шунақами. Унда кўрғонларингиз қаерда жойлашган ўзи!
 - Хизматга кетаётган аскар учун бунинг нима аҳамияти бор.
 - Ҳа энди, қайтиб келгач, бир ўтсамми, дегандим-да?
 - Сизни тушундим, Тўлқин ака. Кўрғонимиз бепаён тоғлар орасида. Лекин мени ўз кутаётганим бор.
 - Нима?!
 - Эшитганингиз.
 - Мабодо анави Ҳасан эмасми?
 - Эҳтимол... Шунинг учун хафа бўлманг, хўп? Бу сафар ҳам мағлуб бўлдингиз.
 - Йўқ. Энди мени мағлуб бўлишга хаққим йўқ. Сиз менга ёқасиз, Муштарий!

– Узр, Түлқин ака, мен бирорға сўз бериб қўйгандим, бир оз кечикдингиз.

– Ахир у...

– Хўп хайр. Яхши боринг. Мендан хафа бўлманг-га. Сиз яхши йигитсиз. Бир дилбар қизни албатта баҳтли қиласиз, – дея қиз қатъий ва отини бепоён қояли тоғлар томон буриб чоптириб кетди. Тўлқинбек ҳам аввалига унинг ортидан бормоқчи ва у қаерда истиқомат қилишини билиб олмоқчи бўлди. Аммо “Мен бирорға сўз бериб қўйгандим” деган гапини эслаб шаштидан қайтди. Шундай бўлсада, қизнинг қайси дарага кириб ғойиб бўлишини ва тахминан қаерда истиқомат қилишини англамоқ мақсадида то у кўздан ғойиб бўлгунга қадар кузатиб қолди.

Майдалаб ёмғир ёға бошлади. Тоғларда бетўхтов чақмоқлар чақар, момоқалдиrokларнинг бетиним гумбирлашлари йигитни масхара қилаётгандек туюлар, лолақизғалдоқлар гўё “Кўй хафа бўлма” дегандай силтаниб алвон баргларини оёқ пойига сочар, майнин еллардан кўтарилаётган гиёҳ тўзғоқлари бўлса, йигитнинг аламли юз-кўзларига аста урилмоқда эди. Тулпори ҳам ҳамроҳига ҳамдардлик билдиргандай бошини сарак-сарак қилиб, гоҳ-гоҳ пишқириб қўярди.

* * *

Муштарийга Тўлқинбекдан ташқари яна қўплаб йигитларнинг назари тушди. Бири ошкора, бирлари яширин қиз ҳақида суруштира бошладилар. Қишлоқлардан йироқда бўлса-да, Сарбардин отанинг хузурига совчилар ташриф буюра бошлишди. Қиз уларнинг ҳаммасини албатта қайтарар, чунки бу фақат Шокарим аканинг одамлари келишига умидвор эди.

Шокарим акага спортчи бу қизни сўраётгандар қўплиги, лекин негадир у ҳеч кимга кўнмаётгани ҳақида миш-миш гаплар ҳам етиб келди. Ўша кунлари Руқия опанинг яна мазаси қочиб бир неча бор “тез ёрдам” чақиришга тўғри келди. Бу ҳол Шокарим акани янада ташвишга солиб қўйди.

У туман марказига бориб Хасан билан телефон орқали гаплашди:

– Ўғлим, ойингни аҳволи ёмон. Сен тезроқ уйланмасанг бўлмайди шекилли, нима дейсан? – деб сўради ота.

– Мен “Леспром”да эндиғина иш ўргандим, ўқувчи ҳисобидаман. Аввалига бир оз пул ишлай, ҳеч бўлмаса ўз тўйим учун, сармоя йигай...

– Сен учун бир қизни мўлжаллаб қўйгандик, ахир.

– Мен учун ташвиш қилманлар, қалликни ўзим топаман.

– Хўп, ўйлаб кўр, онангни ўйла. Ахир у ғанимат, сен билан укангни тўйини кўролмай армонда кетмасин, тағин.

– Хўп ота, мен ўйлаб кўраман.

Орадан бир ой ўтди. Руқия опа анча ўзига келиб қолган бўлса ҳам фикр-ўйи эгиз ўғилларини тезроқ уйлантириш бўлиб қолди. Шу туфайли асабийлашиб, Шокарим акани хавотирга солмоқда эди. Шокарим ака “Сарбардин чўпон қизини бирортага бериб юбормадимикан?” деган ўйда, майда-чуйда қилиб яна тоғдаги қўргонга ташриф буюрди. Муштариј уни “Хасандан бирор ҳабар олиб келган шекилли” деган умидда қизариб-бўзариб кутиб олди. Чўпон қўй-молларни қорли тоғ этакларига то кузга қадар олиб кетган экан. Саломат ҳола қизига жуда кўп совчилар келаётганини ва эри яйловдан қайтса, албатта, тўй қилишларини айтди.

– Қизим ҳадеб совчиларни қайтараяпти. Қаёқаям борарди, пешонасига ёзилган биттасига кўнадида. Бу ёғда синглиси ҳам бўйига етиб қолди, – деди аёл Шокарим аканинг мақсадини фаҳмлаб.

– Тўғриси, мен шу масалада, яъни Муштаријхонни ўғилларимдан бирига келинликка сўраб келувдим. Сарбардин ҳам ёшлар бир-бирларига маъкул бўлса, қарши эмаслигини айтувди.

– Ҳа, хабарим бор. Энди бу ёғи тақдир насиб-да. Қизим билан бир гаплашиб кўраман, рози бўлса совчи бўлиб келаверсизларда.

– Хўп бўлади, – деди Шокарим ака қуллук қилиб ва “Хасан ўйланишга кўнмаган тақдирда, бу қизни албатта Ҳусанга унаштирамиз” деган ўйга борди. Унинг фикрича, Ҳусан акасига ўхшаган қайсар эмас, топганига йўқ демайдиганлардан эди.

Шундай қилиб ота узоқ юртдаги ўғлига навбатдаги қўнғироқни қилди:

– Ҳасанбой, ўғлим. Гапимга қулоқ сол. Бу сафар гапим жиддий. Сен бола унақа қайсарлик қиласерма, тез етиб кел, уйланасан-да, кейин яна қайтиб кетаверасан.

– Ота тушунинг, қўлимга энди пул тушаяпти. Қандай ташлаб кетаман? Аммо...

– Онанг бир жойда бўлиб қолди, ахир. Унга қарайдиган бир чаққон келин керак.

Сингилларинг ўқишида, кейин улар хали ёш. Аёлни аёл қараши керак-да, тушун, ўғлим.

– Бўпти ота, жа шунчалик бўлса ана укам Ҳусанни уйлантираверинглар.

– Сенчи? Эгизаклар бирга уйланисса яхши бўлади-ку.

– Иккита келин учун маблағчи? Қийналиб қоламизку, ота. Ундан кўра мен ҳозирча топганимни сизларга жўнатайин-да, сизлар укамни уйлантираверинглар.

- Сенга ҳам бирорта келин топаверайликими?
 - Йўқ. Менинг ўз вадалашганим бор. У қиз мени кутаяпти. Хижолат бўлманг, ота.
 - Бўлмаса укангни уйлаш ҳаракатида бўлаверайлиикда-а?
 - Ҳа, дедимку.
 - Тўйга эртароқ келасанми?
 - Ҳаракат қиласман.
 - Қанақасига ҳаракат қиласан? Ахир у укангнинг тўйи-я, келмасанг бўлмайди, ўғлим.
 - Аввал келинга бўлаверингларчи...
 - Келин нақд, ўғлим.
 - Яхши. Кейин тўй кунини белгилаб менга хабар қилинглар. Мен ўша қунга самолётда етиб бораман. Бўладими?
 - Бўлади, ўғлим?
 - Сизлар ҳаракатни бошлайверинглар, мен ойлик маошларимнинг ҳаммасини жўнатаман. Ойимга шундай денг. Мен, албатта, у кишига ёқадиган қалиқقا уйланаман. Соғ бўлишсин, умрлари узоқ бўлсин.
 - Хўп ўғлим, бу гапингни албатта онангга етказаман. Сен ҳам омон бўл!
- * * *

Саломат хола ҳам қизининг қўнглига қўл солиб қўрди.

- Анави Шокарим aka сени ўғлига сўратиб келибди. Нима дейсан-а, қизим?
- Муштариининг юраги “жизз” этиб кетди. “Хайрият Хасан aka отасига айтган шекилли”, деб қўйди қиз хаёлан ва ич-ичидан қувониб кетди.
- Сен у кишининг ўғилларини кўрганмисан, ўзи?
- Ҳа, кўрганман.
- Унда нима дейсан, розилик бераверайликими?
- Қиз нима деярини билмай қизариб-бзарди. Сўнгра “ҳа” дегандай онасини қучоқлаб ўпид олмоқчи ҳам бўлди-ю, лекин орият қилди ва аста “Билмасам ...” деб қўя қолди.
- Яхши одамларга ўхшайди. Ўзимизнинг уруғлардан экан. Кейин ўтган сафар келганида отанг билан ҳам гаплашиб кетганди.
- Отам нима дебдилар? – Дабдуруустдан сўради қиз ва ўзининг саволидан ўзи чўчиб тушди.
- “Агар ёшлар бир-бирларини кўриб рози бўлишса, қаршилигим йўқ” деганиш.

Қиз ич-ичидан гүё мусобақада ғолиб бўлганидек “Ур-па!” деб қўйди. Эртаси бўлса, худди уйга қамалиб қолиб, дераза ойнасидан чиқиб кетмоқчи бўлаётган күш каби патирлай бошлади.

– Нима деярини билмай ҳаяжондан довдираб турган қизини маҳкам бағрига босаркан,
– “Она қизим, бўйларингдан айланай. Мана сен ҳам улғайиб қаторга кириб қолдинг. Илоҳим баҳтинг очилсин... Бўлмасам, мен қизилтошга келган Олмослик асаларичиларга бориб айтай, улар Шокарим аканикига тушиб бизнинг розилигимизни билдириб қўя қолишсин. Хўпми, она қизим? – деди, она.

– Хўп... – деди қиз базўр ва онасини қучоқлаб севинганидан қўз ёши қилиб олди.

Она бола шу қуи анча маҳал йифи-сиги қилишди. Шундан сўнг уларда қандайдир шижаот пайдо бўлди ва кўтаринки рух билан тўй тайёргарлигини бошлаб юбориши.

Ҳадемай совчилар ҳам келишди. Улар асосан эркаклардан иборат эди. Руқия опа дардман бўлгани учун келаолмапти. Куда томон хотин-халажлари фотиха қилинадиган кунга келишадиган бўлишди ва унинг кунини ҳам белгилаб олишди. Тўй кунини бўлса, Сарбардин аканинг тоғдан қайтадиган кунлари аниқлашадиган бўлишди.

... Ва ниҳоят тўй 20 августга белгиланди. Бу хушхабар ҳақида Шокарим ака шошилиб, Красноярскдаги ўғли Хасанга қувониб маълум қилди.

– Тўйлар муборак бўлсин, ўғлим!

– Э, раҳмат сизга ҳам кутлуғ бўлсин!

– Сеникиниям қўшиб ўтказиб юборсак зўр иш бўлардида, ўғлим!

– Тўғри, лекин сиз билан келишдик-ку ота.

– Сен иложи борича эртароқ келавер, бизни илҳақ қилма.

– Хўп ҳаракат қиласман. Анави охирги юборган 200 долларни ҳам олдингизми?

– Ҳа, ўғлим. Илоҳим умрингдан барака топ. Уканг ҳам сенинг тўйингга, худо хохласа, ишлаб берар.

– Янаги ҳафтада яна 500 жўнатаман. Ишхонамдан қарз оляяпман. Кейин ишлаб беравераман. Тўйни қўрқмай каттароқ қиласверинглар.

– Хўп ўғлим. Ўзинг тўйдан бирор ҳафта олдин келсанг яхши бўларди. Келинникига юкни ўзинг олиб борармидинг, ўртоқларингни ҳам айтардинг.

– Ҳаракат қиласман. Лекин Хусанга айтинг у “таклифнома” ёздириб анави нариги қишлоқлардаги ҳамма оқсоқоллар, сардорлар, ҳакамларни тўйга айтиб келсин.

Қишлоғимиздаги фольклор ансамблининг бошлиғи Насиба опаниям айтсин. У киши ансамбли билан хизмат қиласман, деб менга ваъда беришган.

- Хўп ўғлим, Насибахонни ўзим айтаман. Демак дастурхонни каттароқ қиласверарканмизда-а?
- Ҳа. Мен эртароқ борсам кураш ҳам ташкил қиласми, видеочиниям айтиб қўйинглар, хўпми?
- Хўп, тушунарли ўғлим. Ҳаммаси яхши бўлади. Тезроқ ҳаракатингни қиласвер бўлмаса. Хайр, омон бўл.
- Хайр ота, ойимга, бошқа яқинларимизга мендан салом айтинг.

ТЎЙ!

Тўлқинбек ҳарбий хизматдан Хусаннинг тўйига икки кун қолганда етиб келди. Онаси унинг қўлига таклифномани тутқазди.

- Сени ариқбўйилик бир ўртоғинг тўйга айтиб кетувди. Насибанг бор экан-да, қара, – деди Тожинисо ая қувониб.

Йигит қофозни олиб “Ариқбўйида ўртоғим, ким экан у?” дегандек ҳайрон бўлди.

- Тенгқур ўртоқларинг ҳаммаси уйланишяпти, энди сенга ҳаракатни бошлайверсак бўларди. Бирор кўзлаганинг бордир ахир, болам?

Тўлқинбек нима деярини билмай довдираб қолди. Чунки қофозда “Хурматли биродари азиз Тўлқинбек! Сизни 20 август куни нишонланадиган фарзанларимиз Хусанжон ҳамда Муштариҳонларнинг никоҳ оқшомига лутфан таклиф этамиз. Эҳтиром билан Шодмоновлар оиласи. Ариқбўйи қишлоғи” деб ёзилганди.

- У Хусан дегани ким экан, ойи?
- Анави сен билан беллашадиган сардор йигит бор-ку, ўша бўлса керақда.
- Унинг исми Хасан. Бу ерда Хусан дейишибди.
- Ўша йигитнинг укасидир-да. Улар эгизак, ака-укалар бўлишса керак.
- Нима? Ахир у...
- Ҳа нима эди, тинчликми ўғлим?
- Э йўқ, ўзим шундай. Бўпти бир жойга бориб келаман, отимиз қани?
- Ахир сени йўқлаб хозир тоғаларинг келишади-ку, ҳеч қаёққа кетиб қол!
- Тез келаман. Зарур ишим бор, – дея Тўлқинбек ва шошиб отини эгарлашга тутинди.

Ариқбўйига бориб индинга бўладиган тўй Хасанникими ёки Хусаникими? Келинчи, у қиз ким, ўша Муштариими ёки бошқаси? Шуларни тез аниқлаб келмоқчи бўлди.

Йигит Ғова сойидан Ариқбўйи томон кетган катта ариқ бўйлаб отини чоптириб бораркан, Хусанни кўз олдига келтирди. Уни бир бор томошалар бўлаётган жойда, ғовалик аёллар ичida мудраб ўтирганига кўзи тушган ва жаҳли чиқиб “Хасан бу ерда нима қилияпти? Обба хумпар … ” деб қўйганди. Бир оз ўтгач яна унга қараб қўйди. Хусан мудраб аёллар томон мункиб кетди. Аёллар чугурлай бошлишди. Тўлқинбек бориб унинг елкасидан туртди.

– Ҳой Хасан! Бу нима қилиқ?

– Мен Хасанмас, Хусанман, – деди у чайналиб.

– Хасан сени акангми?

– Ҳа.

– Бўлмаса тур бу ердан, жойингни топиб ўтири!

– Бўпти, – деди у чўзиб ва лабини қийшайтириб ўрнидан аранг қўзғалди.

Ўшанда Тўлқинбек “Тавба, ака-укаларнинг шунчалик ҳам фарки бўладими?” деб кўнглидан ўтказганди. “Энди бўлса у уйланаётганмиш. Яна кимга? – Муштариига. Оббо, анқовей… ” Йўғе, бу эҳтимол бошқа Муштариидир. Исмдош қизлар ҳам кўпку. Ё Хасан атайин бир хил исмли қизларни топаётганмикан-а? Бораверайнчи…”.

Тўлқинбек қишлоқка келиб унинг махалласи бўйлаб бироз юрди, танишларини излади. Лекин кўнглидагидек дардкаш инсонни топа олмади. Ёдига қишлоқ оқсоқоли Иброҳим ота тушди. У билан бир-икки бор зиёфатларда бирга ўтирганди. Мўйсафид ўзини дилкаш ва самимийлиги билан Тўлқинбекка маъқул бўлганди. Шунинг учун уни қидириб идорасига борди. Оқсоқол туман марказига йиғилишга кетган экан. Кутиб ўтиришга тўғри келди.

– Ҳўш айтайлик, ўша мен ўйлаётган Муштарий, хақиқатдан, Хусанга тегаётган бўлсачи, унда нима бўлади? – дея бошини чангаллади йигит. Ё у писмиқ Хусан бирор ножўя иш қилиб қўйдимикин? “Муштарий унга ўз ихтиёри билан тегаётган бўлсачи?... Унда у ғирт нодон экан. Наҳотки у мени оёқ ости қилиб шу ландовурни танлаган бўлса... Ярамас! Одам танлашни сенларга қўрсатиб қўяман. Агар бу ишлар чин бўлса, тўйингни ҳаром қилмаган номард!”

Йигит ана шундай нохуш ўйлар билан бир четда ўтириб оқсоқолни келганини ҳам сезмай қолди.

- Анави от кимники? – сўради оқсоқол қоровулдан.
- Ҳув анави ғовалик йигитники. Сизда зарур иши бор шекилли, уч соатдан буён кутиб ўтирибди.
- Ахир бу сардор йигитлардан-ку. Чақириңг, олдимга кирсин.
- Оқсоқол Тўлқинбекни илиқ қарши олди.
- Ие-ие, аскар йигит, келинг! Биз томонларга қайси шамол учирди?
- Яхши шамол. Дўстим Хасанбой уйланаётганмиш деб эшитувдим. Шунга бирров...
- Хасанбоймас, тўй Ҳусанбойники. Акаси укамни уйлантираверинглар, мени ўз қаллигим бор, кейин уйланаман деганмиш. Ҳа тинчликми, ишқилиб.
- Э шунақами? Бир нарсани аниқлаштириб олмоқчи эдимда, узр.
- Бемалол сўрайверинг.
- Бу келин, ҳалиги, ўзимизнинг сардор қизми, ё...
- Ҳа-ҳа, худди ўзи, – деди оқсақол севиниб, – Сиз келин томон бўлсангиз ҳам бўлаверади. Юринг, унда Шокаримникига тўй олдидан бир ўтиб келамиз.

Тўлқинбекнинг юраги “шув” этиб кетди. “Наҳотки ҳаммаси рост бўлса, оббо ифлосей!”

- Мен айтганингиздай келин томонга ўртоқлар билан ўтиб бир табрикламоқчи эдимда. Куёвникига тўй куни келармиз.
- Яхши унда нима хизмат бор?
- Ўша келиннинг манзили керак эди. Уларни тоғ томонда деб эшитувдим, лекин тоғ бепоёнку.
- Э-ҳа, тушунарли. Мен ҳам бир марта боргандим. Кўрғонлари жа оралиқда экан. Усмон ота қўрғони дейишаркан. Шу ердан тик борилаверади. Тахминан йигирма километрлар бор чамамда.
- Раҳмат менга шу керак эди. Мен борай бўлмаса.
- Ўтиринг, чой қилиб берай, меҳмоним бўлинг.
- Йўқ, раҳмат. Тўй куни, худо хоҳласа шу ердамиз. Айтмоқчи билмайсизми, Хасанбойнинг ўзи ҳозир қаерда?
- Россияда. Тўй куни етиб бораман, – деганмиш.
- Шунақами? Майли тоға, раҳмат сизга.
- Арзимайди, bemalol.

Оқсоқол йигитни кузатиб чиқди ва у кетгач, “Қизик, шу гап учун наҳотки у мени уч соат күтдия” деб хонасига кирди ва ташриф буюрувчилар билан chalғиб уни унудти.

“Демак Усмон ота қўргонида. Ҳозир ўша ерга борсаму, шарт қизни олиб қочсанчи? Лекин қиз мени умидвор қилгани йўқку”, “Кутаётганим бор” деганди. Наҳотки у Хусанни ёқтириб қолган бўлса... Ифлос Хасан, хаммасига ўша сабабчи. Ўшанда Хасан ўзига эмас, анқов укаси учун Муштариини мўлжаллаб юрганини билганимда эди... Аблаҳ Ҳусан ё ўша қизни чиндан ҳам йўлдан урганмикан-а? Наҳотки мен шунчалар ношудман. Аслида мен ўзим аглаҳман, ифлосман. Бахтим учун кураша олмадим. Буниям бир спорт мусабакасидай кўрибман, кучлиман, енгаман дебман. Мана оқибати, индинга тўй!... Тўй! Йўқ, тўй бўлмаслиги керак! Нима мен оғзимни очиб қолавераманми?! Тўйини бузаман, уйига ўт кўяман!” – дея хаёлан бақирди йигит ва Усмон ота қўргони томон от сурди. Уч километр чамаси юргач, Ғова томондан келаётган ва зилол сувлари шошқин оқаётган катта ариққа етиб келди. Отидан тушиб юз-кўлинни ювди ва ҳовурини босгандай бўлди.

“Агар Ҳусан билан Муштарий бир-бирларини ростдан ҳам севишган бўлишсачи? Уларда нима айб? Ҳамма айб Хасанда. У тўй куни келаркан. Яхшиси уни бир четга олиб чиқаман-да, боплаб таъзирини бераман”.

Тўлқинбек шундай ўйлар оғушида оқаётган сувга тикилиб узоқ ўтириди. “Хайр, Муштарий. Мен яна сендей қизни учратармикинман?... Эҳ, Ҳусан-Ҳусан, сен ландовур эмас омадли йигит экансан. Майли тўйинга борганим бўлсин. Ноилож, тақдирга тан бераман, шекилли” – деди у ва ўрнидан туриб келган йўлидан қишлоғи томон салмоқланиб жўнади.

Йигит негадир тоғ томон ўкинч нигоҳи билан қараб-қараб бораркан, юрагида бир армонли қўшиқ янграётганини хаёлан ҳис этди:

*Йўлакларда хазонларни тўзгитар шамол,
Эссиз менинг туйгуларим кетдилар увол.
Ойдай ёрқин орзуларим тондилар завол,
Не холки, мен мағлуб, маюс бораман.*

*Ёримдан ажralиб хижронда қолдим,
Росту ёлғонларга гумонда қолдим,
Оқибат ранг-рўйли самонда қолдим,
Не холки, мен мағлуб, маюс бораман.*

Тўй маросими барча миллий урф-одатларига амал қилинган ҳолда ўтказила бошланди. Қишлоқда ташкил этилган миллий фольклор ансамбли иштирокчилари эрта тонгданоқ карнай-сурнай, ноғора чалишди. Сўнгра маҳалла-куйга ноҳорга ош тортилгач, аёллар доира чалиб халқ терма қўшиқ ва лапарларини ижро этиша бошлашди. Мана улардан бири:

*Тоғда арча минг йил умр кўрарму,
Шохи синса, заргар кумуши қиларму,
Заргар қилган кумуши-кумуши бўлар-му-ё,
Суймаганга тегсанг, турмуши бўларму?

Бу кўринган тоғлар Олмос тогидир-о,
Юрагимда қолган ёрнинг дозидир.
Юринглар, жўралар тоқقا борайлик-о.
Узокдаги кўринган ёрнинг боғидир.*

Аммо ўша “Ёрнинг боғига” боришда кутилмаганды муаммо пайдо бўлди. Гап шундаки, анъанага кўра, тўй куни куёв жўралари билан машиналарни ясатиб келинникига боришилари, уни олиб келишлари, никоҳдан ўтишлари, Чуст боғида айланишлари, сўнгра уни яна ўз уйига ташлаб келишлари, оқшом эса, яна куёв жўралар билан бориб келинни олиб келишлари ҳамда тўй базмида “Давранинг гули” бўлиб ўтиришлари керак эди. Бу одатий анъана, албатта.

Бироқ бу сафар куёв жўралар борадиган машиналар қиррали тош ва ҳарсанглардан, сел сувлари ювиб ўнқир-чўнқир қилиб ташлаган йўлдан бора олмади. Бу йўлдан факат маҳсус машиналар, трактор, мотоцикл ва от уловларгина юра оларди. Чанг-тўзон, лой сачраши ҳакида айтмаса ҳам бўлаверади. Шу сабаб тоғ томон бироз юрган ясатиқлик чиройли, машинанинг эгаси йўлни дабдала эканини кўриб таққа тўхтади. Негаки қиррали тошлардан бири машина остига “так” этиб урилганди.

- Ҳа, нега тўхтадингиз, юрмайсизми? – сўради Хусан.
- Э, ука. Ахир биз бундай келишмагандик-ку. Келин тогнинг ичида деб менга нега айтмадинглар?
- Мен ҳам қаёқдан билай, уни отам топган-да.
- Бўлмаса отангизга айтинг, келинни ўзи олиб келсин.
- Қанақа қилиб?

– Билмасам. Ана кейин шаҳарми, қишлоқми, қаерга десангиз олиб боравераман.

Куёв жўралар “ғиди-биди” қилиб гапга аралашишди. Бирори жанжалалишга ҳам чоғланган бўлди. “Э қанақа одамсиз, шартлашдиқми тамом, хақингизни оласиз!” – дея қичқирди у.

– Хой бола, машинам неча пул туришини биласанми?

– Менинг ишим нима? Киракашлик қилмангда, бўлмаса!

– Машинамнинг бир жойи синса ё букилса, тўлайсизларми? “Тоғдан тош думалаб тушмайди” деб ким кафолат беради. Йўқ ука, мен боролмайман. У ёққа ё “Жип” ё “Нива” билан бориш керак. Майли мен шу ерда кутаман, келинни бориб олиб кела қолинглар.

Куёвнинг боши қотди. Узоқ баҳслашишди. Йигитларнинг жаҳли жунбушга чиқди. Нихоят қайтиб бориб “Нива” машинасини ёллашга қарор қилишди.

Куёв ўғлини “қуруқ” қайтиб келганини кўриб Шокарим акани фифони фалакка етди.

– Хе, ландовур, латта бўлмай ўл! – дея ўғлига қаратा ўшқирди. Ўрнингда Хасан аканг бўлганида бир ўзи отлик бўлсаям бориб келинни ортига миндириб олиб келган бўларди. Боринглар, бўлмаса ота-боболарингизга ўхшаб от-аравада миниб “Ёр-ёр” айтиб боринглар!

– Эҳтимол тракторда борармиз-а, тоға, – деди куёв жўралардан бири масхара қилиб.

– Нима қилибди, борсаларинг! Мақсад қай усулда боришларингда эмас, келинни, яъни манави ландовурнинг бўлғуси хотинини эсон-омон олиб келиб олишда тушундингми?

Хусаннинг жаҳли чиқди. Чунки отаси уни ўртоқлари олдида қаттиқ мулзам қилаётганди.

– Менга хотин керакмас! Керак бўлса ана, ўша Хусаннингизни ўйлантираверинг! – деди у ўшқириб ва қўлини бир силтаб боши оққан томонга қараб “ўпкасини қўлтиқлаб” кета бошлади.

– Хой қаёққа?! Тўхта, дедим! Хе муаммо туғдирган сени ўша!... – дея қичқирди ота ҳам янада асабийлашиб унинг ўртоқларига қаратा ўшқирди:

– Бирортанг шу галварсга ақл бўлолмадингми?! Боринглар, уни тез изига қайтариинглар!

Икки йигит куёв томон чопиб кетишли. Ота бироз ўйланиб турдида, ўзининг қарорини эълон қилди:

– Ҳеч қанақанги ЗАГС бўлмайди. Уни тўйдан кейин ҳам ўтказаверамиз. Уч-тўрт киши юк машинасида борамиз-да, келинни кўч-кўлони билан юклаб келаверамиз. Кейин уларни шу ерда никоҳлаймиз. Кечки базмга келин-куёв шу ердан чиқаверишади. Гап тамом!

* * *

Эҳтимол тақдир ўйини Муштариини шу ҳолда ҳам чалғитгандир. Агар ўшанда куёв жўралар уни ЗАГС маросимиға олиб кетгани келишганида эди, ким билади, балки қиз Хусани таниб қолиб тўйни таққа тўхтатган бўлармиди. Аксинча, келин куёвни кундузи машиналарни ясатиб келмаганини ва бўлғуси қайнотаси бир-икки йигитлар билан куёвсиз бир юк машинасида келишганини хотиржамлик ила қарши олди. Чунки бу ҳол келинчакнинг назарида куёв бўлмиш Хасан акаси чиққан самолётнинг гўё кечикаётганидан эди. Шокарим аканинг “ЗАГСни тўйдан кейин қилаверамиз” дейишини ҳам у бепарво қабул қилди. “Нима бўлса ҳам энг муҳими” ўз севганимга етишаяпманку, расмий ишлар кейин ҳам бўлаверади” – деб қўйди у ўзича.

Шундай қилиб келиннинг ўзи янгалари, бир неча дугоналари билан юк машинасига ортилган янги, юмшоқ кўрпалар устига ўтириб, миллий кийимлар ва бошига оқ рўмол солиб, тоғу тошлараро доирани варанг қўйиб, “Ёр-ёр” айтиб ўнқир-чўнқирларда тебрана-тебрана тошбақа юриш қилиб тоғдан “ўрмалаб” тушиб келавердилар.

Мана ўша унутилмас оҳанглар:

Тоғдан тушган арчани,

Саккиз денглар, ёр-ёр,

Саккиз қизнинг сардори

Келди денглар, ёр-ёр.

Мусобака шартига,

Келишган қиз, ёр-ёр.

Баҳс бойлашиб ўйинда,

Севишган қиз, ёр-ёр.

Куёв-қайлиқ Ватанни

Она билсин, ёр-ёр.

Фарзандлари ҳалқ учун

Хизмат қилсин, ёр-ёр

Дарёларнинг бўйларига,

Эқдим райхон, ёр-ёр.

Суйганига теккан қизга,
Йўқдир армон, ёр-ёр.

* * *

Тўйга Муштариининг маданиятлик синфдошлари, спортчи мусобақадошлар, қолаверса, говалик аламзада Тўлқинбек ҳам келди. У тўйхонага киришдан аввал қишлоқ дўконига кириб бир шиша ароқни сотиб олдида, уни шарт кўтарди. Умрида ичмагани учун гангий бошлади. Сўнгра тўй базмига бор овозда қийқириб кириб келди-да, “Муножотга” ҳам, “Андижонча”га ҳам, “сўнгги ахборотга” ҳам мириқиб рақсга тушаверди. Сурлик қилиб, ўртани бўшатмади. Унинг хурматини жойига қўйиб бир-икки бор давра столига ўтказиб иззат-икром кўрсатдилар. Аммо табрик сўзлари айтилиб мусиқа бошланиши ҳамоно ароқдан ичиб ҳадеб ўйнайвериши, меҳмонларнинг иззат нафсига тегди. Бечора ўртакаш куёв жўралардан “Анави нусхани олиб чиқиб кетинглар, илтимос” деб айтиб кетди.

Меҳмонни яхши танишарди. Чунки у спортчи, бокс бўйича республика чемпионни ва Ғова спорт жамоасининг сардори эди. Уни ҳеч ким илгари бундай ҳолатда кўрмаганди. Шу туфайли, тўғриси, унинг олдига бориб “дўқ-пўписа” қилишга ҳеч кимнинг юраги дов бермасди.

Нихоят қишлоқ оқсоқоли бир барзанги киши билан келишиб “Азиз меҳмон”ни меҳмонхонага “лутфан таклиф” қилдилар. Уларнинг мақсади уни яна ичириб ўша ерда ухлаб қолишига эришиш эди. Ширакайф Тўлқинбек “йўқ” демади. Зиёфатдан тўйгунича еб, ичди. Зиммаларига бундай масъулиятли вазифа юклатилган бир неча узоқ-яқиндан келган меҳмонлар у билан анча маҳалгача “чақ-чақлашиб, лақиллашиб” ўтиришга мажбур бўлишди. Сўнгра ўзлари ҳам маст бўлиб Тўлқинбекни деярли назоратларидан чиқариб қўйишиди.

Келинчак Муштарий бўлса бу маҳалда гўё бир олам орзулар ҳаёлотида сокин парвоз қиласди. “Тавба, никоҳ пайтида “Хасанбой” дейиш ўрнига домла “Хусанбой Шокарим ўғли” деб юборди-я. Хасанакам бўлса “Янглишдингиз, отажон мен Ҳусан эмас, акаси Хасан бўламан” деб эътиroz билдириб ҳам қўймадилар” деди келинчак ёнида ўтирган севиклисидан ўзича ўпкалаб. Сўнгра аста нигоҳини томон қаратди. Унинг назарида Хасан ориқлаб, янада қорайиб кетгандай кўринди. “Бечора, Хасанакам оилам деб, пул топаман деб анчагина ўзларини олдириб қўйган кўринади. Иши оғир шекилли. Россияга боргандлар

одатда оқариб келишарди. Бу киши бўлса...” деган ўйларни хаёлидан ўтказаркан тўсатдан ёнидаги Марҳабо исмли дугонаси уни туртиб қўйди.

– Хой, намунча анграясан. Куёвингни жамолига тўйдан кейин ҳали хохлаганча тикилаверасан. Ол, манави овқатдан, шириналардан еб ол, чойдан ич. Куёвга ҳам айт, олишиб ўтирсин. Олинг ака, олишиб ўтиринг! – деди у Ҳусанга. Ҳусан “Хўп” дегандай бўлдида яна тўй томошасига маҳлиё бўлиб ўтираверди.

Муштарий индамади. Қаттиқ хаяжон босганидан, хозир томогидан ҳеч нима ўтмасди. Иккинчидан узоқ соғиниб кутган Ҳасан акасини унга бир оғиз ҳам гапирмаётганидан ўзича ҳафа эди. “Тавба, мундоқ гаплашгилариям келмайди. Анча ўзгариб қолибдилар”, – деб қўйди у ўзича ва дугонасининг қўлидан пиёлани олиб оқ парда остида чойдан бир қултум ичган бўлди.

– Энди манави чойни куёвингга узат, – деди Марҳабо иккинчи пиёлани узатиб.

Муштарий пиёлани олди ва Ҳусанни охиста туртди, “Ака, олинг” деди аммо қаттиқ хижолат бўлиб, баҳт ва иқболидан сармаст ҳолда “Ҳасан акаси”дан уялиб кўзларига негадир тик қарай олмади.

– Чойдан ичинг, – дея олди у яна ерга қараб.

Ҳусан чойни ола туриб келинчакка бир нигоҳ ташлади ва хаёлан “Наҳотки бу ўша спортсменка қиз бўлса. Буни қандай жиловлай бўларкин? Ишқилиб у билан яшай олармикинман-а? Жилла қолса уни ташлаб Ҳасаннинг ёнига жўнайман” – деб қўйди у ландовур ҳаёлан.

Бошидаги ҳарир шоҳ рўмолида давранинг гули бўлиб ўтирган келинчак кейин миқ этмади.

Нихоят тўй шодиёнаси авж паллага чиққани маҳал давракаш Россиядан келган азиз меҳмон ҳақида тантанавор равишда эълон қилди. Ҳасан келибоқ ичкарида ўтирган бемор онаси, тўйхонада бош-қош бўлаётган отаси ва сингиллари билан бир-бир кўришиб чиқди. Уни кўриб қолган куёв жўралардан бири “Ҳусан учун хурсандчилик – сюрприз” бўлдида деган ўйда бу ҳақида давракашнинг қулоғига тезлик билан шипшишти. Давракаш бўлса машоқчиларга “хозир энг яхши тушум бўлади, зўридан айтасизлар” деб тайинлаб қўйди.

Ўртакаш олифта кийими билан ажralиб турган Ҳасанни узоқдан таниб олди-да, то у таниш-билиш ўртоқлари билан қўл олишиб даврага келгунига қадар тантанавор равишда, бетўхтов шеъру қасидалардан айтиб турди. Созандалар созининг оҳангига азиз меҳмоннинг чиқишига интизор ҳолда эринмай тинғирлаб жўр туришди.

— Марҳамат азиз меҳмон! Давра сизга мунтазир! – деди ўртакаш яхши бир ғазалга якун ясаб, – сиз узоқ ўлкаларни кезиб, гўзал ва обод юртимизни, ҳамқишлоқларингизни жуда ҳам соғиниб келганингизни яхши биламиш! Қолаверса, даврамизнинг гули бўлиб ўтирган, янги оила пойдеворини қураётган мана бу икки севишган ёшлар сизнинг дил сўзларингизни сабрсизлик билан кутишмоқда. Марҳамат, бир йўла икки оғиз табрик сўзларингиз билан келин ва куёвнинг дилларини хушнуд айлангиз! – деди давракаш ва микрофонни Хасанга беихтиёр тутқазиб қўйди.

Хасан унинг қўлини қайтара олмади ва бир йўла укаси Хусанни, қолаверса ҳали исмини билиб улгурмаган нотаниш келинболани табриклишга, сўнгра бориб улар билан қўл олиб қўришишга жазм қилди. Давракаш бўлса, созандаларга қаратा “ҳалиги гап” дегандек маъноли имо қилиб қўйди. Меҳмонхонада ранги кесакдай оқариб мудраб ўтирган Тўлқинбек Хасаннинг овозини таниб, бошини кўтариб хушёр тортди. “Келибдида, номард! Мен у билан ҳисоб-китоб қилиб олишим керак. Бўлмаса аламимдан ёрилиб ўламан”, – деди ва ўрнидан аранг туриб, чайқалиб чиқиб кетди. Уйнинг бир бурчагида “Мен сенга айтсан” деб ўтирган икки улфат эса унга эътибор ҳам беришмади.

Ширин орзулар ҳаёлотига берилган келинчак бўлса тўсатдан Хасаннинг табриклиётганига кўзи тушиб бир давра ўртасидаги Хасанга, бир ёнидаги куёвтўрага тикилиб нима гаплигини англай олмай эси оға бошлади...

– Ҳурматли юртдошлар! Азиз меҳмонлар! Аввало хонадонимизга хуш келибсизлар! – деди Хасан самимий, – Қадрдон укам Хусанбой! Келинпошша!... Мен сизларни ҳаётларингиздаги энг гўзал, унутилмас кун бўлган, бугунги муқаддас никоҳ тўйларинг билан чин қалбимдан муборакбод этаман! Укажон, аслида бизнинг тўйимиз бир пайтда, бирга бўлиши керак эди. Буни қара, тақдири насиб эканда, сенинг тулпоринг илдамроқ чопиб кетди. Лекин сени кўриб ҳозир ўз тўйимни қўргандай бўляпман. Худо хоҳласа, хонадонимизда ҳали тўйлар кўп бўлади. “Яхши от секин чопади” дейишадику... Бахтимизга ота-онамиз соғ-омон бўлишсин, умрлари узоқ бўлсин! Сизлар ҳам баҳтли-таҳтли бўлинглар! Келинпошша узр, ҳали исмингизни билмайман, сиз ҳамиша укамнинг севимли ёри, ота-онамнинг суюкли қизи бўлинг! Эътиборларингиз учун раҳмат! – деди Хасан ва тўғри бориб укаси билан қучоқлашиб қўришди. Унинг белидан маҳкам қисиб “Омадингни берсин, ука, баҳтли бўл!” – деб кўтариб-кўтариб ҳам қўйди. Хусан ҳам жавобан “Раҳмат ака, сизнинг тўйингизниям қўриш насиб қилсин!” – деб пицирлади.

Ака-укаларнинг бундай “самимий ҳаракат”ларидан эси оғаёзган Муштарий гўё “ҳазилнинг чўзилиб кетаётганига” йўйди ва эс-хушини йиғиб олиб бу томошани тезроқ бартараф этишга ўзича уриниб кўрмоқчи бўлди.

– Ҳой йигитлар! Етар энди, жойларингни билиб ўтиринглар, – деди у секин алам билан.

Назарида овозини гўё бутун тўйхонадагилар эшитиб қолиб ярқ этиб унга қарайдигандек туюлди. Бироқ бу гапни ўзидан бошқа ҳеч ким эшитмади. Бир ёқда машшоқчилар Россиядан келган “Азиз меҳмон ўз сўзининг исботини тасдиқлатиб олишига” имкон бериш мақсадида рақсбоп шўх мусиқалардан бирини варанглатиб чалиб юборишиди. Шу туфайли эси оғаёзган Муштариининг бир оғиз аламли гапи ҳам тўр парда ортида “димланиб” қолиб кетди.

Давракаш Хасанни ўртага ундаланида “Хозир-хозир” деб қўйди ва у келинчакка томон юзланди. Киссасидан бир қутича чиқариб уни очиб кўрсатди. Тилла занжир экан. Занжир қўзни қамаштириб ялт-юлт қилди.

– Келинпошша, сизни табриклайман! Бахтли бўлинглар! Арзимаса ҳам манави совғами олиб қўйсангиз, – деди Хасан қулиб тўр парда ортида хайрат ичида ёниб турган кўзларга нигоҳини қаради. Кўзлар тўқнашди...

Бу маҳалда “Андижонча” қўшиғи авж олган ва ҳеч ким лутфан таклиф қилмаса-да, ўртага чиқиб, пишмаган ғиштдай гезариб, Тўлқинбек “Нозик хиромини” бошлаган эди. Унинг рақси кўпроқ боксчилар машқига ҳам ўхшаб кетарди.

Келин “ҳа” деганда қўлини кўтариб совғани олавермади. Чунки у қалбан “Хасанга, нималар қиласяпсиз, ўзи?!” дея ҳайқирмоқда эди. Шу лаҳзада Хасан ҳам нима деярини билолмай тили лол бўлиб қолганди. “Хиром айлаб” етиб келган ширакайф Тўлқинбек шу оний лаҳзаларнинг ҳам гувоҳи бўлди.

“Наҳотки бу Муштарий бўлса... Йўғ-е, кўзларимга ишонмайман. Чехралари жудаям ўхшар экан. Эҳтимол унинг бирор яқин қариндошидир” деган ўй билан тилла занжирни узатиб турган Хасаннинг фикрини тўсатдан Ҳусан бузиб юборди. У келинга қараб ўшқирди:

– Ҳой қиз?! Сенга акам ахир совға узатяптику, нега олмаяпсан?!, – деди у ўзини кўрсатиб.

Беўхшов рақс қилаётган Тўлқинбек, кутилмаганда хохолаб қулиб юборди. Келин бир чўчиб тушди ва воқеани чигаллаштираслик учун қутичани тез қўлига олиб қўяқолди.

Хасаннинг миясига ток ургандек туюлди, “Нима?! Нахотки бу Муштарий бўлса... Бу бўлиши мумкин эмас”, дея довдираб турган йигитни ғовалик ошнаси хирадик билан судрагудек даражада давра ўртасига олиб чиқиб кетди ва уни гўё кураш тушмоқчидек маҳкам қучоқлаб олди. Билмаганлар бу ҳолатни узоқ кўришмаган икки дўстнинг самимий учрашуви дейиши, табиий эди. Тўлқинбек Хасаннинг қулоғига охиста шивирлади. Данғур-дунғир бўлаётган бўлса-да, бу гапларни Хасан яққол эшитди. Овоз ўта кесатиқли ва аламли эди:

– Биласанми Хасан, сен кимсан? Ахмоқсан!... Сен мени лақиллатдинг. Ўшанда Муштариини сен ўзинг яхши кўрасан деб ўйлаб мен галварс йўл берибман. Сен бўлса, ҳаммасини уканг учун қилаётган экансан ифлос. Шунинг учун мен сени асло кечирмайман, ҳозир тўйни бузаман. Сени абжагингни чиқараман, номард, ифлос!

– Т-тўхта, ошна! Бир четга ўтиб гаплашайлик, илтимос, – деди Хасан ҳолатни тез ўзига таҳлил қилиб. Чунки уни тўхтатмаса ҳозир уни дўппослаб қолиши ва кўпчиликнинг олдида шарманда қилиши яққол сезилиб турарди.

– Бўпти, битта шарт билан. Ҳозир бирга рақс тушамиз. Тушмайдиган бўлсанг, ўзингдан кўр. Сениям, укангниям уриб дабдала қиласамасам, одаммасман. Хўш розимисан? – деди у бақувват муштини рақибиға кўз-кўз қилиб.

– Бўпти, ахмоқлик қилма. Одамлар қараб туришибди...

Тўлқинбек қўлларини рақс учун шайлентириб созандаларга қаратा “Дилхирож”ни чал!!” – дея қичқирди.

“Дилхирож” янгради. Давра ўртасида икки аламзада йигит “нозик” хиром айлай бошлиашди. Ўртакаш тез келиб ҳар иккисига Чустнинг чуқур дўписидан кийдириб кетди ва пул ҳам қистириб қўйди. Пуллар бетўхтов қистирила бошланди. Ора-орада Тўлқинбек “Вой-дод!” деб бир овозда бақириб юборар, томошабинлар эса, бу ҳолни завқланиб, қарсак билан кузатишарди. Даврадаги рақс гўё икки сардор йигитларнинг навбатдаги спорт мусобақасига ўхшаб кетмоқда эди. Албатта Тўлқинбекнинг бу гал “голиб” келиши яққол кўриниб турарди. Чунки Хасан қўлларини ноиложликдан ихтиёrsиз кўтарар, ўзи ўйнарди-ю, кўнгли йиғларди, “Нималар бўлаяпти ўзи? Нахотки бу ўша Муштарий?... Ахир қандай қилиб? Бўлиши мумкин эмас...” – дея ўз-ўзига тинмай савол берарди у.

– Ҳой ошна, сен ҳам менга пул қистирмайсанми? Российскийсидан йўқми-а?! – дея сўради даврадаги ҳамроҳи баланд овоз билан.

Хасан киссасини ковлаштирганди, қўлига бир мунча қоғоз пуллар илашди. Уларга қарамай ҳам тўғри шеригига қистирмоқчи бўлди. Аммо кутилмаганда Тўлқинбек пулларни олдида, “Пулингни пишириб е” – дегандек унинг юзига сочди. Унинг мақсади қандай бўлмасин уруш чиқариш ва Хасаннинг таъзирини бериб қўйиш эди.

– Ошна юр, бу ердан кетайлик, – деди Хасан уни судраб.

– Йўқ. Бугун биз сен билан то тонггача ўйнаймиз, билдинг, – деди аламзада шериги ва алам билан хо–холаб кулиб юборди.

– Юр энди. Сен ахир меҳмонимсан, Россия ароғидан олиб келганман. Сени бир меҳмон қилмоқчиман, кетдик, юр.

– Бўпти, ичамизми? – сўради Тўлқинбек боши айланиб – деди Хасан ялинганинамо.

– Ичамиз!

– Фақат бир шарт билан.

– Қанақа шарт?

– Кейин ташқарига, кенг майдонга бориб тўйгунимизча муштлашамиз! – деди рақиби бош бармоқни “Сенга кўрсатиб қўяман” деган маънода.

– Бўпти, ичкарида гаплашайлик.

– Йўқ. Агар шартимга кўнмасанг, шу ерда, ҳозир муштлашамиз! – деди қайсарлик билан Тўлқинбек.

– Хўп, деяпманку!...

– Қўлни бер. Кейин стадионга борамиз, ёлғиз иккимиз, “один на один” келишдикми? Лекин айтиб қўяй бирорни бу ишга аралаштируйсан. – сўради Тўлқинбек қўлини узатиб.

– Хўп дедимку, келишдик!

Икки дўст даврадан қўлларини кўксига қўйган ҳолда илиқ табассум билан ўзларини қўлга олган ҳолда чиқиб кетишди. Уларни самимий қарсак ва олқишлиар билан кузатиб қолишиди. Давракаш чопиб бориб уларнинг бошида қистирилган пул ва дўппиларни олиб қўйди. Тўй яна давом этди. Аммо бу пайтда қулоқни қоматга келтираётган овоз хушини йўқотаётган Муштарийнинг юрагига найза мисоли санчилар, қулоғи остида нохуш шовқин бетўхтов чийилларди. Шу туфайли “Дод!” деб қичқириб юборишдан ўзини аранг тўхтатиб турар, ўртада рақс тушаётганлар бўлса, унинг кўзига шайтонлар каби кўрина бошлаганди. Хаёлида гўё уни ҳозир дошқозонга солиб, тагидан олов ёқиб қўйишгану, у дод солар, шайтонлар уни эшитмас, хурсанд бўлиб рақс тусишишмоқда эди... Шу маҳал куёв уни бир туртди.

– Ҳой, сенга айтяпман, тур ўрнингдан!

Қиз бир чўчиб тушди. Шокарим ака келин ва куёвни қизғин табриклади-да, аввал ўғли, сўнгра келинининг совуқ пешонасидан ўпди. Қиз эса гаранг бўлиб ҳеч нима фарқлай олмай беҳол бўлиб қолганди. Тўй гўё уни тушида содир бўлаётгандек туюларди. Бир пайт қўшиқ ўйин такқа тўхтади. Ҳамма “ѓувв” этиб қаёққадир қарашди. Йигитлар тез ўша томонга чопа бошлади. Қандайдир ноҳуш воқуа содир бўлган шекилли... Қиз бошини ортидаги гиламга кўйди-да, ўзидан кетиб ўтириб қолди. Улар юмшоқ курсида ўтиришаргани туфайли у йиқилиб тушмади. У шундай гўзал кўринардикি, гўё парда ортидаги уйқудаги маликага ўхшаб кетарди.

Кўп ўтмай куёв олдидаги жўралар ҳали ўйнашга улгурмай армонда қолган қизу-жувонлар ҳам кўзлари олазарак, қаёққадир шошилиб кета бошлишди. “Фовалик йигит Хасан акамни урайпти!” – деди қичқириб, бир йигит. Хусан бўлса кимгадир қаратада бақирад, лекин унинг овозини ҳеч ким эшиштаётганди. У алам билан ёнидаги келинчакка қаради, лекин у ҳам бепарво “ухламоқда” эди. Дардини кимга тўкиб солишни билолмаган куёв, ором олаётган келинни эл қатори тарқ этмоқчи бўлди. Аммо амакиси Нодир ака уни маҳкам тутиб қолди.

– Ҳой, сен қаёққа?!

– Мен ҳам борай, ахир акамни уришаётганмишку!

– Ҳеч қаёққа бормайсан! Хотинингни қара, ухлаб қолибди, бечора чарчаганда. Уни кўтариб олиб, жойига олиб кир! Тўй томом! Сизлар энди ҳеч қаёққа чиқмайсизлар! Чиллаликсизлар, тушундингми?

– Ахир...

– Хотиржам бўл милицияга хабар берилди. Уришаётганларни ўzlари тинчтиришади. Сенинг вазифанг бошқа – келиннинг қўнглини олиш, тушундингми?

Хусан елкасини қисиб “Ҳа, тушундим”, – деб кўйди.

– Ол, бўлмасам келинни кўтар... Ҳой, янгалар! Гўшанга тайёрми?!... – дея қичқирди Нодир ака ва ўзича ғудраниб сўкиниб кўйди – Мен акамга неча марта айтдим-а, ичкиликни кўп қўймайлик, деб. Мана оқибати...

Хусан келинни шарт кўтариб олди-да, ясатиқлик чимилдиқли уй томон йўналди. Ортидан унинг янгаларидан бири эргашишди. Бирор “Бечора тоғдан келгунича чарчаганда” деса, бошқаси “Тавба, одам ўзининг тўйида ҳам ухлаб қоларканда-а” деб шериги томон пичирлаб, қиқирлаб кулишмоқда эди.

– Кўяверинлар, ухлайверсин. Бошқа урф-одатларимизни эртага салом билан ўтказаверамиз, – деди Хусаннинг холаси Муниса опа.

– Хой, қўшилишса бўлаверар-а? – сўради бир шаддод қўшни аёл хихилаб кулиб.

– Вой, bemalol. Bu ёғига илоҳим куёв болага қувват берсин, – деди хола куёвга атайин эшиттириб. Аёллар қийқириб кулишди.

– Хой, жиминглар, келин уйғониб кетмасин, – деди Муниса опа шивирлаганнамо.

Хусан келинни қўтариб оқ поёндоз ёзилган гўшанга узра ўтаркан аёллар “Илоҳим, қўчкордек фарзандлар дунёга келтиришсин, баҳтли-тахтли бўлишсин” – дея юзларига фотиха тортишди. Фақат улар кириб кетгачгина танга ва қандларни сочишди. Ёш болалар дувв этиб уларни тера бошлишди. Шу маҳал “лоп” этиб чироқ ҳам ўчди. Туман бўйича ўчганмиш...

* * *

Тўлқинбекни даврадан кетишга аранг қўндирган Хасан уни бир четдаги алоҳида дастурхон томон етаклаб бораркан бутун фикри-хаёли хозир Муштарийда эди. “Қизиқ улар қачон топишиб улгuriшди? Оббо, Хусан писмигей... Мен бўлса қишининг совуғи-ю, ёзниңг ботқоқ, чивин босган шимол ўрмонларида энамни кўриб меҳнат қилиб, емай-ичмай топган маошимнию, олган қарзимни наҳотки ўз баҳтимни йўқотиш учун жўнатган бўлсам. Қандай беъманилик бу?... Тўлқинбек бўлса менга мардлик қилиб йўл берган экан. Шунинг учун у аламзада, муштлашишга тўла ҳаққи бор уни... Ҳамма айб ўзимда бўлса керак, отамдан бир оғиз келин ҳақида сўраб суриштиришим, ҳеч бўлмаса тўйдан бир-икки кун аввал этиб келишим керак эди. Ўзимча мақтаниб, укамга “Сюрприз” қилмоқчи бўлибман-а... Энди нима қиламан? Дардимни кимга айтаман? Бу қилмишум учун ҳар қанча мушт есам ҳам кам... ”.

Икки рақиб дастурхонга ўтиришлари ҳамоно хизмат қилаётган дастурхончи ака қўлинини дуога очиб “Омин, икки ёш баҳтли бўлсин! Хуш келибсизлар”, – деб нон синдириди. Йигитлар фотиха қилишни ҳам, қилмасликни ҳам билмай қўлларини очганча қотиб қолишиди.

– Қани нонга қаранг, Тўлқинбек, – деди Хасан дуога очган қўли билан ишора қилиб.

– Қани бисмиллоҳ..., – деди Тўлқинбек нон бўлагини олариб беўхшов чайнаркан Хасанга “Ҳали сен мендан кўрасан” дегандек олайиб, қараб қўйди.

Хасан чаққонлик билан чойдан қуйиб узатди. Аммо Тўлқинбек уни олгиси келмади.

– Нима қуядиган бошқа нарсанг йўқми?

- Аввал бироз тамади қилиб олайлик, жўра. Мен узоқ йўл босиб келдим ахир.
- Овқатингни пишириб е!
- Ҳой, ҳазиллашма ўртоқ, – деди Хасан соҳта қулиб ва ароқни очиб пиёлаларга қуиди.

– Тўлдириб қуй!

Хасан шеригининг қадаҳини тўлдириб, ўзига озроқ қуиди.

– Бу нима қилганинг? – сўради қилдан қийиқ қидираётган улфати.

– Мен умуман ичмайман, сенинг хурматинг учун...

– Нима?! Ичасан, ичмай ҳам кўрчи...

Хасан ўзини анча бепарво тутар, барибир бу шишадоши билан муштлашиши аниқ эканига тобора акли етиб бормокда эди. Туриб кетай деса яна бўлмайди. Уларнинг ўртасида бўлаётган можаронинг сабабини ҳар иккисидан бошқа ҳеч ким билмасди. Тўсатдан Тўлқинбек шошилтмай Хасаннинг ёқасидан олиб, ғижимлаб, уни ўзи томон охиста тортди.

– Ҳой, мен билан бошқа пачакалашма. Ҳаётимни расво килдинг. Истасам ҳозироқ тўйни бузаман, тушундингми? – деди у шеригини ўзига қаттиқроқ тортиб.

Кўйлакнинг бир тугмаси “чирт” узилиб тушди. Яхшики, овқатни келтириб қолишиди.

– Яхши ўтирибсизларми? Ие, нима қиляпсизлар?

– Ҳеч нима. Раҳмат, қўяверинг, – деди Тўлқинбек, Хасанни қўйиб юбориб, – Қани ўша гаплар учун олдиқ, ошна – деб соҳта қулиб қўиди.

– Тинчликми? Бирор муаммо йўқми, ишқилиб? – сўради хизматдаги йигит Хасандан.

– Ҳеч гап йўқ. Ўртогим билан анчадан буён қўришмагандик.

– Хўп, овқатдан олинглар бўлмаса совутмай, – деди у негадир хавотирли қараб.

Тўлқинбек пиёладагини сипқордида, Хасанга қаради.

– Ҳа, нега ичмаяпсан?

– Овқатни ейлик, кейин...

– Кейин мен сенга онангни кўрсатаманми? Ол ич!

– Ҳой, онамни тинч қўй... Муштлашмоқчимисан, ўзи? – Тўсатдан Хасаннинг жаҳли чиқиб кетди.

– Ҳа, кетдик!

– Қаёққа?

– Айтган жойингга.

Хасан ширакайф шериги билан тўйхонада муштлашиб кетмаганидан ҳар ҳолда хотиржам бўлди. “Бориб бўлган гапларни ётиғи билан тушунтираман. У тушунадиган йигит. У ҳам Муштариини қаттиқ севаркан. Алам қиляпти”, – деди хаёлан ва мусобақалар пайтидаги Муштарий билан Тўлқинбекнинг муносабатларини бир-бир кўз олдига келтирди. “Энди нима қилсам экан? Манави беъмани, поёnsиз сухбатимизга чек қўйиб, Муштарий билан бир гаплашиб олсан бўларди. Эҳтимол, у ўз эмин-ихтиёри билан тегмаётгандир... Хусан уни мажбур қилган бўлсачи?... Э, йўғе, нималар деяпман? Бу ландовурнинг қўлидан бунақа иш келмайди”.

У шериги билан базм майдонини кесиб ўтиб бораркан келин-куёв томон бир бор нигоҳини ташлаб қўйди. Хаёлидан қутилмаган ўйлар ўтаверди. “Нима бўлса ҳам Муштарий билан ҳозироқ, шу бугуноқ гаплашишим керак! Эртага кеч бўлади, кеч!” – деди у қатъий. Бу ҳақида ҳамрохига бафуржа тушунтириб тезрок ундан қутилмоқ чорасини излай бошлади.

Улар қўчага чиқиб хилватроқ жойга ўтиб бордилар. Тўлқинбекнинг одими аскарча – тез ва шахдам эди.

– Тўхта Тўлқин, гаплашиб олайлик, илтимос.

Аммо ёниб турган Тўлқинбек бу пайтда учун бир гап кам, иккита гап ортиқ эди. У қутилмаганда хужумга ўтди. Хасаннинг башарасига “Мана сенга гаплашиш” деб шундай бир зарб туширдики, Хасаннинг қўзидан олов чақнаб кетди. Уни тушунишни истамаётган Хасаннинг ҳам жаҳли чиқди. “Сен билан яхшиликча гаплашиб олайлик, деяпман!” – дея қичқирди у. Бироқ Тўлқинбек бу гапга ҳам яхшигина мушт билан жавоб қайтарди. “Мана сенга! Номард, ифлос!” дея қичқирди у.

Кўчада улфатчилик қилиб, чекиб турган бир неча йигитлар муштлашиш бўлаётганини пайқаб қолишиди ва шу ёққа чопиб келиб уларни ажратиш пайига тушдилар. Лекин жаҳли жумбушга келган Тўлқинбек уларни ҳам бир-бир уриб ташлай бошлади.

“Уларга тегма, номард!” – дея қичқирди Хасан ва у ҳам ҳимояни бас қилиб ростакамига ҳужумга ўтди. Калтак еган йигитлардан бири тўйхона томон чопиб кетди... Бир зумда теварак-атроф бепул томошага келганлар билан тўла бошлади. Ажратиб қўймоқчи бўлганлар ҳам муштдан бебахра қолишмаётгандиги учун энди аралашмай қўйишиди. Баъзилар кўчадаги жангни икки сардорнинг қоронғудаги беллашуви деб қабул қилган бўлишса, баъзилар “ғоваликлар билан ариқбўйиликлар уришишяпти” деган шовшув гап тарқатишиди.

Кўп ўтмай милиция машинаси етиб келди ва икки безорининг қўлларни қайириб олиб кетишиди. Қишлоқда шу топда умумий чироқ ҳам ўчиб қолди. Тўй тугади. Гўшангага ҳам жажжигина шам ёқиб қўйишиди...

* * *

Урушқоқ икки ошналарни алоҳида қоронғу камераларга қамаб қўйишиди.

– Бизни қўйиб юборинглар. Ахир бугун укамнинг тўйқу! – деди қичқириб Хасан чаккасидан оққаётган қонни артиб оларкан.

– Бекорларни айтибсан! Қайси аҳмоқ ўз уйидаги тўйни бузаркан? Жим бўл, эрталаб гаплашамиз. Ҳе ароқхўр... – деди, милиционерлардан бири уни юзига электр фонарни тутиб. Сўнгра темир эшикни шараклаб қулфлаб нари кетди.

Хасан бақириб эшикни батарроқ тарақлатаверди. Аммо унинг овозлари бесамар қолаверди.

– Хой, мен ароқ ичмаганман очинглар! Мени қўйворинглар! Тушунинглар ахир бугун севган қизим эрга тегяпти! – дея Хасан бошини эшикка уриб йифлай бошлади. Аммо унинг изтиробли овозини ҳеч ким эшитишни хохламади. Чунки ҳар ҳолда аламидан чиқиб ҳовурини босиб олган нариги камерадаги Тўлқинбек бу маҳалда тинмай хохолаб куларди. “Бу кунингдан баттар бўл” – дер эди у ора-орада.

У кула-кула ётиб ухлаб қолди ва энди заҳ ва қоронғу ертўлани хурракнинг “жозибали” овози тутиб кетди. Аммо Хасан тор камерада то тонга қадар у ёқдан бу ёққа бетоқат бўлиб юриб чиқди... Гўшангада юз бериши мумкин бўлган хунук холатни қўз олдига келтириб “Дод!” деб бақирди, бетон полни муштлади. Муштлайверди, муштлайверди, қўллари моматалоқ бўлиб, шишиб кетди.

* * *

Гўё Хасаннинг чорасиз, сўнгги ҳайқиригини Муштарий ҳис қилгандек бир чўчиб уйғонди. Аввалига қаерда, ким билан эканини англай олмайди? Хавотир аланглади. Шам охиригача ёниб, тугай-тугай липилларди. Ғира-ширада деворга илиб қўйилган сепларга қўзи тушди ва шундагина бугун тўйи бўлиб ўтгани ёдига тушди. Лекин тўй қачон тугади, бу ерга қачон кириб ётди, эслай олмади. Ёнида пишиллаб ухлаб ётган куёв тўрага қарадида, “Хасан акам” деб қўйди. Қотиб ухлаётган йигитнинг юзига қараб кўнгли хотиржам тортди ва ширин орзуларга берилди...

– Ҳа, ўзинга келдингми? – сўради бир пайт куёв эришган уйқисираб.

Муштарий ғалати бўлиб кетди “Хасан акам мени сенсирамас эдику, қизиқ, ўзига яқин олайпти шекиллида...” – деб қўйди у ўзича,

- Хасан ака? – деди паришон ўйларга берилган қиз.
- Ҳа, нима дейсан? – деди Ҳусан тишини ғижирлатиб.
- Терагистонга қачон борамиз?
- У ерда пишириб қўйибдими, ухла, Тарагистомиша, тентакми, бу қиз?...
- Нима, эсингиздан чиқдими, Хасан ака?
- Э... Нега ҳадеб Хасан-Хасан деяверасан, жонга тегдингку.
- Ахир энди эримсизда, нима бўпти? – нозланиб сўради Муштарий.
- Биринчидан, мен Хасанмас, Ҳусанман! Иккинчидан, уйқимни расво қилма.

Ухламасанг бор, иссиқ сув қил, чой дамла, кўчани супур. Мени бошқа безовта қилма. Чарчаганман, билдингми? – деб оғзини варанг очиб ёпдида, куёв тўра ўраниб терс қараб ётиб олди. “Совуқку” дегандай бир жунжикиб ҳам қўйди.

“Нима, Ҳусан дедими? Бу нима дегани?” – деди қиз хаёлига яшин тезлиқда келган ўйдан бир чўчиб, ирғиб ўрнидан туриб ўтирди. Сўнгра кўрқа-писа йигитни аста туртди.

- Ҳой, хазиллашманг, ей.
- Уф-ф... – деди куёв ва “Бор” дегандек кўрпага янада бурканиб ўраниб олди.

Келинчак бир оз тугаб-тугаб бораётган шамга нажот тўла нигоҳи билан термулди. Юраги хавотирликдан тез-тез ура бошлади. Унинг орзу-умидлари, баҳти худди ана шу шам мисол сўнгги “нафас олаётган”нини англаб кўрқиб кетди. Шу маҳал лоп этиб электр чироги ёнди. Муштарий бир сесканиб тушди. Ўрнидан турмоқчи бўлиб кўрпани очди, аммо оқ чойшабдаги қип-қизил қон доғларига кўзи тушиб тўсатдан қаттиқ чинқириб юборди. У шундай чинқирдики, гўё оёғига илон ўралашиб олгандай ўта изтиробли бўлиб, бу ҳол нарироқдаги уйда хотиржам ётган бетоб қайнонанинг ҳам кўзини очириб юборди.

Руқия опа ўғлига ўз орзусидаги келинни олиб берганидан ва тўй осойишта ўтканидан хотиржам ётарди. Чунки қишлоқдаги жуда кўп тўйларнинг жанжал билан якун топиши ҳақида кўп эшитганди. Ҳеч ким Хасан ҳақидаги нохуш гапни ҳали унинг қулоғига етказмаганди.

“Келин бечора, нимага қичқирди экан-а? Бирор сичқон ё каламушни кўриб қолдимикан-а? Мен дадасига юз марта айтдим-а, сичқон дори опкелинг” деб. Сўнгра у ёнида қаттиқ ухлаётган қизини уйғотди.

– Ҳой, Гулчирой, Гулчирою. Келиндан бир хабар олчи, янгаларидан сўрачи, келин бир нимадан қўрқиб кетди, шекилли.

Гулчирой уйқусираб ўрнидан турди. У гўшангали уйга етиб келганида янгалар ҳам уйғонган, Хусан ўрнидан гезариб туриб олган, Муштарий бўлса тентакнамо бўлиб ўзини у ёқдан бу ёққа уриб, бақириб ташламоқда эди. Нихоят у гўшангадан қочиб ташқарига отилди ва бошини қаёққа уришни билмай беихтиёр Руқия хола ётган хонага кириб кетди. “Болам сизга нима бўлди?” – дея сўради қайнона бағрига олиб. Келин юм-юм йиғлаб ўзини муштипар аёлнинг бағрига отди. Она унинг бошини силаб хай-хайлаб узок ўтириди, киргандарни, “кетинглар” деб кескин ҳайдади.

* * *

Эртаси Хасан ва Тўлқинбекни милиция катта нозири хузурига олиб кирди.

– Ҳа, жўжахўролар, кеча тўйда нимани талашдиларинг? – сўради у жиддий.

– Келинни. – деди Тўлқинбек қисқа қилиб.

– Қайси келинни?

– Ўша, эрга тегаётганида.

– Унда сен қуёв экансан-да-а? Нега шуни вақтлироқ айтмадинг, – деди ходим Хасанга юзланиб.

– Куёв укам Хусан эди, – деди Хасан шишган лунжини силаб оларкан.

– Тушунмадим.

– Хуллас ака, иккаламиз ҳам ўша қизни яхши қўрардик. Лекин мен ўртоғимга йўл бергандим, у бўлса билибми, билмайми қизни укасига тортиқ қилиб юборди. Шу алам қилдида...

– Билганим йўқ эди, ўлай агар, – деди Хасан ерга қараб.

– Эҳ-хе, бу ёғи мелодраммаку... Сизларга кафиллик берган Оқсоқолнинг ва бошқа маҳалла фаолларининг айтишларича, иккингиз ҳам эсли-хушли, обрўли, спортчи йигитлар экансизлар. Тўйда тўпалон қилиш яхшими, ахир?

– Кечиринг айб бизда, – деди Хасан.

– Ўртоқ нозир биз жанжаллашмадик, балки, бу сафар ҳам қўл жанги бўйича мусобақалашдик, халос – деди Тўлқинбек ҳушёр тортиб.

– Хўш, унда ким енгди?

– Ҳеч ким. Иккимиз ҳам енгилдик. – деди Хасан хўрсиниб.

– Нега энди, Хусан енгди-ку. – деди Тўлқинбек тиржайиб.

У кулганида лунжига оғриқ кирди шекилли “ух” деб ушлаб қолди. Шундай бўлсада Хусанинг тасаввур қилиб, аввалига оҳиста эҳтиётлик билан, сўнгра эса тиззасини шапатилаб чинакамига кула бошлади.

- Хусанга гап йўқ, ўртоқ нозир. У бир йўла учта қишлоқ сардорларини енгди.
 - Қанақасига?
 - Мана қаранг, мен Ғованики, Хасан Ариқбўйиники, келинбола Муштарий бўлса, Маданиятники.
 - Обба, хумпарей, зўрку. Уканг сендан ҳам бақувват бўлса керакда-а Хасанбой? – деди самимий қулиб нозир.
 - Э, йўғе, – деди Хасан қулиб.
 - Улар бир қориндан тушишган бўлишса ҳам Хусан Хасаннинг гирт тескариси, ёввойи у.
 - Барibir учта сардорни енгибдику.
 - Ҳа, у писмиқ омадли экан. Биз ҳечам кутмагандик. Шунаقا бўлиб қолди-да..., – деди Хасан тан олиб.
 - Ҳа майли. Сизлар ҳақингизда яхши маълумотлар олдик, қолаверса, бу ҳол биринчи марта содир бўлгани учун бу сафар жазоламай қўйиб юборамиз. Лекин келгуси сафар хафа бўлиш йўқ. Сизлар ахир эл назаридаги йигитларсиз, соғлом, бақувватсизлар. Шунинг учун аксинча юртимиз осойишталигини сақлашда бизга ёрдам беришингиз керак.
 - Узр ака, йигитчиликда бир бўлиб қолдида.
 - Ҳа, тушунаман. Қани бир-бирларингизга қўл берингларчи... Яхши. Майли, бора қолинглар, бошқа ичманглар. Омадларингни берсин.
 - Хўп, раҳмат.
- Икки “уришқоқ” милиция идорасидан чиқиб келишаркан, бир-бирларининг “бежалган” башараларига қараб қулиб қўйишиди.
- Узр ошна. Тўйда сени меҳмон қила олмадим, – деди Хасан дўстининг қўлини сифаркан.
 - Ҳечқиси йўқ. Сен мендан қарздорсан. Қарзингни тўйингда қайтарарсан, – деди Тўлқинбек.
 - Албатта.
- Икки дўст самимий хайрлашишиди.

**П-ҚИСМ.
ХАЁТ ҚҮШИГИ
МУҲАББАТ ОСТОНАСИДА**

Муштарий ўша уқубатли тунни Руқия опа билан бирга ўтказди. Она ўзининг бисотида қанча илиқ сўзи бўлса, ҳаммасини келининг тўкиб солди, орқасини силаб унга таскин берди.

– Биламан қизим, ҳозир сизга жуда қийин. Бир умр тогда ота-онангиз бағрида ўсгансиз. Тўсатдан бегона жойга келиб қолдингиз, ҳаммасига ҳали кўнишиб кетасиз. Энди менга ҳақиқий қиз бўлдингиз. Сизга меҳрим тушиб қолган. Сизларникида турганимда сизни келин қиласман деб яхши ният қилгандим. Оллоҳга шукр, йўқ демадингиз. Қанча умрим қолган билмайман. Илтимос, энди мени энг яқинингиз, ўз меҳрибонингиз деб билинг, онангиз ўрнида кўринг. Ҳали этак-этак фарзандлар туғиб берасиз. Ҳудо хоҳласа ҳаммасини ўзим катта қиласман. Тақдирингизга тан беринг энди, қизим. Ўзим ўргилай, сиздан...

Келинчак қайнонасининг панд-насиҳатларини йиғлаб-сиқтаб тинглади. Аммо “Бўпти онажон” деб туриб кета қолмади, балки йиғлайвериб, йиғлайвериб онанинг ҳам юрак бағрини эзив юборди.

* * *

Гўё хўroz ўйинида ютқазиб қўйган қашқа таёқдай кириб келган Хасанни кўрган отаси уни совуқ қарши олди.

– Келдингми?... Лекин бу аҳволда онангни кўзига кўринма. Ўзинг яхши биласан иккинчи инфарктни бошидан ўтказди. Бир жойда, бир сирда бўлиб қолган. Яна қанча умри қолди, худо билади. Тавба, келиб-келиб укангни тўйида ҳам муштлашасанми? Эл-юрт олдида мени шарманда қилдинг! Бу ёқда Хусан ўз тўйи куни “Мен уйланмайман, Хасанни уйлантираверинглар” деб мени тоза аҳмоқ қилди. Сен бўлсанг меҳмон билан жанжаллашиб юрибсан-а, аҳмоқ. Бу ёқда келин гўшангадан қочиб чиқиб онангни пинжига кириб олиб ҳадеб йиғлаётганмиш. Ҳозир ахир саломга чиқиши, қариндош-урұғлар уни кўриши керакку. Мен ҳеч ҳозирги ёшларни тушунолмай қолдим-да, тавба. Эркалик ҳам эви биланда....

Хасаннинг миясига бу гап яшин тезлигида урди: “Нима, Муштарий гўшангадан қочиб чиқди? Ҳозир йиғляяпти?... Нега?! Нима қилсам экан, у билан гаплашайинми?... Нима

дейман?” деган бир олам саволлар оғушида турган эди ҳамки, шу маҳал орқадан Хусанинг овози келиб қолди.

– Ассалому алайкум, ака, тузукмисиз? Юринг, чой ичамиз.

Хусанинг димоғи чоғ қўринарди. Хасанинг мушт еган юзини қўриб ачингандек бўлди.

– Ғовалик билан ортиқча ичиб юборибсизлар, шекилли-да-а?

– Ҳа, бироз... Ўзинг яхшимисан?...

Хусан лабини буриб тиржайди-да, қўлини мамнун силтаб қўйди.

– Э, бу келин қурғурнинг шайтонлайдиган одати бор, шекилли?

– Нима? Нега энди?

– Алаҳсираб қанакадир Терагистонга борайлик дейдими-эй! Ҳадеб менинг исмимни сизники билан адаштираверади. “Бошимни қотирма” деб сўкиб бергандим шайтонлаб қолди. Кейин аразлаб ойимни олдига кириб олди. Шунаقا бош оғриқ қизни менга нима кераги бор эди, хайронман?

– Нега уйландинг бўлмаса?

– Отам қўймади. Онанга қарашга шу қиздан яхшиси йўқ, уйланасан, деб оёқ тираб туриб олишди. Мана энди касал онамизнинг бошини қотиряпти. Ишқилиб, юраклари безовта бўлмасинда... Лекин ўзи яхши нарса экан, қзталоқ – деди Хусан тиржайиб.

– Нимаси яхши?

– Уйланиб кўринг, кейин биласизда.

– Сен у билан қўшилдингми?

Хусан ўз ёқасини тўғрилаб, томогини маъноли қириб гердайиб қўйди.

– Албатта. Ана, янгалари чойшабларни ювишяптику.

Хасан тўсатдан яна бир оғир зарба егандай гангигб кетди. Нафаси гирибонига тиқилиб гапира олмади. Зарба тўғри унинг юрагига текканди... Аранг ўзини босиб олдида, индамай бориб отни бўшатди.

– Ҳой, қаёққа? Чой ичмаймизми? – сўради Хусан.

Лекин унинг саволи жавобсиз қолди. Хасан отининг жиловини кўчага бурди-да, “Чух!” дея шашт билан аллақаёққа чоптириб кетди. Туёқларнинг асфальт йўлдаги тарақ-тарақ овози атрофни тутди. Ўтган-кетган одамлар Хасанинг ортидан ҳайрат ва надомат илиа қараб қолишмоқда эди. Чунки мўмин-қобил, хушсурат йигит тўсатдан айнаб қолган,

кеча укасининг тўйида бемаъни муштлашишган бўлса, бугун маҳалла бўйлаб беодобларча отини тез чоптириб бормоқда эди.

Хасан шу зайл тоғ ёнбағри бошланадиган Ғова ариғигача етиб борди. Бу чамаси беш чақиримча масофа эди. От ҳам ҳолдан тойиб пишқириб қўйди. Бу ёғига эса ҳаракатни уловининг ўз ихтиёрига қўйиб берди. Эгасини соғинган ва кўпдан бери оёқларининг чигали ёзилмаган от завқланиб пишқира-пишқира Усмон ота қўргони томон йўналди. Хасан минг бир нохуш ўйларга ғарқ бўлган ҳолда ўша, неча марта ишқий учрашувларидан воқиф – тош курси томон беихтиёр борарди.

“Наҳотки Муштари мени Хусан билан адаштириб қўйган бўлса. Ахир қандай қилиб? Эй худо, нималар бўляпти, ўзи? Энди нима қиласман, унинг қўзларига энди қандай қарайман? Наҳотки у менга янга бўлди? Нега? Нега?!...” дея алам билан хайқирди у. Ҳайқириғи қояларда акс-садо берди. У шундагина ўзини тоғ тепаликлари оралаб кетаётганини ҳис қилди. Узокдан қадрдон тош курси кўринди. У худди яқинидан жудо бўлиб тош қабр олдида маюс чўкалаб ўтирган инсонни эслатарди.

Тош курси офтоб нурида қизиқ, тафтли эди. Хасан унинг сип-силлиқ сиртини қўли билан сийпалар экан, бу ерда Муштари билан кечган сухбатларини эслади, назарида қиз ҳозир шу ерда-ю, қиқирлаб тош атрофига қочаётган, йигит бўлса, уни тутиб олмоқ илинжида изидан қувламоқда эди.

Шу зайл тош атрофини айланаверди, айланаверди. Аммо қувлаганини, излаганини тута олмади. Курсининг иссиқ бағрига чиқиб, узоқ ўтирди. Кўзларини юмиб, қўли билан пайпаслаб қизнинг қўлини излади. Силлиқ тош тафти гўё унга қизнинг баданидек, эсаётган илиқ шаббода эса унинг нафасидек туюлди.

Кечаги босиб келган олис йўл, тунги алғов-далғовлар, хибсхонадаги тунги беуйқу изтироблар уни жуда чарчатган, икки кундан буён деярли туз тотмагани учунми, ширин хаёллар оғушида қаттиқ ухлаб қолди. Туш кўрди. Тушида Муштари билан totли учрашувга чиқишиди. Булоқларга бориб бир-бирларига сув тутишди, завқланиб мушоиралар қилишди, қўшиқлар айтишди. Ёмон булоқда бўлишди. Хасан унинг сувидан ётган ҳолда тўйиб ичди ва дуога қўл очди.

– Вой нима қиляпсиз, Хасан aka! – дея қичқирди Муштари. – Бу булоққа ният қилиб бўлмайдику. Ахир бу Ёмон булоқ-ку!

Тоғларда “Ёмон булоқ-ку!-Ёмон булоқ-ку” деган сўзлар элас-элас садо берди. Хасан яна ётиб сувдан ичмоқчи бўлди, аммо тўсатдан сув ичидан Тўлқинбек чиқиб уни ёқасидан

тортиб юборди. Хасаннинг пешонаси бир тошга тегди... Хасан ўзига келди ва уйқусида мункиб кетиб пешонасини тош четига уриб олганини англади. Тош совиб кеч бўлиб қолибди. Сувга ташна оти ҳам ер депсиниб “Тур энди, ҳе лапашанг” дегандек кишинаб қўйди. Хасан отига минди-да, Ёмон булоқ сари йўналди. Чунки отни суғориш учун булоқларнинг энг яқини шу эди. Кўп ўтмай ўша ерга етиб борди. Муштарий билан бу ерда ўтказган totli сухбатини хаёлидан ўтказди. От сувдан бироз ичган бўлди. Аммо “Намунча bemaza бўлмаса” дегандек бошини силтаб пишқириб қўйди. Хасан “Лаънати!” – дея сувга томон бир тош отган эди от ҳуркиб қочди. Лекин йигит уни тез ушлаб олди-да, қаққонлик билан миниб “Юр, сени ширин сувли булоққа олиб бораман” дегандай уни никтаб Али Қурбон булоғи томон дадилроқ юришга ундаdi.

Ширин булоқ сувидан Хасан ҳам, от ҳам тўйгунича ичишиди. Йигит Муштарий билан бу ерда ўтказган гўзал онларини ҳам ёдга олди. Ҳаммаси, худди куни кеча бўлганидек ер қаридан лопиллаб чиқиб турган сув юзида Муштариининг акси гўё бузук телевизор экранидай тўлқинланиб намоён бўла бошлади. Шу пайт қиз хайр дегандай қўлларини силтади. Йигит кўркиб кетди.

– Муштарий, қаёққа?! Тўхтанг!! – дея қичқирди.

Аммо бироз ўтгач қиз акси ғойиб бўлди. Хусан булоқни бетўхтов ҳовучлай бошлади ва муздай сув ичига ўзини ташлаб бор овози билан ҳайқирди. Ҳайқириқ шундай кучли эдики, қояларга ин қурган қушлар қувв учишди. Ҳатто мовий осмонда қанот ёзган бургут ҳам бир сония жойида қотиб қолгандай туюлди. Шалаббо бўлган йигит ўрнидан туриб қоялар томон яна бир аламли нара тортди. Унинг “А-а!!!” деган овозига қоялар гўё “Ўла-ўла!” дегандай жавоб қайтаришиди.

Боши айланган Хасаннинг кўзи шу маҳал Муштарий билан чиқиб борган чўққидаги ўша эгиз қояга тушди. Гўё икки тош орасидан туриб у томон қиз қўлинни силтаётгандай, ўзига чорлаётгандай туюлаверди. Улар илгари қиз иккиси ўша чўққи сари ёнланма тепалик орқали айланниб чиқиб боришган эди. Ҳозир эса Хасан чўққи сари тик чиқмоқ ва у ерга тезроқ чиқиб боришга ошиқди. Аммо тош бўлаклари билан уюлган тикилик сари чиқиб бораркан, оёқлари сирғалиб кетар, тиззалари тошларга урилар, сирғаниб ортига тушиб келгани сайн йигитнинг баттар жаҳли чиқар ва сўкиниб бақириб чакираарди.

У чўққининг ярмига етганида ҳолдан тойиб ўтириб қолди ва шундагина туфлисининг таг чарми чиқиб кетганини, шимининг тиззаси йиртилгани ва оёғи моматалоқ бўлиб шилиниб кетганини кўрди. Эгиз қоялар яна анчагина тепада мағрур боқиб туришар, қиз

эса күрінмасди. Йигит ўз севганига етиша олмагани етмай мана шу оддий чўққини ҳам забт этолмаётганидан қаттиқ ранжиди. Шу ерда нима қиларини билолмай узоқ ўтириди. У шу пайтда эгиз қоя тепасига чиқиб ўзини жарлик томон ташлаб юборишни жуда-жуда истаётганди. Аммо табиат, тоғу тошлар уни асраб чўққига чиқиб боришига монелик қилмоқда эдилар.

Унинг кўзи пастликдаги юз йиллар муқаддам экилган, аммо қариб қаровсиз қолган, Муштариининг катта бобоси экиб кетган қўхна ўрик дараҳтларига тушди. Улар гўё “Тўхта, эй йигит! Ўзингни қўлга ол! Сен ҳали кўп яшашинг керак!” – дегандай илтижо қилардилар. Хасан уларнинг мунгли овозини қалбан ҳис қилди-да, охиста ва эҳтиётлик билан келган изига қайтди. Тошлар уни олқишлиар, шариллаб, оёқларининг остидан пастлик томон “қувона-қувона” думалардилар...

Оқшом чўкаётган бўлишига қарамай Хасан Терагистонни ҳам зиёрат қилмоқни ихтиёр қилди. Яна силлиқ ва улкан қояларга илашди. Муштари билан бу ерга охирги бор келганини эслади. Чаққон қиз унга йўл кўрсатиб, базан қўлинини узатган бўлса, баъзан йигит унга ёрдамлашган, тошдан тошга сакраганида тутиб қолганди. Энди бўлса, факат ширин хотиралардагина қотиб қолган унутилмас мўъжизакор жойлардан бир ўзи ўтиб борарди. Нихоят қучоқ етмас ўша азим терак пойига етиб борди. Дараҳтга опичлаб бошини қўйди-да, ўз толейини лаънатлаб ўксиб-ўксиб йиглади. Бу ер ҳар қанча йиғласа бўлаверадиган эчки ва каклик қушлардан бўлак ҳеч қандай жонзот келмайдиган овлоқ жой эди.

У шу ерда у қалбини забт этган Муштари билан видолашди... Бир шеър тўқиб, уни қўшиқ қилиб юракдан куйлади:

Сенинг ойдек жамолингга,
Паривашдай рухсорингга,
Етолмадим висолингга,
Энди бизлар бегонамиз.

Билсанг сенсиз холим хароб,
Қўймас кўнглим сени сўраб,
Ишқ булоғи экан сароб,
Энди бизлар бегонамиз.

Хаёт шундай тахир экан,
Жафо чеккан фақир экан,
Не ҳам дердим тақдир экан,
Энди бизлар бегонамиз.

* * *

От Хасанни ота уйига ярим тунда, бир ахволда олиб келди. У ҳам, Хасан ҳам жисмонан эзилган ва рухан тушкун кайфиятда эдилар. Уларни күриб минг хавотирликда күчадаги ўриндиқда ўтирган ота “Хах, харом ўлгур-а” дея жаҳл билан тиззасини шапатилаб ўрнидан туриб кетди. Бу сўзни у отига айтдими, ўғлигами, тушуниб бўлмасди.

- Қаёқларда юрибсан, ахмоқ?!
- Ота, илтимос, ҳозир мендан ҳеч нимани сўраманг.
- Яна муштлашдингми?
- Йўқ ҳаммаси жойида.
- Қаерда эдинг?
- Тоғда.
- Нима, тоғда пишириб қўйган эканми?
- Сиз ҳам менинг саволимга жавоб беринг, ота!
- Қанақа савол?!
- Нега бизларни онам эгиз тукқан?!...
- Нима дединг?... – дея Шокарим aka лол бўлиб қолди.
- Деганимни дедим, – деди Хасан ва отининг узангини отасининг қўлига тутқазди-да, ичкарига кириб кетди.

Кирди-ю ўзини сўрига отди. Ҳеч нима демади, емади. Шу кўйи ухлаб қолди. Синглиси Гулчирой устига қалин кўрпа тўшаб қўйди.

Шокарим aka уни барвақт ўйғотди.

- Турақол, энди ўғлим. Ювиниб-тараниб ол. Келин ҳозир саломга чиқади, кейин бирга нонушта қиласиз.

Хасаннинг юраги “шувв” этиб кетди.

- Ота сафар сумкам қаерда билмайсизми?
- Мехмонхонада. Бемалол кийимингни алмаштириб ювиниб олавер, кейин сўрига чиқарсан.

Хасан шоша-пиша юз-қўлини ювди. Эрта тонг бўлгани учунми хўроz қичқириқларига турли бошқа ҳайвонлар, ўтаётган транспортлар ва яна кўча томондан “шип-шип” овозлар кўшилиб баралла эшитилмоқда эди. Йигит кийимларини апил-тапил алмаштириб кияркан дераза ортидан, кўчани гўё фаришта каби супураётган, бошига оқ харир рўмол ташлаб олган келинчакка кўзи тушди. Тушди-ю футболкасини бошига илган ҳолда бир лаҳза қотиб қолди. Сўнг ўзига келиб дераза дарпардаларини оҳиста қўтарди. “Чиройли келин бўлибди” – деган сўз ўтди қўнглидан ва дилида ўкинч ва армонли бир қўшиқни қўйлади:

Сени кутиб кўзларим толди,
Юрагимда лек исминг қолди,
Тақдир бошга неларни солди,
Сен ўзганинг ёрисан бугун.

Дилни ўртар аламу, армон,
Бу ишқ мени қийнарди ёмон,
Жоним олар айрилиқ, хижрон,
Сен ўзганинг ёрисан бугун.

Адо қиласар мени бу савдо,
Дардларимга энди йўқ даво,
Мен кетарман, хайр, алвидо,
Сен ўзганинг ёрисан бугун.

Кўшиқ оҳанглари ўз “қулогини кар” қилаёзди ва шу алпоз тўғри онасининг уйига кириб бориб унинг қайноқ кўксига бошини қўйб бир оз тин олди.

- Вой болам, бормисан? Айланай сендан, тўйлар билан чарчамадингми?
- Йўқ ойи. Ўзингиз тузукмисиз? – деди Хасан шивирлаб.
- Шукур, раҳмат. Келин олиб мана уйимиз ҳам тўлиб қолди, болам. Сенга ҳам Муштариҳонга ўхшаганидан бир дилбар келин топамиз. Навбат энди сеники.
- Йўқ ойи. Мен ҳали-вери уйланмоқчи эмасман – деди Хасан бошини кўтариб.
- Вой нега?
- Ишлашим, сизларни қўллашим керак.
- Ўзингни кўп уринтириб қўйма болам. Энди сен учун уканг ҳам ишласин. Чилласи чиққандан кейин уни ҳам ёнингга олиб кет. Эгизаклар доимо бирга бўлишгани маъкул.

Бир-бирларига эш-қўш, тиргак бўласизлар, хўпми, жон болам. Мендан хавотир олманглар, энди мени қарайдиганим бор. Бу қиз менга тоғда ҳам қараган жуда ақлли маъқул қиз.

– Мен бўлмаса бориб Хусанга ҳам иш жойи тайёрлайман, кейин уни чақиртириб оламан. Бўпти, яхши ўтиринглар, ойи.

– Вой-вой, кетаяпсанми? Дарров-а?...

– Ҳа, ишларим жудаям кўп. Атайн тўй учун келгандим. Хўп, хайр бўлмаса.

Она-бала бир-бирларини маҳкам бағрига босишиди. Онанинг кўзидан шашқатор ёш чиқиб кетди.

– Қанча умрим қолди, билмайман болам. Ўзингниям, укангниям эҳтиёт қил. Агар бирорвлингга бирор гап бўлса мен дош беролмайман, ўлиб қоламан, болам.

– Хавотир олманг, ойи. Ўзингизни эҳтиёт қилинг. Сиз ҳали кўп яшайсиз, ҳали менинг тўйимни ҳам набираларингизнинг тўйларини ҳам кўрасиз.

– Илоҳим айтганинг келсин... Қани омин, – деди Руқия опа ва узоқ сафарга отланаётган катта ўғлига узундан-узоқ дуо қилди.

Хасан тез бориб сафар сумкасини олиб чиққанида, келинпошша ошхонада чой дамлаётганди.

– Ҳой, сен қаёққа? Ие-ие, бу ахир қанақаси бўлди? – деди сўрига ўтирган отаси.

– Самолётдан кеч қоляпман. Узр, ота қўнгироқлашамиз.

– Онангчи? У билан...

– Ҳа хайларашдим, дуоларини олдим, – деди-да Хасан ва дарвозадан шашт билан чиқиб кетди.

– Ие, ҳой, тўхта! Қаёққа?! – дея ота ўғлининг ортидан шошилди. Аммо шу тобда калиши қурғур оёғига илашавериб панд берди.

Келинпошшанинг қўлидаги пиёла ерга тушиб чил-чил синди...

УМР МАКТУБЛАРИ

Муштарий Хусан билан бир ёстиққа бош қўйганидан кейин бу изтиробли ҳаётга астасекин кўнига бошлади. Кечираётган турмушини тақдирга йўйди. Кўпроқ қайноаси Руқия опага суюниб қолди. Хомилали бўлди. У дарди, изтироблари ва ҳасратларини оқ дафтарга туширадиган одат чиқарди. Шеърларида – ёшлиги, қайноқ муҳаббати, соғинч ва армонларини баён қиласиди. Шу билан ўзини овутар, шеърлари унинг йўлдоши, сирдоши, яқин ҳамроҳига айланиб қолганди. Мана улардан бири:

Орзулар армонга айланди,
Висоллар хижронга айланди,
Тақдирим ўзгага бойланди,
Мен кутган шоҳзодам келмади.

Бу телба юрак ҳеч кўнмади,
Уни зор кутишни қўймади,
Ўзга ёр кўнглимни билмади,
Мен кутган шаҳзодам келмади.

Юзларим саргайди хижрондан,
Юрагим минг пора армондан,
“Бахтлиман” дейману ёлғондан,
Мен кутган шаҳзодам келмади.

Бир кун паймонам тўлади,
Қабримда у йиглаб туради,
Афсусу армонлар қиласди,
Мен кутган шаҳзодам келади.

Баъзан эса туғилажак гўдагига кўйлаклар, бешик учун ёстиқчалар тикиб, ўзи билган
халқ ўланларидан куйлаб ўтиради:

*Қошингни қаросига пайвастаман,
Сени бир қўрмоқликка ҳавасдаман.
Сени бир қўрмоқлик мушкул экан,
Тўти қушнинг боладай қафасдаман.

Тош қўйган тарновнинг томчисиман,
Олис кетган ёрим қамчисиман.
Олис кетган ёримнинг йўли бўлсин,
Янги чиққан шойидан тўни бўлсин.*

* * *

Олис юртларда Хасан бўлса, юрса ҳам турса ҳам, ишласа ҳам, қишлиса ҳам, тишласа
ҳам қўшиқлар хиргойи қилишни, давраларда гитара билан муҳаббат ва армон хақида

куйлашни одат қилди. Уни қўшиқ завқи, куй сехри овутар, санъат унинг йўлдошию қўлдошига айланиб борарди.

Гитаранинг мунгли оҳанглари олов атрофида ўтирган дараҳт кесувчиларнинг ҳам дилларига жо бўлар, ўз тақдирлари, узоқларда қолган яқинларини, интизор кутаётган севикли ёрлари-ю фарзандларини, ҳаётида кўрган-кечирган хуш-нохуш онларини кўз олдига келтирадилар:

Қайдасан севгилим, гўзалим?

Сен менинг борлигим, асалим.

Сен ҳали юракда сўнмаган,

Чирогим, битмаган газалим .

Ой бўлиб тунларингда отдим,

Нур бўлиб, кўзларинга ботдим.

На қилай, бу тавқи дунёда,

Мен сени топдиму, йўқотдим...

Красноярск ўлкасининг дарё бўйидаги Заречная қишлоғида тез орада Хасаннинг номи яккахон хонанда сифатида кўрина бошлади. У дарди-аламини дилдан куйлагани сайин ўзи билмаган ҳолда қўшиқ уммонига ғарқ бўлиб кетар, гитара чалиш маҳорати ҳам тобора ошиб борарди. Маҳаллий аҳоли унинг қўшиқларини доимо олқишилар билан кутиб оладиган бўлишди. Қарсаклар унга қанот бағишиларди. Кўп ўтмай у эл орасида танилиб қолди. Ишдан сўнг уни клублар, мусиқали кечалар ва бошқа тадбирларга ҳам таклиф қилишадиган бўлишди. У Владимир Высоцкий услугуга яқин оҳангда куйласа-да аммо ўзининг Осиёча лаҳжаси мусиқага шарқона шукуҳ бағишилаши билан ўзига хос овоз соҳиби сифатида ажралиб турарди. Қўшиклари армонли ва дардли бўлиб, матнларини, асосан ўзи тўкир ва ўзи куй басталарди.

Ҳар якшанба дарёнинг у соҳилидаги кенгликда “Ярмарка” деб аталган улкан ҳалқ тадбири бўларди. Бу ерга ўлканинг турли тарафларидан одамлар келишиб олди-сотти қилишар, сўнгра рус ҳалқ миллий фольклор қўшиқлари ва рақсларини ижро этиб ўз маҳоратларини намойиш этишар, кечгача мириқиб дам олиб кетишарди. Ёз фаслида дарёни паром ёки қайиқ билан кечиб ўтилса, асосан узоқ давом этадиган қиши кунлари дарё сирти қалин муз билан қоплангани учун одамлар от, ит ёки буғи қўшилган чаналар ёки қор чангиларида пиёда ўтиб боришарди. Хасан ҳам орқасига гитарасини осиб олган

холда чанғида учишни ва ўтиб бораётган бирор чанага илиниб олишни ёқтирадар, бу эса унга ўзгача завқ бағишиларди.

Кўп ўтмай Хусан ўғилли, Хасан жиянли бўлди. Хасан укасини ҳам ўзи қўним топган рус қишлоғига чақириб олди. Эгизаклар бир ерда бирга бўлишгани учунми дастлаб рухиятлари баланд, кайфиятлари кўтаринки даражада эди. Умрида қишлоғидан четга чиқмаган Хусан учун дунё янги кашф этилгандек туюлди. У кутилмаганда сезиларли даражада ўзгара бошлади. Акасининг юракдан айтаётган қўшиқлари, мусиқа нолалари унинг ҳам дил торларини чертмай қўймади. Қўшиқлар унга ҳам маъқул бўлди ва баъзида беихтиёр қўшилиб кета бошлади. Ака-укаларнинг жўр овози қўшиқларга янада файз киритди. Айниқса, уларнинг ўхшаш чехрали экани томошабинларни завқлантира бошлади. Буни сезган Хасан укасида яшириниб ётган истеъодод кирраларини кашф этишга ва уни ҳам зерикарли ҳаёт домидан тортиб олишга қатъий бел боғлади. Саъи-ҳаракатлари бехуда кетмади. Кўп ўтмай улар дуэт ҳам ижро этишга уриниб кўрдилар. Хусан синтезаторни жон деб ўргана бошлади. Шундай қилиб Заречнаяда ака-ука Хасан-Хусанлар дуэти пайдо бўлди. Хасан ҳам ўзини янги оиласа кириб бораётгандек хис қилди. Эски дард ва армонлардан чалғиди. Энди унинг қўшиқлар репертуари завқли рус халқ қўшиқлари билан ҳам бойий бошлади. Топиш-тушиларига ҳам барака кирди.

Ака-укалар қишлоқда қолган ота-онасини, айниқса, бемор оналари ҳақида қўп қайғуришар, яхшигина топиб-тутаётгандарини ота номига юбориб туришарди. Шокарим ака укасини ўз тарибиясига олгани учун Хасандан жуда миннатдор эди. У ўғиларидан тез-тез хат ёзиб туришларини, мактублари оналарига қувват бағишилаётганини уқтиради. Йигитлар ҳам ота илтимосини ерда қолдирмас, бир Хасан, бир Хусан навбатма-навбат хат ёзишдан чарчамас эдилар. Хатларнинг ҳаммасини оналарига Муштарий ўқиб берар ва уларнинг номига ҳам ўзи жавоб битарди. Айниқса, она номидан битадиган жавоб мактублари жуда ҳам таъсирчан ва чуқур мушоҳадали бўлиб, йигитларга ўзгача кайфият, рухий қувват ва қанот бағишиларди. Хатларда, деярли, Муштарийнинг номи тилга олинмас кўпроқ кичкинтой Сардорбекнинг қиликлари ҳақида ёзиларди.

Бир гал ака-укалар ўзларининг кичик сахнада қўшиқ ижро этаётган пайтдаги суратларини юборишиди. Ҳар иккиси ҳам бир хил уст-бош ва бўйинларига капалак нусха бўйинбоқ тақиб олишибди. Уларни кўриб лол қолишиди. Айниқса Хусаннинг бунчалар тез ўзгаргани кутилмаган ҳол эди. Шу туфайли Муштарийда энди эрига нисбатан илиқлик пайдо бўлди. Айниқса, кун сайин улгайиб бораётган гўдак, ришталарини янада

мустаҳкамроқ боғлаб борарди, меҳрларини тобларди. Ўғилчаси, шириңсухан қайноаси, орзуларга йўғрилган шеърлари ва тунлари айтадиган аллалари энди келинчакнинг доимий ҳамроҳига айланди.

Алла оҳанглари қуш каби майин парвоз қилар ва тоғлар ортига ботаётган қуёшнинг заррин нурлари қўйнига сокин кириб кетарди:

*Улгай болам, гул ватандა-ё, алла
 Ботир бўлиб ўсгин қўзим-о, алла
 Сени кўриб бу чаманда, аллаё
 Яйрай-қувнай, юлдузим-о, алла
 Болам қувнаб ўсасан-о, алла
 Доим сенга баҳтинг ёр-о, алла
 Гам-кулфатни билмайсан-о, аллаё
 Она юртинг Ўзбекистон-ей, алла
 Суқсур деган қуши бўлар-о, алла
 Тортсам пати бўши бўлар-о, алла
 Отангдан гар хат келса-ё, аллаё
 Менинг қўнглим хуши бўлар-о, алла*

* * *

Шокарим аканинг энди фикр-ўйи Хасанни уйлантиришда бўлиб қолди. Бироқ Хусан қишлоққа, оиласидан хабар олгани ҳар йили бир бор меҳнат таътилида келиб кетарди-ю, бироқ Хасан турли баҳоналар қилиб келмаётгани отани ташвишга солмоқда эди. “Бу жин ургурга нима бўлди, ўзи? Мундоқ ота-онасини қўриб кетай ҳам демайди-я. Бунақада қачон уйланади? Укаси яқинда иккита фарзандли бўлади. Бу тенгилар, эх-хе...” деб қўярди учуст дўпписини қўлига олиб бир қоқиб қўяркан.

Муштариининг иккинчи фарзанди қиз бўлди. Унга Мехрибон деб исм қўйишиди. Шу муносабат билан бу сафар ака-укалар бирга келишиди. Хусан тугриқхонага икки-уч марта бориб келди. Ниҳоят кечки пайт уни Хасан йўқлади.

- Сизни кўргани яна хўжайнингиз келди, – деди ҳамшира.
- Вой, у киши яқинда келиб кетувдилар-ку?
- Билмасам. Жуда ҳам посон бўлиб кийиниб олибди. Нима бало, косметика қилганми дейман, юзлариям сип-силлик, оппоқ.
- Йўғе, эримнинг унақа одати йўқ.

- Ана боринг ҳовлида, ўриндиқда сигарета чекиб ўтирибдилар.
- Эрим сигарета чекмайди.
- Ўзларидан сўранг-да, тавба...

Муштарий ташқарига чиқса нариги томонга ўгирилиб сигарета чекиб ўтирган эрига кўзи тушди... Бирор зарур гапи бормикин-а? Ё акаси билан менинг ёшлиқдаги муносабатларимиздан хабар топдимикан, – дея ўзича нохуш мушоҳадага борди.

– Ҳа, келинг дадаси, тинчликми? – сўради Муштарий йигитнинг рўпарасига ўтаркан ва Хасанни таниб қолиб қизариб кетди, – Ие, сизмидингиз?

- Ҳа мен... Қизча муборак бўлсин!
- Қутлуғ... Узр, танимабман.
- Тўғрисини айтинг, тўйда ҳам шунаقا янглишганмидингиз?
- Йўқ. Сизни кутгандим.
- Қанақасига?
- Билмасам. Ака-укалар шунаقا келишиб олгансизлар деб ўйлабман-да. Яъни ўрнингизга куёв ролини бажариб туришни укангизга илтимос қилиб тургансиз дебман. Табриклаганингизни эшитиб ўзимдан кетиб қолгандим... Энди бу ёғини айтишга ҳожат йўқ.
- Ҳа, тақдир бизни учраштиrmади. Энди бўлар иш бўлди...

Орага жуда оғир жимлик чўкди. Муштарий ўзини шундай ноқулай хис қилмоқда эдики, гўё игна учида ўтиргандай эди. Орада Хасан яна бир сигарета олиб тутди-да, оғир хўрсиниб қўйди.

- Хасан ака, сиз тезроқ уйланинг, – деди Муштарий аста.
- Йўқ. Ҳали уйланмоқчи эмасман. Ўзимга келолмаяпман. Ўша тўй кунини эсласам, бу дунёга келганимга баъзан ачиниб кетаман. Яхшиям Тўлқинбек бор экан бир-икки мушт тушуриб эсимни киритди.
- Вой, нега уришдинглар, ўзи?
- Сизни деб. У ҳам сизни яхши қўраркан. Лекин йўлида мен бўлганим учун тўсиқ бўлолмабди. Хусанга тегаётганингизни кўриб жуда алам қилибди. Ана шунаقا гаплар. Энди буларни ҳаммасини унутайлик. Биз энди сиз билан ака-сингилмиз. Мен эртага жўнаб кетаман, Хусан кейинроқ борар. Жиянчамни ўпиб қўйинг. Мен унга ул-бул олиб келгандим, олиб қўярсиз, – деди у целофан халтани узатиб ва ўрнидан оғир қўзғалди. – Кўришмасак хайр, яхши қолинг.

- Хайр Хасан ака, яхши боринг. Хат ёзиб туриңг.
- Ҳа, албатта. Энди бизни фақат шу хатлару хотираларгина боғлаб туради халос, – деди Хасан зўраки табассум қилиб. Унинг кўзларида бир олам дард акс этиб турарди.

Ким билади, эҳтимол шу онда унинг юрагида яна бир янги қўшиқ басталангандир. Ҳар ҳолда у кеч бўлсада, мардларча орани очиқ қилди, гўё ораларидаги деворни қулатиб ташлади. Муштарий ҳам мунг тушган куйи қанча туриб қолганини билолмади. Ҳамшира қиз “Хой, болангиз йиғлаляпти!” деб чақирганидагина ўзига келди. Хасан акаси олиб келган халтани қўлига олди. Унда чақалоқ учун бир дунё совға бор эди. Ичидан бир рўмолча ҳам чиқди. Бу ўша, Муштарий тош курсида совға қилган, ўз қўли билан тўқиган бежирим рўмолча эди... кўзларидан ёш думалади, юракда бир шеър битилди:

Мұхаббатим ўйин қилдингиз,
Тақдиримни қийин қилдингиз,
Келажагим тайин қилдингиз,
Севганимми, айбим, айтинг сиз?

Пинҳон севги армон бўларму,
Софинчлари ёмон бўларму,
Хижронлари ёлғон бўларму,
Севганимми айбим, айтинг сиз?

Васлингизни хайрон қилдингиз,
Ишқ қасримни вайрон қилдингиз,
Мени нечун сарсон қилдингиз,
Севганимми, айбим, айтинг сиз?

* * *

Нихоят Хусан ҳам жўнаб кетди. Муштарий икки гўдаги ва “учинчи гўдаги” – қайнонасига парвона бўлиб қолаверди. Қиши ўтиб яна баҳор келди. Бир Хасандан, бир Хусандан она номига хатлар кети узилмади. Аммо Муштарий кейинги хатлардаги ёзувнинг бир ҳил эканига, яъни улар айнан Хасанники эканини сезиб қолди. Аммо бу ҳақида ҳеч кимга чурқ этмади. “Қизиқ нега Хусан акам ёзмай қўйдилар? Бунинг боисини, албатта, таътилга келганларида ўзларидан сўраб биламан”.

Хаш-паш дегунча ёз ҳам келди. Ўғилчасини тили чиқиб ҳадеб “Дад-да” дея бошлаган кунларнинг бирида, ярим тунда Хусан кириб келди. У тўғри кириб Муштарий ётган уйни тақиллатди. Муштарий эри келганини сезиб ички қўйлакда чопиб чиқди.

– Вой, нега тақиллатяпсиз, дадаси? Киравермайсизми? Яхши келдингизми?

– Мен Хусан эмас, Хасанман.

– Вой ўлмасам, – деди Муштарий ва хиёл очиқ қўкрагини яшириб тез ичкарига қайтди ва устига халатини ташлаб чиқди. – Хусан акам қанилар, тинчликми?

Хасан лабига “жим” ишорасини қилди-да, оғир хўрсиниб қўйди.

– Болалар ухляяптими?

– Ҳа.

– Ичкарида ҳоли гаплашайлик. Мухим гап бор.

Улар ичкари хонага киришди. Муштарий тез кўрпача солди ва чой қуиши учун тараффудланди.

– Ҳеч нимага уринманг, келин, – деди Хасан.

Гапининг оҳангидан олисдан жиддий иш билан келгани маълум эди.

– Тинчликми, ака? – сўради Муштарий бетоқат.

– Йўқ, синглим. Фақат бир илтимос, сиз оғир бўлинг.

– Нега?

– Бу гап ўртамизда қолиши керак. Ойим, ҳатто, отам ҳам, умуман, ҳеч ким билмаслиги керак, тушунарлими?

– Йўқ, очикроқ гапираверинг.

Хасаннинг қўзидан шашқатор ёш оқиб кетди. Унинг юраги тўлиб “Илтимос Муштарий, сиздан ўтиниб сўрайман”, – дея олди холос. Келиннинг юраги така-пука бўла бошлади. У кап-катта, эсли-хушли йигитнинг йиғлаётганини қўриб довдираб қолди.

– Нима гап Хасан ака? Мундоқ тушунтирангизчи!...

Хасан даст ўрнидан туриб эшикни ёпиб келди. Панжарали деразани ҳам ёпмоқчи бўлди аммо ховли томон қарагани учун тегмай қўя қолди. Бу ҳолат аёлни янада хавотирга солди ва ўрнидан турди.

– Бўлди, бўлди, ўтиринг. Фақат ўзингизни қўлга олинг. Лекин онам асло эшитмаслиги керак. Эшитсалар бунга дош беролмайдилар. У киши яна яшашлари керак. Биз Хусан билан бу ҳақида келишиб олганмиз.

– Ўлай агар, ҳеч нимани тушунмаяпман.

– Ҳозир-ҳозир, – деди Хасан қўллари билан ишора қилиб, – Ҳозир сизга ҳаммасини тушунтириб бераман. Бир кружка сув олиб келсангиз, илтимос.

– Совуқ чой бор, бўладими?

– Бўлаверади.

Муштарий минг бир хаёл билан қўллари қалтираб чойнакдаги чойни олиб кирди. Қопқоқ қурғур пиёла ичига тарақ этиб тушиб баттар чўчитиб юборди. Қопқоқни олиб совуган чойни тез қайноғасига узатди. Умуман у келин бўлиб шунча йиллардан буён қайноғасига илк бор чой узатиши эди...

– Айтаверайнми? – сўради йигит келиннинг кўзларига маъюс қараб.

– Ҳа...

– Укамни... бериб кўйдик.

– Нима?!... – деди Муштарий ва қўрқинчдан кўзлари катта-катта очилиб ўтириб қолди. Қўлидаги чойнак эса қўлидан тушиб кетиб қаттиқ тарақлаб кетди. Дастаси синди. Ичкаридан болаларнинг безовталанганд оқози эшитилди.

– Илтимос Муштарий, ўзингизни қўлга олинг, онам хақки, йифламанг,. Йифи-сиги керакмас, ўтинаман сиздан! Ялиниб-ёлвораман! Менга ҳам ҳозир жуда оғир, тушунинг. Онамга раҳмингиз келсин. Эшитса юраклари дош беролмайди. Бу гап отамга ҳам оғир ботади.

Муштарий довдираб “А-а...!” дея йифламоқдан бери бўлиб гарангсий бошлади. Хасан келиб аста унинг оғзини ёпди... Энди ойимдан ҳам айрилиб қолмайлик, Муштарий. Ахир бунинг иложи борку. Мен Хусанга ўхшайманку, ахир!... Бир Хасан бўлиб, бир Хусан бўлиб келиб кетавераман. Майли, жиянчаларим мени бир гали “дада”, бир гали “амаки” деб чақира қолишин. Мақсадим ойимизнинг умрига-умр қўшиш, холос. Ўз вақти соати келиб ойимизнинг умрлари тугаганида, бу ҳақида ҳаммага маълум қиласиз. Сўнгра ҳар иккисини узоқ сафарга бирга жўнатамиз, бўптими, Муштарий?! Сиз фақат “Хўп” денг, илтимос. Бу сир фақат иккимизга маълум бўлади. Мен бунинг учун бир умр уйланмасдан ўтишга ҳам розиман. Жиянларимни ўзим катта қиласман, сизларни ҳеч қачон ташлаб қўймайман. Ҳудо ҳаққи, қасам ичаман, – деди Хасан ва қалтираб, қаҳшаб тили айланмай турган келинпошшанинг пойига тиз чўқди. – Онамнинг ҳаёти сизнинг қўлингизда, Муштарий. Агар сиз Хусаннинг ўлганини ҳозир хабар қилиб қўйсангиз...

Хасан бошқа гапиролмади. Унинг томоғига оғир бир нарса тиқилиб келиб нафаси қисилиб қолгандай туюлди. Кўзларидан тўхтовсиз ёш оқа бошлади.

– Ака! – деди Муштарий ва унсиз йиғлаб Хасаннинг кўксига бошини қўйди. – Сизни тушундим, ака! Лекин мен бунга қандай чидайман?! Қандай чидайман, ахир...?!

– Илтимос келин. Бардошингизга ишонаман. Мен шунинг учун келдим. Бўлмаса, Хусаннинг номидан ҳали ҳам хат ёзишда давом этаверардим.

Муштарий ярқ этиб қаради.

– Нима?! Наҳотки сиз...

– Ха. Бу ишга уч ой бўлди. Айни баҳор музлари эриётган пайт эди. Биз Хусан билан чанғида дарёning у юзига кўпчилик қатори музлик устида ўтиб борардик. Тўсатдан музлар ёрилиб кета бошлади. Мен бир музни, Хусан эса бошқа бир муз устида қолиб ийқилдик. Ҳар иккимиз совуқ сувга тушиб кетдик. Сўнгра бир биримизни чақириб аранг илиниб чиқа бошладик. Мен укамга “Хусан, агар менга бир гап бўлса, уйимизга бир ўзинг бўлиб, бир мен бўлиб бор. Онамизнинг юраги дош беролмайди! У киши яна узок умр кўришлари керак!” – деб қичқирдим. У ҳам “Акажон, агар менга бир гап бўлса, сиз ҳам менинг ўрнимга бир Хусан бўлиб, бир Хасан бўлиб боринг, илтимос. Онамни, болаларимни эҳтиёт қилинг!” деб қичқирди. Одамлар бизларни кутқаришга ошиқишиди. Шу махал бир ёш бола мус устидан сувга ийқилиб тушди. Хусан ўша болани кутқаришга чоғланди. Сўнгра болани одамларга узатган махал бир муз парчаси урилиб уни сув қарига ғарқ қилди. Бошқа муз менга ҳам келиб урилди. Бизлар, ҳар иккимиз сув остига ғарқ бўлдик. Сув тагидан чиқишга кўп уриндим. Лекин музларни кўтара олмадим. Кейин ўзимдан кетдим. Кўзимни очсан касалхонада ётибман. Турібоқ Хусанни чақирдим, аммо ғаввослар уни ҳали топишмаганини, мени топғанларига уч кун бўлганини айтишди. Ана шунаقا гаплар... – дея Хасан бошини аламли силтаб жим қолдида, кўз ёшларини артиб олиб сўзида давом этди.

– Мени худо асрари, лекин... Мен укамни асрар қололмадим. Уни на тириги, на жасади топилди.

Хасан “Ука!!” – деб бақириб юборай деди ва шарт ёстиқни олиб оғзига ёпди-да, шу алпозда ўқсиб-ўқсиб йиғлай бошлади.

Муштарий ҳам ўзини ўриндиқ устига отиб юзини ёстиққа босган ҳолда узок юм-юм йиғлади. Оғир жудолик ва тирикларни асрар маъсулияти ҳар икки ёш дилига жо бўлган, шу туфайли ҳам “Дод!!” деб юборишдан ўзларини аранг тийиб туришар, шу онда сабр-бардош деган буюк туйғу уларга хайриҳоҳ ва ҳамроҳлик қилмоқда эди.

– Бўлмаса келин, келишдик-а? – деди Хасан анчадан сўнг ўзини босиб олиб. – Мен меҳмонхонада ётаман. Хасаннинг спортча кийимларини олиб келганман. Сиз эрталаб турингда ота-онамга эрингиз келганини маълум қилинг. Кейин ҳеч нима бўлмагандек ўз ишингизни қиласаверинг, хўпми?

– Хўп...

– Худойим сизга сабр берсин.

– Сизга ҳам...

Хасан оғир қўзғалиб чиқиб кетаркан “Сабрли бўлайлик Муштарий” – деб қўйди.

Эрталаб Хусан ролидаги Хасан онаси билан кўришишди. “Дада!” деб чопқилла бекалётган Сардорбекни меҳр билан бағрига босиб, уни қучоқлаб кўтариб юрди.

– Вой, Хусанбой, шу ростдан ўзингмисан? – деди она негадир ишонгиси келмай.

– Нега унақа деяпсиз, ойи?

– Хасанбойга ўхшаб оқариб кетибсан-да, гапларинг ҳам бошқача, ё атай қиляпсизларми-а? Вой шумтакалар-ей. Ҳеч болаликларингиз қолмас эканда-а. Кичкиналикларингдаям бизни кўп довдиратардиларинг.

Хасанни бу мушкулотдан чой кўтариб келган Муштарий қутқаришга эришди.

– Вой ойижон, шимолий ўлкаларни совуқ дейишади-ку, у ёқларда қуёш кам чиқаркан. Қуёш бўлмагандан кейин ҳар қандай одам ҳам оқарадида. Дадаси, чойдан ичинг.

– Хўп-хўп, хотин, раҳмат... – деди довдира б Хасан.

– Ҳа ишқилиб, омон бўлинглар. Энг ёмони ўлим бўлмасин, – деб қўйди Руқия хола.

Негадир унинг кўнгли ғаш эди.

– Ҳа, қизим. Отангиз қанилар? Ўғлим билан кўришдими?

– Йўқ. Сахар кўчани супираётгандим. Аллақаерда хатна оши бор дедилар. “Ўғлингиз келдилар” десам “Қўяверинг, дамини олаверсин”, – дедилар.

Аммо ўша куни ҳеч қандай хатна оши йўқ эди. Шокарим ака шунчаки, тўғрироғи юраги сиқилганидан, қолаверса, қон босими кўтарила бошлаганидан, ўзини нохуш сезиб пахтазор далалари, тутзорлар қўйнига урди. Шудринг қоплаган ажриқлар устига ўтириб паст овозда “Вой болам!” деб юм-юм йиглади. Негадир шу топда у Хусанни кўргиси келаётганди...

У ҳаммасини эшитди. Тунда ховлига чиққанди. Хусаннинг уй деразаси ховли томонда эди. Тўсатдан эркак кишининг овозини эшитиб қолди ва... Эх, гап пойлашнинг оқибати шунчалик ёмон бўлишини билганида эди ва ўша тунда у ховлига чиқмаганида

бундай изтиробда қуйиб ёнмаган бўларди. Фарзанд доғи уни адойи-томум қилди. Аммо суюкли хотини Руқиянинг ҳаётини сақлаб қолишга бўлган ёшларнинг саъий-ҳаракатларини кўриб уларга тан берди. Муздай ажриқлардан бир сиқимини юлиб қайнок юзига босди. Ота ўша тун ухламаганди. Ўғли Хусаннинг ўлими ҳакида эшитди-ю “Воҳ!” дея юрагини чанглаб, шафтоли танасига суяниб қолди. Очик деразадан хамма гап эшитилиб турарди. Сўнгра бу томонга Хасан ўтиб қолиши мумкинлигини ўйлаб аранг ўрнидан турди-да, ётоғига етиб олди. Сўрида ўтириб Хусаннинг кўришиш учун кириб келишини кутди. Аммо у меҳмонхона чироғини ёқди-ю, ўчириб ётди. Бу уйда мўйсафиид, сал наридаги уйда Муштари, меҳмонхонада бўлса Хасан ўша тун мижжа қоқишишмади.

Эрта тонг Муштари рўмолини пешонасига маҳкам тугди-да, гўё ҳеч нарса бўлмагандек одатий кўча супуришга чикиб кетди. Сўнгра нонушта тайёрлади ва қозонга мастава ташлаб қўйди. Хасан уйғониб чиққанида соат ўн бирлар чамаси бўлганди.

– Нима бало “хатна оши” шунақаям узок бўларканми, отангизнинг дараклари йўғ-а? – келинидан сўраб қолди бир пайт Руқия хола.

– Билмасам. Ўртоқлари билан ҳангомалашиб юргандирларда.

– Ахир ўғли келганини эшитган бўлса, тавба... – деб қўйди аёл қовоғини уйиб.

– Сиқилманг ойи, Хусан акам ҳали 5-10 кун шу ердалар-ку. Ҳали кўп гурунглашишади.

Аммо тушлик ўтиб соат учлар бўлибди ҳамки, мўйсафиддан дарак йўқ эди.

– Бор ўғлим отангни бир дараклаб келчи. Нима бало, бирор жойда ботиб қолдими дейман?...

Хасан отасини қидириб кетди. Йўл-йўлакай ошна-оғайнини, қўни қўшнилар учрай бошлади.

– Э, Хасан қалайсан? – деди бир ўртоғи у билан қучоқлашиб кўришаркан.

– Акам учун яхшиман, ўзингиз яхши юрибсизми?

– Нега энди мени сизлаяпсан?

– Ахир мен Хусанманда.

– Ёпирай, одам шунчалик ҳам ўхшаш бўладими? Хўп аканга мендан салом айт.

Аммо энг хунуги унинг Тўлқинбек билан учрашиб қолгани бўлди. Тўлқинбек отлиқ чегарачи, ҳарбий дала кийимида бўлиб, ўша куни Ариқбўйига бир иш билан келганди. У узоқда амакилар билан кўришаётган Хасанга кўзи тушди-ю, эски қадрдони билан кўришмай ўтиб кетишни ўзига эп кўрмади.

– Э, Хасанбой, ошна бормисан?

Икки сардор қучоқ очиб кўришишди. Хасан дўстини ўша муштлашган кундан буён кўрмаганди. Соғинганмиди, ҳар ҳолда Хусанлигини унутаёзди. Бироқ хозиргина Хусанман деб кўришишган, ёнида турган бир синфдоши ва қўшнисига кўзи тушди-ю, дўстининг белини маҳкам қисиб турган қўлларини қўйиб юборишга мажбур бўлди. Лекин Тўлқинбек уни қўйиб юбормоқчи эмасди. Кўтариб силтаб-силтаб қўйди ва Хасандан ҳам худди шунга ўхшаш “жавоб қайтишини” кутди. Жавоб эса қайтмади.

– Ўзингиз яхши юрибсизми? Нима бало ҳали ҳам аскармисиз?

Тўлқинбек Хасаннинг сизлашидан хайрон бўлиб елкасини ушлаганича унинг кўзларига тикилиб бир оз жим туриб қолди.

– Биринчидан оғайнни сизлашишни бас қил. Иккинчидан, мен чегара қўшинларида хизмат қиляпман. Қишлоғимиз биласан, Қирғизистон билан чегарадош... Обба Хасанбоей, энди қачон Россиядан бутунлай қайтасан-а? Хозир юртимиизда ҳам қанча тадбиркорлик ишлари тикилиб ётибди. Сендан туппа-тузук бизнесмен чиқади, – деди у кулиб.

– Мен бу гапларингизни акамга етказаман, албатта.

– Қанақа аканг?

– Ахир мен Хусанман-ку...

– Э, қўйсангчи. Сен бола, нима бало, мен билан яна муштлашгинг келиб қолдими дейман-а?

– Мен сиз билан ҳеч қачон муштлашмаганман.

Тўлқинбекнинг кайфияти тушиб кетди, дўстининг кўзларига тикилди. Унинг қарашидан “Хой бола, мени лақиллата олмайсан” – деган маънони ўқиб олиш қийин эмасди.

– Шунақами, – деди у кесатиб, – муштлашмаганман де, ҳа майли, омон бўлсак кўришармиз.

– Менга манзилингизни ёзиб беринг акам ўзи сизга хат ёзади.

– Аканг ўзи қаерда? – деди Тўлқинбек отига илдам миниб оларкан.

– Кросноярскда. Ўша тўйдан буён қишлоққа келгани йўқ.

– Шунақами? – деди Тўлқинбек синовчан тикилиб ва блокнотига манзилини ёзди-да, қоғоз парчасини йиртиб узатди. – Хўп, омон бўл, ука! – деди у ва норози бўлгандек отига қамчин босиб, чоптириб кетди.

“Эх, яхши иш бўлмади-да – деди Хасан хаёлан. – У ишонмади. Демак мен Хусан ролини бажаролмадим. Тезроқ қайтиб кетишим керак. Тўлқинга хат ёзиб узримни айтаман. У тушунадиган яхши йигит”.

Шу маҳал бир “Дамас” машинаси келиб тўхтади. У киракаш Муродилхўжа эди. Бу одам билан Хасан салом алиқдан нарига ўтмаганди. Киракаш кўришдидага, мақсадга ўтиб қўя қолди.

– Отанг тузукми, Хасан?

– Худога шукр. У киши, хатна ошга кетгандилар.

– Қанака ош? Мен ахир уни эрталаб касалхонага ташлаб келдимку. Сувчи Боймурод ака у кишини далада беҳуш ҳолда топиб олган экан. Менга илтимос қилувди. Ҳозир сизларни кетаётгандим, яхши ўзинг учраб қолдинг.

– Ие, отамга нима бўпти?

– Кон босими анчагина баланд дейишди. Дўхтирлар билан ўзинг гаплашиб кўрарсан. Бўпти мени одамларим қутиб қолишиди. Борсанг юр, Чустга кетяпман.

Машина орқага бурилиб эндиғина бир-икки қадам юрган ҳам эдики, Хасан уни тўхтатиб чиқиб олди.

– Отам далада нима қилиб юрган эканлар?

– Билмасам, анча қийналган чоғи, ажириқларни бир уюм қилиб юлиб ташлаганмиш.

Хасан отасидан қаттиқ хавотирга тушди. “Нима бало Муштарий айтиб қўйдимикан-... Ишқилиб онам эшитмаган бўлсинларда” деган ўй ўтди кўнглидан. Йўлда яна танишнотаниш йўловчилар чиқди. Кўп ўтмай машина “Тез тиббий ёрдам” жойлашган бино олдига етиб келди. Хасан йўл кирасини икки баробар қилиб узатди.

– Ҳе, ука, хеч бўлмаса бензин пулинин бер, эрталаб отангни икки йўловчи билан олиб келгандим.

Хасан унинг олдига бир талай пул ташлади-да, “Рахмат ака” деб тушиб қолди.

Шокарим ака жонлантириш бўлимида ўзини билмай ётарди.

– Отангизнинг қон босими жуда баланд. Кейин қаттиқ асабий стрессни бошидан кечирган кўринади, – деди шифокор опа.

– Қачон ўзларига келади?

– Яна уч-тўрт соат ётсинларчи.

Ниҳоят Шокарим ака ўзига келди. Хасанни кириб кўришига рухсат беришди.

– Тузукмисиз, ота?

– Раҳмат, Ҳусанбой... Мендан хавотир бўлманглар, бироз мазам бўлмай қолди, шекилли. Онанга ҳеч нима демагин, хўпми.

– Хўп бўлади. Далага нима учун боргандингиз, ота?

– Нариги маҳалладаги Холтоҗининг новвоси бўшалиб кетган экан. Шуни қуваман деб йиқилиб тушибман... Ўзинг яхши келдингми, ўғлим?

– Ҳа, раҳмат. Сиз тузалгунингизча ёнингизда бўламан, ота.

– Баракалла ўғлим, – деди мўйсафид ва кўзларига беихтиёр ёш келди. – Сизлардек ўғилларим борлигидан фахрланаман. Менинг дардим ҳеч гапмас, ўтиб кетади. Лекин ойингни эҳтиёт қилинглар. Унинг умри ғанимат, болам.

– Сиз ҳеч ташвиш чекманг. Ҳали икковларинг ҳам соғайиб кетасизлар. Бўлмаса мен бориб ойимни тинчлантирай. Ойим сизни “ош”дан кайтмаганингизга хавотир олиб ўтирибдилар.

– Мени Парда Турсунга кетибди, қуролдош дўстлари йигилиб келишган экан. Ўша ерда уч-тўрт кун дам олишаркан деб айт, бўптими?

– Ўша қуролдош дўстларингизга мен чой-пой дамлаб турсам майлими, ота?

– Майли ўғлим, майли.

Мўйсафиднинг оқиши юзига хиёл қон югургандек, юзига табассум инди. Ҳасан “Бўпти ота мен тез қайтаман” – деди-да, шифокорга учрашиб керакли дори-дармонлар ҳақида маълумот олди.

У кечки пайт овқат ва ул-бул олиб келди. Отанинг ёнидан жой қилиб беришди. Ҳасанга бир жиҳатдан яхши бўлди. Муштариининг ёнида уймаланиб юриш, кўча-куйда ҳам сўроқ-савол бераверишдан безиб турганди. Муштарий қайнонасига “Катта синглим касалхонага тушиб қолибди. Бориб кўриб келаман” деб эртаси қайнотасини кўргани келди. Яхшики, Ҳасан уни кўриб қолди.

– Отам тузукмилар?

– Ҳа. Ҳозир Парда Турсунда қуролдош дўстлари билан дам оляптилар. Ойимга шундай деб айтинг.

– Хўп.

– Отам анча дуруст. Уч-тўрт кунда жавоб беришаркан. Шунинг учун овора бўлиб бошқа келиб юрманг, хўпми?

– Мен анави гапдан хабар топдилармикин, деб қўрқиб кетдим-да. Шунга бир хабар олайин дедим.

- Тўғри қилибсиз. Демак хозирча ҳаммаси жойида.
- Хасан ака, сиз қачон қайтасиз? – сўради қиз кўзига ёш олиб.
- Отам тузалиб чиқишилари биланоқ. Нима эди?
- Мен ҳам сиз билан кетиб... қабрларига...
- Э, қанақа қабр? Укамнинг қабри шу ерда бўлади.
- Мен энди қандай яшайман, ахир?...

Муштариининг кўзидан дувиллаб ёшлар тўкилди.

- Уф-ф..., ахир биз келишиб олдик-ку. Ҳозир агар қўйиб берса дод-фарёд солар экансиз-да-а?

- Нима қилай, чидолмаяпман... – дея Муштарий пиқиллаб йифлаб юборди.
- Ҳа. Ҳозир ҳар биримизга ҳам осон эмас. Фақат сабр бардошли бўлишимиз керак.

Майли, бораверинг, фақат кўзингизни ёшини ошкора қилманг, илтимос.

- Хўп, – деди Муштарий маъюс – сиз нима десангиз шу...

У ўша куни Ҳусанакасига бағишлаб бир шеър битди:

Эрта топиб, эрта йўқотдим,
Саратонда куйдим, совқотдим,
Қай гуноҳим азобин тортдим,
Акам, сиздан айрилиб қолдим.

Энди ишқим кўчаси вайрон,
Унда сизсиз юрибман сарсон,
Гоҳ куламан, гоҳо йифлайман,
Ўз холимдан ўзим ҳам ҳайрон.

* * *

... Хасан жўнаб кетди. Тез орада ундан хат келди. Унда укаси Ҳусанбой борган куни оталарининг мазаси қочиб қолганини эшитиб хавотир олгани ва уларни, қолаверса, оналарини жуда соғинганлиги ҳақида ёзибди. Муштарий бўлса энди онанинг номидан эмас, балки ўз номидан жавоб мактуби йўллади ва хат сўнгиди “Хусан акамга айтинг, бизга тез-тез хат ёзиб турсин” – деб қўйди.

Мактубларининг бирида Хасан муштарийдан шеър ижод қилишни тўхтатмасликни ва иложи бўлса янги машқларидан ёзиб юборишини илтимос қилди. Унинг мақсади агар

шеър күнглига ўтиrsa қўшиқ қилиб айтиш эди. Муштариининг қўйидаги шеърини ўқиб у лол қолди:

Қанча олис кетсанг ҳам майли,
Хаёлингдан ўчсанг ҳам майли,
Телба кўнглим хохиши майли,
Тушларимга кириб турсанг бас.

Бизлар сира қўришмасак ҳам,
Йиғлаб ўтай кўзларимда нам,
Бу дунёning доим бири кам,
Тушларимга кириб турсанг бас.

Хаёлимда бўлдинг ҳамма вақт,
Менинг учун шунинг ўзи баҳт,
Ўтсанг ҳамки дунёдан бевақт,
Тушларимга кириб турсанг бас.

Кўнглим учун бораман дема,
Майли менинг ғамимни ема,
Бир умрга кутайин, келма,
Тушларимга кириб турсанг бас.

Ўша кунлари Хасан ғовалик дўсти Тўлқинбекка ҳам хат йўллади. Унга бўлган гапни рўй-рост битди ва нома сўнгида “Сенинг белингдан маҳкам қисиб қолувчи Хасан” деб тугатди. Хатнинг асл мазмуни билан танишган Тўлқинбек ўзини қўйишга жой топа олмай бир хафта-ўн кун қаттиқ таъсирланиб юрди. Сўнг кунлардан бир куни яхши бир харажат қилиб, Хасаннинг ота-онасини, қолаверса, Муштариини, йўқлаб борди. Мақсад уларнинг аҳволини ўз қўзи билан кўргач, дўстига жавоб мактуби юбориш эди.

– Э, келинг ўғлим. Сиз ҳалиги зўравон йигитсизда-а? – беҳол сўради Шокарим ака. У анчагина ўзини олдириб, Тўлқинбекнинг назарида қадди “букилиб” қолганди.

– Ҳа, топдингиз ота. Одам баъзида муштлашиб ҳам туриши керак эканда. Шунда танада қон яхши айланаркан, дўхтирлар айтишди, – деди зобит кулиб.

– Яхши-яхши – деб қўйди, ота.

– Хабарингиз бор, бизлар, яъни ўғлингиз Хасан, келинингиз Муштарий эски қадрдонлармиз, мусабақаларда доим бирга беллашардик. Шунга бир сизларни йўқлаб келувдим.

– Ҳа, эсимда, балли ўғлим.

Муштарий майин табассум билан келиб дастурхон ёзди.

– Яхши юрибсизми, Тўлқинбек aka?

– Ҳа, раҳмат. Хасанбойдан, ўртоғингиздан хат-хабар борми?

– Бор, сўраганларга салом айтяпти. Ҳалиям аскармисиз дейман-а?

– Йўқ чегарачиман. Хизматдан сўнг илтимос қилишувди қолавердим. Ёнимиз тоғли чегара, бизнинг тоғу-тошлардан унча-мунча аскар юролмайди-да.

– Ҳа тўғри. Тогларимизни сиз яхши биласиз. Юртимизнинг осойишталиги сизларнинг қўлингизда-да. Қани олиб ўтириング, меҳмон.

– Холам қалайлар, яхшими?

– Ҳа, раҳмат яхшилар, ичкаридалар.

– Бўлмаса кириб бир дуоларини олиб чиқай.

Шокарим aka ярқ этиб келинига қаради. Бундан “Ичкари сарамжон-саришталими?” деган саволни англаш қийин эмасди.

– Бўлмаса сизлар гаплашиб ўтиринглар. Мен сиз келганингиз хақида ойимга хабар қиласман, хўпми – деди Муштарий ва ичкари кириб кетди.

Аёлнинг икки оёғи ишламай бир жойда бўлиб, ётиб қолганди.

– Ўғлим, – деди Шокарим aka босиқлик билан ўртоғингиз Хасанга айтинг, у тезроқ уйлансин. Ҳа айтмоқчи ўзингиз уйланмаганмисиз?

– Йўқ. Келинга бўлиб қўйдик. Худо хоҳласа баҳорга чиқиб сизларни тўйга айтиб кетаман.

– Яхши, қуллук бўлсин!

– Қутлуғ, раҳмат.

– Бизниям шартимиз кетиб, партимиз қолди. Ўртоғингиз ўша олис юртларда юришни энди бас қилса бўларди.

– Ҳа тўғри. Мана республикамиз мустақил бўлганидан кейин, кўз тегмасин, яхши ривожланяпти. Ҳаммаёқ ободончилик. Ёш мамлакатни тиклаш, бу ердаги барқарорликни таъминлаш бизнинг вазифамиз. Мен Хасанга албатта хат ёзиб айтаман “сен энди ўз юрtingга кераксан, қайтиб кел”, – дейман.

– Яхши бўларди, ўғлим.

Шу маҳал Муштарий кулиб чиқиб келди.

– Кира қолинг, акажон. Ойим сизни кутяптилар.

Она Тўлқинбекни илиқ қарши олди.

– Бўйларингиздан айланай болам, илоҳим баҳтли-таҳтли бўлинг, ишларингиз бароридан келсин, Ўзбекистонимизга қўз тегмасин, ҳамиша тинч, осойишта бўлсин, раҳмат болам, – деди Руқия хола дуога қўл очиб.

Шундай қилиб Тўлқинбек уларнида кўрган кечирганлари ҳақида Хасанга тўлқинланиб жавоб мактуби йўллади. Бир Хасандан, бир “Хусандан” мактублар оқими узилмади. Аммо орадан бир йиллар ўтгач, Шокарим ака бу фоний дунёни барвақт тарк этди. Ким билади, балки у киши фарзанд додига дош бера олмагандандир...

* * *

... Маракага Хасан етиб келди. Аммо Хусаннинг не сабабдан келмаганини одамлар тушунишмади. Шу туфайли кўпчилик Хасанга “Қанақа ўғилсизлар, ўзи? Отанинг ўлимига ҳам келмайдими?” деб дашном беришди. Хасан қизариб изза бўлди ва узрини айтди. Аммо онанинг ёнига уст-бошини тез-тез алмаштириб бир Хасан, бир Хусан бўлиб кириб турди. Бўйлари етилиб қолган сингиллари Гулчирой билан Гулҳайриларга ҳам акаларини биргаликда кўриш “насиб этмади”.

Бир пайшанба отани ёдга олиб Муштарий ош дамлади. Хасан тиловат қилмоқчи бўлди.

– Хасан ака тўхтаб туринг, ҳозир Хусан акам ҳам чиқсинлар, – деб қолди бир пайт Гулчирой. – Бор, Ҳайри Хусан акамни тез чақир.

– У киши нодир акамникига кетувдилар, – деб юборди тўсатдан Муштарий.

– Ҳа, майли қўявер, Гулҳайри...

...Хасан отасининг йигирмасини ўтказгандан сўнг Муштарий билан хайрлашгани кирди.

– Хасан ака, сиз қачон уйланасиз? Тезроқ қайтмасангиз бўлмайди, шекилли.

– Ҳа тўғри. Лекин буни ҳозирча иложи йўқ.

– Кўп эмас, озроқ топарсиз. Ўзи келиб-кетишингиз, пул юбориб туришингиз билан қандай етказяпсиз, ҳайронман.

– Тўғри айтасиз. Бир ўзимнинг топишим ҳеч нима бўлмай қолди. Тўғрисини айтсам, менинг аҳволимни тушуниб, доим маблағ билан таъминлаб туроётган яна бир одам бор.

- Нима? Қанақа одам? У ким бўлди?
- Света, яъни хотиним. Бирга ишлаймиз. Бир қизчамиз ҳам бор, исми Ойдин. Муштарийнинг бошига томдан тараша тушгандек танаси ларзага келди.
- Нима, ахир қандай қилиб? “Онамнинг орзу ҳаваслари нима бўлади? Ахир у киши туну-кун сизни дуо қилиб тўйингизни кутиб ётибдилар-ку.
- Ҳа. Лекин нима қиласай у қиз мени қаттиқ севиб қолганда... Мен унга ҳаммасини тушунтиридим. У барига рози.
- Шу ёққа келишга ҳамми?
- Ҳа. Лекин мен ўзим бунга қарши бўлиб келдим. Ота-онамга бу ҳақида қандай айтишни билолмадим.
- Тўйингиз бўлганми? – сўради Муштарий ўсмоқчилаб.
- Ҳа. Унда Хусан ҳам қатнашган эди.
- Кейин буни биздан сир тутибсизларда-а?
- Ҳа. Шунақа. Энди бу сир бу ёғига иккимизнинг орамизда қоладиган бўлди.

Ишонаманки ...

- Вой, мени сир сақлашни билмайди, деб ўйляяпсизми? Бўлар иш бўлибди. Майли бир шартим бор.

– Қанақа шарт?

– Ўша Света менга хат ёзиб турсин. Сиз борсиз-ку. Таржима қилиб бераверасизда.

– Бўпти. Келишдик, – деди Хасан.

Унинг кўнгли бир оз ёришгандай бўлди.

Улар самимий хайрлашдилар.

“ҲАЁТ ҚЎШИҒИ”

Орадан бир неча йиллар ўтди. Светлана яна бир ўғил кўрди. Унга Темур деб исм кўйишиди.

Светлана қишлоқ зиёлилари хонадонидан бўлиб, унинг отаси Григорий Тимофеевич Заречная қишлоғидаги ўрта мактабнинг директори, онаси Мария Ильична рус тили ва адабиёти ўқитувчиси эди. Светлана оила фарзандларининг кенжаси бўлиб, унинг катта акаси Дмитрий ака-ука Хасан-Хусанлар ишлайдиган ташкилотда бригада бошлиғи эди. Дмитрий Педагогика институтини тамомлаб мактабга ишлаш учун қайтган Светлананинг туғилган кунига “Сюрприз” қилиш мақсадида ўша пайтларда эстрада қўшиқчилиги билан

донг таратаётган Хасанни таклиф қилғанди. Бу кече балогат ёшидаги Светланада катта таассурот қолдирди. Дастьлаб қўшиқларини, сўнгра ўзини ёқтириб қолди. Кунлардан бир куни қиз ундан “Хасанчик, нима учун қўшиқларинг бунчалар дардли?” деб сўраб қолди. Шундан сўнг йигит ўз тарихи ва қишлоқда қолган келини Муштарий ҳақида сўзлаб берди. Светлана кўзларига ёш олиб, “Ахир бу савдога қандай чидадинг? Нахотки тўйни тўхтатмадинг, номардлик қилибсан!” – деди куйиниб.

– Йўқ, – деди Хасан изтироб ўтида тўлғониб, – Бундай қилолмасдим.

– Нега? Нима шунчалик журъатсизмисан?! – сўради Светлана таажжубланиб.

– Онам оғир бетоб эди. У ўша пайтда инфарктнинг иккинчи қўзғалишини бошидан ўтказгандилар. Мен бу ердан тўғри бориб аввал онам билан кўришдим. Онам аввал мени бошимни силаб “Умрингдан барака топ, болам. Мана энди менга қарайдиган келин олиб бердинг. Энди мен анча хотиржамман”, дедилар. Агар тўйни бузганимда нима бўларди? Унда тўй азага айланиши мумкин эди-ку!...

Светлана Хасаннинг иродасига тан берган эди, ўшанда... Шундан сўнг рус қизи хушсурат, кўркам, истеъдоли, меҳнаткаш ўзбек йигитини чиндан ҳам севиб қолди. Улар клубларга, рақс кечаларига, хатто, нариги соҳилдаги ярмаркаларга ҳам бирга боришадиган, бирга чангбозлик қилишадиган, ойдин тунларда дарё соҳилида ўтириб орзуларга берилишадиган ва уларни қўшиқларида ифода этадиган бўлишди. Қишлоқ кичкина эди. Албатта мактаб директорининг қизи бир осиёлик йигит билан учрашиб юргани ҳақидаги гап тез тарқалди. Шу туфайли Григорий Тимофеевич ёшларни ҳузурига чақиртириб “Агар муносабатларинг жиддий бўлса, чўзиб ўтирманглар, ҳар хил гап сўзлар кўпаймасин. Бу ҳол оиласиз обрўсига путур етказиши мумкин”, – деди ва қизининг кўнглини сўради. Қиз бўлса “Мен Хасанни севиб қолдим, ота. У қалби тоза йигит. Бунинг устига унинг қишлоғига бутунлай қайтиб бормаслиги учун асос бор экан. Мен бу хақида ойим икковингизга кейинроқ алоҳида гапириб бераман. Хуллас, келгуси ҳаётимни бу йигитсиз тасаввур қилолмайман. Мени кечиринг, ота”, – деди.

– Хўш, йигит сиз бунга нима дейсиз? Қизимнинг бошини тоза-а...? Ишқилиб, уни тузоғингизга илинтириб олмадингизми? – сўради Гриша амаки атайин “сиз”лаб.

– Светлана бизнинг ўзбек қизларидек қалби покиза қиз. Сиз унга яхши билим ва тарбия берибсиз. Шу туфайли у менга ҳам ёқади. Агар сиз рози бўлсангиз қўлини сўраган бўлардим.

– Хўп. Айтайлик розиман. Фақат бир шарт билан.

- Қанақа шарт экан?
- Аввало ота-онангнинг розилигини оласизлар. Иложи бўлса, улар бир келиб кетишисин.
- Бунинг ҳеч иложи йўқ-да, – деди Хасан.
- Нега?
- Дада, буни мен сизга кейин тушунтириб бераман, дедимку! – деди Светлана гапга аралашиб.
- Сен аралашмай тур! – ўшқирди отаси.
- Ота-онам қариб қолишган. Онам оғир касал, узоқ йўл босиб келолмайди, – деди Хасан.
- Унда ичкуёвим бўласан. Ҳозирча эл-юрт оғзини ёпиш учун чогроқ тўй қиламиз. Хўш розимисан?
- Хўп де, Хасанчик. Тўйни клубда, ишчи дўстларинг билан бирга ўтказамиз. Ўзинг мен учун қўшиқ айтиб берасан! – дея севиниб қичқирди Светлана.
- Йўқ. Иккимиз дуэт ижро этамиз.
- Бўпти. Келишдик!
- Намунча шошилмасанг, қизим, – деди ота қувониб, – Менинг ахир айтадиган шартим бор.
- Яна қанақа шарт?!
– Тўйда эгиз уканг ҳам иштирок этиши керак. Кейин у ҳам шу ерда ишлайверсин. Унга ҳам бирорта келинчак топилиб қолар.
- Дада, илтимос, сал ўйлаброқ гапиrinting. Ахир укаси уйланган-ку, боласи ҳам бор. Кейин тушунтириб бераман.
- Э, шунақами?
- Хусан келади. Биз бирга бўлсак яхши ишлаймиз, бир-биrimизни руҳан қўллаймиз, – деди Хасан.
- Яхши. Унда баҳтли бўлинглар. Мен розиман. Якшанба куни сени оиласизда кутамиз. Дмитрий ҳам бўлади.
- Дада, ойимни ўзингиз йўлга солинг, хўпми? – деди Светлана нозланиб дадасининг пешонасидан ўпиб қўяркан.
- Хўп қизим. Тўғрисини айтсан, сизларни ҳузуримга чақиришни ойингни ўзи маслаҳат берувди. Бизга миллатнинг фарқи йўқ, энг муҳими, ўртада соф ва самимий

муҳаббат бўлсин, инсонпарварлигимиз йўқолмасин. Сизларга баҳт тилаймиз! – деди ота ва келиб куёв бўлмиш билан қучоқлашиб кўришди.

Кейин тўй қуни белгиланди. Тўйга Хусан етиб келди ва ҳеч кутилмаганда акасини уйланаётганини кўриб хайрон бўлди. Уни бир четга тортиб сўроққа тутган бўлди:

– Нега отам, онамдан бемаслаҳат уйланяпсиз, акк? Ахир улар бир-икки қизга оғиз солиб қўйишган-ку.

– Шундай бўлиб қолди, ука. Аслида иккимизнинг тўйимиз бир пайтда бўлиши керак экан. Мен ёлғизланиб қолувдим. Мана шу Света жонимга оро кирди. Бир-икки йил яшагач, албатта уни Ўзбекистонга олиб кетаман. Фақат бу ҳозирча орамизда сир бўлиб қолиши керак. Ахир тушун, онам эшитсалар тўғри келмайди.

– Қачондир эшитиб қолишилари мумкинку, ахир.

– Йўқ. Сен-мен айтмасак ҳеч ким билмайди. Энди иккимиз ишлаймиз. Уйга кўп-кўп пул жўнатамиз. Онамизни каттароқ шифохонада даволатамиз. Бунинг учун кўп пул керак бўлади, ука. Энг муҳими, у кишининг ёnlарида ҳозирча қарайдиган сенинг аёлинг бор. Кўрасан, ҳаммаси жойида бўлади, хўпми, ука?

– Хўп, куёвтўра, сиз нима десангиз шуда. Ўрис кеннойим билан мени яқинроқ танишитирарсиз.

– Бўпти, ҳозир синаб кўрамиз. Қани, ажратса олармикан?

– Хўп. Нима қилишим керак?

Хасан укасининг қўлига бир рюмка шампан виносидан узатди.

– Тўғри бориб келиннинг ёнига ўтири. Қўрқма, дадил бўл, – деди Хасан ва ўзи пардалар ортига яшириниб олди.

Қиёфаси акаси билан деярли бир хил бўлган Хусан тўғри келиннинг олдига борди. Кимдир “Вой, манави бодринг намунча аччиқ?” дея кесатди. Шу маҳал «Горька, горька!» («Аччиқ-аччиқ!») дея меҳмонлар руслар таомилига кўра, қичқира бошлишди. Светлана шарт ўрнидан турди-да, Хусаннинг лабидан муҳаббат бўсасини олди. Хасан бўлса бу ҳолатга дош беролмади ва тезлик билан дастурхон тўрига етиб келди. Меҳмонлар “Ув-в!!” деб қийқириб юборишиди.

– Хусан, бас қил! – дея қичқирди Хасан ўзбекчалаб.

Меҳмонлар қиёфадош йигитларни кўриб қарсак чалиб юборишиди. Светлана бўлса, уялганидан шолғомдек қизариб кетди, аразлаб ичкари томонга чопди. Гулдонлар ағанади.

Ноқулай вазият юзага келди. Хусан нима қиларини билмай довдираб турарди. Қишлоқдан келган йигит учун бу кутилмаган синоат эди, албатта.

Хасан келиннинг ортидан чопди. Қуда бўлмишлар хижолатпозликка барҳам бериш учун Хусанга илтифот кўрсата бошладилар. Хасан келин олдида пайдо бўлди.

– Ҳа, сенга нима бўлди, жоним. Нега қочиб кетдинг?

– Сиз кимсиз?

– Мен Хасанман.

– Мени ким ўпди?

– Мен ўпдим.

– Ростданми?

– Ҳа рост. У келган, укам Хусан эди.

– Қизиқ, одамлар шунчалар ҳам бир-бирларига ўхшаш бўладими?

– Бўсамизни қайтарайинми?

Қиз охиста “ҳа” ишорасини қилди. Улар хотиржам, узундан узоқ бўса билан бир-бирларини сийлашгач, ичкаридан яна ҳеч нима бўлмагандай очилиб-сочилиб, чиқиб келишди. Яна “Горъка!!” дея қичқириш бошланди. Бу сафар келинпошша адашмади.

* * *

Шундай қилиб она қишлоғидан йироқда яқинларини фироқда қолдириб Хасан ўзбошимчалик билан уйланиб олди. Хусан учун бир ҳужра ажратиб беришиди. Эгизаклар яна бирга ишлаб, бирга ҳаёт кечира бошладилар. Улар нонуштадан то кечки овқатгача, тонги бадантарбиядан то тунги қўшиқларга қадар бирга бўлишар ва фақат Светлана исмли сариқсоч хилқат уларни айро қиларди. Қиз шу қадар баҳтиёр эдики, гўё исмидек жисми ҳам ойга монанд сертабассум, серсепкил, арчилмаган олма каби юзидан оппоқ нур сочарди.

– Хусан сен ҳам хотинингни олиб кел, шу ерда биргаликда яшайверайлик, – деб қолди Светлана бир куни.

– Бунинг иложи йўқ. У онамга қарайапти.

– Эссиз, мен ўғилчангни бир кўрмоқчи эдим. У кимга ўхшайди-а? Сенгами ё Муштарийгами?

– Менга ўхшайди.

– Қизиқ, менинг болам кимга ўхшаркин-а? – деди қиз қорнига ишора қилиб.

– У ҳам менга ўхшайди-да, – деди Хусан ҳазил қилиб.

- Бекорни айтибсан!
- Нима, акамга ўхшасинми, бўлмасам?
- Йўқ, у менга ўхшашини хоҳлайман.
- Унда сап-сариқ, пучук қиз бўладими?

Светлана Хусаннинг юзига хазиломуз бир туширди.

* * *

Аммо Хусан хақ бўлиб чиқди. Кўп ўтмай ойдай қиздан қора кўзли, сариқ юзли, Ойдин туғилди. Аммо бу фараҳбахш онлар уларнинг ҳаётидаги энг қувончли дамлар бўлиб қолди. Чакалоқ ҳали бир ёшга ҳам тўлмаганди, музликдаги ўша машъум фожеа юз берди. Светлана жуда ҳам қўрқиб кетди. Ҳайриятки, Хасанни қутқариб қолишиди. Бироқ укасини йўқотиш унинг учун кутилмаган руҳий зарба бўлди. У нима қиларини билолмай таҳликада қолди. Агар Хусаннинг ҳалок бўлгани ҳақида қишлоққа хабар қилингудек бўлишса, онасининг юраги дош беролмаслиги ойдай равshan эди. Светлана ҳам бу ҳақида қаттиқ бош қотирди ва Хусан номидан мактублар ёзишда давом эттириш ғояси аслида шу қиздан чиқди. Дастлаб Хасан бу таклифга эътиroz билдирганида, у эрига бир машхур ёзувчининг сўнги япроқ ҳақидаги ҳикоясини айтиб берди. У жуда кўп китоб ўқирди.

Ҳикоя Хасанда муштипар ва хаста онасининг умрини узайтиришга умид ва ишонч уйғотди. Бу ердаги рус қайнотаси, қайноаси ва леспромдаги қадрдон меҳнат жамоаси уни ҳам моддий, ҳам маънавий қўллаб-қувватлаб турдилар. Айниқса маҳаллий маъмурият ҳам бефарқ қараб ўтирмади. Қишлоқ аҳолисига маъқул келиб қолган ака-ука қўшиқчиларнинг бошига тушган жудолик, бошқа бир нечта ҳамюртларининг, қолаверса, Хусаннинг бир болакайни қутқараман деб, ўзи қаҳрамонона ҳалок бўлганлиги муносабати билан истироҳат боғининг ўртасига ёдгорлик ўрнатишни ва баҳтсиз ҳодиса қурбонларини хотиралаш маросимини ташкил қилишга киришиб кетишиди.

Мактаб директори Григорий Тимофеевичдан монумент лойихаси бўйича ўз таклифларини билдиришни илтимос қилдилар. У бўлса жабрдийда куёви Хасандан бу ҳақидаги фикрини сўради:

- Хасан сен монументни қандай кўринишда бўлишини хоҳлардинг? У кангнинг жасади топилмади. Мана шу ҳайкал уканг учун ҳам қабрдек бўлиб қоларди.

Қайғудаги Хасан учун бу кутилмаган таклиф бўлди. Шу туфайли у қайнотаси ва уларга бефарқ бўлмаётган маҳаллий маъмуриятдан мамнун бўлди.

– Раҳмат, ота. Мен монумент бўйича ўз таклифимнинг хомаки чизмасини шу бугунок тайёрлаб бераман, – деди.

– Тайёр бўлиши билан менга қўнгириқ қил, хўпми? Маъмурият бу масалани тезроқ ҳал қилишимизни илтимос қилишяпти. Заречная бўйича ўн уч нафар одам ҳалок бўлибди. Сен аёвсиз муз остида бўлдинг, у ердан қуёшни кўрдинг, хаёт учун курашдинг, умр қанчалар азиз эканини қадрига етдинг. Афсуски, уканг бу курашда мағлуб бўлди.

– Йўқ, у мағлуб бўлмади. Унинг жисми йўқолди холос, рухи тирик уни. Хусан доимо мен билан. Мен онамга ва ҳамюртларимга унинг ўлгани ҳақида ҳозирча маълум қилмоқчи эмасман.

– Нима учун?

– Онам охирги инфарктни бошидан кечирдилар. Агар фарзанди ҳалок бўлганини эшитса, юраги дош беролмайди. Биз бир-биримизга жуда ўхшаймиз, тўғрими?

– Ҳа, тўғри. Тўй куни Света қовун тушурай дегани ҳали ҳам эсимда.

– Шу туфайли мен Хусан бўлиб бориб онамни кўриб келмоқчиман. Кейинги сафар Хасан бўлиб бораман.

– Бироқ бу ёлғон бир куни маълум бўлади-ку? – таажубланди Григорий.

– Ҳа, лекин провард натижада онамнинг умрига яна бир қанча йил умр қўшилади. Хусан ҳам эл назарида, яъни менинг қиёфамда тирик юраверади. Бизлар бир инсонга айланамиз. Бунинг нимаси ёмон.

– Баракалла, ўғлим! Лекин бу иш сендан жуда катта маҳорат ва сабр тоқат талааб этади. Лекин мен сенга ишонаман, актёрликни ҳам қойилатасан.

– Фақат бир муаммо бор.

– Маблағми?

– Йўқ. Бу укамнинг хотини Муштарий. Унга бу сирни ошкора қилишимга тўғри келади. У бардош бера олармикан ишқилиб?...

– Ҳа... – деди ўйчан Григорий Тимофеевич, – Албатта, аёлларга қийин бўлади. Демак гап бундай, монументга она образини киритамиз. Тасаввур қил, у қуёш томон илтижо қилмоқда. Тепасида икки ўғли, муз худди ҳарсанг тошларга ўхшайди.

Хасаннинг кўзлари шу маҳал ярақлаб кетгандек туюлди.

– Кўш ҳарсанг. – Эгиз қоя! Бизнинг тоғда ҳам шунаقا эгиз ҳарсанг тош бор, – деди йигит.

– Яхши сен ўша эгиз қояи тасаввур қил.

- Ўртасида қүёшга интилаётган дараҳт ҳам бор эди.
- Ана! Тайёр нарса экан-ку. Аёл дараҳтнинг танасида бўлсин, шохлари гўё қўллари, қалай?

– Зўр!

– Лойиҳани тез чиз бўлмаса. Мен ишга бормай қўяқоламан, ҳозир бизга мана шу монумент муҳимроқ. Чунки рассомни чақиртиришган экан. Унинг хизмат хаққини ҳисоблаш керак. Лекин тошни топса бўлади. Тайгада бир жойни биламан. Майли мен Светага қаҳва тайёрлатаман. Тайёр бўлиши билан чақиравсан.

– Хўп бўлади, ота. Раҳмат сизга!...

– Ҳечқиси йўқ, бу бизнинг бурчимиз, ўғлим. Худо хоҳласа, сенинг ниятинг яхши. Онангни эъзозлашга жазм қилибсан, отангга раҳмат.

Хасан қофоз қалам олиб ишга киришиб кетди. Даствор хомаки вариантларини чизиб кўра бошлади. Кўз ўнгидан ўша Қурбон булоқдаги эгиз қоя кетмаётганди.

Ниҳоят эскиз тайёр бўлди: икки бир хил қиёфадаги тош гўё тепадан пастдаги илтижо қилаётган она дараҳтига қараб туришибди. Уларнинг бошларини гўё нур сочаётган қўёш бирлаштиради. Она эса илтижо қилмоқда...

Григорий Тимофеевич лойиҳани кўриб лол қолди.

- Қойил!... Сени қўшиқчи десам, туппа-тузук рассом ҳам экансан-ку. Кел, шу монументнинг номини “Ҳаёт қўшиғи” деб атайлик.
- Унда бир йигитнинг кўлида ерга тегиб турган гитара, иккинчисида дутор бўла қолсин.
- Баракалла! Бу халқлар дўстлигининг рамзи бўлади. Кетдик!
- Қаёққа?
- Раиснинг ёнига! У бизни кутиб ўтирибди.

Шундай қилиб Заречная қишлоғидаги истироҳат боғига ўрнатилаётган монумент ёдгорлик ҳайкалига қайнота ва қуёвларнинг лойиҳалари асос қилиб олинди. Бу ёдгорлик кейинчалик шундай машҳур бўлди, бу ерда йирик-йирик очиқ концертлар, ёш келин-куёвлар учун эҳтиром қилинадиган, байрамларда ўтганлар ёдга олинадиган хотира майдонига айланди. Бундай маросимларда Хасан гитараси билан қўшиқ куйларди. Қўшиқларининг энг машҳури она хақидагиси эди. Кейинчалик туман маъмуриятининг қарори билан истироҳат боғига “Хасан-Хусан истироҳат боғи” деган ном берилди. Бу ерга ташриф буюрувчи меҳмонлар ёки сайёҳатчиларга музлиқда содир бўлган фожеа

тафсилоти ва бу ҳалок бўлганлар хотирасини ёдга олиш мақсадида қўйилгани, уни лойиҳалаштирган, яратган муаллифлар ҳамда бошқа ёдгорликнинг ҳар бир детал тафсилотлари ҳақида тўлиқ маълумот берила бошлашди.

* * *

Хасан қишлоғига Хусан бўлиб борган дастлабки даврда ёдгорлик монументини қуриш бўйича ишлар бошлаб юборилган, Шокарим ота вафот этган вақтида эса аллақачон боғ кўркига кўрк қўшилиб турарди. Аммо Хасан бу ҳақида Муштарийга лом-лим демади. Уни бирор пайт Хусанни зиёрат қилиб кетишга таклиф қилишни ният қилиб қўйди. “Ўшанда кўрамиз, бу ўша тоғдаги эгиз қоя эканини сезармикан?” – деган ўйга борди у.

Йиллар ўтди. Муштарийнинг ўғил-қизлари мактабда ўқий бошлашди. Улар дадаларининг йўлини кўзлари тўрт бўлиб кутишар ва энди ўзлари хам хат ёза бошлашганди. Мактублар оқими ўша-ўша тўхтамас, бир Хусану бир Хусан бўлиб парвоз қилишарди. Айниқса, Хусандан мактуб келган куни Муштарийлар уйи шодликка тўларди. Болалар хатни олиб тўғри Руқия бувиларининг олдига чуғурлашиб олиб кириб, ўқиб беришарди.

Она хатни олиб, уни узоқ ҳидлар, бағрига босиб йиғларди.

– Болаларим дадаларинга хат ёзинглар, тезроқ бир келиб кетсин, дийдорларига бир тўяй. Энди улар бутунлай қайтиб келишсин. Айтинглар, ҳозир юртимиз тобора обод бўлмоқда. “Узоқдаги буғдойдан, яқиндаги самон яхши”, денглар.

– Хўп, бувижон. Мен, албатта, дадамга шунаقا деб айтаман. Отажон, амакижон, сизлар энди Ўзбекистонимизга керак экансизлар, бувим айтяптилар, дейман, – деди анчагина ақли кириб қолган Мехрибон – Кейин бугун Она ватан ҳақида шеър ёд олувдик. Шу шеърни хам ёзиб юбораман.

– Балли қизим, онанг айлансин. Ҳозирги замон болалари жуда бошқачада, “Кампир тур” деган бир асбоб чиқанмиш, бутун илму-амал ичидамиш, тавба қилдим.

– “Кампир тур” мас, компьютер буви! – деди Сардорбек кулиб.

– Вой шунақами “Кампир тур” деса биз қариялар учун атайин ҳукумат чиқарилган асбоб деб ўйлабман-а, тавба...

Болалар кулиб юборишли.

– Сизга бағишланган асбоб ана турибди-ку, – деди Сардорбек маҳалла жамғармаси куни-кеча ташлаб кетган аравачани кўрсатиб. – Келинг, сизни ўтқизиб бир кўчаларни айлантирамиз.

– Э, йўғе. Мен бу матоҳингни минолмайман. Керак эмас-э.

– Ахир уйда димиқиб ўтиравермангда, бувижон, – деди Мехрибон пешонасини тириштириб.

– Вой ўзимнинг меҳрибонимдан айланиб кетай. Бўпти болалар, сизлар дарсларингини қилиб туринглар, унгача ойинг ҳам ишидан келиб қолади. Мени кўтариб аравачага ўтказиб қўяди, хўпми?

– Хўп!!!

– Бора қолинглар. Вой, ўзимнинг асалларим!...

Болалар чопиб чиқиб кетишиди. Онанинг ҳаёлидан ўғиллари яна бир-бир ўтди. “Эх, Хасан болам-а. Сен нега шу чоққача уйланмадинг? Ё биздан хафамисан-а? Қизик, ўшанда тўйда муштлашишган эмишсан, кейин тез кетиб қолибсан... Ё ўша олис юртларда бирортасини топиб олдингми-а? Унда нега бу ҳақида ҳечам гапирмайсан? Мени эшитса хафа бўлади, деб ўйлармикансан-а?... Бу сафар келса ундан энди қаттикроқ сўрайман. “Тўғрисини айт болам, мен сендан гина қилмайман, нима гап?” дейман. Хусанчи? Нега у бошқача?... Ўзига сираям ўхшамайди. Хотинини, болаларини шундоқ ташлаб узокларда юриши тўғримикан?... Ҳе, тирикчилик қурсин-а. Ўзимизда ҳам шундоқ ишлар сероб-ку. “Ўзга юртда гўшт егандан, ўз юрtingда мушт еган яхши” деганлар. Кўп эмас озроқ еб, ўз она юрtingда яшаганингга нима етсин? Болалар ҳозир айни ота тарбиясига муҳтож пайт эмасми? Келса унга танбех бераман. “Энди кетмайсизлар, тамом!” дейман....

Шу йил келган Хасан ҳам келаси йили келган “Хусан” ҳам бемор оналарининг панд насиҳатларини жон қулоғи билан “тинглайдилару, аммо уни ижро қилиш, яъни ватанга бутунлай қайтиш масаласи яна очиқ қолаверди.

Қайтиш масаласининг ҳал бўлмаётганига бир жиддий сабаб бор эди. Аммо бу Хасаннинг оиласи борлиги ҳақида ошкора айтишдан чўчиш эмасди. Чунки кекса она учун энди бу қўрқинчли эмас, у гапларидан бу ҳолатни, яъни рус қизига бесўроқ уйланиб олганини табиий хол деб аташга тайёр ҳам эди. Эҳтимол, қора кўз, сап-сариқ набираларини кўрса аксинча хурсанд бўлармиди. Лекин гап бошқа ёқда, суюкли Светлананинг танасида пайдо бўлган нохуш дард билан боғлиқ эди.

Светлана кейинчалик ўғил кўрди. У севган йигити билан турмуш қурганидан, ота-онасининг бағрида умргузаронлик қилаётганидан ўзини ниҳоятда баҳтли аёл деб биларди. Шундай бўлсада, эрининг оиласи, узоқ Ўзбекистондаги муаммоларни ўз муаммолари деб билар, Хасаннинг дардига шерик, унинг ҳаётидаги энг яқин ҳамроҳи ва сирдошига

айланиб қолганди. Аммо мусибат аталмиш ёвузын бу сафар унинг ўзини нишонга олди. Шифокорларининг айтишича, унинг танасида саратон ўсимтаси пайдо бўлган ва у даволанмаса, жиддийлашиши мумкин экан.

Бу кутилмаган тиббий хулоса Хасаннинг юрагига урилган яна бир зарба бўлди. Бу ерда хотин, қишлоқда яна бир келин, қолаверса, Хусан ролини ижро этиш... Булар ҳаммаси йиғилиб Хасанни руҳан эза бошлади. Энди у қўшиқ айтмай қўйди. Бўш пайтларида у Светланани етаклаб “Хасан-Хусан” боғидаги ўз ёдгорликларига боришар ва “Ҳаёт қўшиғини” узоқ тинглаб, унга тикилиб ўтиришарди.

– Хасан, – деди маъюс Светлана, эрининг елкасига бошини қўйиб.

– Нима дейсан, азизам?

– Мен ўлиб қолсам, унда нима киласан?

– Э, қўйсангчи, бошимни қотирма. Яшаш учун кураш, умид қил, болаларингни ўйла.

Сен таслим бўлмаслигинг керак. Касаллик бу бир ўткинчи дард холос, шифокорлар ваҳима қилаверишади. Ҳозир мен сенга қишлоғимизда бўлган бир воқеани сўзлаб бераман. Олтиариқ деган жойда Абдуманноп деган бир одам яшайди. Ёши 86да. Лекин унга ҳам 54 ёшида сеникидек ташхис қўйиб, ҳатто, тузалмайди деб хулоса беришган экан. Билсанг у ҳозир тетик ва бардам.

– Қўйсангчи жоним, бундай бўлиши мумкинмас.

– Унда яхшилаб эшит, – деди-да Муштарийдан эшитган “Эчки эмган беданавоз” ҳақидаги хикояни русчалаб айтиб берди.

Қиз уни мароқ билан тинглади ва қўнгли анчагина ёзилди.

– Эҳ, Хасан. Сизларнинг ажойиб юртингиз ҳақида кўп эшитганман. Қани эди, ўша серқуёш ватанингни бир бор кўра олсайдим...

– Албатта кўрасан. Сени, болаларимизни олиб кетаман.

– Онангчи, нима дейдилар? У киши мени қандай қарши оладилар?

– Ҳеч нима демайдилар. Хурсанд бўладилар, мана кўрасан.

– Аксинча бўлсачи, эҳтимол мен ҳақимда эшитиб норози бўлар. Эҳтимол шунинг учун...

– Нималар деяпсан, Света? Онам жуда яхши, тушунадиган аёл.

– Эҳтимол. Лекин бизлар ёмонмиз. Ёшлиқ қилдик. У кишидан никоҳ учун албатта розилик олишимиз керак эди. Нима бўлса ҳам у она, фарзандида ҳаққи бор. Тўйимиз бўлганида отанг ҳам ҳаёт эдилар. Бу ерга Хусан билан келишлари мумкин эди-ку...

Муштарийчи?... У қиз ҳақида ўйласам мен ҳам ўзимни гуноҳкордек сезаман, гүё ундан баҳтини тортиб олгандек бўламан, – деди қиз ва кўзларидан ёш дувиллаб тўкилди. – Қани энди у аёлни бир бор кўрсайдим, у билан дардлашсайдим. Эрининг ўлганини ҳали ҳам ҳеч кимга билдиримай юрагида асраромокда. Ўзбек аёлларининг матонатига, сабр-бардошига қойилман! Бунақаси ҳаётда жуда кам учрайди.

– Ҳа. Анави дарахт – аёл аслида ўша бўлади, – деди Хасан ва қуёшга илтижо қилаётган аёл-дарахтни кўрсатиб.

– Йўғе. Ростданми? У онанг эмасмиди?

– Йўқ, бу ўша Муштарий. Гитара ушлаб турган тош бу мен, дутор ушлаб тургани Хусан. Бизнинг тоғда худди шунга ўхшаш эгиз қоя бор, у ерга мени илк бор Муштарий олиб борганди.

– Ростдан-а? Қани энди ўша жойни мен ҳам бир кўрсайдим.

– Албатта кўрасан. Биз у ерга учаламиз чиқамиз.

– Нима, у ер баландми?

– Ҳа, жуда ҳам баланд. У ерда булутлар болалайди. Ўша ердан туриб қўшиқ айтсанг овозинг шундай жаранглайдики, бунақасини тасаввур ҳам қилолмайсан. Атроф шунақа гўзал, ҳавоси шундай тозаки...

– Бас қил. Ҳозир боргим келяпти.

– Кечирасизлар, – деди шу маҳал бир суратчи келиб. – Эсадликка суратга олиб қўяйинми?

– Майли юр, Хусаннинг ёдгорлиги тагида суратга тушамиз, биттасини Муштарийга жўнатамиз. Нима дединг?

– Бўпти, – деди Хасан ва бемор хотинини даст кўтариб олди-да, ёдгорлик тагига ўтқазиб қўйди ва ўзи ҳам ёнига ўтирди. Светлана соchlарини эпақага келтириб, лабига шошилмай памада суртди ва Хусаннинг елкасига бошини қўйиб жилмайди.

– Ана шундай. Ҳа, яхши, оляяпман...

Светлана фотосуратнинг орқасига “Бизнинг энг қадрли, бебаҳо дўстимиз Муштарийга Заречная қишлоғидаги “Хасан-Хусан истироҳат боғи”даги, Хасан томонидан лойиҳаланган “Ҳаёт қўшиғи” номли ёдгорлик ёнида туширилган суратимизни самимият илиа эсадлик учун тақдим этамиз! Светлана ва Хасан” деб ёзиб қўйди-да, уни бир бўш конвертга солиб, жўнатиб юборди. Лекин кейинчалик бунга афсус чекди.

“Муштарий уни қайнонасига кўрсатса нима бўлади. Уни қўриб онанинг бевақт юрак хуружи бошланиб қолсачи?” деган ўйдан Светлананинг ўзи сиқила бошлади. Лекин бу ҳақида Хасанга миқ этмади. Унга бир гал “Эҳтимол бориб онангдан бир хабар олиб келарсан”, – деб қўйди. Йигит эса “Аввал сен соғайиб кет, кейин бир гап бўлар” деб жавоб берди. Бу билан у “Тузалиб кетсанг сен билан бирга борамиз” ёки “Агар бир гап бўлса ўзлари чақиришади” деган маънода тушунди. Шундай тушунди-ю юраги яна сиқилди. “Нималар қилиб қўйдим, мен аҳмоқ” деб ўз-ўзини койиди. Орадан бир ойлар ўтгач, Муштаридан жавоб олди. Конверт ичида бир сурат бор эди холос. Суратда Муштарий чўққидаги ўша қўш ҳарсанг қоя ўртасидан униб чиқкан дараҳт тагида жилмайиб ўтириб расмга тушганди. У оддий қишлоқ миллий кийимида бўлиб, бошига рўмол танғиб олган, оёғида калиш эди. У кулиб турган бўлса-да, кўзларидаги алам ва изтиробни англаш унчалик қийин эмасди. Юз-кўзида ҳам пардоз-андоз излари сезилмас, ён соchlарининг оқариб қолгани бир оз кўриниб турарди.

Светлана мазкур суратни эрига кўрсатиш ёки кўрсатмаслик ҳақида кўп ўйлади. Касалхонада даволанаётган кунларининг бирида Хасан шошиб кириб келиб қолди.

– Светлана оғир бўл. Мени кут. Мен албатта йигирма кундан кейин келаман, хўпми!

– Ҳа, нима гап тинчликми?

– Муштарий қўнғироқ қилди. Онамни... бериб қўйибмиз...

– Нима?!

– Сен қайғурма, ўзингни ўйла. Албатта тузалиб кетасан. Кейин Ўзбекистонга бирга борамиз, хўпми жоним, – деди Хасан хотинини бир ўпиб қўяркан.

Светлана Хасаннинг қора соchlарини силади.

– Соғ бўлганимда албатта сен билан бирга борардим, – деди у кўзларига ёш олиб, – Майли, онанг билан видолашиб кел. Муштариига айт, мен уни кутяпман. Уни бир кўрсам, бу дунёда армоним қолмасди. Иложи бўлса уни олиб кел.

– Хўп-хўп. Уни албатта олиб келишга ҳаракат қиласман.

– Мендан хавотир олма. Отам, онам хабар олиб туришади.

– Хўп, хайр. Келгунимча соғайиб кет, хўпми!

– Хўп. Яхши бор.

Хасан кетгач, Светлана баттар сиқилди. Онаси кириб келганида у юзига ёстиқни босиб олиб, юм-юм йифлаётганди.

– Ўзингни бос, қизим. Умрингда кўрмаган қайнонанг учун намунча куйинмасангга.

– Онажон, мен ҳам ўлиб қолсам нима бўлади?

– Унақа ёмон фикрга борма, қизим. Яхши ният қил. Ундан кўра тезроқ соғайиб кетай де. Ахир болаларинг бор.

– Болаларим... Улар кимнинг қўлида қолади, ахир?...

Мария ильигнанинг жаҳли чиқиб кетди ва қизини урушиб берди:

– Бас қил! Нима бало, ҳалитдан ўзингни гўрга тиқяпсанми? Сен яшашинг керак, қизим. Бунақа ёмон ўйларни бутунлай каллангдан чиқариб ташла. Ўлимни асло хаёлинги келтирма! Сен эринг ва болаларинг учун яшашинг керак. “Мен яшайман, мен албатта соғайиб кетаман” деб ўз-ўзингни қаттиқ ишонтир!”.

ЭГИЗ ҚАБР

Куёш мотам нолаларидан куйиб-ёниб, бўзариб, чарчаб Чотқол тоғларининг ортига ёнбошлиётган маҳали Хасан етиб келди. У кела солиб оқ чойшабга ўраб-чирмаб қўйилган онасидан, қолаверса, марҳуманинг бошида кулиб турган сурати ва уст-боши қўйиб қўйилаган укаси Хусандан минг бад узр сўраб фарёд қилди:

– Онамизни бериб қўйдик, укажон! Васиятингга рози бўл! Берган умрингга рози бўл, укажон! Кечиринг, мени онажон! Умрингизга яна умр қўшолмадим. Хусаннинг ўлимини сиздан яширдим. Бу гуноҳим учун мени кечиринг, онажон! Мени кечир, эй парвардигори олам!...

Воқеадан боҳабар бўлган масжид имоми Эсон қорининг ҳам боши қотди. У тез маҳалла фаолларини чақиририб муаммоли масалани ўртага баён қилди. Кўп ўтмай бу ерга Нодирбек ва ҳозиргина Россиядан етиб келган жияни Хасан билан бирга ташриф буюришди.

Хасан ўн йил муқаддам юз берган ўша ҳодиса тафсилотлари чоп этилган газеталарни тўплангандар эътиборига ҳавола қилди. Уларнинг бирида қўшиқ куйлаётган Хасан-Хусанларнинг сурати босилган бўлиб, “Заречная севимли қўшиқчисидан айрилди”, “Хасан-Хусан паркида монумент” сарлавҳали мақолаларни кўриш мумкин. Рус тили муаллими Олимжон ака мақолалардан бирини овоз чиқариб ўқиб эшиттирди, йили ва кунини ҳам айтиб ўтди. Эшитувчилар шу ердан олис ўлкаларга бориб обрў-эътибор топган ака-укаларга таҳсинлар айтишди. Сўнгра Хасан ўртага бир тугун қўйди.

– Бу нима? – сўради имом-хатиб.

– Укамнинг кийимлари. Кейин биз яшаган ўша Заречная қишлоғининг тупроғи, чой ичган идиши, ўқиган китоби, – деди Хасан тугунни ечиб нарсаларни бир-бир кўрсатаркан.

– Ўзи нима бўлганди? У қандай ҳалок бўлди?

– Заречная қишлоғининг ўртасидан катта дарё оқиб ўтади. Соҳилнинг у юзида ҳар якшанба куни ярмарка ўтказилади. Мен кўп йиллар ярмаркада қўшиқ айтардим. Ўн йил аввал Хусанни ҳам чақириб олиб бирга “Леспром”да ишлай бошладик. Кейин унга ҳам қўшиқ куйлашни ўргатдим. Жўр овозли қўшиқларимиз маҳаллий ахолига жуда маъқул бўлди. У ерда қишиз узоқ бўлгани учун одамлар ярмаркага доимо дарёдаги музлик устидан қатнашарди. Кўпчилик музларни тешиб балиқ ҳам овлашади. Лекин кун тез қизиб кетгани бизга панд берди. Синоптиклар огоҳлантиришганди. Лекин биз концертдан кеч қолаётгандик. Кўпчилик қатори чангиди, от-аравада ўтиб бораётгандик. Бирдан ҳалокат юз берди. Кўз олдимизда музлар тарс ёрилиб, одамлар сувга думалай бошлашди. Мен ҳам, Хусан ҳам сувга ағанадик, сўнгра жон-жаҳдимиз билан муз бўлакларига ёпишдик. Сув жуда ҳам совуқ экан. Бир илож қилиб катта муз бўлакларига илиниб олдик. Бизни мукаррар ўлим ўз домига тортмоқда эди. Шунда мен Хусанга қараб “Хусан, сен эҳтиёт бўл! Сен яшашинг керак! Мабодо мен ҳалок бўлсан, илтимос онамга билдирма, юраклари дош бера олмайди. Ўрнимга Хасан бўлиб бориб тур!” деб қичқирдим. Хусан мени тушунди, у ҳам менга жавобан “Ака, агар мен ҳалок бўлсан сиз ҳам шундай қилинг, онамни, болаларимни олдига Хусан бўлиб бориб туринг! Онамиз яна яшашлари керак!” деб қичқирди. Шу маҳал орқадан катта муз келиб урилди. Сув мени ўз домига тортиб кетди. Қулогимга укамнинг “Акажон!!!” дея қичқиргани эштилди, холос. Жон ҳолатда музлар орасидан чиқиб кетишга уриндим. Лекин иложи бўлмади. Ўпкам сувга тўлди. Ўзимдан кетдим. Кейин кўзимни очсан касалхонада эканман. Мени ғаввослар қутқариб олиб чиқишибди. Хусан бир ёш болани қутқараман деб ўзи ҳалок бўлибди. Унинг жасади топилмабди. Ўшанда кўпчилик ҳалок бўлди... Кейин касалхонадан чиқиб бу ерга Хусан бўлиб келдим ва бўлган воқеа ҳакида факат Муштарийга айтиб, ундан буни онамнинг умри охирига қадар сир сақлашини илтимос қилдим. Биз мана ўн йилдирки...

Хасан бошқа гапира олмади. Ўпкаси тўлиб кетди. Ўтирганлар “бай-бай-бай, астағуриллоҳ” дея бош силташарди.

– Келинимиз Муштарий янгамизни ўз онасидай кўриб меҳр билан парваришлади. Охирги саккиз йил шол бўлиб қолганди, уни ўзи ювиб-таради, – деди Нодирбек.

– Отасига раҳмат ўша келинни. Катта савобга қолибди, – деди Эсон қори тан бериб. –

Сизга ҳам ўғлим, катта раҳмат, волидаи муҳтарамангизни шунча йил умрини узайтиришга эришибиз. Бу билан укангиз марҳум Хусанбойга ҳам, ўзингизга ҳам жаннатни энг мўътабар жойларидан муносиб жой ҳозирлабсиз. Илоҳим волидаи муҳтарамангиз, қолаверса, укангиз Хусанбойнинг борган жойлари обод бўлсин! Сўнгра имом-хатиб ва Қуръон тиловат қилди.

– Таъзияни қай вақтга чақирайлик, мулла ака? – сўради маҳалла оқсоқоли Ҳакимбек.

– Бугун энди кеч бўлди. Эртага жума. Худо хоҳласа, тазияни жума масжида жума номозидан кейин ўтказсак. Онадек мўътабар зотнинг умрига-умр қўшиш нақадар савоб эканини барча уламолар ҳам эшишиксин. Хасанбой ўғлими, Муштарий келинимиз ўз фарзандлик бурчини қандай адo этганлари барча мўмин мусулмонлар учун ибрат бўлмоғи керак. Айтинглар, қабр ҳам ёнма-ён қўшалоқ тайёрлансан!

Ўша кунлари Муштарий қаттиқ таъсиrlанди ва вафот этган, ўз онасидек бўлиб қолган, қайнонасиға бағишлаб бир шеър битди:

Фасллар айланар, баҳор йўқ,
Ёз ғамгин, тонг ёлғиз, наҳор йўқ,
Муштипар, мададкор, рухсор йўқ,
Энди бу дунёда онам йўқ.

Қалбимнинг тахтида армон шоҳ,
Кўксима сиғмайди соғинч, оҳ,
Кўзларим излайди сизни, воҳ,
Энди бу дунёда онам йўқ.

Бир зум ҳам беташвиш юрмаган,
Халоват нелигин билмаган,
Ўзичун ўйнаб-а кулмаган,
Энди бу дунёда онам йўқ.

Вайрона кўнглимнинг кулбаси,
Кўринмас меҳримнинг шуъласи,
Хеч кимнинг ўлмасин онаси,

Энди бу дунёда онам йўқ.

Хасаннинг онаси ва укасининг қазоси билан боғлиқ маросимлари бир-бир ўтказила бошланди: маракаси, еттиси, йигирмаси... Аммо Хасан қирқига қолаолмаслигини айтиб, амакиси Нодирбекдан ўзи бош-қош бўлиб туришини илтимос қилди.

– Ие, қизиқмисан, жиян?! Биз биттамас иккита ўлик чиқардик... Одамлар нима дейди?

– Мени тушунинг, иш жойимдан фақат йигирма қунга жавоб беришганди холос. Биз давлат ташкилотида ишлаймиз, ахир.

– Қайси давлатни?

– Россиянида.

– Россияда пишириб қўйибдими?! Ўз юртимизнинг қаери кам? Билиб қўй, йигит кишининг ватанини йўқотгани – ўлгани, тушундингми?! Мана, сен ўша ёққа кетмаганингда Хусан ҳам кетмасди, ҳалок бўлмасди, болалари етим қолмасди. Тавба, ҳайҳотдай ҳовлида биргина келиннинг ўзи ўтиrsa-я. Юраверасанми уйланмай, лаллайиб?!... Бирор дардинг борми, ё?... Тўхта-тўхта, сен ҳали ўша ёқда уйланиб олмадингми, ишқилиб? Менга қара, агар ўша ёқда уйланиб олган бўлиб, қайтиб келмасанг Муштариининг ҳам жавобини бериб юбораман. Ёш аёл бу ерда нима қиласи, умрини ҳазон қилиб? Ундан кўра бирортага тегиб олгани яхши эмасми? Ҳовли-жойни бўлса сотиб юбораман!

– Йўқ ундей қилмайсиз, амаки!

– Бўлмаса келгинда. Кел, яша! Лекин айтиб қўяй, агар бир йилгача келмасанг, ҳалиги гап, нима қилишни ўзим биламан, тушундингми?

– Ҳа, тушундим.

– Унда бор кетавер. Ана, катта кўча, оқ йўл! – деди одирбек кесатиб қўлини бир силтади.

Бир ёқда хотини Светланани ўйлаб сиқилиб юрганида амакисининг бунақа гаплари ортиқча бўлди. У Хусаннинг ўлимида барибир Хасанни айбдор деб биларди. Шу туфайли амакиси билан ортиқ баҳсллашиб ўтиrmади. Қандай қилиб бўлмасин Муштариини олиб кетиш ҳақида ўйлади. Уни олиб бориш хотинининг сўнгги илтижоси бўлиши мумкин эди.

– Муштарий, – деди келинни бир четга чақириб.

– Лаббай, aka.

– Сизда муҳим гапим бор эди.

– Қанақа гап?

– Юринг, бирор ҳоли жойда гаплашайлик...

Улар ошхонага киришди. Муштарий хотиржам чой дамлади. У хозирда Хасаннинг тасалли беришини кутарди.

– Мен билан кетмасангиз бўлмайди, Муштарий, – деди Хасан кутилмаганди у узок жимлиқдан сўнг.

– Нима? Қаёқка?

– Света сизни қўрмоқчи. Унинг меҳри сизга бўлакча.

– Нима? Кечирасиз ака, лекин бундай гапларнинг хозир мавридимикин? – деди аёл таклифдан ранжиб.

– Ҳа, тўғри айтасиз. Лекин ҳар қандай инсон ўз умри тугаётганини ҳис қилиб турса дилидаги армонини кимгадир айтишга хақли-ку. Шундай эмасми?

Муштарий ялт этиб қаради. Унинг бу нигоҳида “Нима демоқчисиз, ўзи?” деган саволни англаш қийин эмасди.

– Билсангиз, Светлана жуда оғир дарга чалиниб қолган. – деди Хасан оғир хўрсиниб.

– Ҳозир унинг аҳволи ёмон. Сизни бир бора кўриш истаги унга тинчлик бермаяпти. Мен бу ерга келаётганимда у шундай хайрлашдики, кўзлари...

Хасаннинг кўзидан беихтиёр ёш думалаб тушди. Охирги сўzlари ҳам гўё оғзидан беўхшов тўкилиб тушди.

– Қизик, яқингача бунақа гап йўқ эдику? – Хайрон бўлиб сўради Муштарий.

– Ҳа, унинг дарди маълум бўлганига атиги уч ой бўлди. Ўтказиб юборибмиз..., кечикибмиз Муштарий.

– Кечаги ҳафта мен ундан сиз билан тушган суратни олдим. Унинг чехраси кулиб турибдику?...

– Мен уни ўша ерга кўтариб олиб боргандим. Ўша ёдгорлик Хусанга аталган хайкал бўлади. Ўрик дарахти танасидаги аёл эса бу сиз. Бунда ўша фақатгина иккимизга маълум бўлган эгиз қоя акс этган.

Муштариининг хайратдан кўзлари катта-катта очилиб кетди.

– Демак, аслида у бизнинг муносабатимизга бағишланган ҳайкал бўлади денг?

– Ҳа, шунақа. У бизнинг тақдиримиз – ҳаётимиз қўшифи. Светлана сизни умидвор кутмоқда. Айтадиган муҳим гапи бор, шекилли. Хуллас мен унга сўз берувдим. Йўл ва бошқа харажатлардан кўнглингиз тўқ бўлсин. Фақат болаларингизга қарашга уйга тоғдаги онангизни чақиртирсангиз бўлгани.

Муштарий жиддий ўйланиб қолди. Борса унинг оқибати нима бўлиши ҳақида ўйларди. Қишлоқда турли гап-сўзлар кўпайиши табиий.

- Эшитган қулоққа қандай бўларкин? – Ўсмоқчилаб сўради ниҳоят Муштарий.
- Сиз бекорга эмас, эрингизга қўйилган рамзий қабрни зиёрат қилгани кетяпсиз. Хусан чўккан дарё ва “Хасан-Хусан” боғидаги ёдгорлик пойида мархум эрингиз руҳи покларига бағишлаб тиловат қиласиз. Менинг оилам, фарзандларим билан танишасиз.
- Яхши. Лекин мен Наманган шахридан нарига бормаган бўлсам...
- Ҳа, дунё кенг, аммо муҳаббат учун у жуда ҳам тор. Бунга сиз тўлиқ амин бўласиз.
- Бўпти. Борганим бўлсин. Лекин қайнонамнинг қирқларигача қайтиб келамизми?
- Агар тинчлик бўлса, Света соғайиб кетса уни ва болаларни ҳам олиб келамиз. Кейин бирга Қурбон булоқка, Терагистонга чиқамиз. Бу Светанинг армони. Мен унга сиз ва ҳаётим ҳақида батафсил гапириб берганман.

* * *

Шундай қилиб қайноға билан келин узоқ сафарга отланишди. Хасан қайнотасига қўнғироқ қилиб, боришаётганликлари ҳақида хабар қилди. Светлананинг аҳволи янада оғирлашганмиш. Унга касалхонадан ҳам жавоб бериб юбориши. Туну-кун Хасанни йўқлаётганмиш...

Хасан йигирма кун аввалги хотинини таний олмади. У озиб-тўзиб, юzlари баттар сарғайиб, қоши кўзи билан бирлашиб кетгандай, жуссаси қартайиб қолгандай туюлди. Муштарий бўлса уни бутунлай танимади. Чунки у суратда кулиб турган қизга асло ўхшамасди. Айнан ўша суратни катталаштириб деворнинг кўринарли жойига осиб қўйишибди. Ёнида Муштариининг яқинда юборган сурати ҳам бор эди.

Светлана Хасаннинг қўлинини оҳиста силаркан аранг “Яхши бориб келдингми, жоним?” – деди. Сал нарида қизнинг ота-онаси хомуш ўтиришарди. Она Муштариига ўтиришга жой кўрсатди.

Муштарий рус тилини яхши билмасди. Хасан билан Светлана ўртасидаги сўзлашувни тушунмаётган бўлса-да, аммо улар ўртасидаги мулоқот нима ҳақида эканини қалбан ҳис қилиб турарди. Бу жуда оғир лаҳзалар, баҳтли оиланинг бошига тушаётган мусибат юракни ларзага солмоқда эди.

- Мен Муштариини олиб келдим, – деди Хасан узоқ кўришиб дардлашганларидан сўнг.
- Вой, растанми?! – деб юборди қиз мовий кўзларини катта-катта очиб.

Чамаси у узоқни ҳам кўра олмай қолганди. Гўё сўниб бораётган аланганинг бир чўғи лоп этгандек туюлди. “Қани у?” дегандек ингичкалашиб бораётган титроқ қўлларини кўтарди. Қўллар бир лаҳза ҳавода муаллақ осилиб қолди.

– Муштарий келинг, бир кўришиб қўйинг, – деди Хасан.

– Где она? Пусть... – деди Светлана аланглаб.

– Мана мен шу ердаман, айланай Светахон, – деди ўзбекчалаб Муштарий ва ётган қизни қучоқлаб олди.

– Ты Муштарий, да. Ангелина ты моя. Вот наконец мы увиделись...

– Да... – деди Муштарий бемор аёлнинг сариқ соchlарини меҳр билан силаб қўяркан.

– Хусана похоранили, да? Хороший был парень... Бедная, и маму похоронила... Я очень сочуствуя вас. Иди сюда, я тебе что скажу...

Муштарий тушунмади. Аста «Что?» деб қўйди.

– Кулғингизга бир гап айтмоқчи, шекилли. Эшитинг-чи.

Муштарий қулғини тутди.

– Муштарий, – деди қиз пичирлаб, – Я тебя очень ждала, понимаешь?...

– Нет, – деди Муштарий секин.

– Ладно, потом... Мама! – дея онасини чақирди.

– Да, доченька. Хочеш, что нибудь?...

– Гостям, накройте стол, пожалуйста и все тут присят-те.

– Хорошо дочка. Пойдемте Хасанчик. Пошли Муштарий.

– Пусть она со мной немного останится-а.

– Сиз ёнида қолиб бир зум ўтиаркансиз.

– Сизчи, қаёққа?

– Мени нариги хонага таклиф қилишяпти. Кейин бирга тушлик қиласиз Света сиз билан ҳоли гаплашгиси келяпти, чоғим.

– Майли, харакат қиласан.

Муштарий қизнинг ёнида қолди. Светлана унинг қўлинини маҳкам қисди. Бир-бирларига илиқ табассум ҳадя қилишди. Нигоҳлар тўқнашди. Қизнинг мовий кўзлари алланималар демоқчидай жовдиарди.

– Эх, Муштарий. Я про тебя все знаю. Ты такая прекрасная, мужественная.

– А, ты красавитса, – деди Муштарий ҳам рус тилида гапиришга харакат қилиб.

– Спасибо. Но сейчас я болная и страшная.

– Скоро, ҳалиги..., будеш здорова и поедим к нам, хорошо?

– Нет Муштарий, я умераю, – деди Светлана ва кўзларидан ёш думалаб тушди. – Но я очень хочу жить и поехать с тобой.

– Не плачь. Мы обязательно поедим... Без тебя я никуда к-кетмайман...

Улар бир-бирларини қучиб олдилар. Муштарий ўзидан қойил қолди. Чин дилдан айтмоқчи бўлган сўзлари ич-ичидан рус тилида чиқиб келарди. Бу мўжиза эди, албатта. Умрида биринчи марта кўриб турган, Хасаннинг ҳам қалб қўрғонини эгаллаган мана шу қизга меҳри тобланди, уни энг яқин одами деб билди. У негадир Светлана билан узоқ-узоқ сухбатлашгиси, дардлашгиси келмоқда эди. “У менинг ҳаётим ҳақида яхши билади, тақдиримдан қайғуради. Демакки, бу қиз ҳам менинг яқин одамим, энг яхши дугонам. Бизлар бир-биrimiz билан олисда яшасак-да, фикримиз, меҳримиз яқин экан. Афсус энди шу яқинимни ҳам ўлим ўзига чорламоқда. Куриб кеттур қаро ер, шунча мурда сенга камлик қиляптиими. Ахир бу бечора қизнинг гуноҳи нима?...” – деган ўйлар Муштарий хаёlinи банд этганди.

– Мехмон юринг, тушлик тайёр, – деди шу маҳал Светлананинг онаси. – Света, сен ҳам овқатланиб оласан, хўпми?

– Йўқ, ойижон. Мен ҳеч нима емайман.

– Емасанг бўлмайди, қизим.

– Борақол Муштарий, кейин киарсан.

Муштарий негадир қизни ташлаб кетгиси келмаётганди.

– Я тебя кушать дам, хорошо, – деди Муштарий.

– Бўлмаса сизнинг овқатингизниям шу ерга олиб келаман, хўпми? – деди аёл Муштариага.

– Хўп, ойижон. – деди Светлана унинг ўрнига жавоб бериб, – Агар мени Муштарий овқатлантирса, еганим бўлсин.

Она овқат қуйилган мис товокни кўтариб киаркан, қовоғи билан “Албатта егизинг, хўпми” деб қизининг тарелкасига ишора қилди ва кетаётиб “Кечадан буён туз totмади, бечора” – деб пичирлаб кўйди.

Муштарий дугонасининг бўйнига сочиқча тутиб худди гўдак болаларни алдаб егизгандек, ўзбекча эркалаб егиза бошлади.

– Манави даданг учун, – деди у қошиқни олиб бориб – Ана!... Манависи ойинг учун... Ана!... Манави Хасан акам учун ... Ана!... Вой айланиб кетай сендан, асалим...

– Бўлди. Бошқа емайман, – деди қиз ўз тилида.

– Мен учунчи?... Это же за меня... Ана!... Мана оз қолди. Энди ким қолди? Э, ахир Ойдиной, Темуржонларни унугибиз-ку. Улар қани-а? Где эти ҳалиги, дети-а?

– В школе. Сейчас придут.

– Вот теперь за Ойдина будем...

– Э, юк-юк, – деб юборди Светлана ҳам ўзбекчалаб.

– Тогда за Темуржон будим. Он хороший мальчик, да? У Суннат қилинганми?

– Что-что?

– Ҳалиги, чушш..., – Қўлини қайчи қилиб кўрсатди у.

– Что за чушь? – ҳайрон сўради бемор қиз.

Муштариининг кўзи қайнатилган сосискага тушди. Бунақа нарсани умрида емаганди. Хурсанд бўлиб кетди ва уни олиб гўё ўғил боланинг булбулчасига ўхшатиб кўрсатди. Светлана кулиб юборди ва тўхтовсиз йўтала бошлади. Бироздан сўнг ўзига келди. Муштариинг юз-кўзини артиб қўйди.

– Значит у вас эта “чушь” да?

– Да, – деди Муштариин ва пичоқчани олиб уни иккига бўлиб кўрсатди. – Эту чушш, вот так режут.

– Теперь тебя понела, как у Хасана-да?

– Если понила тогда давай кушать, – деди Муштариин ва сосискани ярмини унинг оғзига солиб, қўйиб қолганини ўзи ея бошлади.

– Значить будем делиться, – деди Светлана бу ҳаракатларни ҳазилга йўиб.

Светлана руҳан анча тетиклашди. Овқат егани учун танасига бироз қувватга кирди. Уни кўриб ота-онаси қувонишиди. Светлана меҳмоннинг шарафи учун оқшом барча яқин қариндошларни тўплашни, у ерга иложи бўлса ўзи ҳам ўтириши мумкинлигини айтиб, илтимос қилди.

– Албатта қизим. Сен истаган дугоналаринг, дўстларингни ҳам чиқирамиз. Факат ўзингини яхши ҳис қилсанг бўлгани.

Муштариин ҳеч ким йўқлигига бемор қизнинг таглигига қўлини солиб текшириб кўрди.

– Нима қиляпсан, Муштариин?

– Хоҳласанг сени чўмилтириб қўяман. Қайнонамни шундай қилардим. Энди сени ўзим қарайман, хўпми?

- Вой қандай яхши. Онам ҳам мени деб ишига боролмаяптилар. Ойи, ойижон!!
- Ҳа, нима дейсан, қизим?
- Бугундан бошлаб менга Муштарий қарапкан. Сиз бемалол ишингизга бораверинг.

Илтимос, дугонамни ҳамом, ҳовли-жойимиз билан таништириб чиқсангиз.

- Хўп бўлади, жоним болам. Юринг. Сизни бизга парвардигорнинг ўзи жўнатди. Қизим анча тузук тфу-тфу, кўз тегмасин! Бу докторлар бизни ғафлатга солиб қўйишида,
- деди она.

- Ҳечқиси йўқ. Света яхши бўлиб кетади. Мана кўрасиз. Халиги, сизнинг эчкингиз борми?

– Йўғу, уни қўшнилардан топамиз, нима эди?

- Уни соғиб янги сутидан ичириб туриш керак, – деди Муштарий ҳовли-жой билан зидан танишаркан.

Муштариига Светлананинг ёнидан жой қилиб беришди. Ҳамшира келиб осма уколини қилиб, қизнинг ҳароратини ва қон босимини ҳам ўлчаб қўрди. Та什қаридан болаларнинг дупир-дупири эшитилди. Улар секин-аста кириб ойиларини бир-бир ўпиб қўйишида. Оналари “Ўзимнинг қуёшчаларим” деб эркалаб қўйди.

- Анави холаларинг билан ҳам кўришингларчи, қани. У меҳмон, Ўзбекистондан келган, – деди у Муштариийни кўрсатиб.

Болалар чуғурлашиб саломлашишди. Муштарий уларни бир-бир қучоклаб, ўпишиб кўришида. Қизалоқ Ойдин тўртинчи, Темур эса биринчи синфда ўкиркан.

– Сиз менинг дадамни синглиси бўласизми? – деб сўради Ойдин.

– Ҳа... – деди Муштарий.

– Сизни ҳам болаларингиз борми? – сўради Темур.

– Бор. Ўғлим Сардорбек еттинчи, қизим Мехрибон бешинчи синфда ўқииди.

– Ўғлингиз футбол ўйнашни биладими? – сўради Темур шоша-пиша.

– Албатта. У зўр ўйнайди.

– Болалар, ойиларинг энди дам олмоқчи. Ўз хоналаринга боринглар, – деди шу маҳал кириб келган ҳамшира.

Ойдин ширин қилиб “Юринг биз билан” деб шивирлаб Муштариийни етаклаб чиқиб кетди. Унинг қўнгироқ малла соchlари кўз қошларини тўсиб ўзгача жозиба бериб тураг, худди қўғирчоқлар каби шириントй эди. Светлана уларнинг ортидан мунгли қараб қолди. Осма уколдан оқаётган томчига умид билан тикилди. “Наҳотки болаларим етим қолишса.

Ўтиб кетсам уларнинг аҳволи не кечади? Уларга бир она керак. Муштарий албатта уларга яхши она бўла олади. Аммо унинг ўз болалари бор. Кейин у Осиё аёли, бу ерга қўнига олмайди. Болаларимчи? Улар жануб қуёшига аста-секин кўнишилари, тилни ўрганишлари мумкин. Оталари ҳам барибир бу ерларда доимий қололмайди. У ўз ватанига қайтиб кетади. Эҳ, Ўзбекистонни бир кўрмадимда. Эркаклари Хасандек, аёллари Муштарийдек бўлишса, демак бу юртда яхши одамлар яшайди. Ўзбекистоннинг келажаги порлок, гуркираб тараққий этаётган давлат дейишади. Бу ҳақ гап. Ватан уруши даврида россияликлар Ўзбекистонда паноҳ топишган. У ер қадимдан илм-фан ривожланган юрт. Демак болаларим у ерга бориб ўқиб-улғайишса кам бўлишмайди”.

Светлана ана шундай ўйлар билан укол томчилари қачон тамом бўлганини ва қачон пинакка кетганини сезмай қолди. Туш кўрди. Тушида у, Хасан, болалари ва Муштарий Ўзбекистонда, пахтазорлар, боғлар ичида юришганмиш. Сўнгра тоғ ён бағрида оқаётган сой бўйида Хасан билан ўтиришганмиш. У гитарасини чалиб Светанинг энг ёқтирган қўшигини ижро қилаётганмиш:

*Қайдасан севгилим, гўзалим,
Сен менинг борлигим, асалим
Сен ҳали юракда сўнмаган,
Чироғим, битмаган газалим.*

*Ой бўлиб тунларингда отдим,
Нур бўлиб кўзларингга ботдим.
На қиласай, ўткинчи дунёда,
Мен сени тондиму, йўқотдим?!*

Светлана қўзини очганида тепасида Хасан гитара чалиб шу қўшигини ғамгин қуйлаб ўтирап, кўзлари намли эди.

– Хасан... – деди қиз оҳиста.

Хасан куйлашни бас қилиб хотини унинг юз-кўзидан ўпди.

– Ҳа жоним, тузукмисан?

– Мен ҳозир туш кўрдим. Тушимда Ўзбекистонни кўрдим. Биз у ерда болаларимиз билан баҳтиёр яшаб юрган эканмиз...

– Яхшику. Биз албатта кетамиз...

– Биз билан Муштарий ҳам бирга экан. Кейин мен бирдан йўқолиб қолибман. Сизлар бирга қолибсизлар, анави эгиз қояга чиқибсизлар. Мен бўлса осмонга қуш бўлиб учиб кетибман. Сизлар ва болалар менга қараб қўл силтаётганмишсизлар. Хасан...

– Лаббай, жоним.

– Қулоғинга бир гап айтаман.

– Эшитаман, нима дейсан?

– Мен ўлимимни кўраяпман, Хасанчик ...

– Йўқ ундей дема. Мени қўрқитма...

– Муштарий яхши аёл экан. Энди кўнглим тўқ. Болаларимизни унга топширсак, нима дейсан?

– Болалар бизники, иккимизники-ку?... – деди Хасан қайгуриб бошини сарак-сарак қиласкан.

– Бечора, ўн йил Хусаннинг рухи билан яшади. Унинг ҳам баҳтли бўлишга ҳаққи борку, ахир. Бу умр дегани жуда қисқа бўларкан. Лекин мен яшаган ҳаётимдан нолимайман. Мен баҳтли яшадим. Ўз севганимга етишдим. Лекин Муштарий-чи? Унинг юраги яраланганди. Фақат Осиё аёлларига хос сабр-бардош уни жисман соғлом қилиб кўрсатади. Унинг юрагига фақатгина сен малҳам бўла оласан, жоним.

– Йўге, нималар деяпсан?

– Бу менинг васиятим. Болаларимни фақат шу аёлгагина ишонаман. Сен ҳали ёшсан, барибир тоқ ўтмайсан. Муштарийга уйлан, илтимос. Болаларимни бу ердан олиб кетинглар... – деди Светлана аранг ва тўсатдан юраги ҳаприқа бошлади.

– Светлана, ҳой, тинчлан! Сенга нима бўлди? Ҳой ҳамшира, қанисиз?!

Нариги хонада овқатланиб ўтирган ҳамшира югуриб кирди ва тезлик билан тинчлантирувчи укол қилди. Бир соатлар чамаси ўтгач, Светлана яна ўзига келди. Бу пайтда Муштарий болалар хонасида оила албоми билан танишмоқда эди. У ерда Хасан билан никоҳланган кунлари ва Хусан билан тушган суратлари ҳам бор экан. Сўнгра Хасан ва Светлананинг пляжда, тушган суратларига қўзи тушди. “Қадди қомати келишган қандай гўзал қиз...” – деб қўйди Муштарий пичирлаб. Аммо ҳозир унинг озиб, картайиб қолганини кўриб афсусланди. Болалар унга қариндош-уругларлари ва ўзларининг суратлари билан ҳам таништиришди. Мехмонни ташқи ҳовлига олиб чиқиб товуғу кабутарларигача кўрсатишиди.

Шу маҳал Хасан ичкаридан хомуш чиқиб келди.

– Муштарий, Светани кийинтириш қерак экан. У бир жойга олиб бориб келишимизни сўраяпти.

– Майли, ака. Болалар ҳам борадими?

– Йўқ. Улар билан кейин...

Муштарий шошиб кирди. Света кийим шкафига ишора қилди. Кийимларни битта-битта олиб қўрсатди. Спортчаси маъқул бўлди. Уни бир амаллаб кийинтириб одеалга ўрашди. Григорий Тимофеевич ногиронлар аравачасидан топтириб қўйганди.

– Боғ узоқми? – сўради Муштарий.

– Йўқ унчалик эмас.

– Ишқилиб bemорни уринтириб қўймасмиканмиз?

– Сизга ёдгорликни ўзи қўрсатмоқчи. Нима ҳам дердим.

Хасан қизни кўтариб чиқиб аравага ўтқазди.

– Светлана, ўзингни ёмон ҳис қилсанг дарров айт, ортга қайтамиз, хўпми?

– Хўп.

– Ҳамшираниям олволайликми?

– Йўқ. Керакмас. Айт, кетаверсин.

Улар текис ва озода, дарахтларга бурканган, яшил тўсиқлар ранг-баранг безатилган пиёдалар йўлаги бўйлаб оҳиста кета бошлишди. Светлана бир қўли билан аравани итариб келаётган эрининг иккинчи қўли билан ёнма-ён келаётган Муштариининг қўлини ушлаб олди. Кайфияти анча яхши эди.

“Парк имени Хасана-Хусана” деган пештахтадаги ёзувни кўриб Муштариининг юраги хапқириб кетди. – Наҳотки бу рост бўлса, кўзларимга ишонмайман, – деб юборди у.

– Ҳозир бундан ҳам антиқасини кўрасиз, – деди Хасан узокда, боғ ўртасида ўрнатилган ёдгорлик хайкалини қўрсатиб.

– Вой, мен уни тезроқ кўргим келяпти. Тезроқ юрсам, майлими?

– Майли... Пусть она побежит.

– Беги Муштарий! Это твоя судьба, твоё счастье!... – деб кўйди Светлана пичирлаб.

Муштарий ўткан-кетганни хайрон қолдириб хайкал томон чопди. У худди ўша ўрикли чўққидаги эгиз қояга ўхшаб кетарди. Фақат дарахтнинг танасини йўғон қилишибди ва унга илтижо қилаётган аёл тимсолини жойлаштиришибди

Муштарий унинг қархисида лол бўлиб қолди. У шундай хайратда эди, ортидан Хасан етаклаган араваси билан етиб келганини ҳам сезмай қолди.

- Муштарий, – деди Светлана – Кел, сени бағримга босай.
- Айтгандай қилишди. Светлана жуда хаяжонда эди.
- Сен ўзингга хайкал ўрнатдинг, Муштарий.
- Раҳмат Светахон, Хасанака! Мен жудаям хурсандман! Бунақасини ҳечам кутмагандим!... – деди Муштарий хаяжон билан.
- Хасан, сендан бир нарсани илтимос қилсан майлими? – сўради Светлана бир оз ўтгач.

- Сўрайвер жоним, bemalol.
- Муштариини бағрингга бос, илтимос.
- Э йўғе, нималар деяпсан. Ахир у...
- Мен учун, йўқ дема. Хафа бўламан-а.
- Қизиқмисан, бизлар ахир ёш бола эмасмизку.

Светлана терс ўгирилиб олди ва аразлаганнамо астагина “Да, ладно” деб пичинг қилиб қўйди.

- Ҳа, Хасан ака, у нима деяпти?
- Э қўяверинг, сал эркалик қиляпти. Жа, ошироворди.
- Ундай деманг. Кўнгли жудаям нозик экан. Ҳозир унинг айтганини қилишингиз шарт.

– Шунақами? Мана бўлмаса, – деди Хасан ва тўсатдан Муштариини қучоқлаб олди. – Вот Света смотри.

- Вой қўйворинг! Нима қиляпсиз, жинни?!...
- Хотинимнинг илтимосини бажаряпман. Ўл деса ўламан. У сизни қучоқлашимни сўраяпти.
- Энди ўпишиналар, – деди Светлана бамайлихотир.
- Э йўқ, буниси энди ортиқча, – Эътиroz билдириди Хасан.
- Нима деяпти? – сўради Муштарий.
- Ўпишиналар деяпти, ярамас қиз!

Муштарий Хасаннинг оғушида, юраги дукурлаб урмоқда эди. “Белимни қўйворинг, ўзим...” деди у аста Светланага қараб “Ты этого хочеш, да?” деб сўради.

- Да, пожалуйста. Ради меня. Очень прошу...

Муштарий Хасаннинг лабидан оҳиста ўпиб олди. Света ёш боладай қарсак чалди.

- Ур-ра, дуранг бўлди! – деди у.

- Қанақа дуранг? – сўради Муштарий хайрон.
- Тўйим куни мен сенинг эрингни шунақа қилиб ўпганман.
- Хасан бўзариб довдираб қолди ва Муштарийни оҳиста қўйиб юборди.
- Қанақасига? – Сўради Муштарий қизнинг олдига чўккалаб ўтириб оларкан.
- Шундай, адаштириб қўйганман-да. Сен ҳам тўйингда уларни адаштириб қўйган бўлсанг керак-да-а?

Муштарий ўзини ноқулай сеза бошлади. “Хақиқатдан ҳам бу жа эрка қиз эканку. Бу билан нима демоқчи, тавба...” деб қўйди.

- Майли, – деди ниҳоят Светлана жимликни бузиб. – Мавзуни ўзгартирамиз. Хасан, илтимос, фотографни чақир, суратга тушайлик.

Суратчи чопиб келди. Юрагидаги хаяжони босилмаган Хасан хотинини даст кўтариб олиб ҳайкал пойига ўтқазди. Икки ёнига ўзлари туришди. Муштарий рўмолини эпақага келтирган бўлди. Бемор қиз ўртада, Муштарий ва Хасан унинг қўлларини ушлаб олишди.

- Кулиб туринглар, қани... Ана бўлди. Яна бир марта. Энди узоқлатиб оламан. Жилмайинглар, бўлди! Эртага тайёр бўлади, – деди суратчи.

“Эрка қиз” Хасаннинг бўйнига осилиб олди. У эрини жуда соғинганди. Хасан қизни орқасига опичлаган ҳолда кўтариб олиб, боғнинг сўлим қўчалари бўйлаб кета бошлади. Ортларидан аравани етаклаб Муштарий эргашди. Ҳозирда у кутилмаган ғайриоддий фикр-ўйлар оғушида қолганди.

* * *

Кечки оқшом барча яқинлар тўпланишди. Ҳамма дастурхон атрофида жамул-жам бўлгач, Хасан Светланани кўтариб олиб чиқиб тўрдаги юмшоқ ўриндиқقا ўтқазиб қўйди. Ёнига Муштарий ўтириди ва bemor қиз унинг елкасига бошини қўйиб олди.

- Муштарий ол, уялма, – деди қиз унинг қулоғига.
- Аввал сен е, кейин мен, – деди Муштарий ва картошкадан бир бўлагини кесди-да, вилкага қистириб, пуфлаб унинг оғзига тўғрилади..

Светлана эътиroz билдирамади. Ўтирганларнинг кайфияти кўтарилди.

- Э, бормисан, Света, мундоқ овқат есанг ҳам бўларканку, – деди акаси Дмитрий севиниб.

- Света бизнинг севимли қушчамиз бўлади-да, – деди отаси кулиб.
- Хасан, синглим сени соғиниб овқат емай қўйган экан-да – деди Дмитрий кулиб.
- Энди емай ҳам кўрсинчи, – деди Хасан ҳам кесатиб.

Муштарий ўзи ҳам картошкадан еди. Кейин тузланган селётка балиғидан кесиб, уни тозалаб дугонасига узатди. Светлана уни ҳам йўқ демади.

Баъзилар қарсак чалиб юбориши.

– Келинглар, Светлананинг соғлиғи учун ичамиз! – деди амакиси.

– Муштариға ҳам қўйинглар.

– Э йўқ. У бунақа нарсаларни ичмайди, – деди Хасан шоша-пиша.

– Хасан қариндошларни таништирмайсанми?

– Ҳа-я, бу Муштарий, мархум укам Хусаннинг хотини, менинг келиним,

Светлананинг яхши кўрган дугонаси.

– Бўлмаса, сизларнинг дўйстларингиз ва соғлигинги учун! – дейишиди ўтирганлар қадаҳларни чўкишитиаркан.

Муштарий ҳам мева шарбатни уриштириб ичиган бўлди, дугонасига ҳам тутди. Шу куйи бир оз ўтириши. Қадаҳ устига қадаҳлар ичилиб овқат ейилди. Светлана яқинларини худди охирги бор кўраётгандай, уларни йўқотиб қўяётгандай, гўё узоқ сафарга кетаётгандай ҳар бир яқинини зимдан кузатиб ўтиради. Бир пайт ҳолсиз сеза бошлади. Унинг қулоғи энди шангиллаб, кўзига фақат кулиб турган чеҳраларгина кўринарди. У ўзидан кета бошлади. Муштарий буни сезиб Хасанни чақирди. Хасан бу пайт бироз ичиб, эндини қўшигини бошлаганди. Хасан шошиб келиб деярли бехуш хотинини даст кўтариб олдиди, хонасига олиб кириб кетди. Ўтирганлар тахликада қолиши. “Тез ёрдам” чақириши. Юрагига қувват берувчи укол бериши.

– Қизим яшаб кетадими, доктор? – дея сўради Светлананинг отаси чиқиб кетаётган шифокордан.

– Қанча умри қолгани фақат худога аён, – деди у хўрсиниб.

У бу билан “Иложи йўқ, барибир яшай олмайди” демоқчидай эди. Унинг ёнига Хасан сигарета чекиб келди.

– Ухлаяптими? – сўради қайнота.

– Ҳа.

– Энди нима қиласиз?

– Агар худодан бўлиб тузалиб кетса, мен уни Ўзбекистонга олиб кетмоқчиман. Колган умри ўша ёқда кечсин. Сиз нима дейсиз, рухсат берасизми, ота?

– Қизимни истаган жойингта олиб кетишинг мумкин. Биз учун соғайиб, яшаб юрса бўлгани. Афсус уни бериб қўямиз, чоғи – деди ота ва Хасанни қучоқлаб йиглаб юборди.

– Ота, ўзингизни босинг. Ахир у овқат еяпти-ку, ноумид бўлмайлик. Ёки яхшироқ докторларга кўрсатсанмикан-а?

– Буни саратон касаллиги дейдилар. Вақтида олдини ололмадик. Қизгинамнинг юрагига бориб қолибди. Нима деса унинг айтганини қилинглар, токи, қизим бу дунёдан армонсиз кетсин, – деди у оғир хўрсишиб куёвининг елкасидан оҳиста қоқиб қўйди.

* * *

Светлана яна ўзига келди. Бироз кашадан еган бўлди. Чой ичди. Муштарий унинг тагини ва ички кийимларини алмаштироқчи бўлди.

– Муштарий мени ҳамомга олиб кир.

– У ер иссиқ-ку беҳаловат бўлмайсанми?

– Айт, совукроқ қилишсин. Сен ҳам чўмилиб оласан, хўпми?

– Хўп, – деди Муштарий ва Хасанга бу гапни бориб тушунтириди.

– Оббо, ахир бу хавфли-ку! У ер иссиқ, сирпанчик...

– Бўлмаса ўзингиз чўмилтиринг.

Хасан хотинининг олдига кириб чиқди. У “йўқ. Муштарий билан чўмиламан. Майли Диманинг хотини Даша ҳам кира қолсин”, – деганмиш.

Шундай қилиб, қушдек енгил Светланани икки аёл минг хавотир билан яхшилаб ювинтиришди. Қиз озиб-тўзиб худди концлагердаги маҳбусларга ўхшаб қолганди. Муштарий ва Даша унга ич-ичидан ачинишди. Светланани гўдакни йўргаклаган каби ўраб-чирмаб олиб чиқишида, тез жойига ётқизиб қўйишидди. Яхшики, бемор қиз ўзидан кетиб қолмади. Хасан ва отаси кириб ундан хабар олишди.

– Ота, Хасан, онам қанилар?

– Онанг ишда, бирровга кетувди. Нима чиқирайликми?

– Ҳа. Муштарий, раҳмат сенга.

Кўп ўтмай Даша Светлананинг онасини чақириб келди.

– Болаларим қани? Ҳали келишмадими?

– Йўқ. Чакирайликми?

– ... Ҳозирча керакмас. Отажон, онажон, мендан рози бўлинглар. Ўзимни асрайдим, мени кечиринглар. Мен ёмон яшамадим. Мен баҳтли аёлман. Чунки мени севганимга бердинглар. Шунинг учун мен ҳам сизлардан мингдан-минг розиман, – деди бемор қиз ихраб.

– Э, қўй унақа дема қизим, – деди хозиргина шошиб-пишиб кириб келган она йиғламоқдан бери бўлиб.

Эри унинг елкасига қўлини қўйиб “Жим тур!” ишорасини қилди. Қолганларга ҳам “Жим, уни эшитайлик” дегандек маъноли қарашиди.

– Қизим, биз ҳам сендан мингдан-минг розимиз. Лекин касалликка асло енгилма, – деди онаси эрини тушуниб.

– Бир нима демоқчимисан қизим? Бирор илтимосинг ё айтадиган гапинг борми? Бемалол айтавер, – деди отаси зорланиб.

– Ота, сизлардан илтимосим шуки, болаларимни Хасанга беринглар. Эрим уларни ўз ватанига олиб кетсин. Мен у кишига ишонаман. У яхши тарбия беради. Болалар катта бўлишганида сизларни йўқлаб туришади.

– Хўп қизим, айтганингдек бўлади. Ҳозир фақат ўзингни ўйла.

Хотини эрини аста норози туртиб қўйди. Бу билан “болалар шу ерда қолаверсин” демоқчи эканини билдириб қўймоқчи эди.

– Хасан, Муштарий ёнимга келинглар, – деди бемор қиз бор қувватини гапиришга сарфлаб. – Сизлар менинг ишонган икки тоғимсизлар. Мендан рози бўлинглар. Фақат сизлардан бир илтимосим, нима дейди, васиятим бор.

– Нима, яна қанақа васият? – деб юборди она.

– Жим. Видолашаётган одамнинг гапи бўлинмайди, – деди эри.

Аёлнинг кўзлари олайиб кетди “Вой, ўлай!” – демоқчидаизтироб билан ўз оғзини тез ёпди.

– Айтавер жоним, нима демоқчисан? – сўради Хасан.

Қиз бир қўли билан Муштариининг қўлини, иккинчиси билан эрининг қўлини ушлаб уларнинг қўлини оҳиста бирлаштириди.

– Сизлар турмуш қуринглар, илтимос.

Муштарий бир сесканиб тушди. Қиз унинг қўлини маҳкам ушлаб олганди.

– Хасан, сен Муштариини баҳтли қил. У бунга хақли. Кейин болаларимни сизларга топшираман. Мен сизларга ишонаман. Муштарий, сен уларни эҳтиёт қил, ўз болаларингдек кўр, хўпми? Сизларни худога топширдим.

– Хўп! – деди Муштарий.

– Хасан сен менга ваъда берасанми?

– Ҳа, ваъда бераман.

- Раҳмат сизларга. Энди тинчгина ўлсам ҳам бўлаверади. Ота, болаларим келишса, айтинг уларни кўргим келяпти.
- Албатта, мен уларни ҳозироқ чақиртираман. Бўлмаса биз ҳаммамиз нариги хонага чиқамиз, юринглар.
- Муштарий, сен қолақол, – деди ота. – Онаси, Дмитрий ва бошқа яқинларимизни тез чақиринглар.

Светлана яқинлари ва ўз болалари билан хайрлашиб чиқди. Сўнгра, “Чарчадим, дам оламан” – деди.

- Муштарий сен алла айтишни биласанми?
- Ҳа, фақат ўзбекчасини, русчасини билмайман.
- Майли ўзбекчаси бўлса ҳам айтавер. Кейин мени ўз болангдай маҳкам бағрингга бос, илтимос. Бирам ухлагим келяптики...

Хасан аста кириб “Ҳа, нима деяпти?” деб сўради овоз чиқармай.

- Алла айтиб бер, деяпти – деди Муштарий шивирлаб.
- Эпласангиз, айтганини қила қолинг, – деди Хасан ва ўзи оёқ учиди чиқиб кетди.

Ичкаридан ўзбек тилидаги мунгли алла овози тараля бошлади. Ҳамманинг вужуди қулоққа айланди. Қўшиқ оҳанглари дераза дарчаси орқали чиқиб, қуёш сари бўй чўзган дарахтлар оралаб енгил парвоз қила бошлади оҳанглар бутоқларда ўтирган қушларнинг елкасига қўнишар ва улар билан кўкка кўтарилишарди... Қушлар бўлса, қалин ўрмонлар, сокин оқаётган дарё бўйлаб майнин қанот қоқишарди. Муштариининг хаёли эса ўз болалиги кечган тоғлар бўйлаб кезар, унинг кўз олдидан эчки боқиб юргани, бошига гулчамбар тақиб лолаларни тергани, от чоптираётгани, мусобақаларда қатнашаётгани, ғалаба нашидасин сураётгани тошқўрғонда қолган қари ота-онаси ва қишлоқда қолган болалари бир-бир ўтарди. Светлана ҳам айни дамда тушида Ўзбекистонни кўрарди...

Осмонда учган қушлар-о, алла,

Секин чиқаринг овоз-о, алла.

Мени солманг қайгуга-ё, алла-ё,

Болам тўйсин, уйқуга-ё, алла.

Алла айтсанм юрагим-о, алла,

Тўйиб-тўйиб қонарми-ё, алла.

Юракдаги аламлар-о, алла-ё,

Олов бўлиб ёнарми-ё, алла.

*Мен ўзим куйғандым-о, алла,
Куйған юрагим күрсатай-ё, алла
Мен сени суйған эдим-о, алла-ё,
Алла айтиб ухлатайин-о, алла.*

Дарахтларга бурканган рус қишлоғининг аллақаерида қўнғироқ оҳиста даранглади, шу пайт ором олаётган Светлананинг боши ёнига осилиб тушди. Аммо “Алла” давом этаверди. Қизнинг руҳи энди қўшиқ оҳанглари ҳамоҳанг бирга сокин қанот қоқарди....

Хонага шошиб поп кириб келди ва қизнинг бўйин томирини ушлаб кўриб “О господи, прими её милую душу!” дея бир чўқиниб олди. Хасан кириб Муштариининг елкасини туртди. У чўчиб ўзига келди. Қўшиқ бўлинди...

Муштари ташқарига чиқаркан, бош кийимларини қўлига олиб чўқинаётган қариндошларни кўрди. Светлананинг онаси Муштариини маҳкам бағрига босиб “Рахмат сенга, қизим!” – дея пичирлаб қўйди.

– Юринг Муштарий, биз дарё соҳилига борамиз. Бу ерга кейинроқ келамиз, – деди Хасан ва уни етаклаб олиб чиқиб кетди.

Улар сокин оқаётган улкан дарё бўйига келишди ва қирғоқдаги қалин майсалар устига ўтиришди.

– Нариги қирғоқдаги ҳув анави чархпалакни кўряпсизми?

– Ҳа.

– Ўша ерда ҳар якшанба Ярмарка бўлади. Биз Хусан билан ана шу ерга кетаётиб чўкиб кетганмиз, – деди Хасан дарёнинг бурилиш жойидаги оралиқни кўрсатиб.

– Келинг, Хусан акамни кейин, шу ердан ўтганларнинг рухларига бир тиловат қиласайлик, бўлмаса, – деди Муштарий.

Хасан “хўп” дегандек бошини қимирлатди-да овозини баралла қўйиб Қуръон тиловат қила бошлади. У тиловатни ҳам худди қўшиқлари каби юрагидан чиқариб, гўё куйлаб нола қилди. Қирғоққа урилаётган, чайқалаётган сув овози тиловатга ўзгача оҳанг ва тароват бағишларди. Муштари ҳам узоқ тилаклар билдириб, дуога қўл очди.

Марҳума Светланани сўнги йўлга кузатиш, дафн этиш, уни ёдга олиш ва бошқа расм-русумлар рус халқининг ўзига хос миллий анъаналари асосида ўтказилди. Заречная қабристонида яна бир қабр пайдо бўлди. Қабр тошида, гуллар ичida ёш Светлананинг сурати кулиб турарди. Хасан ва Муштарий бу ерга Ойдин ва Темуржонларни ҳам олиб келишди.

- Муштарий.
- Лаббай, Хасан ака.
- Света раҳматли мусулмончиликни қабул қилишни жуда истарди. Нима дейсиз унинг руҳига ҳам тиловат қилсак бўлармикин?
- Агар у чин кўнгилдан шуни истаб, дилига жо қилган бўлса, менимча бўлаверади. Кейин манави болалар сизники, барибир улар мусулмон болалари-да...
- Хўп, раҳмат, – деди Хасан болаларига жим тинглашни буюриб тиловат қилди.

Ҳаммалари қўлларини дуога очишиди. Хасан тилак билдиргач, қўлларни юзларига тортишиди. Болалар буни муаммосиз тўғри қабул қилишиди.

Муштарий қабристондан болалар билан қўл ушлашиб чиқиб келаркан Хасанг юзланди:

- Хасан ака, ойимнинг ҳам қирқи келиб қолди. Энди болаларни олиб кетаверсак бўлармиди?
- Тўғри, лекин қирқларига эмас, Қурбон ҳайитига етиб борамиз. Манави болалар ҳам таътилга чиқишади. Синфдан синфга ўтишади, кейин мен ишларимни бир ёқлик қилишим керак. Ҳозир қабр совимай кетадиган бўлсак қайнона-қайнотам ҳафа бўлишлари мумкин. Келинг, яна бироз сабр қиласайлик. Сиз ҳам болаларга, болалар сизга кўниинглар. Бу ернинг табиатини, Краснаярск шаҳрини томоша қилдирай.
- Майли-ю, лекин болаларимни жуда соғиндимда.
- Мен ҳам уларни соғиндим. Айниқса, Мехрибоннинг меҳри менга бошқача, “Дадажон!” деб бўйнимга шундай осиладики... – деди Хасан чиндан қувониб.
- Ҳа. У сизни хақиқий дадаси деб билади.
- Сардорбекчи?
- Сардорбек келиб сизнинг меҳмонхонада ётишингизни ҳеч ҳам тушунолмайди.
- Юраги сезар эканда-а?
- Энди у катта йигит бўлиб қолди.
- Ҳа. Кейинчалик у менга ёрдамчи бўлади, ёнига Темуржон кўшилади. Мен Дмитрий билан келишиб қўйдим, Ўзбекистонга бориб кўп тармоқли корхона очамиз. Бу ердан ёғоч материаллари жўнатиб қайта ишлаймиз. Биздан бу ёққа янги мева-чева, тўқимачилик маҳсулотлари юборамиз.
- Яхши ўйлабсиз. Мен ҳам касаначилик бўйича анча ишлар қилиб қўйдим. Ҳозир Ўзбекистонга борувчи саёҳатчилар йил сайин кўпайиб боряпти. Уларга ўзимизнинг

миллий кашталаримиз, қўл билан тайёрланадиган ҳунармандчилик маҳсулотлари қўп керак бўлади.

– Сизнинг лойихаларингизни меники билан бирлаштиrsак яхши бир корхона бунёд бўларкан.

– Яна бир таклифим бор.

– Қанақа?

– Бизнинг тоғларда эчки қўп боқишиади. Унинг юнгидан жун рўмол ҳам тўкишиади. У рўмоллар бу ерга, яъни шимолий совук ўлкаларга жуда ҳам асқотади.

– Жуда тўғри. Унда валенка ҳам тайёрлашни йўлга қўямиз.

– Эҳ-ҳе, унда ариқбўйиликлар тоза иш билан таъминланар экан-да-а?

– Хориж-хориж деймизу, бу “хорижда ишлаш” дегани қанча-қанча одамларнинг тақдирини ўзгартириб юбормоқда. Мана Хасан ака, агар шу ерларга келмаганингизда, нима бўларди?

– Биз иккимиз турмуш қурган бўлардик, – деди дангал Хасан.

Муштарий ялт этиб кулиб қаради.

– Унда манави болалар қаёқда эди-ю?

– Йўқ. Улар ҳам бўлишарди. Фақат иккимизники бўлишарди-да.

Муштарий Темурбек ва Ойдинларнинг соchlарини силаб қўйди.

– Фақат соchlари қора бўларди.

– О чем вы говорите, папа? – сўради Ойдин.

– А почему у тебя волос не черная-а? – сўради Муштарий ҳазил қилиб.

– Незнаю! Но мама очен бы хотела.

Муштарий қизчани бағрига босди.

– Ничего. Вырастишь, покрасим. Будешь вот такая красавица, – деди у бош бармоғини кўрсатиб.

– Ўҳ-ҳў рус тилини яхши ўрганиб олибсизми?

– Одамда хохиш, муҳит бўлса, кейин ўша миллатга меҳри баланд бўлса тилини ўзлаштириш ҳеч гапмас, дейишади.

– Ҳа, албатта. Айниқса рус тилини яхши ўзлаштириб олсангиз дунёнинг ҳар қандай давлатида бемалол юра оласиз. Бу дунё тилларидан бири хисобланади.

– Папа, а, как по узбекский “Мама”?

– Она.

- А, “Папа”?
- Ота.
- Ана, ата. Тепер ты “Ата”, а она, – деди у Муштарийни кўрсатиб – “Ана”, да?
- Да.
- Ана! – деди у Муштарийга талпиниб.
- Вой, она деган тилларингдан айланай, – деди Муштарий ва Темуржонни маҳкам бағрига босиб олди. – Теперь ты мой сын – “үғил” понил?
- А она?
- Қиз – дочка.
- Ата я твой үғил, – деди шу пайт Темуржон Хасанга қараб.
- Хўп, үғилим. Ты хочешь изучить узбекский язык, да?
- Очень хочу!
- Вот и поедим.
- Куда?
- В Узбекистан. Теперь там будите учится. У нас кругом сады, фрукты, дыни и арбузы. Они такие сладкие и сладкие...

Хасан фаҳр билан ўз юрти ҳақида ҳикоя қиласкан, болалар уни худди эртаклардаги мисол қабул қилишмоқда эди. Аммо юртини чиндан ҳам жанатмакон эканлиги ҳақида сўзлашидан ўзининг ҳам ватанини қўмсаётганини англаш қийин эмасди. “Мени бу ер билан боғлаб турадиган Светланам энди йўқ. Кечир мени, азизам. Менга фарзандлар ато этиб берганинг учун, мени севиб қолганинг учун сенга раҳмат. Энди сени ҳар йили келиб йўқлаб тураман. Болаларимизни эҳтиёт қиласман. Худо хоҳласа, улар Ўзбекистон келажагига ўз ҳиссаларини қўшишади” – деди у фикран.

* * *

Орадан уч ойлар чамаси ўтгач, уларни Тошкент поездига кузатиб чиқишиди. Болалар бобоси, момоси ва тоғалари билан хайрлашишида-да, купега чиқиб жойлашиб олишиди. Вагон деразасида икки болани бағрига олиб Муштарий кулиб хайрлашарди, Хасан бўлса уларнинг тепаларида аста қўл силтамоқда эди. Нихоят поезд ўрнидан кўзгалди. Йифи-сиги қилаётган момо ҳам, “Хат ёзиб туринглар!”, дея қичқираётган бобо ҳам хадемай ортда қолишиди. Кўп ўтмай поезд тарақа-туруғи кучайиб Хусан халок бўлган ўша азим дарё устидаги қўприқдан ўтиб борди. Уларни серкүёш, бағри кенг озод ва обод Ўзбекистон кутмоқда эди.

ОЛАХОННИНГ ҚАЙТИШИ

Марҳум Шомурод тоганинг совуқ маросимларида иштирок этиш учун Муштариининг ота-онаси бир ҳафтача Ариқбўйида қолиб кетишганди. Тоғдаги тошқўргонда синглиси Сурайё укалари билан қўй-подалару сигир бузоққа қараб қолишиди. Укалари Камолдин ва Зайнитдинлар энди катта бўлиб қолишиган ва подани бемалол эплай олишарди. Улар эрта тонгданоқ қўй эчкиларни тоққа олиб кетишиб, оқшом хориб-чарчаб қайтиб келишарди.

Йигитчалар қайтгунига қадар она ўрнида қолган Сурайё барча уй юмушларини бажаради. Тонг саҳарда Олахон лақабли сигирини соғиб олгач, уни озод қўйиб юборар, жонивор ўзи тоглар бағрига йўл солиб кечда яна тўйиб қайтиб келарди. Аммо бу сафар Олахон қайтмади. Аксига олиб ўша куни укалари ҳам кеч қайтишиди. Бир қора қўзилари йўқолиб қолганмиш. Узокдан аллақандай бегона одамларнинг юрганини кўришганмиш...

Йигитлар ҳориб-чарчаб келишган бўлишсада, овқатланиб бўлишгач фонарларни олиб сигир қайтиб келиши тахмин қилинган сўқмоқ сари то қаро тоққа қадар бориб келишиди, “Олахон!!” дея бетўхтов қичқиравериб толиқишиди ва қўргонга қуруқ қайтишиди.

Сурайё эртаси хўroz қичқирмаёқ ўрнидан турдида, укалари учун нонушта тайёрлади. Бир чеълакка ҳар эҳтимолга қарши дурбин, нон, туршак, қурт ва боклашкада булоқ суви солиб олди. Сўнгра укаларини уйғотиб ўзи Олахонни излаб кетди. Сигирни тезроқ топиши ва уни соғиб олиши зарур эди.

– Опа эҳтиёт бўлинг, бегона одамларни кўрсангиз изингизга қайтинг, хўпми, – деди Камолдин.

– Хўп. Мен тез қайтаман. Сизлар подани олиб кетаверинглар.

– Зайнитдин сиз билан бора қолсин, мен ўзим эплайвераман.

– Йўқ. Бормаган-кўрмаган жойиммиди? Тоғларимизни яхши биламан, ҳавотир олманглар, – деди Сурайё ишонч билан ва қоратоққа туташиб кетган тепаликни мўлжаллаб йўл солди. Чунки тепаликлар устидан теварак-атроф кафтдек кўринади. Жонивор қоялар орасидан чиқолмай қолган ёки тойиб кетиб бирор жойи шикаст еган бўлиши ҳам мумкин эди.

Узок юрди. Хатто Қурбон булоқ, эгиз қоялар ҳам ортда қолишиди. Булоқ сувидан тўйиб ичиб, бир оз тамади қилиб олдида, излашни давом эттириди. Кўп ўтмай қорли чўққиларга туташган тепаликларга етиб келди. У ёги Қирғизистонга қарашли тоғлар эди.

“Ишқилиб сигир чегарадан у ёғига ўтиб кетмадимикан? Кимдир уни ўғирлаб Қирғизистонга олиб ўтиб кетган бўлсачи?” деган нохуш ҳаёлларга борди қиз ва бир қоя тепасига чиқиб “Олахон!!” дея қичқириб қўрди.

Сўнгра қорли чўкки томон бориб сигир туёғининг изларини қидирди. Қуёш тикликдан ўтиб энди ботиш томонига ёта бошлаган, баъзи жойларда қор эриб лой-сирпанчиқ эди. Сирпаниб йиқилавериш жонига тегди ва нариги тепаликка ўтиб қўрғонга қайтишни мўлжаллади. “Эҳтимол сигирим аллақачон қайтиб боргандир. Мен бўлсам бу ерларда дайдиб юрибман” – деди қиз ўзига-ўзи танбех берган бўлиб.

Нариги тепаликка ўтиб эндиғина пастлик сари йўл олган хам эдики, аллақандай янги изларга кўзи тушди. Улар одамларники экани яққол кўриниб турарди.

Қиз югуриб бориб ўзини қоя тошларнинг бирининг ортига олди. Дурбинни олиб теварак атрофни зимдан кузатди. Пастроқдаги дара ичидан бир жуфт күшлар париллаб учиб чиқиши. “Демак бу ерда кимлардир бор” деган фикрга борди Сурайё. Серқоя дара ичини қузатишига қарор қилди ва охиста пастлик томон туша бошлади. Кўп ўтмай димоғи бир хидни туйди. Бу куяётган гўшт-кабоб хидига ўхшаб кетарди. Бир оз кўк тутун хам кўринди. Дурбин билан тутун чиқаётган жойга эътиборини қаратди. Тутун бир улкан қоятош ортидан чиқаётганди. Унинг ортини кўриш учун эса сертош ва тик оралиқни айланиб ўтиши керак бўларди. Қиз бир оз иккиланиб қолди. Вужудини қўрқинч хиси қамраб олди. “Булар ким бўлиши мумкин?” деган савол хаёлида пайдо бўлди. “Жиноятчилар бўлишсачи? Улар сигиримни сўйиб, кабоб қилиб пишириб еяётган бўлишсачи?” деган нохуш ўйлар кўнглидан ўтди. Амма қўрқинч хисини қизиқувчанлиги енгди ва тик тошли дара айланмасини тошлардан тошларга сакраб кесиб ўта бошлади. Қанчалик эҳтиёт бўлмасин оёғи остидаги тошлар сирпалиб, бир-иккитаси шитирлаб, думалаб хам тушишарди...

* * *

Тўлқинбек хизмат қилаётган чегара бўлинмасига ўша куни қандайдир номаълум шахсларнинг тоғларда пайдо бўлгани, аммо уларни мақсад-муддаоси ноаниқ эканлиги ҳақида хабар келиб тушган бўлишига қарамасдан бўлинма аскарлар тоғли чегара назорати учун тарқатиб юборилган ва Марказ билан рация алоқаси ўрнатилганди. Бир гап бўлса Марказга ҳабар юборилиши ва у ердан ҳарбий верталет орқали ёрдам етиб бориши қўзда тутилганди.

Зобит Тұлқинбек Марказдан чегара назоратини кучайтириш ҳақидаги буйруқни олгач, кичик сардорларга топшириқ бериб уларни жойларға тарқатдіда, ўзи тулпорига миниб бирров Ариқбүйіга Шокарим тоғанинг маркасига ўтиб қўйишни, сўнгра шарқий чегаралар бўйлаб ўзи отлиқ Ғова томон бориб қарши тарафдан келишга қарор қилди. Унинг ҳам ёнида дурбин, рация ва ўқ отар табелли қуроли бор эди, албатта.

У отнинг бошини тоғ томон буриб дарралараро бораркан фикри ўйи Муштарида эди. Маросимда унга узокдан қўзи тушди. У бошқа аёллар қатори азадор эди. “Бечора, тақдири шунчалар ачинарли бўлишини қаердан ҳам билибди?” деб қўйди ўзича зобит йигит. “Кизик, энди мен яна шундай қизни учратармиканман? Кимга ўйлансан экан?” деган саволларни кўнглидан ўтказди. Тулпор беозор одимлар, тоғ қушлари беармон сайрашар, чигирткалар бўлса қулоқни қоматга келтиришиб чириллашарди. Шу куйи улкан, ғаройиб шаклдаги қоя төғлар маскани бўлган даралар оралаб узоқ юрди. Бир маҳал от ниманидир сезиб, хавотирли пишқириб қўйди. Зобит дурбинини олиб теварак атрофни зимдан кузатган бўлди. Юқори қоялар устида турган бир кўк латта парчаси эътиборини тортди. Қаердандир бир тош парчаси думалаб тушгани ҳам сезилди. “Бу ерлардан факат эчкилар юра олади. Лекин қизик, анави латта қаердан келиб қолди экан. Хойнахой чўпонларницидир. Ўша чўпонни топиб бу ерларда юрган бегона одамлар ҳақида суриштириб кўришим керак” деган ўйга борди у ва отнинг бошини тепалик томон буриб, энди қоялар оралаб охиста чиқиб борди.

Кўринган латта кимдандир тушиб қолган белбоғ экан. Унинг янги экани тахи бузулмагани ва ҳали чанг босмаганидан яққол кўриниб турарди.

Тұлқинбек отдан тушиб унга дам берди ва белбоғни қўлига олиб хидлаб кўрди. Димоғи сигарета тутуни аралаш яна қандайдир бир ўткир хидни туйди. Бу наша хидига ўхшаб кетарди. “Эх, қани энди хозир овчарка итимиз Лочин бўлганида эди” – дея кўнглидан ўтказди у ва теварак-атрофни, ердаги изларни синчиклаб кузатди. Айтарли шубҳали излар сезилмасди. “Белбоғнинг эгасини топишим керак. Ким экан у?” деди зобит йигит ўйчан ва отни шу ерда қолдириб ўзи тепалик томон чиқиши давом этирди. Чунки тепалик устидан саволига жавоб олиш қийин бўлмасди.

Бу ерларга шартли “чегара чизиғи” яқин эди. Шу туфайли хар хил ниятли шахсларни учраш эхтимоли йўқ эмас. Улар ҳайвон ўғрилари, қочоқлар, жиноятчилар, контрабанда мол олиб ўтувчилар ва ҳатто наркотик ташувчилар ҳам бўлиши мумкин. Яна чўпонлар, табиблар, саёхатчилар каби махаллий ҳалқ вакиллари ҳам учраб туришарди. Чегарачилар

бегона шахслардан хужжат талаб қилишар, нима мақсадда юришганини сўрашарди ва ҳаммаси жойида бўлса уларга оқ йўл тилаб қолишарди. Баъзи хорижий қонунбузарлар Тожикистон ва Қирғизистон чегарачиларининг суст назоратидан фойдаланиб, Ўзбекистонга контрабанда мол олиб киришга ва уларни маҳаллий васитачилар орқали ўз мижозларига етказишга харакат қилишарди. Айниқса Афғонистон томондан наркотик моддалар ва қурол аслаҳанинг тоғлаб оралаб кириб келиш ҳавфи ҳам йўқ эмасди.

* * *

Сурайё улкан қояга етиб олдида, бир ғор оғзи олдидаги чўғга тоблаб пиширилаётган гўштга кўзи тушди. Бу янги сўйилган қўзичоқники бўлиб, гулҳан чўғи ёнида унинг калласи тери ва ичак-жабдуғи ётарди.

Қиз дурбинни олдида, бу холни яқинроқдан кузатди. Не кўз билан кўрсинки бу уларнинг йўқолган ўша қора қўзилари эди. Буни қулоғига қўйилган темир тамғадан таниб қолди-ю, тўсатдан юраги хапқириб “Вой!” деб юборганини англамай қолди. Ғор олдида бирорнинн шарпаси кўринди. У бошига пахмоқ телпак кийган серсақол киши бўлиб, қўлида қуроли бор эди. У кабоб олдига келдида чўғни очиб, гуштни айлантириб қўйди. Сурайё ўзини бир харсанг қоя ортига пана олди. Фордан яна бир киши чиқиб келди ва теварак-атрофни аланглаб кузатган бўлди.

– Исмат, бирор бизни кузатаётганга ўхшайдида. Шу кабобни хозир пишириш шартмиди? – деди у шеригаги ўшқириб.

– Нима очдан ўлишимиз керакми? Икки кундан бери йўл босамиз, охир. Қўрқма бу ерларга ҳеч ким келмайди, – деди Исмат дегани тожикча лаҳжа билан.

– Майли, мен тепага бир чиқиб келаман. Анави одаминг қачон келади?

Исмат соатига қараб олди.

– Яна бир соат қолди.

– Бўл тезроқ, пиширу йигишти! Кейин ўтни ўчир, изи ҳам қолмасин. Пулни оламизу қуённи сурамиз. Негадир кўнглим ғаш.

– Ма, бир қултим ичиб ол, – деди Исмат ва ёнидаги ичимликни очиб қопқоғига қўйдида, гўштдан бир бўлак кесиб узатди. Шериги уни газак қилиб, тепалик сари йўл олди.

Сурайё қўрқиб кетди ва яшириниш учун ўзига қулайроқ жой излади. Аммо у кўзлаган қоя сал нарида ва у жуда тик эди. Дархол ўша қояга тармашди. Бироқ таги бўшаб қолган

бир тош бўлаги панд бериб, тўсатдан думалаб кетди ва қизнинг тиззаси тош қояга қаттиқ урилгани учун “Вой!” деб юборди.

Номаълум киши бу холни албатта сезмай қолмади ва тепалик сари шошиб чиқиб кела бошлади.

– Тўхта! Кимсан, хозир отаман! – дея қичкирди у

Қўрқиб кетган қиз жон ҳолатда келган изи бўйлаб чопа бошлади. Аммо қияликнинг сирпанчиқ жойлари панд бериб, икки бор йиқилиб тушди.

– Отма, чегарачиларга сездриб қўясан! – деб қичкирди пастдаги шериги.

– Бир қиз экан. Уни тутишимиз керак! У изни кўрди, гувоҳ бўлиб қолади!

Энди қизни икки қуролли кишилар қува кетишди.

– Отма! Уни bemalol қўлга оламиз!

– Ҳой қиз, тўхта! Биз сенга тегмаймиз!

Сурайё бўлса орқа-олдига қарамай қочишда давом этди.

* * *

Даралар оралаб юрган Тўлқинбекнинг қулоғига алақандай овозлар эшитилди. Қиз боланинг чинқиргани ҳам тоғларда акс-садо берган, лекин унинг қайси томондан келганини аниқлаш мушкул эди. Зобит йигит ҳушёр тортди ва қорли тепалик сари чопиб кетди. Узоқда Қирғизистон тамонда бир ола сигир ва бир неча эшаклардан бўлак ҳеч зоф кўринмасди.

Йигит қорли тоғ тепаликларидан бирига етиб олгач, янги изларга кўзи тушди ва рацияни қўлига олиб бўлинмаларнинг бирига ҳабар берди.

– 4-4-1-чиға жавоб беринг

– 4-эшигади

– Ҳозир қаердасизлар?

– Қизилдарадамиз.

– Бегона шахсларни учратмадиларингми?

– Йўқ.

– Унда тез Курбон булоқ томонга келинглар. Бу ерда мен янги, шубҳали изларга дуч келдим.

– 1- сизни тушундим, кетаяпмиз.

Изма-из келаётган зобитнинг кўзи тўсатдан даранинг нариги тарафидаги тепалик ёнида бир қизни тутиб турган номаълум кишиларга тушди. Қиз тинмай қочишга чиранар, унинг оғзини ва қўлини боғлаб қўйишганди.

– Тўхта! Жойингдан қимирлама! – дея узоқдан қичқирди Тўлқинбек тўпончасини чиқариб.

Уларнинг бири қизни ўзига пана қилиб олган бўлса иккинчиси ўзини бир қоятош панасига олди.

– Кўлларингни қўтариб олдинга чиқинглар! – дея қичқирди яна чегарачи йигит.

Унга жавобан бир неча ўқлар отилди. Ўқлардан бири харсанг тошга тегиб қайтишида йигитнинг ўнг елкасини яралади. Яраланган йигит ўқ отилган жой томон тўпончаси билан ўқ узди. Аммо қизга тегиб кетишидан чўчиб, бошқа отмади. Нима қилиб бўлмасин қизни қутқаришни ва ўқ еган жойидан оқаётган қонни тўхтатиши, ўзининг яраланганини сездирмаслиги зарур эди.

Шу туфайли Тўлқинбек бор овози билан қичқирди:

– Ҳой, йигитлар! Бўпти сизларга тегмайман, қизни қўйиб юборингларда, йўлларингдан қолманглар! Эркакча гап!

Бир оз жимлиқдан сўнг Исмат дегани қичқирди

– Эркак бўлсанг ўзингни кўрсатиб, қуролингни ташла! Кўлингни қўтариб чик!

– Хўп, отманглар, мана мен! – деди зобит ва тўпонча ушлаган яраланган қўлини аранг қўтарган холда очиқ жойга чиқиб келдида, қўлидаги қуролни ерга ташлади.

Яхшики, улар отишмади.

– Сизлар кимсизлар?! – дея сўради зобит бор кучини йифиб.

– Бизлар ҳаккамиз, тилла қидириб юрибмиз! – деди пахмоқ телпакли ҳазиломуз.

– Ҳакка бўлсаларинг бу ердан тез жўнанглар, йўқса хозир шерикларим келишади, қўлга олинасизлар!

– Исмат, кетдик. Қўйвор уни. Бошимизга бало бўлдику, бу қиз, – деди у шеригига ва чегарачига қараб қичқирди.– Бўпти йигит, қизга тегмаймиз, лекин уни чегара чизигидан ўтиб олгач кейин қўйиб юборамиз! Унгача сен шу холда қимир этмай турасан!

Шундай дея улар қизни пана қилиб қоя тошлар оралаб кетишли. Тўлқинбекнинг кўп қон йўқота бошлагани учун боши айлана бошлади. Қизни гаровга олганлар у томон ҳавотир қараб-қараб қўйишар, мабодо у ўтириб ёки ётиб олгудек бўлса қизни отиб ташлашга ҳам тайёр эдилар.

Бу ҳол юз беришини сезган зобит бор кучини йиғиб то улар күздан ғойиб бўлгунларига қадар қўлини кўтарган ҳолда тебрана-тебрана тик тураверди. Сўнгра тиззалаб чўккалаб қолдида бехуш йиқилди. Осмондан беозор парвоз қилаётган бургут хира тортди.

Жиноятчилар ҳавф ортда қолганига амин бўлишгач, бир оз тин олиш учун тўхташи. Исмат қизнинг оғзини бўшатиб сўради:

- Анави аскарни сен бошлаб келдингми?!
- Йўқ мен уни танимайман, – деди қиз йиғламсираб.
- Бу ерларда нима қилиб юрибсан?
- Сигиримни қидириб юрувдим.
- Қаерда турасан? – сўроққа қўшилди юзи чандик шериги.
- Хув анави ерда, Тошқўрғонда.
- Кимнинг қизисан?
- Сарбардин тоғани.
- Отанг нима иш қилади?
- Чўпон. Мени қўйиб юборинглар!... – дея йиғлаб юборди қиз
- Бизни қўриб қолдинг?
- Анави қўзи бизники эди-да...
- Бўпти, биз сени қўйиб юборамиз. Лекин ўша гўшт пиширган жойимизни ҳеч кимга айтмайсан. Агар айтиб қўйсанг, сени ҳам, отангни ҳам қўрғонингда сўйиб кетаман, тушундингми?

Қиз “ха” ишорасини қилди. Исмат унинг қўлини ечиб қўйдиди, “бор кетавер!” деди. Сурайё атрофига аланг-жаланг хавотир қараб қоқилиб-суқилиб чопиб кетди.

- Эх, ҳамма иш расво бўлдику, Жаббор! – деди Исмат телпагини бир қоқиб олиб.
- Нафсинг бало бўлди, – Жаббор бир тошни алам билан тепиб.
- Анави аскар қаёқдан пайдо бўлди, ўзи?
- Сен бўлсанг бу ерларга ҳеч ким келмайди дейсан-а. Энди нима бўлади? Ишқилиб анави клиентимиз кўлга тушиб қолмасайди.
- У молни олиб пулни ўша ерга яшириб кетаверади. Бунақа вазиятлар юз берган тақдирда биз шунга келишганмиз.
- Молимизни топиб олишсачи?

- Биз ишимизни бажариб қўйдик. Шеф айтган жойга уни етказдик. Ҳақимизни барibir оламиз. Лекин асло кабобпазлик қилганимизни аита кўрма. Нақд тилингни суғуриб олади.
- Бўлмаса молни қайтариб олиб кетсакчи.
- Йўқ. Хозир эмас. Бу ерлар хозир чегарачилар назоратига тушган. Иккинчидан мол бўлмаса, анави биродар ҳеч қачон пулни ташлаб кетмайди.

* * *

Чегарачилар бўлинмаси тепаликлар бўйлаб айтилган Қурбон булоқ сари келишмоқда эди. Шу маҳал Лочин лақабли авчарка ит тўсатдан тўхтадида, қулоқларини динг қилиб пастлик томон ғингшиб қўйди. Бу билан “Мен бир нима сездим” демоқчидай бўлди ва бўйинбогини тортиб ушлаб турган оддий аскар Пирназаровга қараб маъноли “Вав!” деб қўйди.

- Ўртоқ сержант, Лочин бир шарпани сезганга ўхшайди.
- Икки киши ит ортидан пастга тушинглар. Биз тепалиқдан борамиз. Этиёт бўлинглар.
- Хўп бўлади, – деди Пирназаров ва ёнидаги аскар йигитга қараб “Одил, кетдик” деди.

Ит тез тушиб борар аскар йигитлар бўлса тошларда сирпалиб-қоқилиб жонивор ортидан аранг эргашишмоқда эди. Сержант Иноятов бошчилигидаги уч киши тепалик томондан дара ичини зимдан кузатишмоқда эди. Ниҳоят дурбин кўзгусида бир чопонли фуқаронинг жуссаси пайдо бўлди. У атрофга олазарак қараб қоялар ортига яширинди.

- Хой, амаки! Яширинманг, очиққа чиқинг! Акс ҳолда итимиздан балога қоласиз! – дея қичқирди сержант Иноятов.

Лекин жавоб бўлавермади. Чунки бу маҳалда ит аллақачон тушиб борган ва тошлар орасида қисилиб турган кишига қаратса ҳуриб уни чопонидан тортқиласамоқда эди.

- Лочин, бас қил! – деди Пирназаров.
- Аммо ит ғириллаб тураверди.
- Э, олинг бунингизни-е! – деди халиги киши ўшқириб.
- Кўрқманг ака, чиқаверинг, тишламайди. Сизни “қочиб кетмасин” деяпти-да.
- Қочиб қаёққа ҳам борардим, – дея ғўлдираб қўйди у ва аскар йигитлар ёрдамида очиққа чиқиб олди.

Пиназаров тепалик томон қичқирди:

– Ўртоқ сержант, ҳаммаси жойида!

– Яхши! Бу ёқقا чиқинглар!

Бир оздан сўнг улар тепаликка чиқиб келишди.

– Ассалому алайкум! Узр амаки, йигитларимиз сизни бир оз безовта қилиб қўйишид, хизматчиликда, – деди Иноятов

– Майли ҳечқиси йўқ, тушунамиз.

– Бу ерларда нима қилиб юрибсиз ?

– Менми, ҳалиги, бир шеригимни қидириб юрувдим. Биз, ҳалиги, дам олгани келувдик-да.

– Яхши, хужжатларингиз борми?

– Э, ука хужжат нима қилади. Наҳотки энди ўз юртимида ҳам хужжат кўтариб юрсак-а?

– Албатта. Бу ерлар чегара худуди ҳисобланади.

– Узр ука. Янаги сафар олиб юрамизда.

– Исмингиз нима?

– Тохир.

– Тоҳир ака қаерликсиз?

– Жумашўйлик.

– Ёнингизда нимангиз бор?

Тоҳирнинг ранги бирдан бўзарди.

– Ҳеч нима. “Дам олгани чиққанман” дедимку.

– Узр, бу бизнинг ҳизмат вазифамиз. Сиз шаҳсингизни тасдиқловчи ҳеч қандай хужжат кўрсатмадингиз. Шунинг учун сизни шахсингизни аниқлаш учун олиб кетишингиз ҳам мумкин. Шунинг учун яхшиликча ёнингиздагиларни олиб манави тош устига қўйинг. Бу илтимос, ҳам буйруқ, тушунарлими?

Тоҳир киссаларини ковлаштириб, калит, пичоқ, нос ва бир оз ўзбек пули ва бошқаларни чиқариб қўйди.

– Мана, йигитнинг гули, одамни жа унақа камситмангларда– дея эътиroz билдириди у.

– Ёнингизда бошқа нарса қолмадими?

– Йўқ.

– Шерматов!

– Мен!

- Акамизнинг ёнларини яхшилаб текшириб кўрингчи.
- Эй ука, бу нима қилганингиз?...
- Сиз қўлингизни баланд қўтаринг. Шерматов буйруқни бажар!
- Хўп бўлади!
- Аскар Шерматов ишга киришиб кетди ва Тохирнинг белига боғлаган бир нимани топгандай бўлиб сержантга маъноли қараб қўйди.
- Белингизда нима бор? – сўради сержант
- X-ҳеч, н-нима...

Сержант бориб белидаги белбоғини ўзи ечиб олди ва тугуни очди. Тугун ичидаги неча пачка доллар пуллар чиқди. Аскарлар “Эх-хе!” деб юборишли.

- Бу қанақа пул?
- Буми ҳалиги нима эди, ҳа, бугун машинамни сотувдим.
- Қанақа машина?
- “Нексия”.
- Бу ерда неча пул бор?
- Ўттиз...
- Шерматов.
- Лаббай, ўртоқ сержант.
- Даданг кечаги куни “Нексия”сини неча пулга сотиб оловуди?
- Ўн мингга, ўртоқ сержант.
- Ака, бу хорижий пулни тоғда нима учун олиб юрибсиз?
- Ахир машинада қолдиролмайманку.
- Қанақа машина? Хозиргина уни сотдим дедингизку, – сўради Шерматов.
- Ха-ха, хали ўтказиб бермадимда.
- Қаерда ўша машинангиз.
- Тоққа чиқолмайди. Пастроқда қолди.
- Яхши. Унда биз билан юрасиз.
- Қаёққа?
- Ўша шеригингизни бирга излаймиз. Пулингизни олинг.

Тохир сохта кулиб энди ялиниб-ялтоқлана бошлади.

- Хой, командир ука. Мен бора қолай энди. Шеригим ўзи келиб қолар.
- Йўқ. Буни командиримиз хал қиласди. У шу атрофда, бўлинг тез!

– Бу пулни мен ўз пешона терим билан халолдан топғанман.

– Халол пулни, амаки, тоғу тошда олиб юрилмайды – деди Пирназаров қўшилиб.

Тохир аскар йигитга олайиб қараб қўйди. Пулни энди белига боғлашди. Омонат пул қўлини оловдай куйдирмоқда эди.

Аскарлар шубҳали фуқаро билан бирга йўлда давом этишаркан, сержант Иноятов тез-тез зобит бошлигини рация орқали чақириб қўрар, аммо қора қутичадан жавоб чиқмас, шифиллашидан бўлак овоз келмаётганди. Бу ҳол чегарачиларнинг хавотирлигини янада оширди.

* * *

Омон қолган Сурайё тошлардан-тошларга сакраб шошиб келаркан, тепаликлардан бирида яёв юрган эгарланган отга кўзи тушди. “Бу хойнахой анави, аскар аканики бўлса керак”, деган ўйга борди у ва кўз олдига охирги бор қараганида унинг беҳол йиқилганини келтириди “Унга бир нима бўлган шекилли ё анавуларнинг отган ўки тегдимикан-а? Ҳа у ярадор, тезроқ ёрдам беришим керак”, – деди қиз ва аскарни қидириб кетди.

Ҳақиқатан ҳам кўп ўтмай, қонга белангтан Тўлқинбек устидан чиқиб қолди. У бехуш ётар бир томонда тўпончаси, бир ёнда аллақандай қутичаси шифиллаб туради.

Қиз аскарни таниди. Бу ўша опасининг тўйида хадеб рақс тушаверган, кейин бўлса Хасанакаси билан муштлашган йигит эди. Елкасидан яраланибди, ўқ орқадан тегибди, кўп қон йўқотибди. Сурайё рўмолини ечдида, йигитни қонталаш ярасига босди. Ярадор аранг нафас оларди.

“Сув керак. Акани аввало ўзига келтириш зарур”, деган ўйга борди қиз ва чelаги қаерда қолганин эслаб ўша ёққа чопиб кетди. Чунки бакалажкада тўла сув бор эди.

... Ярадор йигит аранг ўзига келиб бошини бир ёнга ташлади, аммо қизнинг “Хой, кўзингизни очинг! Бу ердан тезроқ кетишимиш керак!” дея қистовларини у гўё тушида эшитаётгандай ҳис қиласарди.

Қиз энди чопиб бориб тулпорни етаклаб олиб келди. От ҳам “Нима гап!” дегандай бир пишқириб, ачиниб ер депсиниб қўйди.

– Хой ака, туринг. Бир бало қилиб отга мининг, йўқса ўлиб қоласиз! – деди қиз йиғламоқдан бериб бўлиб.

Сўнгра йигитнинг соғ қўлини елкасига олиб, кўтариб қўришга ҳаракат қилди. Аммо зил-замбилдай аскар йигит аранг кўтариб турғазишга муваффақ бўлдию, отга миндира олмади.

– Бўпти акажон, сиз қимир этмай туинг мен хозир укаларимни чақириб келаман, – деди қиз ва отни миниб дарани ёнлаб кета бошлади. Бир оз юриб текисроқ тепалик устига чиқиб олдида, тулпорни чоптириб кетди.

Яхшики, опасидан хавотир олган Камолдин укаси Зайнитдинни отлиқ юборган экан. Улар ярим йўлда дуч келишди ва тезликда ортларига қайтишди.

– Олахонни топдингизми, опа?

– Э йўқ. Тоғда қуролланган кишилар юрибди. Бир чегарачи акани отиб қўйишиди. Юр тезроқ! Унга ёрдам беришимиз керак – дея кичқирди қиз гапни қисқа қилиб.

Шундай қилиб опа-укалар ярадор зобитни бир илож қилиб отга юклаб қўрғонларига олиб кетишиди.

Тўлқинбек ўзига келганида тепасида юм-юм йиглаб Сурайё турарди. У худди Муштариygа ўхшаб кетларди ва уни кўрган йигит беихтиёр “Муштари!” деб юборди.

– Вой, ўзингизга келдингизми, акажон, хозир “тез ёрдам” келади. Укам мотоциклда уни чақиргани кетди. “Ўлиб қоласиз” деб қўрқиб кетдим. – деди қиз севиниб.

– Муштари, нима мен туш кўраяпманми?

– Вой, қанақа туш. Мун Муштариymas Сурайёман. Муштари опамку. Ахир унинг тўйида ўзингиз тоза ўйнагансизку, эсингиздами?

– Нима?... Мен хозир қаердаман?

– Тоғда, қўрғонимизда. Сизни ануви кишилар отиб қўйишиди, яраландингиз.

– Сиз, халиги...

– Ҳа, улар мени ушлаб олишувди. Сиз мени қутқариб қолдингиз, раҳмат акажон, “Қўйвор дема”, гапингизда, мени қўйиб юборишмасмиди.

– Сиз у ерда нима қилиб юрувдингиз?

– Ола сигирим Олахон йўқолиб қолувди.

– Кейин уни топдингизми?

Қиз бошини қимирлатиб “Йўқ” ишорасини қилди. Шу маҳал Зайнитдин чопиб кириб келди.

– “Тез ёрдам” келаяпти, – деди у қувониб.

Кун ўтмай шифокорлар чопиб кириб келишди-да, аскарни машинага юклаб олиб кетиша бошлаши.

– Бўпти акажон, тезроқ яхши бўлиб кетинг, – деди қиз қўлинини узатиб.

– Рахмат сизга Сурайё. Кейин ўзим сизни топиб оламан, – деди йигит табассум қилиб ва қизнинг қўлини маҳкам сиқиб қўйди.

Сурайё машина ортидан сархуш қараб қолди.

* * *

Кунлар ўтди. Тўлқинбек тез орада оёққа туриб кетди. Фақат қўли боғлиқ елкасига илиб юрарди. Жиноятчилар ҳам қўлга олинишди. Ғорда катта миқдорда наша ва наркотик топилди. Айтишларича ўшандада аскарлар Тўлқинбекни топа олишмабди. Аммо ит ерда тушиб қолган белбоғ ва қўзи кабобни топиб олиб жиноятчилар изидан тушибди. Улар қўлга олиниб ғордаги мол уларга тегишли эканини тан олишибди. Тохир эса бир воситачи ҳамюртимиз экан...

Кунлардан бир куни Усмон ота тошқўргони томон бир харбий машина кела бошлади. Сурайё бу маҳалда тоғ тепаликларидан бирида эчкиларини боқиб, гуллар териб, бўлиб ўтган воқеаларни ва негадир ўша ярадор йигитни эслаб қўшиқ ҳиргойи қилиб юрарди. У ҳам Муштарий каби халқ термаларини яхши қўрарди. Олахоннику бутунлай унтишган ва баъзан ундан қолган ола бузокқа қараб онаси Саломат хола билан хасратлашиб олишдан нарига ўтишмаётганди. Узоқдан келаётган харбий машина қизнинг ҳам эътиборини тортди. Бу ёғларда умуман машиналар жуда кам ўрмалар ва келиб кетаётгандар ҳам тепаликдан кафтдек кўриниб турарди.

– Анави, чегарачилар бўлишса керак, – деди қиз ўзича ва негадир юрагини ширин ҳислар чулғаб олди. Бир эчки боласини қўлига олдида қўшиқлардан бирини баранг қўйиб тоғ томон ўрмалаб чиқиб келаётган машинани кузатиб ўтирди.

Тоғдан келар тўрт отли,
Тўртови ҳам бўз отли
Бўз отлининг ичида,
Менинг ёрим сумбатли...

* * *

Сарбардин тоға қўрғонига келган харбий машинага хайрон бўлиб пешвоз чиқди. Кабинадан сержант Иноятов тушиб келиб мўйсафи билан илиқ саломлашишди.

- Мени командирим юборди, – деди аскар йигит жилмайиб.
- Халиги ғовалик йигитми, келинглар. У тузукми?
- Ҳа қизингиз Сурайёхон у кишини қутқариб қолган экан, уйдаларми?
- Йўқ, тоғда эди, нима гап?

- Бошлиқ, менга қизингиз учун бир нарсаны беріб қўйишни топширувдида.
- Майли, ташлаб кетаверинглар, беріб қўярман, – деди мўйсафид хайрон.
- Йўқ, тоға, халиги биз... – деди сержант бошини қашлаб.
- Берадиган буюмларинг катта нарсами? – сўради чол қўлини “каробками” дегандай кўрсатиб.

Сухбатни зимдан қузатиб турган Зайнитдин аскар йигитга савол назарида тикилди.

- Опангни чақириб кела оласанми, йигитча.
- Нега?
- У командиримизни қутқарибди. Шунга бир совғани шахсан ўзига топширишимиз керакда.

- Мен чақириб келаман, – деди шу маҳал Камолдин ва отига чаққонлик билан миниб уни тепалик томон йўртириб кетди.

Шу маҳал машина борти томонидан шариллаган овоз келиб тагидан сув оқа туша бошлади.

- Ие, ўғлим машиналарингни карбюратори тешилибди шекилли. Бу тоғларга унчамунча машина чидам беролмайдида.
- Э отахон, бу карбюратор эмас, молингиз сийворди – деди хайдовчи томдан тараш тушгандай.
- Хой Махмудов, бу нима қилганинг? – жахли чиқиб урушиб берди сержант.
- Нима машинани сиз тозлармидингиз. Уни тезроқ туширмасак ҳамма ёқни расво қиласди-да.

Зайнитдин чопиб бориб машина бортига қаради ва қувончдан қичқириб юборди.

- Урре! Олахон кепти, Олахон!!!

Сурайё етиб келганида сигир тутга боғлиқ турар, унинг шохларига негадир атлас қийиқча боғлаб пешонасига гул қистириб қўйишибди.

Қиз ҳам, Камолдин ҳам қувонганидан қийқириб юборишиди. Аскарлар сўрида ўзлари билан олиб келган бир талай ширинликларни ўртага қўйиб чой ичиб ўтиришарди.

- Ота, нега сигиримизнинг шохига гул боғлаб қўйишиган? – сўради Камолдин қизиқиб.
- Буми, тўй бўлади, дегани ўғлим.
- Қанақа тўй?

– Сигиримиз шохига гул боғлаган одам опангнинг қўлини сўраб совчиларини юбормоқчи, шекилли.

Аскарлар кулиб юбориши.

– Қойил, топдингиз отахон! – деди сержант Иноятов.

– Кўрғонингизда бир гул ўстирибсиз, бизнинг боғдаги булбул шу гулнинг шайдоси бўлиб қолибди, сайрайвериб жонга тегди – деди хайдовчи аскар Махмудов.

* * *

Шундай қилиб кўп ўтмай Тўлқинбекдан совчилар келиши. Тўйни ҳам кўп чўзиб ўтиришмади. Фақат бу тўйда Россияга ишлагани кетган Хасан-Хусанлар иштирок этишолмади. Аммо Муштари анчагина хотиржам кўринар, елиб-югуриб хизмат қилрди. Тўлқинбекака мард йигит, худо хоҳласа, синглимни баҳтли қиласи – дерди у фикран.

ХОТИМА ЎРНИДА

Кейинги йили Чотқол тоғларига баҳор барвакт келди. Наврўзни интиқ кутаётган болалардаги хурсандчиликнинг чеки йўқ эди. Мехрибон толпопук ясад бошига қўндириб олдида, синглиси малласоч Ойдинга ҳам уни қандай тайёрлашни кўрсатиб бера бошлади. Лекин Темур варрак ясашни қойиллатар экан. Сардор иккиси уни чуғурлашиб тайёрлашар ва қандай қилиб уни баланд учираши ҳақида бош қотиришарди. Шу маҳал узоқдан ўзбекча қўшиқ қулақ келаётган чегарачи аскарларнинг сафи кўринди.

– Ойи, дада, қаранглар, аскарлар келишяпти! Ур-ре! – дея қичқирди Сардорбек ва дарвозалари томон чопди.

Ховлида тулпорини алқаб турган Хасан ҳам, сўрида юнг рўмол тўқиб ўтирган Муштари ҳам хушёр тортишди. Сўнгра “Юрингчи, нима гап?” дегандай бирин-кетин дарвозадан чиқиб келиши. Хасан Муштарига “Эҳтиёт бўлинг” дегандай маъноли қараб кўйди. Чунки севимли аёлининг ой куни яқин эди. Шифокорларнинг замонавий текширув хулосаларига кўра у эгиз фарзанд кутаётганмиш. Иккаласи ҳам қизмиш...

Хасанни хозирда хайратлантираётган аскарлар сафи эмас, балки уларнинг ёнида салобат илиа келаётган девклебат божаси бўлмиш зобит Тўлқинбек эди. Ниҳоят нигоҳлар тўқнашди. Ҳар иккала жўраларининг юзида табассум қалқиди.

Тұлқинбек сафдагиларга “Тұхтаманглар”, дегандай ишора қилди, келиб Хасан билан қулоқлашиб күришар экан ҳомиладор Муштариға күзи тушиб алланечук бўлиб кетди. Аёл “Яхши юрибсизми, почча?!” деб кулиб қўйди.

Тўлқинбекнинг хаёли бу маҳал “олма териб” кетганди. Уни Хасаннинг “Ҳа, дўстим, тинчликми? Биз томонларга қайси шамол учирди?” – деган саволи бузди.

- Ҳарбий машқ сафарига чиқувдик. Янгилар ... – деб қўшиб қўйди зобит.
- Қачон bemalol бўлиб келасизлар-а? Сурайё яхши юрибдими?
- Ҳа, яхши. Худо хоҳласа, шу дам олиш куни келмоқчимиз. Майли, омон бўлинглар..
- Синглимга салом айтинг, Тўлқинака!
- Сизларга омад, эсон-омон қутулиб олинг, – деди зобит самимий кулиб, – Хўп, хозирча, хайр!

У шундай дедида, саф ортидан чопди ва тез орада етиб олди. Саф охирида Темур, Сардор ва яна бир-икки мҳалла болалари ҳам шахдам одим ташлаб боришарди.

– Сизлар ҳам катта бўлсангизлар мана шундай аскар бўласизлар, – деди Тўлқинбек болаларга қаратса.

- Йўқ, мен сиздай зобит бўламан! – деди Темур хозиржавоблик билан.
- Хўш, кейинчи?
- Ўзбекистонга хизмат қиласман! – деди у ғурур билан.
- Баракалла, – деди Тўлқинбек ва унинг малла, Сардорнинг қора соchlарини тўзғатиб, эркала бўлиб қўйди.

... Аскарлар қўшиғи узоқ вақт эшитилиб турди ва лолақизғалдоқлар билан бирга тебранаётган оқшувоқлар оханги билан уйғунлашиб кетди.

Муштариғ билан Хасан қўл ушлашиб, улар ортидан орзуларга берилиб, узоқ ўй суриб қолишиди.

“ЗАМОНДОШЛАРНИ ЁЗАЁТГАН АДИБ”

(Тошкент шаҳар Ички ишлар Бош Бошқармасининг нашри) “ОГОХ” газетасининг ўн йиллигига бағишлиб эълон қилинган мақоласидан (“ОГОХ” _____ 2011 йил №_____(____)).

Адабиётни жон-дилидан севучи Набижон Ҳошимовнинг асли касби матбаачилик муҳандисидир. Китобларга иложи борича яқинроқ бўлиши учун у шу касбни танлаган бўлса ажабмас. У ҳаётида турли босмахона, нашриёт ва тахририятларда раҳбарлик қилган. Республика мустақиллигининг дастлабки йилларида эса фермерлик ҳаракатининг илк қалдирғочларидан бўлди. Қишлоқ хўжалигининг мураккаб соҳаларидан бўлмиш балиқчилик, шоликорлик билан шуғулланиб, яхшигина муваффақиятларга эришди. Шунга қарамай, нима иш қилмасин, адабиёт ҳар доим яқин йўлдошига айланди. У бошқа ёзувчиларга ўхшаб фикрларини қоғозга туширишни истар, лекин иккilanар, ўзидан адаб чиқишига сира ҳам ишонмасди. “Ёзувчи бўлиш учун адабиёт соҳасини чуқур ўргатувчи олий ўқув юртларининг бирида таҳсил олиш керак-ку” деб ўйларди.

Шундай қилиб Набижон қораламаларини узоқ вакт яшириб, асраб юрди. Аммо бир куни ниҳоят “ёрилди” – қисиниб-қимтиниб бир-икки кишига кўрсатди. Қувонарлиси, ёзганларини ёмон эмас, деб баҳоладилар.

Жумладан “Чорраҳадаги ҳангомалар” номли мусиқали комедия пьесаси унинг дастлабки уриниш маҳсули бўлди. Фаргона вилоят театрининг Бош режиссёри, Ўзбекистонда хизмат кўрсатган артист Муҳаммадсоли Юсупов Набижондаги иқтидорни кўра билди ва умумий дафтарни тўлдириб келган унинг қораламасини 1996 йили саҳналаштириди. Бу дебют асар Набижон учун дастлабки туртки бўлди.

Шундан сўнг мустақилликка эришган ёш республикамизнинг конституцион тузимини кўра олмайдиган “Ҳиз-бут-тахрир”, ваҳҳобийлик ҳаракатининг авж олиши мамлакатимиз тинчлиги йўлида жиддий муаммо бўлиб турарди. Набижон эса террорчилар тўғрисида қўп гаплар эшитган, улар юрган жойларни илгари қўрган эди. Ўша тоғларнинг бекиёс, гўзал манзаралари, у ерларнинг дилкаш одамлари кўз ўнгидан намоён бўлаверарди. Хаёлида чарх уриб тинчлик бермаган воқеа, ходисалар “Зира ҳиди” номли детектив қиссасига айланди.

Асарнинг Тошкент шаҳар ИИББ нашри “ОГОХ” газетасида давомли равища босилиши, қолаверса, қўпчиликка манзур бўлиши бошловчи адибга ишонч ва қанот бағишлиди. У 2003 йил нашр этилган “Зира ҳиди” китоби устида астойдил ишлашга аҳд қилди ва акаси Неъматжон билан Тожикистон ва Қирғизистоннинг бепоён тоғлари томон сайёҳатга жўнашди. Мужоҳидлар бўлган жой манзаралари, шоҳидлар гапириб берган воқеаларни хотирасига жойлади. Табиатни, гўзалликни, гуллар ва зира ифорини хис қилди. Бу ифорни ватан ҳиди ва туйғуси деб ифодалади. Натижада асар анча

мукаммаллашди. Марказий Осиёнинг турли миллатга мансуб аскарларининг душманларга қарши олиб борган мардонавор кураш тасвиrlари ишонарли чиқди.

Қайта ишланиб, кенгайтирилиб 2007 йил “Фарғона” нашриёти орқали чоп этилган китобини “**Мужоҳидлар изидан**” деб номлади. Мазкур асар Набижан Ҳошимовнинг ижод ва адабиёт пиллапоясидаги дастлабки поғонаси бўлди.

Шундан сўнг, у ўша пайтда долзарб бўлган фермерлик ҳаракати мавзусида ёзишга киришди ва 2009 йили нашр этилган “**Эр либосли аёл**” романи дунёга келди.

Адибнинг мазкур мавзуни қаламга олишига унинг 1993 йили “Жаҳон андозаси” хусусий фирмасини ташкил этгани ҳам сабаб бўлди. У Олтиариқ тумани Повулғон қишлоғи атрофидан 10 гектар ер олиб, фермерлик билан шуғулланган. У ерда шоли, балиқ, чорвачилик маҳсулотларини етиштиришда яхши самараларга эришиб, 1996 йилдаги “Ташаббус-96” республика кўрик танловида маҳсус соврин ва дипломига сазовар бўлган, қолаверса, самарали меҳнати учун Фарғона вилояти хокимлигининг фаҳрий ёрлиги билан тақдирланган эди. Ана шу фермерлик воқеа жойида қўрган-эшитганлари кейинчалик унинг “**Аросат дунё**” (“**Ёввойи қуёв**”) воқеий саргузашт романида ҳам ўз ифодасини топди.

Шундан сўнг Набижон Ҳошимов ўзи ёқтирадиган “Табиат ва инсон” мавзусига оид асарлар яратади. Уларда инсон ҳаётининг табиат билан уйғунлиги тўла тараннум этилади. “Аросат дунё” қаҳрамони Мамажон деярли бир умр тўқайзор, қамишзор ва ўрмонларида “**Ёввойи келин**” деб номланган детектив саргузашт романидаги Сабоҳат исмли ўғирлаб кетилган келинчак бўлса, тоғу тошларда, ғорда танҳо истиқомат қилишади. Бу бизга машҳур севимли қаҳрамонлар Робинзон Крузо ҳамда Дерсу Узалаарни эслатади.

Адибнинг юқоридаги асарлари китобхонлар даврасида довруғ қозонди. Чунки унинг қаҳрамонлари Мамажон ота ҳамда Омонча аялар ҳозирги кунда Повулғон қишлоғида, исми ўзгартирилган Сабоҳат (Манзура) бўлса Кўқон шаҳрида истиқомат қиласидилар. Шунингдек 2004 йили чоп этилган “**Топталган гулбадан**” (“**Зебузар**”) деб номланган детектив қисса қаҳрамонлари ҳам замондошларимиз бўлиб, асар реал воқеаларга асослангандир.

Инсон савдосига қарши курашишга бағишлиланган “**Зебузар**” асари асосида республика телевиденияси 2008 йили миллий сериал фильмини яратди. Мазкур фильм энг долзарб ва ҳозиржавоб асар сифатида ҳозирги кунда кенг томошабинлар оммасига қайта-қайта намойиш этилмоқда.

Набижон Ҳошимов асарлари қаҳрамонлари серҳаракат, изланувчан, “қизик” одамлар. Улар бир ерда тинч ўтиришмайди. Чет элларда, овлоқ тўқай, кимсасиз тоғу-тош, ўрмон хатто Сибирнинг олис ўрмонларини кезиб юради. Миллати ҳам турлича—ўзбек, қозоқ, қорақалпок, рус, татар, тожик ва хоказо.

Лекин қаҳрамонларини замондошларимиз орасидан топаётган изланувчан адабнинг энг диқатга сазовар асари – “Чимилдиқли уй ноласи” романидир.

Мазкур асар Набижон Ҳошимовнинг адаб сифатидаги маҳоратини яна бир погона ошганидан далолатdir.

Ёзувчи Набижон Ҳошимов кейинги етти йил ичида ўзини кўп тармоқли ижодкор сифатида ҳам намоён қила олди. 2004 йилда Муқумий номли мусиқали драма театрида сахналаштирилган унинг “Додагинам” номли мусиқали комедияси, 2008 йилда экранлаштирилган “Зебузар” номли миллий телесериали унинг мохир драматург сифатида ҳам намоён этди. Шунингдек бу даврда “Покланган фирибгар” (2009), “Осмон кўрмаган юлдуз” (2010) каби воқеий ҳажвий қиссаларни ҳам нашр этириб, жамиятимиз ва турмушимизда учрайдиган баъзи нуқсонларни ўткир сатира қалами остига ола билди.

Айниқса, “Осмон кўрмаган юлдуз” асари ўз туғилиб ўсган қишлоғи ва замондош Олтиариқликлар ҳақида бўлиб унинг қаҳрамонлари ҳақиқий бор одамлар, қолаверса, исмлари ва воқеа жойларининг ўзгартирилмаган холда ёзилганлиги билан кескин фарқ қиласи. Жумладан, ўз акаси Неъматжон машҳур Олтиариқ бодринглари ўрнига бошқа экин экмоқчи бўлган полосонлик ўртоғи Анварга (ҳозирда уни “Анвар патиссон” деб чақиришади) патиссон уругини берган. Аммо Анвар патиссон қанақа экин эканлигидан ва хосилни қай вақт йиғишириб олишдан бехабар бўлгани учун патиссон меваси жуда йириклишиб кетиб худди чиройли ўзга сойёра кемасига ўхшаб қолади. Асар қурилмаси ана шу воқеа атрофида кечиб муаллиф Повулғон қишлоғидаги бошқа хангомаларни ҳам усталик билан шу воқеа атрофида жамлай олган. Шунингдек, қишлоқнинг тарихи, унинг дилкаш, кулгусевар одамлари қиёфасини ўзида акс этдирган. Қолаверса, муаллиф ҳам ўзини ана шу қишлоқ ахлининг бири сифатида фахрланади ва ўзи устидан ҳам мириқиб кула билади. Бу унинг ўз туғулиб ўсган юртини чин дилдан севиши, миришкор ва тадбиркор Олтиариқликларга бўлган чексиз хурматидан далолат беради.

Умуман олганда ҳамқишлоқ, ҳамюрлар, ватан туйгуси Набижон Ҳошимов асарларининг диққат марказида туради. “Аросат дунё” (“Ёввойи куёв”), “Осмон кўрмаган юлдуз”, “Гастарбайтер Мусабек” асарларида ўзи туғилиб ўсган қишлоғи ва

қўшни қишлоқлар ҳақида ёзилган бўлса, “Чимилдиқли уй ноласи”, “Эр либосли аёл” романларида Боғдод ва Қува туманларини, “Ёввойи келин”, “Мужоҳидлар изидан” асарларида қўшни республикалар жойлари Зарафшон, Сўҳ туманлари ва Тошкент шаҳрини акс этира билган.

Эндилиқда адиднинг ижодий географияси тобора кенгаймоқда. Ҳозирги кунда хорижга кетувчилар, жумладан Россия ўлкаларига ноқонуний йўл билан ишлагани кетиб турли тақдир синовларига дуч келаётган баъзи замондош юртдошларимиз эндилиқда унинг қаҳрамонларига айланиб бормоқда. Жумладан “Чимилдиқли уй ноласи” романи Олтой ўлкаси ва қисман Қозогистон тасвирланган бўлса “Гастарбайтер Мусабек” номли саргузашт қиссаси Санкт-Петербург шаҳри, “Тоғлик қиз қисмати” роман-новелласида бўлса, Красноярск ўлкалари қаламга олинган.

Адид ҳозирги кунда ўзбек адабиётида танқисроқ бўлиб қолган илмий-фантастика мавзусига ҳам қўл урди. Бу унинг 2009 йили нашр этилган “Самовий муҳаббат” номли лирик фантастик қиссасидир. Бунда адид нафақат юртимизнинг гўзал гўшаларини, балки ҳаёт мавжуд бўлган орзудаги ўзга сайёра табиат манзараларини ҳам тассавур қилишга уриниб кўрган. Бу Набижондаги бадиий маҳорат, ижодий хаёлотнинг тубсиз, чегарасиз эканидан далолат беради. Хуллас, адидимиз замондошларимиз образларини яратишда адабиёт ва драматургиянинг турли жанрларидан фойдаланиб тадқиқот олиб бора оловчи ўз ижодий лобараториясини яратса олди.

Мустақиллик байрами арафасида Президентимиз Ислом Каримовнинг Бухородаги янги театр очилиши муносабати билан билдирган “Замон қаҳрамони” образини яратиш борасидаги таклифларига “лаббай” деб жавоб берган Набижон ҳозирги кунда бу борада тинимсиз меҳнат қилмоқда. Жумладан, “Эр либосли аёл” драмаси “Осмондан тушган куёв”, “Оқагинам”, “Безовта уй” каби мусиқали комедия саҳна асарлари, “Шаҳарлик шаҳзода”, “Халоват” деб номланган киносценарийлар ёзиб тутатди. Уларда замон қаҳрамонлари, қишлоқларнинг шаҳарга яқинлишиши, шаҳарлик ёшларнинг қишлоққа интилиши ва ёш оиласарнинг янги типдаги уйларда истиқомат қила бошлашлари, янги ишчи ўринлари яратиш, хусусий тадбиркорлик ҳамда хорижий инвестицияларни Ўзбекистонга жалб қилиш бўйича саъий-харакатлар, миллий қадриятларимизни эъзозлаш ва ватанпарварлик руҳида камол топаётганларини тараннум этувчи асарларни қаламга олмоқда.

Биз Набижондан “Сизни қандай орзуларингиз бор?” деб сўраганимизда у “Юртимиз ҳар соҳада тарақий этмоқда. Миллий қадриятларимиз эъзозланиб, спорт ва санъат соҳсида ҳам дунё миқёсида Республикамиз нуфузи тобора ортиб бормоқда. Афсуски ҳозирги замон ўзбек адабиёти халқаро миқёсига чиқа олгани йўқ. Қани энди асарларимиз таржима қилиниб дунё юзини кўрса, юртимизнинг замона қаҳрамонлари ҳақидаги китоблар хорижлик китобсеварларни ҳам лол қолдира олса” деб жавоб берди.

Биз кўп қиррали ижодкор, Ўзбекистон ёзувчилар уюшмасининг аъзоси Набижон Ҳошимовга ўз орзуларидаги долзарб асарларни дунёга келтира олишида омадлар ҳамда ижодий баркамоллик тилаб қоламиз.

“КУЛГИДАН КАСАЛЛИКЛАР ЕНГИЛАДИ”

“ШИФО-ИНФО” газетасининг маҳсус муҳбири Ўқтамой Холдорова билан суҳбат (“Шифо-инфо” 24 март 2011 йил №12 (319)).

Набижон ҲОШИМОВ “Зебузар” телесериали орқали қўпчиликка таниш. Унинг “Чимилдиқли уй ноласи”, “Ёввойи келин”, “Самовий муҳаббат”, “Осмон кўрмаган юлдуз”, “Эрлибосли аёл”, “Ёввойи куёв”, “Покланган фирибгар”, “Гастарбайтер Мусабек” каби ўнлаб саргузашт ва ҳажвий асарлари китобхонлар томонидан илиқ кутиб олиниб, аллақачон ўз муҳлисларини топган.

Бугунги суҳбатимиз Ўзбекистон Ёзувчилар уюшмаси аъзоси, ёзувчи ва драматург **Набижон ҲОШИМОВ** билан бўлиб ўтади.

Савол: - Набижон ака, сизнинг насрый асарларингизни ўқиб бораман, айтинг-чи, асарларингиз қаҳрамонлари тўқима образларми ёки ҳаётдан олинганми?

Жавоб: - Асарларим қаҳрамонлари асосан ҳаётдан, замондошларимиз, юртдошларимиз орасидаги турли тақдирли одамлар ҳаётидан олинган. 2003 йилда “Зебузар” асарини ёздим, бу асар одам савдосига бағишлиланган долзарб мавзу бўлгани учун ЎзТВнинг Ёшлар канали билан ҳамкорликда телесериал ишланди ва ана шу долзарблиги туфайли бугунги кунда ҳам қайта-қайта намойиш этилмоқда.

Мен асосан детектив, мелодрама, воқеий-саргузашт асарлар ёзаман, бундан ташқари, фантастик қиссаларга ҳам қўл урдим. “Самовий муҳаббат” номли фантастик саргузашт қиссан ўзбекистон Кино Миллий агентлиги ижодий кенгаши тасдиғидан муваффақиятли

үтди. “Ёввойи келин” номли асарим қаҳрамони қўқонлик Манзура исмли аёл бўлиб, у кишининг ўzlари хикоя қилиб берган бошидан кечирғанлари ҳақида ёзилган.

Саргузаштларни жуда яхши кўраман. “Ёввойи келин” детектив-саргузашт романимда гиёхванд бир йигит қизни чимилдиқдан ўғирлаб кетиб, уни Чуст тоғидаги катта бир ғорга яширган экан. Асарни ёзишдан аввал ўша ғорни ўз кўзим билан кўриб келдим. Қиз қочиб кетмаслиги учун уни занжирбанд қилиб қўяркан. Бир тасодиф туфайли йигит ўлиб кетади, қиз эса тирик қоларкан. Қиз бир ярим йил шу ғорда яшаб, ёввойилашиб кетаркан...

Савол: - *Халқ табобатидан ҳам анча мунча ҳабарингиз борга ўхшайди, чунки асар қаҳрамонларини даволашда турли гиёҳлардан самарали фойдалангансиз, шундай эмасми?*

Жавоб: - Тўғри, мисол учун “Ёввойи келин” асаримда Маржон табиб яримжон бўлиб қолган аёлни гордан топиб олиб, уни даволашда халқ табобатидан фойдаланади. Бу асарни ўқиган баъзи китобхонлар мактублар ёзиб шу табибининг манзилини ҳам сўрашмоқда. Мен бу асарни ёзишдан аввал инсон саломатлигига оид кўплаб тиббий рисолаларни ўқиб чиқдим. Айниқса Ибн Сино асарларидан кўп фойдаланганман. Гиёхвандларни “нарвон” усули билан даволаш сирларини Ибн Синонинг бир рисоласидан топиб олдим. Бу республика Саломатлик институти мутахассисларини ҳам қизиқтириб кўйди ва улар ушбу асаримни ўқиб чиқиб, сўзбоши ёзиб беришди.

Савол: - *Билишимча, сиз адабиёт оламига кечроқ кириб келдингиз. Шундай бўлсада турли жанрларда асарлар ёзиб ўзингизни синаб кўряпсиз, жумладан фантастика жанрига ҳам қўл урибсиз. Фантастик асар ёзиши учун дунёқарашининг кенг бўлиши баробарида ижодкорнинг тасаввур олами ҳам жуда бой бўлиши керакми?*

Жавоб: - Албатта, биринчи навбатда бундай асар ёзиш учун ёзувчининг кўрган-кечирғанлари, ўқиган адабиётлари камлик қиласи. У кенг фантазияга (хаёлот), тасаввур оламига эга бўлиши билан келажакни олдидан тасаввур қила олиши ҳам керак. Гарчи техника олийгоҳига адашиб кириб қолган бўлсан-да, бадиий адабиётга жуда қизиқиб келганман. Ёшлигимдан Мопассан, Даниел Дефо, Жюль Верн каби жаҳон адибларининг дурдона асарларини кўп ўқиб ёзувчиликка ҳавасим уйғонган.

Жюль Верннинг ҳам асосий касби муҳандис бўлиб, у ҳам ижодини жуда кеч бошлаган экан. Лекин оламга машхур бўлган 12 та асарини 45 кун давомида ёзиб тугатган. 12 та асарини ёзиш учун аввало 12 та стол ясаб, қайсидан чарчаса бошқасига ўтиб, айланиб юриб ёзган экан. Бир пайтда ёзилган бу асарлари бир вақтнинг ўзида босилиб, уни машхур қилиб юборганилиги бизга маълум. У фантастик асарларида тасвирланган

тасаввур оламининг маҳсули сифатида бугун роботлар, сув ости кемалари, самолётлар, ракеталар яратилди ва бугунги кунда инсониятга хизмат қилмоқда. Чунки бу асарларни мутолаа қилган кейинги авлод вакиллари орасида кўплаб мухандис ва конструкторлар этишиб чиқишидидан техника тараққиётига улкан ҳисса қўшишди.

Савол: - Эшиитишиимизча, илк мусиқий комедиянгиз “омадли” бўлган экан...

Жавоб: - Театр саҳналари учун сценарийлар ҳам ёзиб тураман ва улар бир қатор театрларда саҳналаштирилмоқда. “Чорраҳадаги ҳангома”лар номли мусиқий комедия биринчи асарим бўлиб, (1996 йилда ёзилган) унинг саҳналашишига истеъдодли драматург Шароф Бошбеков сабаб бўлганлар. Мен бу асаримни Фарғона вилоят театри Бош режиссёри Мамасоли Юсуповга кўрсатган эдим, у кишига манзур бўлди ва асарни Шароф акага ҳам бир кўрсатайлик, дедилар. Тошкентга келиб уни Шароф акага ўқишга бердик ва у киши асарни ўқиб чиқиб: “Бу асар менга ёқди, жуда долзарб экан, саҳналаштиrsa бўлади”, деган таклиф киритдилар. Хуллас, комедия Маданият вазирлиги томонидан Фарғона вилоят театри режасига киритилиб, тез орада саҳна юзини кўрди.

Савол: - Кулгитерапия ҳақидағи фикрларингизни билмоқчи эдик. Чунки табиатингиздаги ҳажсвга мойиллик ёзган асарларингизда ҳам сезилиб турибди.

Жавоб: - Агар ёзувчининг ўзи кулмаса, ҳеч қачон ўқувчини кулдира олмайди. Ҳажвий асарлар ёзсан аввал ўзим ўқиб, мазза қилиб куламан. Юракдан келган кулгидан касалликлар чекинаркан. Қувноқ кишилар тез тузаладилар ва узок яшайдилар, деб ҳакимлар бежизга айтишмаган.

Хозир Россиянинг баъзи шифохоналарида ҳар қандай оғир касални кулги йўли билан даволаш мумкинлиги исбот қилинган. Кўплаб “Кулгитерапия (Смехотерапия)”лар очилиб, беморларни даволаш яхши самара берилаётгани ҳакида матбуотларда ёзилмоқда.

“Тоғлик қиз қисмати” номли китобимдаги “Эчки эмган беданавоз” ҳикоясидан бир шингил айтиб берай. Олтиариқда Абдубанноп исмли, 86 ёшли беданавоз яшайди. Унинг 200 тага яқин беданаси бор. У беданаларнинг ҳар бирига исм қўйган ва уларнинг ва-вақлашига қараб қайси исмли бедана сайраганини bemalol ажратади, беданалар сайраганда “Вах-ваҳ” деб завқланиб кетади. Нима бўлибди-ю у ёши олтмишларга борганида саратон касалига йўлиқади. “Бу ёғи Худодан, қўлимиздан келганини қилдик” дейишади шифокорлар. Унинг сўлиб бораётганини кўрган яқинлари йиғи-сигини бошлаб юборишади. Ўша куни Абдулла қассоб исмли бир қадрдан ўртоғи уни кўргани келади, қараса аҳвол чатоқ. Ҳеч кимга ҳеч нарса демай Абдулла ака ўсал бўлиб ётган беморни

шарт күтариб машинасига солиб жүнайди. Уни соғин эчкиси бор тоғлик оғайнисининг уйига олиб бориб, ўша эчки ёнига похолдан жой түшаб беради. Ҳар куни эчки сутини соғиб, унга ичираверади. Бемор кундан кун ўзига кела бошлайди. Бир куни дўсти бедана овига кетиб, Абудбанноп ота ёлғиз қолади. Бир пайт унинг яқинида ўтлар орасида бедананинг ва-вафи эшитилади, у хушёр тортади, товуш яна такрор эшитилади. Беданавоз ортиқ тоқат қилолмай аввало эчки тагига эмаклаб бориб уни тўйиб эмиб олдида сўнгра овоз келган томон аста эмаклай бошлайди. Қуш уни яна чорлайди. Охири бор нима бўлса бўлар деб, bemor ўрнидан туриб беданани қувлаб кетади ва унинг устига чопонини ёпиб ушлаб олади. Караса тепасида дўсти кулиб турганмиш. У атайлабдан беданани ипга боғлаб ўртоғини ўрнидан тарғазиш учун шундай чора қўллаган экан. Шундай қилиб Абдулла ака дўстининг умрини узайтиришга сабабчи бўлади-ю, аммо ўзи барвакт ўлиб кетаркан.

Савол: - Сиз түғилиб ўсган Повулғон қишлоғи нима учундир ҳангомаларга бойлиги билан эътиборда. Бунинг бирон сабаби борми?

Жавоб: - Бу қишлоқни Ўзбекистон Халқ шоирлари Анвар Обиджон Шакарқишлоқ деб ёзган бўлса, Эркин Воҳидов Донишқишлоқ деб атаган. Қишлоқ қадимда икки булоқ атрофига пайдо бўлган. Ҳангомалари жудаям кўп. Уни Болгариянинг Габровоси билан ҳам тенглаштиришади. Габровода ўта тежамкорлик ҳақидаги ҳангомалар бўлса, бизда одамларнинг соддалиги, самимилиги ва паришонхотирлиги туфайли келиб чиккан ҳангомалар кўп. Қишлоқ тарихини қизиқиб ўрганганман, бу паришонхотирликнинг сабаби бор экан. Мен бу булоқни “Осмон кўрмаган юлдуз” номли хажвий қиссамда “Кулги булоги” деб номлаганман. Қишлоқдаги бу икки булоқ қўшилиб суви бир ариқда оқсан, бири тоза сув бўлган, иккинчисининг суви истеъмолга яроқсиз бўлиб, ундан ичиш мумкин бўлмаган, фақат чўмилишгина мумкин экан. Одамлар ана шу ариқ сувидан не замонлардан буён ичиб келишган ва бу сувни одамни ичгани ҳамоно сал паришонхотирроқ қилиб кўяркан.

1920 йилларга келиб сув таркиби мутахассислар томонидан ўрганилиб, бу сув истеъмолга яроқсиз деб топилади ва маҳаллий аҳоли бу булоқни хашар йўли билан кўмиб ташлайди. Шундан сўнг шакарқишлоқликлар устидан бошқалар кулмайди, одамлар паришонхотир бўлмайди, энди бу пок бўлди деб, қишлоқнинг номини “Пок бўлғон” деб аташади. Кейинчалик бу ном маҳаллий шевада Повулғон бўлиб кетган экан. “Кулги

булоғи” бекитилган бўлса-да, қадимги аждодларимиздан қолган юзлаб ичакузди ҳангомалар ҳозирга қадар ўзбек халқ оғзаки ижодини бойитиб келмоқда.

– *Тилакларингиз!*

– “Шифо-инфо” муштарийларига баҳорий илиқлик, қўнгил хотиржамлигини тилайман. Кўпроқ очик ҳавода пиёда сайд қилиш, боғларга, тоғларга, қўнгил-очар жойларга тез-тез бориб туриш билан биргаликда ҳажвий ва саргузаштларга бой асарларни тез-тез мутолаа қилиб туриш ҳам инсон руҳиятига ижобий таъсири қилиб, аъло кайфият бағишлади.